

Amuletum Castrense:

Sive

ANTIDOTVM ADVERSVS PERNITIOSOS

CALVMNIARVM AFFLATVS, TRISTES

que bellorum motus, ex Boëmico tumultu
enatos.





AVCTORE

ADAMO TANNERO,
E SOCIETATE IESV THEOLOGO.

In quo

*DISCVSSIS VANIS, VARIISQVE
ACATHOLICORVM QVORVNDAM LOEDORIS ET
criminationibus; tum aduersus Religionem Catholicam; tum aduersus
Principes Orthodoxos, & Ecclesiasticum Ordinem; in primis verò con-
tra Societatem IESV sparsis; vera bellorum ac tumultuum presentium
origo detegitur; & quoad fieri potest, innoxijs, honestisq. modis
ac medijs, seu amolienda, seu toleranda
proponitur.*



INGOLSTADII,


Ex Typographeo Ederiano, apud Elisabetham
Angermariam, Viduam.

Anno Domini M. DC. XX.

Approbatio Facultatis Theologi- cæ Ingolstadiensis.

Cum Orthodoxis omnibus hoc vnice
propositum sit, vt (sicubi fides & religio salua
esse potest) se pacificos exhibere studeant,
etiam ijs, qui pacem oderūt; iniquissimos esse
apparet eos, qui Catholicos Doctores, velut
ruptores foederum, dissensionis etiam ac bel-
lorum incentores inculant; quorum calum-
nia, quia *Castrensi* hoc *amuleto*, solidissimis, è
Scripturâ, Patribus, & multiplici ratione de-
ductis argumentis refutatur, ac in ipsos eius
autores iure optimo (multæ hoc & præcla-
ræ probant rationes) retorquetur; dignissimū
illud censeo, quod euulgatum typis omnibus
innotescat.

LEO MENZELIUS S. Theol. D.
& Profess. & pro tempore Decanus,
Vniuersitatis Ingol. Rector & Procä-
cellarius, &c.



INDEX CA

P I T V M.

*Caput I. Ecclesiam veram ac Catholicam
semper bellis ac persecutionibus fuisse
infectatam; vinci tamen non posse: nec
adeo pacē eius oppressione sperandam.*

*II. Doctrinam quidē Ecclesie Catholica
fingi & componi non posse, ad vota ho-
stium; nec tamē esse causam, cur studio
pacis sit immutanda; quando seditiosa
minimē est, sed pacifica.*

*III. Catholicos Principes, velut Aduoca-
tos & defensores Ecclesie, adstringi ad
hæreses, non minus quam alia scelera,
in suis ditionibus pro viribus prohibē-
das & eliminendas; nec posse salva con-
scientia libertatē Religionis promiscue
ac prohibitu tolerare; imo nec ad fir-
mam solidamq; pacem conducere, etsi
necessariò quandoq; toleratam.*

IV. *Nec Jesuitas, nec ceteros Ecclesiasticos, dum vel ex officio, vel pro ratione instituti sui, Religionem Catholicam, contra aduersarios propugnant, seditionum ac bellorum culpam sustinere; nec ideo suum officium vocationemq; deferere posse.*

V. *Causam ac culpam bellorum & tumultuum, quibus Germania ac finitima Prouincia, religionis causa, Annis iam fere centum infestata fuisse, sustinere inquietum noui Euangelij spiritum, ad concitandas turbas natum.*

VI. *Culpam bellorum, ac turbata pacis ex Caluini schola enatam, hoc tempore, in solidum residere penes Incentores & Antesignanos Boëmica rebellionis, eorumq; coniuratos.*

VII. *Causam generalẽ bellorũ esse peccata; quae proinde omni studio emendanda.*

VIII. *Bella bonis non nocere: & quodnam belli tempore sit Christiani hominis, atque etiam militis officium.*

IX. *Vere ac solida pacis constituende ratio, & votum.*

AD



AD CANDIDVM Lectorem.



Vanam, & quāta mala,
iam ab Anno M. DC. XVIII.
primum quidem Boëmiæ Regnū;
deinde vero, serpente magnis in-
crementis contagione, Austriam;
mox etiam Anno M. DC. XIX.
Moraviam, Silesiam, Hungariā;
ac ipsas deniq. etiam Romani Im-
perij partes ac Prouincias quasdam, non corripuerint solum,
& obiter strinxerint; sed quasdam etiam tantum non op-
presserint, atque in hodiernum vsque diem pertinaciter
premunt, ac minaciter obsideant; nemo est, qui nesciat.
Nec verò quisquā bonus esse potest, qui hæc non doleat; qui-
que remedium ac finem tantis calamitatibus non optet,
verā ac firmā pace constituta. Hæc namque mala, ut
sapienter pronuntiauit S. Augustinus, tam magna, tam
horrenda, tam sæua, quisquis cum dolore consi-
derat, miseriam necesse est fateatur. Quisquis au-
tem patitur ea, sine animi dolore, vel cogitat,
multo vtique miserior, ideo se putat beatum, quia
& humanum perdidit sensum.

*Sed & in hoc facile omnes consentiunt, ut velut in
grauioris morbi grassante periculo, causam mali inuesti-
gandam,*

*August. tom. 5.
lib. 19. de Ciuit.
cap. 7.*

Ad Candidum

gandam, eamque pro viribus auertendam censeant; siquidem mali originem deprehendisse, malum ipsum propemodum effugisse est: attamen cum particulatim causa & origo mali designanda est, tunc nimirum tam variè sententijs disceptatur, quam varia sunt disceptantium studia, & diuersi affectus. Nemo est, qui non eam, cui suam fidem animumque addixit, partem, à tanti mali culpa liberam pronuntiet; Nemo qui non in aduersæ partis studia conatusque causam reiiciat: vel quia nemo quod à tergò est mantica inspicit, vel suum quisque, quem palam etiam gestat nauum, tegit.

Quod si A catholicorum quorundam de hac causa sententiam roges, eam mox ipsi non dubio iudicio depromunt. Quidam ipsam Catholicam Religionem accusant; quasi Deus iusto iudicio eam ob impios errores, ac detestabilem, uti ipsi vocare solent, Idololatriam, multetatum, ne dicam, in Germania euersum ire decreuerit. In quo genere sunt illi etiam, qui superiore Anno M. DC. XIX. exeunte, germanico scripto, ob occupatam, uti iactabant, Hungariâ, Catholicis & Catholica Religioni, quasi DEVS ipse suo eam iudicio damnet, insolenter admodum insultabant, in eas etiam temerè voces effusi: ô Cæcitas Iudaica, ô pertinacia Assyrica, ô tenebræ Babylonicæ.

Multi, Reges ac Principes Catholicos causantur; quasi pacta & conuenta de libertate fidei cencedenda non seruarint; sed vel per se, vel per suos Administros variè violarint. Hanc quasi palmarem ac palmipedalem suam ab initio defectionis, ac conspirationis causam palam ac ubiq. pratenderunt Bobemi; in hac vel sola satis sibi virium ac presidij esse rati, qua suam causam tuerentur.

Plurimi, ac pene omnes, inter ceteras causas, tum ex Ecclesi-

*De occup. Reg.
Hung. Pragæ,
Anno 1619,*

Lectorem.

Ecclesiasticis etiam Praefulis nonnullos, tum praecipue Iesuitas culpant, quasi zelo Religionis Catholicae plus nimis indulgentes, vel priuatis consilijs, vel publicis concionibus ac libris, literas Regiae Maiestatis, pro libertate Religionis Anno M. DC. IX. in Bobemia concessas, aut violarint ipsi, aut violandis ijs causam praebuerint. Estque id adeo nunc crebris Aduersariorum quiritationibus ac nanis, voce ac scripto passim diuulgatum, ac decantatum, ut quod credi vix possit, nonnulli etiam Catholicorum in eam propemodum inducti esse ferantur sententiam; siue quia ob animi candorem ac integritatem, suo alios pede medientes, sibi persuadent, falsum esse non posse, quod tam consentientibus plurimum vocibus conclamatur; siue quia dum in Iesuitis zelus Religionis culpat, eam ipsi accusationem in Iesuitarum potius honorem, quam probum cedere interpretantur; ut non tam maleuolentia videatur, eiusmodi querelis fidem habuisse, quam inuidia, abrogasse: siue denique quia ex illis ipsis, qui se Catholicos profitentur, nonnulli partim religionis affectu, partim studio pietatis languidi, facile improbant ea, a quibus sua non probari studia affectusque intelligunt.

Quid vero ex his iudicijs consequens sit, nemo est, qui nesciat. Nimirum hac principia habentur conclusiones: Ut Aetholici illi, quoniam Iesuitis, Principibus Catholicis, ipsique Fidei Catholicae, has clades imputant, non occulte eam ipsam, veluti originem ac fontem malorum, exterminandam proclament. Quod ipsum tamen in Iesuitas quidem, ut a quibus nihil admodum sibi metunt, palam & apertis vocibus sane impudenter faciunt; in Principes autem & Religionem ipsam Catholicam, tanto re ipsa nacentius, quanto verbis parcius.

Ad candidum Lect.

Ceterum ut suus veritati, ac innocentie stet honor; atque etiam ut non inanibus studiis malis presentibus obuiam eatur, veraque & belli amoliendi, & pacis tuende obtinendaque ratio ineatur; his omnibus causationibus resellendis, breuiculus iste libellus conscriptus est, Amuleti castrensis nomine; ut inter castrenses hasc turbas, grauesque volaticae fama halitus, aduersus perniciosos calumniarum afflatus praesens antidotum exhibeat: in quo perspicue ostenditur, non Religioni Catholica; non Principum, aut Praesulum Catholicorum; nec etiam Iesuitarum in religionem Catholicam studio, presentem hanc tumultuum ac bellorum tempestatem imputandam. Deteguntur simul etiam, quia ita & res ipsa postulabat, & accusatorum importunitas coegbat, vera ac genuina eius perturbationis, malorumque passim grassantium causa; siue ut, si fieri potest, in praesens emendentur; siue ut in posterum cauantur. Et quamuis ipse etiam a studio partium alienum me profiteri nec velim, nec possim; ita tamen, DEO bene iuuante, rem exequar, ut nil affectui, sed pura & sincera veritati solum studuisse, etiam aduersae partis lector intelligat; si modo affectum ipse suum ita cum veritatis amore contemperet, ut non plus affectui dedisse videri velit, quam veritati. Protestor simul, cum non minus pacis publicae studium, quam veritatis amor unice mihi cordi sit, nihil me docturum dicturumque, quod aut doctrinae Catholicae Ecclesiae, aut sacri Romani Imperij Constitutionibus, publicisque pactis & conuentis contrarium sit; ac siquid forte praeter mentem secus dictum exciderit, irritum indictumque habere velle.



C A P V T I.

*Ecclesiam veram & Catholicam semper
bellis ac persecutionibus fuisse infestam;
vinci tamen non posse: nec adeo pacem
eius oppressione speran-
dam.*

Vetus est hæc, etiam olim ante annos plus
mille ducentos, aduersus Christianos, ac
ipsam Christi Ecclesiam, ab infidelibus
iacta Calumnia; eam esse, quæ causam
culpamq; bellorum, aliarumq; calamitatum, qui-
bus tunc etiam Romanū premebatur Imperium,
præbeat & sustineat; absq; ea, si mundus foret, aut
mala tanta nō exitura, aut certe nō tam diuturna.
Refert, & refellit hanc accusationem ex instituto
S. Augustinus prioribus libris quinque de Ciuitate August. lib. 2.
de Ciuit. cap. 20.
Dei; Occurrit, inquit, *mibi respondendū esse primitus eis,
qui hæc bella, quibus mundus iste conteritur, maximèq; Ro-
mane Urbis recentem a barbaris vastationem, Christianæ
Religioni tribuunt, qua prohibentur nefandis sacrificiis ser-
uire demonibus. Et rursus: De Ciuitate Dei, inquit, di-August. lib. 4.
de Ciuit. cap. 10.
cere exorsus, prius respondendum putat aut eius inimicis; qui
terrena gaudia consecrantes, rebusq; fugacibus imbrantes,
quidquid in eis triste, misericordia potius admonentis Dei,
quàm punientis seueritate, patiuntur, Religionem increpi-*

August. lib. 5.
de Civit. c. 21.

tant Christianam; quæ una est salubris & vera Religio. Ec-
deniq; : Multi, inquit, præteritarum rerum ignari, qui-
dam etiã dissimulatores sue scientiæ, si temporibus Christianis
aliquid bellum paulo diutius trahi vident, ilico in nostram
Religionem potentissimè insiliunt, exclamantes, quod si illa
non cesset, & veteri ritu Numina colerentur, iam Romana
illa virtute, quæ adiuuante Marte & Bellona, tantæ celeriter
bella confecit, id quod, celerrimè finiretur.

His affines, hoc tempore, sunt ex A catholicis
Scriptores nonnulli, qui occasione Boëmicæ fed-
tionis, cuius fautores se profitentur, Ecclesiæ Ca-
tholicæ acerbè admodum ac impudenter insultant;
ita quidem, ut non solum præsentibus ipsi calamita-
tes imputent; Sed simul etiam exitium, interitum-
que minitentur. Talis est auctor Scripti illius Ger-
manici, quod exeunte Anno M. DC. XIX. sub ti-
tulo; *Occupationis Regni Hungariæ*, Pragæ euulgatū est.
Is enim cum in ipso libelli titulo magna elationis
significatione, nec minori vanitate iactasset, præter
spem omnem humanam (Deo scilicet auctore) Regnum
Hungariæ à Transylvano principe fuisse occupatum, ipsamq;
Coronam Regni ab eodem obtentam, tandem in fine ad-
uersus Catholicos ita exclamat: *O Cæcitas Iudaica;*
ô pertinacia Assyrica; *ô tenebræ Babylonice;* addit; *nec si*
Propheta ipse Ieremias adueniret, fidem apud eos reperturū.

Nec minus Boëmi Rebelle, Deum, veluti suæ
causæ ac Religionis *Vtraquisticæ*, seu quod idem est,
Husso Piccardo Luthero Calvinistica, patronum ac defen-
sorem; Ziskam verò nefarium eius vindicem
magnificè iactant; etiã Cantico, *Te Deum laudamus*,
in publicæ lætitiæ ac gratulationis signum decan-
tato;

rato; quando Turcæ Vafallus ille Christiani ac Catholici Regis prouincias vastarat.

Tales sunt etiã plures aliæ Lœdoriæ, aduersus Religionem Catholicam ab Acatholicis quibusdã Sannionibus & Irrisoribus hoc anno M. DC. XX. editæ; in primis vero charra fabulatoris Anonymi, qui vernacula lingua, sub nomine, *Vena sectionis Papisticae*, libellum edidit, in quo Ecclesiæ Catholicæ insultat, quasi de eius vita & valetudine iam sit actum & conclamatum.

Die Bapst
sche Aderlaß.

Nec multo aliter non ita pridem Caluinisticus Pæco, belli Turcici causam in Catholice religionis impietatem contulit: *Quid Turcarum*, inquit, *Tartarorum acynaces*, aduersus Christianum orbem exacuit, & ad vsq. Germaniæ atq. Italiæ limina pertraxit, nisi inde quidam horribilis Papistarum Idolomania, quæ per nostram discordiam creuit, & crescit in dies: hinc verò Euangelicorum tum peccata alia, tum fatales rixæ atq. conflictus (quid ni & defectio ab antiqua, vera & Catholica Maiorum fide) quibus charitus fraterna proculcata, pax intestina conturbata fuit, &c. Ex quibus duabus causis posteriorem vt negemus nullã plane causam habemus. Addit idem Haidelbergensis Prædicans minas aduersus totam Ecclesiam Catholicam, quasi breui interituram; si suo consilio pareatur: *Macli*, inquit, *vos Proceres*, *vos Ordines*, *vos Theologi*, qui sanctum (quintum) Euangelium communiter in Germania profitemini, quid cessatis? aut quid litigatis amplius? Insistite vestigia laudatissimorū Bohemiæ procerum, Ordinum, Theologorum: & facessent in Germania rixæ, cessauit scandala, redibit pax, vigebit Concordia, curret Euangelium, florebit

David Param
in Irenico cap.
14. & 18.

Luth. admonit.
ad Christ. tom.
2. l. 10. Germ.
fol. 69.

*Ecclesia, ruel Papatus, regnabit Christus, conficietur Anti-
christus.* Nimirum qua ratione & Lutherus olim
intra biennium, (mendaciter quidem) Ecclesiæ
Catholicæ interitum est vaticinatus.

Psal. 88. Isai. 9.

Isai. 33.

Isai. 62.

Daniel. 2.

Eccl. 3.

Luce. 1.

Matth. 16.

1. Tim. 3.

Sed frustra sunt Illusores isti; nunquam ipsi,
nunquam eorum posteritas, Ecclesiæ Catholicæ
ruinam & interitum spectabunt. Peribunt ipsi, non
peribit Ecclesia Catholica; Hæc est enim *Thronus
spiritualis, Soliumq. ac Regnum Davidis*; quod *instar Solis
in æternum manet*; hæc est *tabernaculum*; quod nequa-
quam transferri poterit; nec auferentur clavi eius in *sem-
piternum*: & omnes funiculi eius non rumpentur: Hæc est
Ierusalem illa; cuius *custodes murorum tota die, &
tota nocte, in perpetuum non tacebunt.* Hoc regnum illud,
quod *in æternum nō dissipabitur*: hæc sponsa, quam Deus
repudiata Synagoga, sibi desponsauit *in sempiternum*.
Hæc est *mons Sion*, in quo regnabit Dominus, ex hoc, nunc,
& usq. in æternum; hæc *Sedes David*, & *domus Iacob*, in
qua regnabit Christus in æternum; & regni eius non erit
finis: Hæc est illa Ecclesia, aduersus quam *portæ inferi
non preualdebunt*: Hæc deniq. est, *columna & firmamē-
tum veritatis.* Certè Hussitica, Pikarditica, Luthera-
na, Caluiniana, Zuingliana, Anabaptistica, talis
Ecclesia non est: quarum singulas totis mille retro,
& amplius annis, nec vnica quidē urbem, pagū,
domum, angulum, familiam, imò nec vñum ho-
minem sui asseclam & professorem habuisse con-
stat. Sola Catholica Romana Ecclesia, iuxta addu-
cta scripturæ sacræ vaticinia, à primis Euangelij
primordiis, constans semper, & aduersus omnes
Tyrannorum & hæreticorum insultus stabilis in
fide,

fide, fideique confessione permanfit: talis proinde etiam ad finem vsque mundi permanfura.

Ecclefia nimirum, inquit S. Ambrosius, *tempo- r. a sua habet perfecutionis & pacis. Nam videtur ficut Luna deficere; sed non deficit: obumbrari poteft; deficere nō poteft.* Ambros. lib. 4. Hexamer. c. 7.

Et S. Hieronymus: Super Petram, inquit, fundata *Ecclefia, nulla tempeftate concutitur (ad ruinam) nullo turbine, ventisq; subuertitur. Porta Inferi non praualebunt aduerfus eam.* Hieron. in cap. 4. Ifai.

Fidelis sermo, inquit S. Athanasius, & non vacillans *promiffio. Ecclefia inuicta res est: Etiamfi infernus ipse commouetur; etfi qui in inferno funt, mundi principes & tenebrarum tumultum faciant.* Athanasius orat. quod unus fit Chriftus.

Et S. Chryfoftomus: Sanguis Chrifti irrigat Eccle- *fiam; & ideo plantaria eius marcefcere non poffunt; nec amittunt folia arbuftea eius; non fubiacet neceffitati tempo- ris; nec est conditioni obnoxia, ut per xflatem coma folio- rum tegatur, hieme amittatur. Non tenetur temporū qua- litate; Sed fpiritus eam Sancti gratia gubernat; & ideo nō fenefcit, nec contrahitur; & multis impugnantibus, non op- primitur. Chrifti enim Ecclefia, inquit idem alibi, nihil fortius. Siquis eam impugnare proponit, vires atterat ne- ceffe est, velut fi cælo bellum meditetur inferre, &c. Fortior enim Ecclefia multo, quàm terra; imo & fortior cælo. Cæ- lum & terra transibunt, verba autē mea non transibunt, &c. Tu es Petrus, & super hanc Petram ædificabo Ecclefiam meā, & porta inferi non praualebunt in eam. Conftat nimirum, uti idem S. Pater ait, Ecclefia folida, & ftabilis, ac inuicta, florens ac fulgens, in dies magis ac magis vicens, crefcens, & plus roboris fumens.* Chryfoft. f. de Pentec. Chryfoft. hom. cum in exitum mittēdas effes. Chryfoft. de monst. aduers. gent. quod Chri- ftus fit Deus.

Testis est vtraq; India, Iaponia, China, è quibus

Ecclesiæ Catholicæ, multo plus terrarum accessit, quàm in his partibus hæresum vastatione decesserit. Parua sunt hæc, quæ hodie Ecclesia Catholica ab hostibus perpetitur aduersa & pericula, præ illis, quæ olim à Tyrannis & hæreticis perpeffa est. Sane sub Annum Christi C D. X C. Gelasio Pontifice, Imperator Anastasius, Eurychianus erat Hæreticus; Reges Italiæ, Hispaniæ, & Affricæ erant Ariani; Reges Francorum, Anglorum, Germanorum Pagani: & tamen verâ Ecclesia destrui non poterat: quia fundata erat super Petram, & porta Inferi aduersus eam non poterant prævalere.

Vid. Chronolog.
Bellarm. ibid.

Aug. in Psal.
47.

Sed forte, inquit S. Augustinus, ista ciuitas, quæ mundum tenuit, aliquando euerteretur? quid times, ne cadat firmamentum? Fremant ergo licet Iudæi; frendant hæretici; omnigeni hostes vndiquæ infanti-ant; nunquam Ecclesiam Christi Catholicam euerterent; nauicula hæc mari procelloso assiduè iactatur, sed non absorbetur: concuti ventis & fluctibus potest; euerri nō potest. De Lutheri potius, Caluini, ac nouo quisq; suo Euangelio viderint aduersarij; cui Lutherus ipse in Germania interitum toties minitatus est: quodq; vt nouiter primū exortum est, ita quandoq; etiam defecturū, omnium sectarum more, planè existimandum est.

Vid. Prophetias
Lutheri latine
adatas Anno
1550. per Ioan-
nem Amster-
damū plurib.
locis, & germa-
nicè per M. Ge-
orgium VVal-
ther An: 1559.
tit. 1. append.
Culliq. Sympos.
Francos. Anno
1571.

Quod si iam primum persecutiones experiretur vera Ecclesia; antea semper ab iis immunis, tūm quidem ratio esset, cur nouum illi quippiam euenisse, neque pristino eam amore à Deo diligere, crederemus: iam vero quis nesciat, pios & Orthodoxos nullo ferè non tempore persecutionibus, bellis,

bellis, aliisq; calamitatibus à Deo priuatim publicęque fuisse exercitos? In prima orbis terrarum familia & principatu, nonne pius Abel ab impio Cain atrociter trucidatus fuit? Annon in Abrahami domo proteruius Ismael bene moratũ Isaac; in Isaaci progenie reprobis Esau dilectum Deo Iacobum; in Iacobi familia inuidi fratres amabilem Iosephum acerbè persecuti fuerunt?

Aduersus Dauidem, virum secundum cor Dei efformatum, quantæ non calamitates Deo seu volente, seu permittente immissæ? Saulis acerba persecutio, fuga & exilium ex patria; vnus desideratissimi filij orbis; alterius funesta ex fraterno ferro cades; tertij impia defectio, & aduersus patrem coniuratio; vxorum simul ac filiarum incesta violatio; pestis & lues in populum defæuens; bella penè assidua à Philistæis, Amalecitis, Ammonitis, Idumæis, Syris: propriæ vero ipsius personæ quanta nonnunquam depressio; vsque ad fugam nudipedem ex Regia, grauissimas contumelias & opprobria subditorum, ac præsentissimũ mortis funestæ periculum. Et inter hæc omnia tamen aduersa, quanta regnantis gloria; quàm augustum Imperium; quàm gloriosus & fœlix in pace exitus. Vt verè dici possit, neminem e regibus faciliè sanctiorem fuisse Dauidem; e Sanctis Regibus nullum maioribus fuisse afflictatũ calamitatibus in Imperio; nec vllum tamen imperasse gloriosius.

Vel hinc ergo constat, non solum orthodoxos; sed etiam pios, imò magnos, & fortunatos aliquando reges, à Deo nonnunquam bellis exterorum, rebel-

*vid. lib. v. & v.
Reg. & 1. Paralip.*

rebellionē subditorum, perfidia domesticorum, aliisque calamitatibus à Deo affligi: vt id pròinde etiam hodie cum accidit, non sit documentū falsæ Religionis; sed sæpè probatio virtutis; quia Deus, *quos amat, castigat*; nonnunquam macularum & delictorum, quæ etiam in sancta Religionis professione, virisque sanctis obueniunt, velut purgatorii ignis.

Hebr. 12.

Apocal. 3.

Tacco bella Philisteorum, Chaldeenorum, Grecorum, aliorum Ethnicorum contra orthodoxam Iudæorum olim Synagogam; omitto sæuissimas persecutiones Tyrannorum; bella & vastitates, Gothorum, Hunnorum, Vandalorum, Turcarum, contra vniuersam Christi Ecclesiam: in quibus si quis eorundem victorum Religioni fauorem Numinis tribuat, nã ille Christiani nomine indignè iure censeatur. Occupant iam S. Augustini tempore, Gothi, Alarico, Rege & Duce, Romanos; Vandali deinde non ita multò post, aliiq; populi in Africâ, aliisque Romani Imperij Prouinciis, Catholicos sæuissima persecutione oppresserant, Deo quidem permittente, atq; etiam scelera vindicâtes, sed nunquid ex odio Catholicæ Religionis? Pro cuius defensione potius eo ipso tempore duo sanctissimi & doctissimi Ecclesiæ Catholicæ præfules, Augustinus & Saluanus bene prolixas Apologias scripserunt.

Vid. S. August.
libri 22. de
ciuit. Dei; Sal-
uianum libri
otto de prou-
identia Dei; &
aliis quatuor
de Ecclesia.

Augusti. enar-
gat. in Ps 128.
Genes. 4.
Genes. 5.
Genes. 6.

Quam diu stat Ecclesia, necesse est, eam igne tribulationis excerceri, purgari, perfici. *Nunquid modo, inquit S. Augustinus, & non olim est Ecclesia? Ex quo vocantur sancti, est Ecclesia in terra. Aliquando*
in solo

in solo Abel Ecclesia erat, & expugnatus est à fratre malo & perditio Cain. Aliquando in solo Enoch Ecclesia erat, & translatus est ab iniquis. Aliquando in sola domo Noe Ecclesia erat, & pertulit omnes, qui diluvio perierunt; & sola Arca natauit in fluctibus, & euasit ad siccum. Aliquando in solo Abraham Ecclesia erat, & quanta pertulit ab iniquis, nouimus. In solo filio fratris eius Loth, & in domo eius, in Sodomis, Ecclesia erat, & pertulit Sodomorum iniquitatis & peruersitates, quousq; Deus è medio ipsorum eam liberauit. Cæpit esse & in populo Israël Ecclesia: pertulit Pharaonem & Egyptios. Cæpit & in ipsa Ecclesia, id est, in populo Israël, numerus Sanctorum, Moyses & ceteri Sancti pertulerunt iniquos Iudeos, populum Israël. Ventum est & ad domum nostrum Iesum Christum, predicatum est Euangelium: dixit in Psalmis, Annuntiaui & locutus sum, multiplicati sunt super numerum, persecutores Christi & Ecclesie. Quid ergo missellus ille declamator Catholicis adeo impudenter insultat, & cecitatem Iudaicam, pertinaciam Assyricam, & tenebras Babylonicas exprobrat, quasi vllam religionis causa vindictam diuinitus experti sint; cum nunquam non veræ Religionis, asseclæ ab impiis persecutiones sustinuerint.

Alia sunt longe grauiora, ex quibus inter eos, qui Christi nomen profitentur, Religionis professæ falsitas æstimari debet, argumenta. Est religionis nouitas, & plus mille annis retro inaudita professio: cum tamen aduersus veram Christi fidem, & Ecclesiam, ipsius Christi promisso, nec ipsæ inferorum porta preualere vnquam possint.

Sunt sectæ cuiusq; particularis angusti limites; cum ex innumeris Scripturæ diuinæ testimoniis, vera Ecclesia & Religio per terrarum orbem, omni-

Matth. 13. 24.
28. Luc. 24.

bus gentibus prædicata, diffundi, & crescere debeat usq; ad
extremi iudicii messem.

Ephes. 4.
Mal. 6.

Est Apostolica & legitime Doctorū & Pastorū,
iam ab initio Ecclesiæ Christianæ ad nos usq; con-
tinuata, successionis defectus: Siquidem DEVS in
Ecclesia constituit Pastores & Doctores in ædificationem
corporis Christi, usque ad finem mundi permansuros,
qui in perpetuum non tacebunt.

Matth. 16.
Ioh. 21. 6. 15.
Luc. 22.

Est defectus communionis cum Apostolica &
Romana cathedra Petri: super quam veluti petram
Christus ædificauit Ecclesiam suam; nullis inferorum
viribus euertendam; & cui discessis adeo verbis de-
dit clauēs Regni cælorum; ac totius Ecclesiæ supremā
potestatem; quemque iteratis vocibus totius sui
ouilis pastorem constituit; cuius fides ad fratres confir-
mandos necessaria, nunquam sit defectura.

Iren. lib. 3. c. 3.

Hæc nimirum illa cathedra & Ecclesia est; ad
quam, teste S. Irenæo, propter potentiorē principalis-

Cyprian. epist.
46.

tatem necesse est omnem conuenire Ecclesiam, & eos qui sunt
vndiq; fideles: ad quam, teste S. Cypriano, perfidia non

Sylu. in Synod.
Rom. cap. 20.

poteſt habere accessum: qua, teste S. Syluestro, nemine
poteſt iudicari: contra quam, teste Oprato Mileuitano,

Opt. Mileu. l. 1.
cont. Parm.

si quis alteram cathedram collocet, schismaticus sit: supra
quam, teste S. Hieronymo, ædificata Ecclesia est; ita,

Hieron. ep. 57.
ad Damasum.

ut quicumq; extra hanc domum agnum comederit, profanus
sit; Si quis in ea velut arca Noe non fuerit, periturus sit re-

August. Psal.
cont. partem

gnante diluuiio: qua, teste S. Augustino, & ipsa Eccle-
siā Christi, olim contra Donatistas hæreticos pa-

Donati. & ep.
162.

lam concinente, est petra, quam non vincunt superbe in-
ferorum porta; & in qua semper Apostolica cathedra vi-

Bern. epist. 131.

guit principatus. Cui, deniq; teste S. Bernardo, pleni-
tudo

indō potestatis, super vniuersas orbis Ecclesias, singulari prae-
rogatiua donata est: adeo, vt qui huius potestatis esset, Deo
ordinationi resisteret.

Quid dicam de crassa adeo aduersa partis in-
rebus fidei dissensione? quo vel vnico documento
apertissima conuincitur, Vtraque sectarum illam, vt
vocat religionem, veram Religionem & Eccle-
siam esse non posse; cum palam sit, eam constare
& quodammodo coagmetari ex diuersissimis pla-
neque pugnantibus sectis, Pickarditarum, Hussita-
rum, Caluinistarum, Lucheranorum; qui circa il-
lud ipsum augustissimum Corporis Christi Sacra-
mentum, quo de cum Catholicis litigant, inter se
ipsi toto cœlo dissident: Cum tamen non nisi vna
sit vera fides, sicut vnus Deus, & vnus baptismus; nec
cogitari absque blasphemia possit, Deum adeo dif-
ferentes sectas sua auctoritate ac fauore tueri ac
prosequi; vt etiam alibi dictum.

*Apol. Societ.
cont. Beem.
cap. 2. & 5.*

Eph. 5. & 6.

*Apol. Societ.
contra Beem.
cap. 1.*

Quid, quod nullum ipsi habent supremum
caput visibile in terris? nullam certam credendi,
sacramque Scripturam interpretandi normam?
nullam sanctitatis, & diuinorum miraculorum
claritudinem?

Deniq; vt vno verbo omnia complectar, Vtra-
que sectarum sectas, Deo auspice & auctore, Beatis &
cœlo fauentibus, Sanctis in terra aspirantibus, an-
tiquis Patribus præeuntibus, antiquioribus Conci-
lijs etiam præiudicantibus, Ecclesia Vniuersali cō-
sentiente, Imperatoribus ac legitimo magistratu
político suffragante, Academicis Christianis, alijsq;
viris doctis assipulantibus, non solum à Romano

Pontifice eorsim, sed etiam à Concilio Generali Romani Pontificis auctoritate ritè celebrato & confirmato, & deinde etiam proprio ipsorum iudicio, de errore & falsitate dudum est damnata, vt alibi fufius demonstratum est.

Anatom. Confess. Augustana part. 1. & 2. p. scilicet demonstrat. 10.

Hæc igitur sunt documenta & Crinomena, ex quibus de falsitate cuiusque religionis, Christi alioqui nomen profitentis, iudicium ferendum est: cum è contrario non possit non esse vera religio, quæ contrarijs insignita est notis. Quas breui quasi compendio complexus S. Augustinus. *Multa sunt, inquit, quæ in eius (Ecclesiæ Catholicæ) gremio rite in-* *stissime teneant. Tenet consensus populorum atq; gentium; tenet auctoritas miraculis inchoata, spe nutrita, charitate, (adeoq; vitæ sanctitate) auda, vetustate firmata; tenet ab ipsa sede Petri Apostoli, cui pascendas oues suas post Resurrectionem Dominus commendauit, usq; ad presentem Episcopatum (in Ecclesia vtiq; Romana) successio Sacerdotum: tenet postremo ipsum Catholicæ nomen, quod non sine causa, inter tam multas hæreses, in ista Ecclesia sola obtinuit; vt cum omnes hæretici se Catholicos dicti velint, quærenti tamen peregrino alicui, ubi ad Catholicam conueniatur, nullus hæreticorum vel basilicam suam, vel domum audeat ostendere. Ista ergo tot est tanta Christiani nominis charissima vincula recte hominem tenent credentem in Ecclesia Catholica.* Ita S. Augustinus.

Augustin. cont. epist. Manichæi cap. 4.

Quod si tamen aduersarijs, Boëmorum coniuratis, concedendum aliquid sit, vt ex bellorum etiam, ac præliorum vtrinq; religionis causa commissorum successibus, de causæ totius ac Religionis momento quandoq; liceat æstimare; non liben-

libenter nos quidem ipsis earū rerum memoriam
refricamus, quæ parum ipsos meminisse delectent;
attamen quia ita volunt, obsequemur nonnihil;
non quidem vllō modo, vt eorum hinc infelici-
tati insultemus, aut antiqua vulnera refricemus;
sed vt videant, suo etiam argumento se conuictos
tēneri, ne aut de sua sibi religione blandiantur, aut
Catholicæ posthac insultare pergant.

Debellis, nostra tantum, & parentum memo-
ria, Catholicos inter & Vtraquistas, in Germania
Religionis causa gestis, paucis agam.

Anno igitur Christi M. D. XXV. cum infelices
rustici, in Franconia, Thuringia, alijsq; vicinis pro-
uincijs, nouo cum primum illucescentis quinti
Euangelij fulgore, an furore perciti, pro libertate
simul ac Euangelio, vti ferebant, contra Clerum
primum, deinde contra suos dominos, Münzero
clasticum canente, arma sumpsissent, non tantum
infeliceiter pugnarunt, sed etiam ingentem eo bel-
lo stragem acceperunt, plusquam centum millib⁹
è suis amissis. Non fuisse autem Lutherum plane
innoctum, & alienum ab ea rusticorum seditione,
vel illud inter cætera satis demonstrat, quod eo ipso
tempore aduersus Magistratum Catholicū his ipsis
verbis scripssisse Lutherum, constat ac refert etiam
Sleidanus: *Is est hodie rerum status, vt hunc vestrum do-
minatum homines nec possint, nec velint, neq; sane debeant
ferre diutius.* Nihil ergo à mente Lutheri alienum
fecerunt rustici, quod eum dominatum ferre nol-
lent, quem ferre Luthero iudice non debebant.

Anno M. D. XXXI. inter Heluetiorum Ca-
tholicos

MS. Mem. 16
Sleidan. com.
ment. lib. 16

Sleidan. com.
ment. lib. 16

Luth. Tom. 2.
len. Germ. fol.
201.
Sleida. loc. cit.

Supra in Com.
anno 1531.

tholicos & acatholicos Tigurinos bellum geritur: ter plena acie concurritur, : primo congressu ad praelio die 4. Octobris, Tigurini cum humanis viribus ac copijs præstarent, à Catholicis Dei auxilio nixis ita fugantur ac funduntur, ut à Tigurinjs mille omnino ac quingenti, & inter ipsos ipse etiam belli incentor & eorum pseudoapostolus Zvynglius ceciderit. Tigurini hac clade accepta, intra paucos dies maiores copias instaurant, accitumque Bernatibus ad triginta hominum millia producunt in aciem. Catholici non plus octodecim millibus instructi aduersos se opponunt. Prælium incit die 17. Octobris, Zvyngliani denuo caduntur & fugantur turpiter, septingentis in conflictu occisis, quingentis flumine haustis. Sed & Tercio à Tigurinjs & Bernatibus pugna instruitur; inuocatis in eam rem etiam Basileensibus, Schaffhusianis, Sangalljs, & Mülhusianis; dies erat 24. Octobris, noctis tenebræ deliguntur, Catholicis velut ex insidijs & inopinatio opprimendis idoneum tempus; pugnatur à Catholicis strenue, & licet initio non paucis amissis, tandem ramen in fugam hostis acatholicus vertitur, aliquot millibus denuo desideratis, &c.

Nec prospere magis acatholicis Helueticis successit expeditio seu machinatio aduersus Catholicos ad Eremum B. Virginis, voti causa peregrinantes, ipsamque ædem sacram, suscepra vel destinata. In omnibus his quidem prælijs, ut recte norat historicus, cum Zvyngliani longe essent armis & milite superiores, satis euidenter sese declarauit Supremi Numinis fauor, quo freti Catholici, tam præclaram ex eis victoriam reculerunt.

Rursum

Sprium ibid.

Rursum anno M. D. XXXIV. Anabaptistæ Monasterienſes in Weſtphalia, audax facinus aggreſſi ſunt, ſeditionem excitant, Magiſtratum deponunt, nouum ſibi Regem creant, miniſtros aulae & duces belli conſtituunt; deinde vero ab Episcopis milite obleſſi, & ad extremam inediaſ redacti, diu quidem pertinaciter reſiſtunt; attamen capta tandem vrbe, ſeditioſi debitas dedere poenas: perſonatus etiam ipſe rex, cum ſuis conſiliarijs, extremo ſupplicio affectus fuit. Gothicam nimirum illam, ſeu Wandalicam aduerſus totum orbem Chriſtianum perſecutionem medirabantur: ſed DEVS illorum conſilia & machinationes tempeſtiue eliſit.

Anno deinde M. D. XLVI. poſt conuentum Smalcaldicum, Proteſtantes Caroli Caſaris, religionis indẽ cauſa bellum indicunt; ciuitates imperiales Lutheri fermento infectas pleraſq; in ſocietate belli trahunt, vel ad deditiõẽ compellunt; in faucibus alpium loca munita præoccupant; Ingolſtadij ingenti exercitu & apparatu (erant pedum ad octoginta, equitum ad decem millia, tormenta bellica 130.) Caſaris caſtra, in quibus poſt longam exſpectationem, vix quadraginta millia militum, nec in eis equites plures tribus millibus; valide obſident, & oppugnant; vno die nongentos maiorum tormentorum globos in exercitum Caſaris eiaculari, nec pauciores alijs. Sed quo euentu, norunt omnes. Nimirum vt ex ciuitatibus, quæ defeceſſerant, pleraq; deditiõẽ facere; Principes aliquot à fidelitate Imperatoris abducti, bellicæ & defectionis ſocietate implicati, veniam delicti demiſſe

Surium Augu
1534.

Surium eodem
Anno 1546.
Sleidan. lib. 17.
hiſtor.

demissè petere; duces & auctores belli præcipui, Elector quidè bello captus; Landgravius vi & necessitate ad deditiōem compulsus; ambo captivi, & supplices Cæsari facti, demissis precibus vitam propriam redimere cogerentur, qui Cæsari suam adempturos antea minabantur.

Barim loc. cit.

Et cur hic scriptor acatholicus non rectius exclamet? O cæcitas Iudaica? O pertinacia Assyrica? O tenebræ Babylonicæ? Sed melius & gravius scriptor Catholicus ita de hac re pronunciat: *Cum tante fuerint, tamq. instructa hostium copiae; & Cæsar contra in primis eius belli initijs, adeo imparatus, ut nihil minus quam de bello cogitare videretur; ac nihilo secius tamq. omnem hostium impetum, & inuictas vires mirabili ac prope incredibili felicitate perfrugerit, & de tota Germania mirabiliter triumpharit; facile, qui volunt, animadvertere possunt, à pio Principe stetit Deum; hostes vero, tum quod ab auita Patrum suorum religione sanctissima ad nova seditiosorum dogmatistarum commenta descivissent; tum quod in Principem suum ac Dominum arma temere sumpsissent, diuina ope destitutos fuisse; atq. ideo nihil unquam fere feliciter gessisse.*

Barim anno 1543,

Gliden. lib. 19.

Contestatur hoc etiam ea ipsa, quam Boëmi eodem fere tempore, cum externo, & per publicū bannum à Cæsare proscripto Principe susceperāt, conspiratio, & aduersus Regem Ferdinandum rebellio; quæ Ferdinandi viribus ita compressa fuit, ut totū Boëmiæ regnum, eiusq. priuilegia omnia, in sua haberet potestate; nisi pro insita sibi benignitate & clementia, mitioribus contentus esse maluisse conditionibus.

Illud

Illud quidem in Imperio bellum videri Prote-
stantibus non parum ex voto successisse, quod dux
Mauritius cum Alberto Brandeburgico anno
M. D. LII. aduersus Carolum Cæsarem, quasi pro
libertate Germaniæ ac Religionis gessere: Sed
certe nulla virtutis laude, nec villo diuini fauoris
argumento. Summa rei gestæ ex ipso Sleidano
hæc est. Constitutus iam antea, communi Cæsaris
ac Imperij nomine, Mauritius, summus Dux & ad-
ministrator belli Magdeburgici, copias communi
Cæsaris & Imperij nomine collectas, in sua habe-
bat manu. Hic nouandi studio percitus clam Cæ-
sare, Chattos per iurandū in suam fidem adigit,
& facta pace cum Magdeburgicis, Galliarum Regem
sibi fœdere coniungit, vtrasque copias, tam quæ
Magdeburgum antea propugnabant, quam quæ
obfederant, sibi iungit vendicatq;: Imperatorem
interim missis litteris deludit, quasi in eius obse-
quio fidelis permaneat; querelas item ad Cæsarem
delatas de damno graui à militibus quibusdam lo-
cis dato excusat, quasi ob non soluta stipendia tu-
multuarentur; *banc enim subiecit causam; cum tamen
reuera iam ipsi Mauritio militarent, eiq; tacite Sacramento
doincti essent.* Simulat deinde, se velut ad Cæsaris
obsequium Oenipontum aduenturū, ibiq; hospiti-
um conducī imperat.

Sed missis ex itinere litteris amicis, & *illata qua-
dam ad excusationem causa*, domum reuertit, & ad
hunc modum extracto tempore, cum diem ex die
duceret, primo statim vere, nouos militum cœpit
habere delectus, quos magno silentio per hyemem

D

colle-

Sleidano, lib. 24
hister,

collegent. Satis iam copioso milite roboratus, publicis a Cesare querelis grassatur, præter Brandeburgium, etiam alios Imperij Principes Protestantes, quos non ita pridem Caesar in gratiam receperat, partim etiam libertate ac vita donarat, in belli societatem aduersus Cæsarem addeiscit. Hinc mox castris, ex improviso montium fauces, & Tyrols propugnacula occupat, Oenipontū aduenit; Cæsare non inuento regressus, in Imperio ac Imperialibus deinde ciuitatibus multa suo nutu innouat, & constituit, ac passim quasi sine hoste triumphat.

Deniq; verò velut ad publicum Germaniæ incendium sopiendum, Passauij conuentus indicitur; pacis incundæ ratio ex voto Protestantium proponitur, & extorquetur illa ipsa, quam Catholici etiamnum magna sua iactura luunt & sentiunt; quæque aduersarij tantopere iactant (vtinam hæcenus pari studio seruassent) condonationis & pacificationis formula Anno postea M. D. L V. in Comitij Augustanis confirmata.

Hoc scilicet bellum illud fuisse existimatur, quod Acatholicis restituisse rem in Germania videtur; adeo vt non ita pridem quidam Ministri his ipsis verbis insultando Catholicis scripserint: *Differ Releg sterbe die Papisten gar sehr in die Augen / welcher den edlen Religionsfrieden zuwegen gebracht: hoc est. Bellum hoc Papistas admodum pun gere, quod nobilem illam Religionis pacificationem impetrauit.* Valde scilicet nobilis pacificatio, & transactio, quæ iniquis armis ac violata fide fuit extorta; Cæsare & Catholicis ferme in-

me inermibus, ac cum se vel tutissimos existima-
rent, fraude circumuentis, atq; a proprio, et conti-
muni belli acatholico duce ac milite, fidelitatem
& obsequium simulante, oppressis. Pœnam qui-
dem hanc fortasse peccatis Catholicorum debitam
existimare licet, vti cap. 7. generatim dicitur:
Sed fauorem Numinis erga religionē acatholicam
non maiore iure dixeris, quam triumphatam à
Nabuchodonosore Ierosolymam, seu diuino ad-
uersus Idololatriam fauori, seu odio Iudaicæ reli-
gionis imputaueris.

Et tamen paulo post eam ipsam acatholicorū
non tam victoriam, quam violentiam, cum iam
humanæ vindictæ locus non esset, DEVS ipse vin-
dicem se interposuit. Etenim in Saxonia idem ipse
Mauritius florida adhuc ætate iuuenis ab Alberti
antea coniurati & commulconis, postea aduersa-
rij milite, in conflictu letali vulnere accepto, pau-
lo post moritur; multis simul ex vtraq; parte Ger-
manorum milibus deletis; cum illi ipsi inter se
infestissimis signis concurrerent, qui se paulo ante
Germanicæ libertatis assertores scripserant. Sed
& Albertus magna clade accepta, vix a gre ex con-
flictu elapsus, postea anno M. D. L. V. omni sua di-
tione erectus, post biennium præpropere etiā ipse
morte, anno ætatis suæ trigelimo quinto, extin-
ctus est.

Recolant igitur, verba sunt S. Augustini in simili
argumento, qui legerunt, quam diuturna bella, quam
varijs euentibus, quam in ætuoſis cladibus, a veteribus sine
gesta Romanis (& acatholicis Principibus) sicut solet

Sax. anno 1550

August. lib. 16.
de Ciuil. ciuili.

orbis terrarum pelut procellosissimum pelagus varia talium
malorum tempestate iactari; & quod nolunt, aliquando fa-
teantur, nec in sanis aduersus Deum linguis se interimant, &
decipiant imperitos: insultando nimirum Catholicis
& tenebras Babylonicas exprobrando, dum eos
aduersis nonnihil premi intelligunt.

Quod si Boëmi huius ipsius suæ rebellionis ad-
uersus legitimum Regem susceptæ decursus & e-
uentum accuratius expenderint, multo maiorem
inuenient materiam luctus & gemitus, quam gau-
dij & gratulationis. Tractas nimirum quidē in
conspirauiōis & rebellionis societatem finitimas
prouincias; sed pari omnium damno & vastitate;
multisq; hominum millibus amissis. Et prò dolor,
necdum est finis Vastationis, quia nec initium re-
sipiscentiæ. DEVS misereatur innocentum, & cō-
uertat nocentes.

Hussini vedini.
Binos, Hussitena
Glothen, etc.

Nec verò quicquam causæ est, cur Zyskam
impium olim hominem, & nunc tartari mancipiū,
aut vindicem suæ religionis iactent, aut iniqui bel-
li adiutorem aduocent; quem olim DEVS quidē
non secus atque in Israelitas Nabuchodonosorem,
aut in Christianos Attilam, non sane Christianæ &
Catholicæ Religionis, sed impietatis & scelerum
vltorem immisit: qui tamen ipse nunc si adueni-
ret, ac plerosque ex Boëmis coniuratos à suis Hus-
siq; vestigijs deuotos ac nouis hæresibus contamina-
tos cerneret, eos ipse non minus proprio nunc ense
conccideret, quam olim Piccardos, ipsosque etiam
Hussitas complures, Taboritarum nouæ sectæ du-
ctor ipse contrucidauit. Neq; sane hanc temere

pra-

præsumptam noui Regis electionem probaret, qui in simili Boëmorum seditione, repudiato nouo à Pragensibus itidem recepto rege, nullum prorsus habere volebat in Boëmia Regem.

*Vide Æneam
Sylu. & Florim.
Rem. tom. 1.
lib. 4.*

Gaudeant igitur isti, qui Catholicis & Catholicæ religioni cæcitatem Iudaicam tenebrasq; Babylo-
nicas exprobrant, alijsq; modis mordaciter insultant; ne Rabfacis impij quondam Assyriorum ar-
delionis, peccatum contrahant, peccatiq; pœnas exoluant. Nam & ille Orthodoxo Regi, & populo
Israelitico ad eum modum insultabat. *Nanquid sine Domini voluntate ascendi ad locum istum, ut demolirer eum? Dominus dixit mihi, ascende ad terram hanc, & demolire eam, &c. Non vos seducat Ezechias; non enim poterit erueri vox de manu mea. Neq; fiduciam vobis tribuat, super Dominiū dicens: Eruens liberabit nos, &c. Quinam illi sunt, in vniuersis dijs terrarum, qui eruent regionem suam de manu mea, ut possit erdere Dominus Ierusalem de manu mea?* Sed res postea longe aliter cecidit, quam blasphemus thraaso iactauerat. Misit enim Isaias filius Amos ad Ezechiam dicens: *Hac dicit Dominus DEVS Israel; Que deprecatus es me super Sennacherib, Rege Assyriorum, audini. Ille est sermo, quē locutus est Dominus de eo: Spreuit te, & subsannauit te, Virgo filia Sion; post tergum tuum caput mouit, filia Ierusalem. Cui exprobrasti? & quē blasphemasti? contra quem extulisti vocem tuam, & eleuasti in excelsum oculos tuos? contra sanctum Israel. Per manum seruatorum tuorum exprobrasti Domino, &c. Quamobrem hæc dicit Dominus de Rege Assyriorum: Non ingredietur urbem hanc, &c. per viam, qua venit reuertetur, &c. protegamq; urbem hanc, & saluabo eam propter me, &c.*

*4. Reg. 18. 6.
25. 29. 32. 36.*

4. Reg. 19. 36. 40.

Factum est igitur in nocte illa, venit Angelus Domini, & percussit in castris Assyriorum centum octoginta quing. milia. Cumq; diluculo surrexisset, vidit omnia corpora mortuorum; & recedens abiit, & reuersus est Sennacherib Rex Assyriorum, & mansit in Ninive. Cumq; adoraret in templo Nesroch deum suum, Adramelech & Sarasar filij eius percusserunt eum gladio.

Hæc iusta pœna blasphemiae arrogantia fuit, quam tamen aduersarijs minime exopto; sed illud potius vt conuertantur & viuant; & ab impijs & blasphemis vocibus abstineant; quia etiamnum Deus est in Israel, cui Ecclesia vera cordi est; cuiusque interitu frustra ipsi pacem sperant. Vniuerſa Ecclesia Catholica, & vigebit etiam in posterum vsque in finem mundi: spes autem impiorum peribit.

CAPVT II

*Doctrinam Ecclesie Catholicae fingi quidem
& componi non posse, ad vota hostium;
nec tamen esse causam, cur studio pacis
sit immutanda; quando seditiosa mi-
nimè est, sed pacifica.*

*Vid. Eusebium
lib. 3. cap. 14.
& 30.*



Nuenias etiam hodie, qui Zenonis Isauri quondam Imperatoris, infelicis memoriae, (vt de Constantio Ariano Imp. taceam) & pacificantium vestigia malè rura secuti, fidei doctrinam temporì conformandam, omnia quæ pacis studio

studio posthabenda rati, illud solum præ oculis habent, ut aliquam pacis & concordie formulam inter tam varias Religionū professiones sanciant, ipsasq; inter se Religiones diuersas, velut in mortario confusas & comminutas, in vnam quandam quasi massam confundant. Fecerunt hoc non ita pridem Boëmi Vtraquistæ, qui odio religionis Catholicæ, diuersissimas sectas Picckardicam, Hussiticam, Calvinianam, Lutheranam pallio Confessionis Boëmicæ contextas in vnam massam Religionis, quam *Vtraquisticam* vocant, confuderunt. Conatur hoc idem efficere ac persuadere, in suo Pseudolrenico David Paræus Calvinista, Haidelbergensis Præco. Sed hoc male pacificantium studium semper exolum habuit vera Ecclesia, quæ pro vna etiam phrasi, pro vna voce, pro syllabâ etiam & litera vnâ, si quid eorū fidem concerneret, non secus ac pro fide ipsa Vniuersim acriter pugnavit; probè gnara, si vel in re minima Dei reuelâtis authoritas, quæ fides etiam rerum minimarum nititur, conuellatur, nec in maximis quidem saluam & inuiolatam stare posse. *Vnus* nimirum est Dominus, *vna* fides, *unum* baptisma, vna & eadem omnium credendorum ratio; quam si vel semel vllâ in re conuulseris, totum fidei fundamentum, totamq; adeò fidem conuellas & subvertas necesse est: ita, ut etsi quidem ceteros adhuc articulos credas, fide tamen tantum humanâ, non diuinâ & saluificâ, cuius fundamentum subruisti, credas necesse sit. Quare etiam iuxta Apostoli præceptum, semper ab Ecclesiâ *anathema* dictum est ei, qui aliud quiddam, *præterquam quod acceperat, euangelizasset.*

Ephes. 4. 9. 5.

Gal. 1. 9. 12.

Adul-

Cyprian. de G.
mit. Eccl. cap. 5.

Adulterari non potest, inquit Cyprianus, sponsa Christi: incorrupta est, & pudica; unam domum nouit; vnius cubiculi sanctitatem casto pudore custodit. Hæc nos Deo seruat; hæc filios regno quos generauit, assignat. Quisquis ab Ecclesia segregatur, adulter & iungitur; à promissis Ecclesie separatur.

August. lib. de
Ver. relig. c. 5.

Et S. Augustinus: Neq; in confusione paganorum, inquit, neq; in purgamentis hereticorum, neq; in languore schismaticorum, neq; in cecitate Iudeorum quarenda est Religio; sed apud eos solos, qui Christiani Catholici, vel Orthodoxi nominantur, id est, integritatis custodes, & recta sentientes.

Hilarius lib. 2.
ad Constanti-
num.

Et apertè S. Hilarius: Per speciosum, inquit, pacis nomen in unitatem perfidie subrepiamus, & sub reiiciendis nouitatibus, rursus ipsi nouis ad Deum vocibus rebellamus, & sub Scripturarum vocabulo non scripta mentimur, uagi prodigi, impij, dum & manentia dimittimus, & accepta perdimus, & irreligiosa presumimus.

Vide Raden.
Anno 491.

Item S. Achanasius: Quicumq; uult saluus esse, ante omnia opus est, ut teneat Catholicam fidem, quam nisi quisq; integram inuiolatamq; seruauerit, absq; dubio in æternum peribit. Nec immeritò Zeno Imperator ille, ex morbo repentino pro mortuo habitus, uiuus sepultus est; qui cum uiueret, virus mortemq; hæresis Catholici nominis professione occultauit; ut ita, pro cadauere uiuus haberetur, qui pro uiuente & Catholico, hæreticus ipse, ac Ecclesie mortuus, haberi uoluit.

Vide Lutheri
litteras Anno
1530, ad Ionam,
ad Philippum,
& eiusdem A-
ni 45.

Neq; verò Aduersarij ipsi, veri & synceri Lutherani, & Calvinistæ; ullā inter se quoad religionem; aut cum alijs sectis consociationem optant, vel admittunt. Certè quanto odio Lutherus non

Catho-

Catholicos solum, sed & Caluinistas perpetuo infectatus sit, quamq; ab eo fuerit aliena omnis cum Aduersarijs in Religione consensus vel conspiratio, ex eius libris patet. Cuius etiam hæc vltima protestatio contra omnes Sacramentarios exstat; Ego, inquit, qui alterum pedem iam in sepulchro habeo, hoc testimonium atq; gloriationem hanc ad tribunal Domini ac liberatoris mei Iesu Christi perferam, quod fanaticos & hostes Sacramenti, Carolstadium, Zwinglium, Oecolampadium, Stenckfeldium, eorumque discipulos Tiguri, aut Vbiunque tandem sint loco, toto pectore damnarim atque vitarim.

Neq; malè de hac re, ex mente Lutheri, Christophorus Irenæus Lucheranus Minister: Quod ad verā & purā; inquit, doctrinā fidei attinet, necesse est, ut nec punctulum impuritatis & falsitatis sit admixtum; sicut in aliquā columbā: hic locum nullum habet patientia, nec conuiuentia, nec amor. Quia modicum fermentum totā massā corrumpit, inquit Paulus, vel uti loquitur Lutherus ad Gal. 4. Modicus error in Theologiā totā euerit Theologiam; hoc est, parvus error in doctrinā Christianā, corrūpit, vel peruertit totā doctrinā Christianā; siue, quantumvis aliquis in ceteris articulis rectus & purus esse velit; potest tamen vel in unīcā heresi, seu unico falsato articulo, ignem infernalem abunde satis vorare. Et inferiūs concludit his verbis: Maledicta sit Charitas & concordia, propter quam conseruandam periclitatur verbum Dei.

Sed & passim adhuc, aduersus infidas illas Caluinistarum machinationes, in manibus versatur. libellus ille Lutheranorum hoc titulo inscriptus: *Motiven vnd Ursachen/ warumb man mit den Caluinisten*

M. Christoph.
Irenæus libr.
Germ. vntz
Wirtelgeit
im neuen
Concordbuch
fol. G. G. 4.

Eodem libro
sub fin.

nist in Religions Sachen nicht kan oder soll wider die
Papisten für einen Mann stehen. Hoc est: *Rationes &*
Motiva, ob que Lutherani cum Calvinistis in causa Religio-
nis contra Papistas pro uno quasi viro simul stare nec possint,
nec debeant.

Sed nec dudum antea cum Haidelbergenses
Caluinistæ libellum Germanicum edidissent, quo
Lutheranos in fratres recipiunt; cū ab illis, vtrū
dissideant in vnâ questione de cænâ Dominicâ, & hæc qua-
stio saluâ fide in vtramq; partem disputetur, Lutherani
Wittenbergenses opposito libro, pacem aperte re-
pudiant, præfixa hæc primâ capiti inscriptione:
Quod Calvinistica doctrina multis horrendisq; erroribus &
abominationibus scateat; palàm protestati, nihil sibi &
paci in Religione cum Calvinistis commune esse
posse; addunt alij, a Catholicis minus, quam a Cal-
uinistis se dissentire, vt cap. 6. dicitur.

Quæ causa etiam est, cur Catholici nec cum
Hussitis, nec cum Pickarditis, nec cum Lutheranis,
nec cum Calvinistis, aut Zvvinglianis; nec cum
Schvyenckfeldianis, aut Anabaptistis, aut vllis eo-
rum, qui se *Viragustas* vocant, vllum Syncretismū,
vllamue Religionis consociationem inire possint;
nec vllō modo suam doctrinam ad eorum vota
conformare.

Posset quidem Romani Pontificis autoritate,
iustis ex causis, & secluso omni errore, etiam laicis
communicantibus, aut certō locō, certōue anni
die, aut etiam vniuersim, sacri calicis vsus concedi.
Sic enim & vetus Ecclesiæ praxis habuit; & recens
etiam Concilium Tridentinum rem omnem ad
sum-

summi Pontificis iudicium retulit his verbis: *Cum* sacrosancta Synodus superiori sessione duos articulos alias propositos, & tum nondum discussos, videlicet; *An rationes, quib⁹ sancta Ecclesia Catholica adducta fuit, ut cōmunicaret Laicos, atq; etiam nō celebrātes Sacerdotes sub vnā panis specie, ita sint retinenda, ut nullā ratione calicis vsus cuiquā sit permittendus; & An, si honestis, & Christiana Charitati consentaneis rationibus concedendus alicui vel nationi vel regno calicis vsus videatur, sub aliquibus conditionibus concedendus sit, & quanam illa sint, in aliud tempus oblatā sibi occasione examinandos, atq; definiendos reseruauerit; nunc eorum, pro quibus petitur, saluti optimē consultum volens decreuit, integrum negotium ad sanctissimum Dominum nostrum esse referendum: prout presenti decreto refert, qui pro sua singulari prudentiā id efficiat, quod utile Reip. Christiane & salutare, petentibus vsum Calicis fore iudicauerit. Attamen etiā si vel Vniuerso Orbe calicis vsum fidelibus liberū permitteret Summus Pontifex eaq; de causā etiam à Catholicis, eandem nihilominus fidem semper & religionem constanter professis, ceterarum religionum aut sectarum superiūs numeratarum asseclæ *Vtraquistarum* nomine discerni non possent; non tamen idcirco in vnus fidei & religionis communione cū *Vtraquistis* modernis vllatenus conspirare possent Catholici, quando nō minùs, quàm antea, in ipsa credendi formulā ab ijs omnibus necessariò dissentiret.*

Ex quo euidentis etiam est, *Vtraquistarum* nomine non ynam certam aliquam Religionis, aut fidei formulam, sed complures etiam inter se alias pugnantes, significari & comprehendi, quando in

arbitrio Ecclesiæ Catholicæ situm est, ut saluâ suâ fide & religione, communionem sub utrâque specie, ipso vsu vniuersim amplectatur; quo facto iam quidem Vtraquiste Catholicos à communione eiusdem nominis excludere non possent; excludendi nihilominus ipsi, non minùs, quàm antea, à Catholica Religionis communione; quia ritum quidem eundem, sed fidem tam inter se, quàm à Catholicis diuersam confectarentur.

Ceterû quàm vera & solidâ ratione ac fundamento nitatur vniuersa Ecclesiæ Catholicæ fides, fideiq; doctrina, ob quam etiam extremaq; potius sanguinis guttam fundere, quàm in eâ quicquam immutare, Deo adiuuante, parata est, non vno modo, sed sapiùs toti orbi demonstratum est; nec opus est hoc loco quicquam retractare. Habemus nimirum Imperatorum Christianorum & summi Magistratus politici suffragium; habemus definitionem & iudicium expressum Concilij generalis, dudum, & ab initio utrimq; desiderati, ad quod ipsi etiam Aduersarij liberalissimo & securissimo saluæ fidei conductu sapiùs, sed frustra fûere inuitati; habemus conspirationem in omnibus ferè controuersis articulis Ecclesiæ Græcæ, frustra à Lutheranis Doctoribus ad consensum sollicitatâ, habemus præiudicium omnium Academiarum, omniumq; virorum doctissimorum è Christianitate, quotquot annis plus mille vsq; iam Lutheri ætatem antecesserunt: habemus decreta SS. Patrum, Conciliorumq; veterum: habemus consensum totæ seculorum: habemus approbationem Sanctorum, tam

in

in cœlis regnantium, quàm in terris viventium; habemus sacram scripturam, non quidem proprio & priuato iudicio, sed iuxta regulam ac mentem SS. Patrum ac veteris Ecclesiæ, ipsiusq; adeo Spiritus sancti, quàm Deus Ecclesiæ eiusq; Doctoribus vniuersim promisit, explicatam: habemus deniq; Deum ipsum, nostram fidem non solum antiquis, sed etiam nouis miraculis quotidie contestantem,

Scripti sunt interim, & typis publicis editi extant, pro defensione & explicatione eiusdem Catholicæ doctrinæ, tot, tamq; præstantes & solidi libri complures; etiam hætenus ab Aduersarijs non refutati; Multis è contrario etiam aduersariorum scriptis & libris frustra impugnata fuit eadem Ecclesiæ Catholica: Celebrata sunt, etiam sæpius inter vtramq; partem colloquia & disputationes publicæ, aduersarijs coram etiam suam causam studiosè agentibus; nec tamen vel pilus, vt ita dicam, aut apex vnus veteri fidei veritatiq; Catholicæ Ecclesiæ abstrahi vel adimi potuit: cum tamen inter Lutherana Religio, ac præsertim ea, quæ Augustanâ Confessione explicatur, passim magnis decrementis interierit: parati sunt insuper Catholici, etiamnum, cuius exigenti, pro loco & tempore, fidei suæ rationem ore & calamo, publicè priuatimq; reddere, vt nihil planè ab Ecclesiâ Catholicâ desiderari possit amplius, quod ad vererem fidem iurè tuendam comprobendamq; abundè non presterit, aut præstare etiam posthac parata non sit; quodq; ad Religionis concordiam, optatissimamq; & solidam pacem in Imperio constituendam, sit

opportunitum: Nisi quis ab eâ petat, vt de suâ fide & auitâ Religione, tot argumentis comprobatâ, tot signis contestatâ, tantâ authoritate roboratâ, etiam ipsa longissimi temporis præscriptione, & vsu actualiq; possessione meliori, decedat; quod, vti dictum, ab eâ in æternum sperandum minimè est: quia immobilis petra est; quæ nutare in fidei confessione, aut mutare nil potest; columna est; & firmamentum veritatis; quæ nulli errori cedere potest; sed cui nouellus error seu persuasio meritò concedere debet. Pro hac tot millia Martyrû sanguinem fuderunt: in hac tot Sanctorum Myriades coronatæ; per hanc Maiores nostri tantam nominis gloriam, omnem in terris felicitatem, ipsiusq; etiam Romani Imperij Maiestatem consecuti sunt; vt frustra sit, quisquis pacis causâ vllam in Ecclesiâ Catholicâ fidei nouationem quærit, aut sperat. Valere hic debet, quod Lutherus olim contra Sacramentarios, pronuntauit: *Nam tales, inquit, generales articuli, recepti in totâ Ecclesiâ, satis auditi sunt; satis excussi, approbati; satis firmati per Scripturam, per virtutes & miracula; per sanguinem Martyrû; per scripta & confessionem totius Ecclesiæ. Nec vllò modo ferendus est vllus sapientulus, qui illos renocare velit in dubium.*

Sed quia tamē Aduersarij nonnunquam; tum in Iesuitis, tum in alijs viris Catholicis, quædam doctrinæ capita ciuilem societatem & conuietum spectantia, non solum propria alicuius personæ, (de quibus mihi hoc loco nulla disputatio est) sed communia totius Ecclesiæ, velut seditiosa, aut certè publicæ paci non benè consona carpunt, percurram

*Luth. enarrat.
in Psalm. 82.
tom. 3. VVil.
fol. 488.*

curram & recensebo ea hoc loco breuiter; vt vel hinc etiam intelligant, nullam Catholicos pacis turbata culpam sustinere; nec per eos stare, quo minus pax firma & solida in Imperio constituatur; quando palam erit, nihil Catholicos in hoc genere docere, quod Iuri Diuino, & humano non sit consentaneum, ipsisq; etiam Aduersarijs, solâ fere Religionis diuersitate exceptâ, commune non sit.

Primum est, quod Catholica Ecclesia docet, hæreticos pertinaces (sine perrinaciâ enim nemo propriè hæreticus est, vt inferius dicitur) iure etiâ capitis supplicio plecti posse. Trabunt hoc in inuidiam omnes penè Scriptores Acatholici; quasi hoc ipso dogmate Ecclesia Catholica violatâ pacificationis, Magnâ autoritate & compromissionis fide in Imperio constitutâ, rea sit; quod tamè à vero alienissimum est. Quando enim ita docent Catholici Doctores, ex mente ipsius Ecclesiæ; intelligunt, quod in omnibus eiusmodi propositionibus indefinitis rei alieuius honestatem asserentibus, veritatissimum est, id verum habere, *per se loquendo*; & vbi nulla peculiaria pacta, & conuenta promissæ securitatis, obstant: quod Scriptores Catholici subinde etiâ expresse addunt; alij ob eam ipsam causam non addunt, quia per se cunctis liquere intelligunt. Itaq; cum in Imperio diuersis quibusdâ Religionibus securitas, publicis pactis adpromissâ sit, nemo eam Catholicorum doctrinam ad pacificationis iniuriam violationem iure contorqueat; idq; eo minus, quod inauditum sit, ab vlllo Catholicorum Principum seu Ecclesiasticorum, siue sæcula-

rium

num, religionis toleratæ nomine, ulli intra præscriptos terminos sese continenti, quidquam molestiæ fuisse exhibitum; nedum ullum A catholicis statum in suâ ditione fuisse turbatum. 1663. 1664. 1665.

Habent Principes & Status Acatholici in suis ditionibus plenum & liberum, minimeq; impedimentum Ius, suas ditiones suo arbitratu, intra certos & preſcriptos ipsis imperialib. legibus terminos, moderandi regendique; nemo illos prohibet: habent etiam priuati omnes Augustanam Confessionem, professi liberum etiam per Catholicorum ditiones commercium; nemo obstat: At vero vt Principes & status Imperij in suis ditionibus alterius religionis exercitium impunè permittant, aut diuersam religionem professis Ius Ciuitatis concedant, vel in suis ditionibus constantes incolas retineant, id nec leges & conuentiones Imperiales postulant, neq; pars aduersa in suis ditionibus obseruat, vt inferius fusiùs dicitur. Nihil igitur ab eà doctrinà sibi timere debent Aduersarij, ne contra Imperij leges laedantur, modò intra leges Imperij sese ipsi contineant.

Alias ubi pacta & contenta non obstant, hære-
ticos, per se, etiam mortis supplicio iure affici, in-
dicat Scriptura sacra; quæ hæreticos *lupis, furibus, &
latronibus*; hæresin autem *canceri* morbo comparat,
vix nisi ferro medicabili. Idem docent SS. Patres,
ac is ipse imprimis etiam, quem hæc in re nobis Ad-
uersarij obijcere solent, S. Augustinus. Quamuis
enim hic antea hæc de re dubius fuerit, & verò etiã
contrarium scripserit; postea tamen, & re scura-
tius

ius perpenſa, & præſenti experimento maximi
fructus in Eccleſiâ inde conſecuti edoctus, apertè
ſcripſit & docuit, rectè etiam mortis necu hære-
ticos ad Eccleſiæ gremium compelli; lapide etiam
plectendos; ni reſipiſcant, & iuſtis legibus obtem-
perent. *Quid ergo, inquit, agit fraterna dilectio, an dum*

*Aug. epiſt. 50.
ad Romſ.*

*paucis tranſitorio ſignes metuit caminorū, dedit tet omnes
ignibus æternis gehennarum?* Et rurſum: *Mirantur, inquit, quia commouentur
potèſtates Chriſtiane aduerſus deteſtandos diſipatores Ec-
cleſiæ. Non ergo mouerentur? Et quomodo recaderent ratio-
nem de Imperio ſuo. D E O? Intendat Charitas veſtra, quid
dicam. Quia pertinet hoc ad reges ſæculi Chriſtianos, ut tẽ-
poribus ſuis pacatam velint Matrem ſuam Eccleſiam, unde
ſpiritualiter nati ſunt. Et infra: Nam videte qualia fa-
ciunt; & qualia patiuntur: occidunt animas, affliguntur in
corpore, ſempiternas mortes faciunt; & temporales ſe perpe-
ti conſueverunt.*

*Aug. traſt. 11.
in Euang. Ioan.*

Et aliò loco: *Quid iſtis, inquit, videtur, ut crimen
Idololatriz patent iuſſe ab Imperatoribus vindicari; aut ſi
nec hoc volunt; cur in veneficos, rigorem legum exerceri iuſſe
fatentur; in hæreticos autem atq; ſchiſmaticos impiâ diſ-
ſenſione nolunt fateri; cum in iſſdem iniquitatis fructibus
auctoritate Apoſtolica numerentur? An fortè nec talia po-
teſtates illæ humana conſtitutionis permittuntur curare?
Propter quid ergo gladium portat; qui dictus eſt miniſter
Dei, vindex in iram eis, qui male agunt?*

*Auguſt. lib. 1.
cont. epiſt. Par-
men. cap. 10.*

His accedunt antiquæ leges vererū Imperato-
rum: Certè Imperatores Valentinianus & Marcia-
nus, tum alijs ſeueriſſimis poenis animaduertendū
in hæreticos præcipiunt; tum etiam vltimo ſup-
plicio

*Leg. Quicunq;
8. Cod. de Hæ-
reticis.*

plicio coërcendos statuunt, eos, qui illicita docere ten-
taverint, libros quoq; hæreticorum incendio contra-
mandos addiderunt, ut facinorose peruersitatis vestigia
flammis combusta depereant.

¶ Arcadius, Honorius, & Theodoricus ita con-
tra Manicheos & Donatistas hæreticos decernunt:
Manichæos, seu Manichæas, vel Donatistas, maximè seculi
ritate prosequimur. Huic itaq; hominum generi libito-
moribus, nihil ex legibus commune sit cum cæteris. Ne pri-
mum quidem volumus esse publicum crimen; quia quod in
religionem diuinam committitur, in omnium fertur iniu-
riam; quos honorum etiam omnium publicatione prosequi-
mur. Istos quoq; volumus amoneri ab omni liberalitate &
successione, quolibet titulo veniente. Præterea non dandi,
non emendi, non vendendi, non postremo contrahendi casu
quam coniuncto relinquimus facultatem.

¶ Deniq; ut cætera prætermittam, ab Imperatoribus
Theodosio & Valentiniano non solum varii
omnis generis hæretici ex Romano proscribuntur
Imperio, sed simul etiam in Manichæos, vltimum
supplicium decernitur. Ita enim lex habet: Ariani
& Macedoniani, Pneumatomachi, Apollinariani, Noëtiani,
seu Sabatiani, Eunomiani, Tetradite, seu Tesserafcede-
catite Choe est Quarta decimani, Valentiniani, Sar-
diani, Papiastæ, Montanistæ seu Priscillianistæ, vel Pby-
gers, vel Pepuzite, Marcionite, Borborite, Messaliani, Eu-
chbitæ, sine Enbasiastæ, Donatistæ, Audiani, Hydroparastæ,
Tascodrogite, Batrachite, Hermogeniani, Photiniani,
Pauliniani, Marcelliani, Ophite, Eucratite, Carpodratite, et
Saccaphori, & qui ad imam usq; scelorum nequitiam perue-
nerunt Manichæi, nunquam in Romanum locum conue-

caullog

s. i.

nicendi

Donatistas
Manichæos
Leg. 4. Cod. de
Hæret.

Leg. 5. Cod. de
Hæret.

inendi manendiq; habeant facultatem. Monachis etiam
de civitatibus pellendis, & ultimo supplicio in dendis, quo-
niam his nihil relinquendum latet, in quo ipsi etiam ele-
mentis fiat iniuria.

Sed & licet ex Adversariis quidam, veteres Do-
natistas, Hussinum ac Lutherum secuti, sentiant
haereticos alijs quidem poenis rectè mulari; attri-
men Mortis supplicio affici non posse; illi tamen
quos nunc potissimum adversarios habemus, Cal-
vinum secuti, à Catholicis hac in parte non dissen-
tiunt. Nam ut accam multa millia Catholicorum
ab ijs in Anglia & Gallia, religionis causa, crudeli-
ter cruciata; Calvinus ipse Michaëlem Servetum
tanquam haereticum ultimo supplicio publicè affi-
ciendum curavit; idq; factum etiam ipse edito po-
stea libello defendit; in quo demonstrat, licitum
esse in haereticos gladio animadvertere. Magistra-
tus quoq; Bernensis Valentinum Gentilem, ob hæ-
resim, publicè plectendum mandavit; idq; iure fa-
ctum Benedictus Arietius postea scripto edico de-
fendit. Deniq; id ipsum ex instituto docet & propu-
gnat Theodorus Beza in libro de haereticis à Magi-
stratu puniendis, & frustra hi in Catholicis eam
doctrinam culpent, quam in seipsis laudant.

Donatista a-
pud August.
epist. 50. Huss.
in Constitutio-
nant. Sess. 13.
art. 14. Luther.
apud Rosen.
art. 33.

Arietii libello
de Supplicio
Valentini.

Secundum eiusdem doctrinæ caput est. Nemi-
nem quidem iniuria latèssendum; nulli quod suum
est, per vim auferendum; nemini iniuste nocumē-
tum ullum inferendum; sed vim tamen iniustam,
iure defensionis, ac feruato moderamini inculpate
cunctas, etiam vi opposita, nec repelli. Dicit hoc Iura
Canonica, Civilia, docent ipsi Adversarij, non ergo
abiciunt

Sleidanus lib.
8. Anno 1531.

possunt cupare. Certe Sleidanus fatetur, Lutherum, quauis id antea negasset, postea tamen a *Iurisperitis doctum*, suum hac in re errorem retrastasse; idq; ipsum in conuentu Simalcaldico in praesentia fuisse lectum. Proba sane accommodatione, si probare. Aduersarius, vllam tunc suos à Principibus Catholicis vim iniustam fuisse perpeffos. Quam alitem impudenter & perfide Ministri, quidam Calviniani hoc axioma abutantur, ad publicam Imperij pacem turbendam, eiusq; pacta & conuenta violanda, atq; ipsos etiam tam Lutheranos, quam Catholicos Principes seditionibus subditorum opprimendos; quasi videlicet ideo fas sit, subditis Calvinistis aduersus Principes suos rebel-
lare, si quando illi in suis ditionibus, Calvinisticae religionis Professione & exercitio interdicto, iuxta Imperij leges & conuenta; ad Catholicæ aut Lutheranae Religionis normam diuinum cultum instituunt & reformant, dicitur cap. 6.

Tertium est: Pacta quidem ob conuenta, per se loquendo, esse seruanda, nec promissi fidem negligendam; attamen regulam hanc habere iustas quasdam exceptiones; Prima est, quando res ipsa promissa illicita est; ac sine peccato seruari non potest. Tunc enim ingenuè fatemur, promissum, etiam iuramento firmatum, vim nullam habere. Docent hoc sancti Patres, & ex ijs Sacri Canones: Quia iurantentum non est vinculum iniquitatis. Et: In promissis malis, inquit alius Canon, rescindenda fides. In turpi voto multa decretum. Quod incerta voluntis ne facias. Et rursum: Non est obseruandum iuramentum, quod in-

Can. Inter ca-
tera.

Can. In malis

Can. Non est

causa 22. q. 4.

luni incautè promittitur; Veluti si quispiam adultera per-
petuam cum ea pertrahendi fidem pollicetur, tolerabilius
est enim, non implere Sacramentum, quàm privari in
suprà flagitio. Denique Regula iuris habet: In malis
promissis fidem non expedit observari.

Reg. 26. in 6.

Docet etià Ius civile: Pacta, inquit Imperator,
quæ contra leges constitutionesq. vel contra bonos mores
sunt, nullam vim habere, indubitati iuris est. Docet e-
tiam & convincit ipsa ratio naturalis. Quod enim
illicitum est, omnino vitandum est: Ergo fieri nul-
la ratione potest, ut ad hoc præstandum seu facien-
dum, promisso, voto, iuramento, vlloue alio vincu-
lo obligemur. Alias enim res eadem simul & fa-
cienda esset, quia promissa; & non facienda, quia
illicita. Quæ de causa rectè S. Ambrosius: Est etià
contra officium nonnunquam, solvere promissum, iuramen-
tum custodire. Vnde Herodes qui iuravit, quoniam quidquid
petitum esset, daret filia Herodiadis; & necem Ioannis præ-
stitit, ne promissum negaret. Nec verò sanus est quis-
quam, qui hoc Herodis factum comprobet.

Leg. 6. Cod. de
Pactis.Ambros. de of-
fic. lib. 1. cap. 50.
& can. 1. si e-
tiam cit. causa
21. q. 4.

Sed ipsi etiam Aduersarij Calvinistæ hanc do-
ctrinam vniuersim non negant; quidquid nonnun-
quam ad particularem materiam applicatum,
quasi de perfidia suggillent; nimirum quia aduer-
saria fide imbuti, bonum in alium, & malum bonum di-
cunt; ponentes amarum in dulce, & dulce in amarum.

Isai 5. 9. 20;

Secunda exceptio est. Si pars altera cui fides
data, prior fidem fallat. Tunc enim valet vulgare
illud omnium ore decantatum: Frangenti fidem, fides
frangatur eidem; & quod regula iuris habet: Frustra
sibi fidem quis postulat ab eo servari, cui fidem à se prestitam
servare recusat.

Reg. 78. in 6.

a. Cap. Ad ad-
dientiam, de
q. 1. quo vi.
Cap. de bitores
de larcupado.
Leg. mesum 9.
leg. si mulier 15.
h. qui in carce-
rem 22. ff. quod
metum causa
leg. 1. C. de
rescind. Ven-
dit.
b. S. Thom. 22.
2. 2. a. 7. ad 3.

Tertia exceptio est, utroque iure firmata, & si
quando promissa: & conuenta per vim iniustam
extorta, quamuis simul etiam iuramento sit inuoluntaria
legitimi iudicis sententia, in iuramentum reuocetur.
Optime de hac re S. Thomas, & quem ceteri Theo-
logi sequuntur. In iuramento, inquit, quod quis confidit
facit, duplex est obligatio. Una quidem, quia obligatur bonis
nis, cui aliquid promittit; & talis obligatio tollitur per ro-
gationem; quia ille, qui vim intulit, hoc meretur, ut ei prae-
missum non seruetur. Alia autem est obligatio, qua quis
Deo obligatur, ut impleat, quod per nomen eius promissit; &
talis obligatio non tollitur in foro conscientiae (absque sen-
tencia nimirum iudicis); quia magis debet dampnum
temporale sustinere, quam iuramentum violare. Potest ta-
men repetere in iudicio, quod soluit, vel prelatum denuntiare,
non obstante quod contrarium iurauit; quia tale iuramen-
tum vergeret in deteriorem exitum, esset enim contra iusti-
tiam publicam. Et ratio huius doctrinae, quam nec
Aduersarij in sua causa repudiant, est manifestissima.
Tum quia iuxta regulam vi uiusque iudis, & si iura
nemini patrocinari debet. Tum quia qui vim iniuste
tenetur ex iustitiae obligatione, vim amoliri, eum-
que quem laesit in suam pristinam libertatem res-
tituere; non minus quam id, quod per vim iniustam
extorsit, etiam ante sententiam iudicis. Ergo con-
uincitur remittere promissum & iuramentum vi ex-
tortum, quod nisi faciat, quid nisi laesus ipse (si er-
cubi iuramentum non obstat) aut certe superiorum
vriusque laesum suae libertati vindicabit. Quare ob-
tiam non desunt graues auctores, & qui docent, e-
iusmodi pacta ab altera parte vi extorta, si iuramen-
to firma-

c. Sot. lib. 4. de
iustit. q. 1. a. 4.
d. lib. 8. q. 8.

to firmata non sunt, in foro conscientiae ipsos factos, etiam antea sententiam indicis, iudicasse, de quo tamen hic non disputamus.

47. ad 3. Cap.
60. 2. 2. de re-
fir. Palat. lib.
4. contr. 2. 9.
Molin. tom. 2.
de iustit. 4. 3. 2.
6. 3. 2. 1. 2. 3.
An num. 7. 2.
ser. Sanchez
lib. 2. de iur.
trim. disp. 9. in
fin. post Bartho-
lum. contr. com.
Iurisperit. 5.
2. 2. 1. 2. 3.
11. 2. 3. 4.

Quarta exceptio est, si quando privilegii se-
mel à Principe concessis subditi turpiter fuerint
abusi, aut alias aduersus Rempub. aut Maiestatem
principis grauitur deliquerint; tunc enim reuoca-
ri possunt à principe privilegia; nec eorum pro-
missis ipse amplius tenetur. Quod explorati itide
iuris est. *Privilegium*, inquit Canon, *domino meretur*
amittere, qui permixta sibi abutitur potestate. Et similiter
S. Augustinus de *iudicio legum*, inquit, iure ab obtenta
dignitate deiecitur, qui privilegio sibi concessio abutitur.
Et alius Canon *Si decet fidem SS. Patrum in Ecclesia*
seruari Catholica, ut quod habuit amittat, qui improbabili
temeritate, quod non accepit affirmaverit.

ad Causa 55. 9.
3. can. 63. 6. 1.
Iudaos. Cod. de
Iudaicis.
August. serm.
247.
Causa 55. 9.
4. can. 22.

Has autem exceptiones cum negare non pos-
sint Aduersarij, non desinunt tamen etiam Catho-
licos incusare, quasi aut fidem non seruent & pro-
missa, aut non seruanda doceant; quod etiam ob
aliquam hanc in pausarum promissa non præstant;
cum tamen ipsi vicissim nimis quam libere à præ-
standis iuramentis se suosq; exoluant. Non iam
de præsentis Boëmorum rebellionem, eorumq; con-
iurationem agam; quos fidei multipliciter violata Ca-
sa ipse in suo Rescripto inferius cap. 6. referendo
reos agit. Vnum tantum modo vetus, & ab ipso
meo aduersariorum historico Sleidano litteris pro-
dicum documentum referam.

ad Causa 55. 9.
4. can. 22.
ad Causa 55. 9.
4. can. 22.
ad Causa 55. 9.
4. can. 22.

Cum fœderati Principes Aetholici ex Tyrolis
reduces essent, max Augustus publicas litteras ex-
pediunt,

ad Causa 55. 9.
4. can. 22.
ad Causa 55. 9.
4. can. 22.

pediunt, quibus proscriptos à Carolo Casare Verbi ministros, & Didascalos seditiosos, qui etiam iureiurando se obstrinxerant, se in fines Imperij non reuersuros, ita reuocarunt ac restituerunt, ut plusquam Pontificia potestate, eos sine dubitatione à Iuramento Casari præstito palàm ac sollemniter absoluerint; his ipsis verbis: *Nec enim, inquit, hostes veritatis* (Casarem Carolum & Ferdinandum Regem intelligunt) *pios modò Doctores in vincula coniecerunt, verùm in hac etiam Vrbe per iusiurandum adegerunt eos, repentè ac magna quadam inhumanitate, ut extra fines Imperij decederent. Et quanquam iusiurandum illud cumprimis impium est ideoq; nullo iure vel equitate nititur; tamen ne quis calumnie locus esset, illos ipsos Ecclesie ministros atq; Ludimagistros ab Aduersarijs eiectiones reuocauimus; quoniam id officij nostri esse putamus. Itaq; illos omnes, quicunq; sunt ad hunc modum exterminati, sicut diximus, ab eo, cui per vim contra leges adstricti fuerant, iuri iurandi vinculo prorsus expeditus, ac libertati restitutus; & iniungimus, ut non solum in hac Vrbe, verùm alijs etiam in locis, prout ipsorum est vocatio, Verbum Dei purè, iuxtaq; Confessionem hinc olim exhibitam, doceant, & rectè pièq; iuuentutem in litteris erudiant, vestro consessu patrociniò atq; tutela. Mandamus autem, ne quis illos, quasi contra fidem datam faciant, vllò verbo vel iniuria perstringat. Hactenus principum A catholicorum rescriptum.*

Vbi hæc notanda. Primum, Aduersarios non tantum sibi sumere potestatem relaxandi Iuramenta suorum subditorum; sed etiam aliorum, in quos ipsi ius nullum habent. Secundò, relaxare etiam promissa ac iuramenta præstira, non tantum æqualibus

libus & inferioribus, sed etiã legitimo ac supremo tam suo, quam eorum qui iurauerant Magistratui: idq; contra apertam & testatam eiusdem supremi Magistratus voluntatem. Tercio, declarare, non solum impium iuramentum nullius esse roboris; sed etiam iuramentum illud, quo minister aliquis Verbi Imperij se finibus excessurum, nec regressurum iurauerit, esse impium, & inualidum. Quare secundum nouam hanc Theologiam, non licebat pijs illis Prædicantibus impium illud iuramentum nec præstare, nec seruare. Et quomodo ergo pij erant, qui impium adeo edebant ac seruabant iuramentum? aut quomodo impium erat iuramentum, cuius materia ab ipso etiã Christo præscripta fuerat; *Cum persequentur vos in ciuitate ista, fugite in aliam?* Matth. 10. 23. Quartò deniq; notandũ, posse planè, iuxta Aduersarios, à Iuramento per vim extorto expediri & absolui iurantem; vbi si adderent, per vim iniustam extorto; & quidem ab eo cui Iuramentum præstitũ est, aut vtriusq; superiori, non autem ab alio inferiori, tunc id solum dicerent, quod nos ipsi etiam circa fidem datam integrum nobis esse volumus. Atqui iam quando nec vim iustam, nec Iuramenta superioribus, nec à non subditis præstita excipiunt; sed ex æquo sibi potestatem vendicant dissoluendi omnia, perspicuum est, quantò longius ipsi in Iuramentis dissoluendis, quam Catholici, verbo factoque progrediantur.

Ex quibus etiam iudicabit lector, immeritò ne, an æquo retorsionis iure scripserit, non Iesuita aliquis, sed grauis & veteranus Theologus: *Hi qui sine fide* Ioan. Molanus
trakt. de fide
habet seruan-
da.

fide sunt, audent de sua fidelitate homines aperte perfidissimè gloriari, & omnem perfidiam inuidiam in Catholicos torquere; quicquid in pace & federe viuere nesciunt, ex suo prauo ingenio, omnes de perfidia suspectos habent; & quia magno odio, multaque impietate Ecclesiam Catholicam impugnant, ideo malitiosè mentiri non erubescunt, nostram (Catholicorum) doctrinam esse, hereticis nullam fidem esse seruandam. Sed hunc cætera civilis doctrinæ capita in Ecclesia Catholica recepta prosequamur.

Quartum igitur eiusdem doctrinæ caput est: Præceptis quidem & legibus, Magistratus etiam politici, obtemperandum, iuxta Apostoli monitum: *Omnis anima potestatibus sublimioribus subdita sit*; sed non nisi honesta præcipientibus: alias enim obsecrandum aliud Apostolorum decretum: *Obedire oportet DEO magis, quam hominibus*. Docet igitur hoc Scriptura; docent ipsi aduersarij Boëmi in præsentia causa, & reperunt etiam non suo loco. Non ergo iure culpæ possunt: utcumque in rebus ad conscientiam spectantibus, vix æquo animo ferre possint, ut Catholici suæ religionis curam habeant, ac ex eius norma honesti rationem metiantur: cum tamen ipsi, si vel minimum tangi suam religionem sentiant, perpetuo aduersus legitima etiam superiorum mandata conscientia prætexum obtendant; quasi vero soli ipsi conscientia rationem habeant; Catholici nullam habere debeant, ut iam alibi etiam obseruatum.

Quintum est. Etiam tributa iuxta Regibus ac Principibus pendenda; sed ab ijs, qui iure exempti non sunt. Antiquissimum autem patet & acquisitum,

Rom. 13. G. 1.

1. Th. 5. G. 19.

Apol. 2. Boëm.
pag. 24. 28. 70.
G. 109.

Apol. Soc. Aug.
cap. Boëm. cap.
2. G. 10.

Vide Adam.
Tann. Dofens.
Eccles. libert.
lib. duos.

finium, esse ius immunitatis & libertatis Ecclesiasticae, alibi demonstratum est. Nec habent aduersarii quod reponant, præter impetitionem & calumnias. Male ergo reprehendunt.

*Scripto Germ.
Zschutter Postlo
part. pag. 149.
S. 199.*

Sextum est. Curam Ecclesiæ, ac rerum Ecclesiasticarum, præcipue vero ad religionem & cultum diuinum spectantium, ad Ecclesiæ Prælatos, atque imprimis ad Romanum Pontificem, non quidem velut dominum temporalem, aut politicum totius mundi, seu Imperij Christiani; sed tamen ut Vicarium Christi, Successoremque S. Petri Apostoli, in cura & gubernatione totius Ecclesiæ, adeoque caput spirituale, & Pastorem vniuersalem, omnium fidelium, totiusque gregis Dominici spectare: sine cuius prout de consensu, publicus religionis status in Ecclesia immutandus non sit, & cui in causis Religionis & conscientie etiam ipsi Imperatores, Reges, & Principes Christiani iure subiecti sint. Docet hoc scriptura, docet SS. Patres. Quando à condito mundo auditum est, inquit S. Athanasius, iudicium Ecclesiæ ab Imperatore auctoritatem suam accepisse? aut quando unquam hoc pro iudicio agnatum est? Et rursus: Ne te misceas, Imperator, rebus Ecclesiasticis: neque nobis in hoc genere præcipe, sed potius à nobis discas. Tibi DEVS Imperium commisit; nobis quæ sunt Ecclesiæ concedidit. Id ipsum nuper contra Bœmos alibi fusiis demonstratum est. Idem docent Lutherus & Calvinus, qui planè negant, Principi seculari fas esse, de cæteris religionis decernere. Non ergo hoc iure reprehendum Aduersarij.

*Matt. 16. 18.
Ioan. 21. 15.
Athanas. epist.
ad Grit. solut. a
gentes.*

*Apolog. Societ.
contra Bœm.
cap. 4.
Luther. de
lib. de fecul.
tom. 2. Colut.
lib. de fecul.
p. 104. colut.
p. 104. colut.
p. 104. colut.*

Septimum est. Pacem quidem, quoad fieri potest,

test, cum omnibus retinendam, amicitiamque colendam: attamen si vel ipsi etiam propinqui nostri à fide, aut ab honesto nos auocent, dimittendos, eorumq; consuetudini & obsequio renunciandū. Docet hoc Christus ipse Dominus in Scriptura sacra. *Nolite, inquit, arbitrari, quia pacem venerim mittere in terram: non veni pacem mittere, sed gladium. Veni enim separare hominem aduersus patrem suum, & filiam aduersus matrem suam, & nurum aduersus socrum suam: & inimici hominis domestici eius.* Inimici nimirum sunt, quia dum auercent à fide Christi, & debito diuinæ legis obsequio, aut etiam à perfectiore statu, ad quem *Deus* vocauit; iam non amant, nec bene volunt nobis, quod amici est; sed male, quod odientis est inimici; *Deo* ipsi nequaquam in amore, aut obsequio præferendi. Vnde mox ibidem etiam subiungit Christus: *Qui amat patrem aut matrem plus quam me, non est me dignus: & qui amat filium, aut filiam super me, non est me dignus.* Et quamuis tales nihilominus amemus vt homines, honesto tamen etiam odio prosequi iubemur, quia malos, non personam ipsam detestando, sed vitium. In quem modum præcipit idem Saluator alio in loco: *Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus.* Et scilicet hæc nobis ex Euangelio Christi eradenda erunt, ne delicatis, imo crassis & impijs quibusdam calumniatoribus stomachum mouisse, pacisque & innatæ pietatis fœdera rupisse videamur, si ad eam præceptionum normam, doctrinā moresq; nostros conformemus.

Audi-

Matt. 10. 34.

Matt. 10. 37.

Scripto Germ.
 Jesuitæ Post.
 part. pag. 124.
 & seqq. quod
 pag. 90. tribui-
 tur alicui disci-
 pulo Theologia
 Argenterati.

Audiāt isti, quod hac de re S. Hieronymus scripsit:

Ne quis pietatem religioni anteferet, subiicit dicens: Qui Hieron. in cap.
10. Matth.

Hieron. in cap.
10. March.

qual patrem, ut matrem, plusquam me: & in Canticole-
gimus Canticorum: Ordinate in me charitatem. Hic ordo
in omni affectu necessarius est. Ama post DEVM, patrem;
ama matrem, ama filios. Si autem necessitas venerit, ut a-
mor parentum ac filiorum DEI amori comparetur, ut non
possit utrumque servari, odium in suos, pietas in DEVM est.

Octauum est: Bellum quidem ex se optabile, non esse, sed quoad fieri potest, defugiendum; & vero ex utraq; parte iustum esse vix posse: attamen nec ita vniuersim illicitum, quin certis conditionibus seruatis honestari probariq; possit: Si nimirum in suscipiente adsit auctoritas legitima, causa iusta, & recta intentio. Docet hoc scriptura passim: docent sancti Patres; è quibus optimè S. Augustinus ait: *Non iniuste fieri ab his, qui iustum bellum gerunt; ut nihil homo iustus precipue cogitare debeat in his rebus, nisi ut iustum bellum suscipiat, cui bellare fas est; non enim omnis fas est. Cum autem iustum bellum susceperit, utrum aperta pugna, utrum insidijs vincat, nihil ad iustitiam interest. Iusta autem bella definiri solent, qua vlciscuntur iniurias; si qua gens, vel ciuitas, qua bello petenda est, vel vindicare neglexerit, quod à suis improbe factum est, vel reddere, quod per iniuriam ablatum est. Et alibi: Quid enim culpatur in bello? inquit, An quia moriuntur, quandoq; morituri, ut dominantur in pace victuri? Hoc reprehendere timidorum est, non religiosorum. Nocendi cupiditas, vlciscendi crudelitas, impacatus atq; implacabilis animus, feritas rebellandi, libido dominandi, & si qua similia, hæc sunt, qua in bellis iure culpantur; qua plerumq; ita culpatur, ut etiā*

S. Aug. 1. 6. 99.
in issue 9. 10.

S. August. l. 22,
cont. Faustina
cap. 74.

inire puniantur. Aduersus violentum resistendum, siue DEO,
siue aliquo legitimo imperio iubente; gerenda ipsa bella susci-
piuntur à bonis, cum in eo rerum humanarum ordine inue-
niuntur, ubi eos vel inbere tale aliquid, vel in talibus obedi-
re, iuste ordo ipse constringit. Alioquin Ioannes, cum ad eum
baptizandi milites venirent, dicentes; Et nos quid facie-
mus? responderet eis: arma abijcite, militiam istam deserite,
neminem percutite, vulnerate, prosterne nequinem.
Sed quia sciebat eos, cum hac militando facerent, non esse
homicidas, sed ministros legis, & non cultores inuidiarum
harum, sed salutis publicæ defensores; respondit eis: Nemi-
nem concusseritis, nulli calumniarum feceritis, sufficiat vobis
stipendium vestrum.

Luc. 3.

Ad præceptum vero Christi, quo olim Mani-
chæi, & nunc Anabaptistæ, ad bella vniuersimoda
probanda abutuntur, optime respondet S. Augu-
stinus. Si autem, inquit, propterea putant, non potuisse
DEVM bellum gerendum inbere; quia Dominus postea
IESVS Christus; Ego, inquit, dico vobis, non resistere ad-
uersus malum. Si quis te percusserit in maxillam tuam
dexteram; prabe illi & aliam: intelligant, hanc prepara-
tionem non esse in corpore, sed in corde: ibi enim est sanctam
cubile virtutis, qua in illis quoque antiquis iustis nostris Patri-
bus regnavit, &c. Ita S. Augustinus contra Manichæos
hæreticos, vniuersim bellum omne damnautes,
olim ex Ecclesiæ Catholicæ sensu disputauit; id
quod pluribus etiam ibidem Scripturæ sacre testi-
moniis & exemplis confirmat. Vnum instar om-
nium est illud Apostoli de civili magistratu loquen-
tis: DEI minister est, Vindex in ira, qui malum agit
ideo enim & tributa prastatis. Ad hoc enim, inquit ibi-
dem

S. Aug. ibid.
cap. 76.

Rom. 13.

dem S. Augustinus, tributa praestantur, ut propter bella ^{S. Aug. loc. cit}
 necessaria militi stipendium praebeatur. Et in eundem sen-
 sum S. Petrus: Subiecti estote propter DEVM, non modo ^{1. Pet. 2.}
 Regi quasi praecellenti, sed etiam ducibus tanquam ab eo mis-
 sis, ad vindictam malorum, laudem vero bonorum.

Sed nec dissentiunt aduersarij: imo plenis buc-
 cis, hiance ore, ne dicam, inciuiliter etiam, ma-
 nibus & pedibus in eandem totient sententiam: nisi
 forte ex ijs, qui quasi religiosiores vniuersim gladij
 usum damnant, secundum imperij leges hoc ipso
 gladio digni. Ceteri quomodo in nobis possunt
 culpae, quod in se ipsis probant?

Nonum est. Seruatis debitis conditionibus,
 nullum bellum honestius suscipi, quam pro fide &
 religione, contra infideles tuenda. Docent hoc
 exempla Scripturae sacrae quam plurima, specia-
 tim Moysis, Iosue, Gedeonis, Iephre, Dauidis, Ma-
 chabeorum: quorum princeps ac parens, optimus
 & bellator, & concionator, etiam verbo docet.

Exclamauit enim Mathathias voce magna in ciuitate dicens: ^{Num. 25. 6. 17.}
 Omnis qui zelum habet legis, statuens testamentum exeat post ^{& cap. 31. 9. 2.}
 me. Et rursum: Nunc ergo, O filij, amulatores estote legis, ^{Iosue cap. 5. 6.}
 & date animas vestras pro testamento Patrum vestrorum, ^{8. 9. 10. 11.}
 & mementote operum Patrum, quae fecerunt in generationi- ^{Iud. 7. 8. 11. lib.}
 bus suis, & accipietis gloriam magnam, & nomen aeternum. ^{2. Reg. 8.}
 Et vero in aduersis non cedendum, utcumq; hostes ^{1. Paralip. 18.}
 interitum exitiumque minentur, plurimis etiam ^{lib. 1. Machab.}
 documentis probat: Abraham, inquit, nonne in ten- ^{cap. 2. 3. 4. 5.}
 tatione inuentus est fidelis, & reputatum est ei ad iustitiam? ^{1. Machab. 8. 9.}
 Ioseph in tempore angustiae suae custodiuit mandatum, & fa- ^{27. & 50.}
 ctus est dominus Aegypti. Phinees pater noster zelando ze- ^{Ibid. 9. 54.}
 lum

lum DEI, accepit testamentum sacerdotij æterni. Iesus (si-
ue Iosue) dum implevit verbum, factus est dux in Israël.
Caleb dum testificatur in Ecclesia (animans ad bellum
diuinitus condictum contra infideles) accepit heredi-
tatem: David in sua misericordia consecutus est sedem
regni in secula. Elias dum zelat zelum legis, receptus est
in cælum. Ananias, & Azarias, & Misael credentes liber-
rati sunt de flamma. Daniel in sua simplicitate liberatus
est de ore leonum. Et ita cogitate per generationem & ge-
nerationem: quia omnes, qui sperant in eum, non infirmantur.
Ita Mathathias.

1. Machab. 3.
Vers. 58.

Sed & Iudas filius, nil à virtute & eloquentia
paterna degenerans: Accingimini, inquit, & estote fi-
lij potentes, & estote parati in mane, ut pugnetis aduersus
nationes has, quæ conuenerunt aduersus nos, disperdere nos
& sancta nostra: quoniam melius est nos mori in bello, quàm
videre mala gentis nostræ & sanctorum. Sicut autem fuerit
voluntas in cælo, sic fiat. Et rursus suos ab hostili mul-
titudine territos commilitones erigens: Facile est,
inquit, concludi multos in manus paucorum: & non est
differentia in conspectu DEI cæli liberare in multis, & in
paucis: quoniam non in multitudine exercitus victoria bellis,
sed de cælo fortitudo est. Ipsi veniunt ad nos in multitudine
contumaci & superbia, ut disperdant nos, & uxores nostras,
& filios nostros, & ut spolient nos: nos vero pugnabimus
pro animabus nostris, & legibus nostris; & ipse Dominus cõ-
teret eos ante faciem nostram: Vos autem ne timueritis eos.

1. Machab. 3.
Vers. 18.

Docent idem sancti Patres, è quibus S. Augu-
stinus: Scio, inquit, in libro Ciceronis tertio, nisi fallor, de
Republica, disputari, nullum bellum suscipi à ciuitate optimam,
nisi aut pro fide, aut pro salute. Quod si pro fide etiam
humana

S. August. l. 22.
de Ciuit. cap. 6.

humana, quanto magis pro diuina? de qua S. Augustinus ibidem ait: *Salus autem ciuitatis DEI talis est, ut cum fide ac per fidem teneri, vel potius acquiri possit; fide autem perditâ ad eam quisq; venire non possit.*

S. Gregorius Pontifex ipse Gennadium Africę Exarchum, ad compescendum bello hæreticos his verbis, initio eius epistolę, hortatur: *Sicut Excellentiam vestram hostilibus bellis in hac vita Dominus victoriarum fecit luce fulgere, ita oportet eam inimicis Ecclesię eius omni viuacitate mentis & corporis obuiare, quatenus eius ex utroq; triumpho magis ac magis enitescat opinio; cum & forensibus bellis aduersarij Catholica Ecclesię pro Christiano populo vehementer obsistitis, & Ecclesiastica pręlia, sicut Bellatores Domini, fortiter dimicatis. Notum est enim, hæreticę religionis viros, si eis (quod absit) suppetit nocendi licentia, contra Catholicam fidem vehementer insurgere, quatenus hærescos venena ad tabefacienda, si valuerint, Christiani corporis membra transfundant. Cognouimus enim eos, contra Ecclesiam Catholicam, Domino eis aduersante, colla subrigere, & fidem velle Christiani nominis inclinare. Sed eminentia vestra conatus eorum comprimat, & superbas eorum cervices iugo rectitudinis premat.*

S. Gregor. lib. 1.
epist. 72.

Idem conuincit ratio: Nam si pro patria, pro libertate, pro vita, pro incolumitate temporali, recte bella suscipiuntur; quanto magis pro æterna salute, quę sine fide vera esse nō potest? Hinc eos, qui acerrimē & iustissimē pugnant, pro aris & focis dimicare dicimus. Idem pro sua fide faciunt, idem docent aduersarij Calvinistę: quanto nos ergo rectius, quorum fides ipso etiam antiquitatis & anterioris possessionis iure, ne dicam veritatis, ac rationum pondere, potior est.

H

Quid,

Quid, quod aliquando bellum adeo honestum est, ut sit etiam necessarium, ac necessario suscipiendum; malum quidem aliquod semper; sed nonnunquā maiori malo præferendum. Docent hoc multa scripturæ exempla, quibus docemur, bella à Moysè, Iosue, alijsq; ducibus Israelis nonnunquā Deo præcipiente fuisse suscepta. Quis autē nescit, necessario faciendum, quod à Deo faciendum præcipitur? Docet hoc S. Augustinus: *Sapiens, si se hominem meminit*, inquit, *multo magis dolebit iustorum necessitatem sibi extitisse bellorum: quia nisi iusta essent, ei gerenda non essent; ac per hoc sapienti nulla bella essent. Iniquitas enim partis adversæ iusta bella ingerit gerenda sapienti. Audis, necessitatem gerendi belli sapienti quidem dolendam, obtingere tamen. Et alio loco: Belligerare*, inquit Augustinus, *et perdomitis gentibus dilatare regnum, malis videtur felicitas, bonis necessitas. Et rursum: Pacem habere debet voluntas, bellum necessitas, ut liberet DEVS à necessitate, et conseruet in pace.*

*S. August. l. 19.
de ciuit. cap. 7.*

*S. August. 4.
ciuit. cap. 16.*

*Epist. 107. ad
Bonifacium
Comitem.*

Idipsum docet ratio Theologica: Nam si hostis fidei populos fidei Principi subditos, sibi suæq; ditioni, ac simul infidelitati subigere tentet, quis dubitat, pij Principis officium esse, si per vires nullo modo possit, populos subiectos simul, ac fidem, contra vim iniustam etiam armis tueri? idq; nisi faciat, nec boni viri, nec Principis fidelis officio satisfecisse.

Idem probat ratio politica. Nemo enim est tam vecors, ut existimet, etiam si de politica solum pace agatur, Principem ab ignauia posse defendi, qui subditorum bona, salutemque temporalem,

cum

cum ab hostis iniusta inuasione, ac noxia depopulatione vindicare armis possit, negligat. Idem sentiunt; idem faciunt, aduersarij: nisi quos forte Manichæorum, Wicleffi, aut Anabaptistarum fermentum infecerit; pietatem quidem simulans, sed non exhibens: contra quos tamē hoc loco non disputamus. Plura de hæreticorum punitione & libertate religionis promiscuē non permittenda inferius.

Vid. cap. 9

Atq; hæ sunt Catholicæ Ecclesiæ belli pacisq; ac politici conuictus leges, & axiomata: quæ cum non solum ipsius Scripturæ sacræ, sanctorum Patrum testimonijs, ipsaq; ratione naturaliter firmissime comprobentur, sed etiam ab aduersarijs Calvinistis, in hisce quibus vsi fuimus, generalibus terminis, comprobentur; quid quæso est, unde ipsa quidem per se doctrina Ecclesiæ incusetur, quasi bella ac seditiones pariat, publicamq; pacem perturbet: cum etiam tunc, quando ex Catholicæ Ecclesiæ doctrina bellū necessarium suscipiendū est, ad hoc iusta necessitas cogat, quæ culpam habere non potest. Culpa eius est, qui per iniquitatem iustam belli suscipiendi necessitatem temere ingerit, non qui dolenter acceptat.

Profecto de communibus belli pacisque præceptionibus, nulla nobis admodum cum aduersarijs contentio est; sed de fide ipsa & religione; quā nisi damnarent in nobis aduersarij, nihil haberent, quod in illis politici conuictus legib' improbarēt. Probant nimirum & fatentur, iniustam vim vi iure repelli; sed vim iniustam negant, quando vetera Eccle-

Ecclesiæ Catholicæ Iura diminutum ire pergunt. Consentiant facile, promissa rei illicitæ seruanda non esse: sed religionē ab Ecclesia Catholica ipsosq; Imperio damnatam approbare actueri, rem illicitam negant: Fatentur iniquis legibus magistratus politici obtemperandum non esse; sed suas ipsi leges, de Caluini impia fide sequenda, iniquas esse negant. Non negant, iure quibusdam à tributis pendendis immunitatem concedi: sed Catholicæ Religionis ministris negant. Facile adducuntur, ut aliquod Ecclesiæ spirituale Caput vel admittant, vel admitti posse consentiant: sic enim & Angli Calvinistæ pro suo Rege pugnant; sed suæ, hoc est acatholicæ fidei ac religionis id esse volunt. Vnde & Romanum Pontificem pro tali recipi posse, fatebatur olim etiam Philippus, si *Euangelium acceptaret*. Agnoscunt facile, nec propinquis ipsis acquiescendum, si à vera fide auerçant; sed Catholicam fidem esse veram negant. Fatentur bellum pro vera Religione tuenda licite quondam suscipi & necessario; sed suam, non nostram esse veram, sibi persuadent. Vno verbo, *quoties Catholici*, inquit Erasmus, *moliuntur aliquid pro defensione suæ fidei, seditiosus tumultus est: quoties ipsi faciunt eadem pro suo instituto, sanctissimus est euangelij zelus.*

Nec tamen, quia nos illis fidem nostram probare non possumus; ferre debemus, ut illi cum fide autem, eas ipsas viuendi leges ac præcepta nobis auferant, quas circa suam ipsi nouitiam fidem probant & seruant. Orandus potius Deus est, ut Spiritus sancti gratiâ & ductu, rerumque ipsarum

momen-

Philip in Subscript. articul. Smalcald.

Lib. 11. epist. ad Hedionem,

momentis accuratius expensis, non solum nobiscum easdem belli pacisq; generales regulas, sed eandem etiam fidem quandoq; complectantur; quam vel ipsi, vel eorum maiores, non ita pridem deseruerunt.

C A P V T I I I

Catholicos Principes, velut Aduocatos & Defensores Ecclesia, adstringi ad haereses, non minus quam alia scelera, in suis ditionibus, pro viribus prohibendas, & exterminandas; nec posse, saluâ conscientia, libertatē Religionis promiscue ac prohibitu tolerare; imò nec ad firmam solidamq; pacem conducere, etsi necessario quandoq; toleratam.

Non solum Boëmi Rebelles; sed & alij ex A catholicis nonnulli, Caluini præcipuè spiritu imbuti, dudum Catholicos, partim etiam Lutheranos Principes accusant; quasi diffidij in Imperio, ac perturbationibus causam præstent, eo quòd desideratam tantopere autonomiâ libertatemq; credendi in suis ditionibus non concedant; quodq; Iura & bona Ecclesiæ ab A catholicis aut occupata repetant, aut ne occupentur, defendant. Hoc nisi facerent, facile pacem constitutum iri. Sic nimirum olim lupi canes incussasse

poterant, quod oues, pabulum scilicet lupis debuerant, ruerentur; nec sinerent edacibus ipsorum dentibus dulcem escam fieri. Sed quia res hac gravis est, æternamque animarum salutem concernit, paucis ostendendum est, Principes Catholicos iure ac ex officio facere, quod faciunt; nec salua conscientia aliud facere posse.

Vid. S. Thom.

2.2.9.18.4.11.

Planè igitur fatendum, diuersitatem Religionum, libertatemque fidei à Principibus Christianis nec approbandam; quia mala est; nec promiscuè permittendam; quia ex eo malorum genere est, quorum permissio raro potest maioris boni procuratione, maiorisue mali euitatione excusari. Ita docent sacra Scriptura, sancti Patres, Canones Ecclesiæ, Iura Imperij, ipsa ratio naturalis; vsus denique & praxis Aduersariorum, vt mox ordine demonstrabo.

Deut. 13. 6. 5. 6.

Ad scripturam sacram quod attinet, tantum abest, vt ea facilem conniuentiam Principum indissimulãdis veræ Religionis corruptelis laudet, vt potius magnopere damnet. Etenim in Deuteronomio falsum Prophetam, & qui à vero Dei cultu ac religione tenter auertere, interficiendum præcipit; etiamsi nobis sanguine iunctus sit. *Lapidibus*, inquit scriptura, *necabitur; quia voluit te abstrahere à Domino Deo tuo, qui eduxit te de terra Ægypti, de domo seruitutis: vt omnis Israel audiens timeat, & nequaquam ultra faciat quippiam huius rei simile.*

Deut. 13. 6. 15.

Idem præcipit Deus, si quando vrbs aliqua tota malis consilijs & persuasionibus seducta, relicto veri Dei cultu, ad idololatriam, falsamue religionem declinauerit.

Statim,

Statim, inquit, percuties habitatores urbis illius in ore gladij, & delectis eam, ac omnia quæ in illa sunt, usque ad pecora: quicquid etiam suppellectilis fuerit, congregabis in medio platearum eius, & cum ipsa civitate succendes; &c. *De avertatur Dominus ab ira furoris sui, & misereatur tui.*

Exempla particularia habemus, Moysen; qui *Exodi 31. 6. 28.* peccatum Idololatriæ circa vitulum in eremo correctum adeo grauitè vindicandum in Israelitico populo decreuit, ut adiunctis sibi Leuitis, velut Iustitiæ publicæ administris, vindice gladio per Castra Israelitarum promiscuè grassatus, vna die ad viginti tria millia hominum neci dederit. Et rursus alio loco, eum, qui contra Religionem Israelitis præscriptam die Sabbathi ligna collegerat decreta *Num. 15. 9. 35.* mortem mulctandum præcepit: *Mortè, inquit, morietur homo iste; obruat eum lapidibus omnis turba extra castra.* *Num. 16. 9. 26.*

Et paulo post, in schismate Coræ, nō solum auctores sceleris grauißimas dederunt pœnas, sed prius etiam eorum communione alijs interdixit Moyses: *Recedite, inquit, à tabernaculis impiorū, & nolite tangere, quæ ad eos pertinent, ne inuoluamini in peccatis ipsorum.*

Habemus Iosue, quo imperante, cum ad Israelitas delatum esset, filios Ruben & Gad, & dimidiam tribum Manassæ, altare in terra Chanaan, super Jordanis tumulos, contra filios Israel erexisse; quasi eo loco contra leges religionis à Deo præscriptæ sacrificium oblaturus; conuenerunt omnes (Israelitæ) in Silo, ut ascenderent & dimicaret contra eos; eratque procul dubio iam in excidium illorum conclamatum, nisi missa prius legatione didicissent, altare illud non sacrificij, sed monimenti & documenti *solum*

solum causa fuisse erectū, quo docere illi posteros possent, etiam sibi, quamuis alioquin à cæteris Israelitis Jordane separatis Jus esse ad cultum Dei, & sacrificia cum cæteris Israelitis loco diuinitus destinato peragenda.

Nym. 33. v. 4.

Habemus Deum ipsum, qui cum Israeliticus populus à filiabus Moab seductus, sacrificijs profanis se polluisset, iratus his ipsis verbis Moyli præcepit: *Tolle cunctos Principes populi, & suspende eos contra solem in patibulis, vt auertatur furor meus ab Israel.*

4. Reg. 18. v. 3.

E contrario summa laudē in scriptura celebratur Ezechias Rex Juda, ob reformatum ac restitutum veræ religionis statum; magnaq; ideo felicitate à Deo donatus scribitur: *Fecit quod erat bonum coram Domino, iuxta omnia quæ fecit David pater eius. Ipse dissipauit excelsa, & contriuit statuas, & succidit lucos, confregitq; serpentem aneum, &c. In Domino Deo Israel sperauit; itaq; post eum non fuit similis ei de cunctis regibus Juda; sed neq; in his, qui ante eum fuerunt: & adhaesit Domino, & non recessit à vestigijs eius, fecitq; mandata eius, quæ præceperat Dominus Moyli. Vnde & erat Dominus cum eo, & in cunctis, ad quæ procedebat, sapienter se agebat. Simili modo collaudatur ab hoc zelo religionis Iosias:*

4. Reg. 23. v. 25.

Similis illi non fuit ante eum Rex, qui reuerteretur ad Dominum in omni corde suo, & in tota anima sua, & in vniuersa virtute sua, iuxta omnem legem Moyli, neq; post eum surrexit similis illi.

Omitto alia exempla Regum, qui vel ob verū Dei cultum defensum, ac vbi dilapsus fuerat, restitutum, laudantur; vt David, Iosaphat: vel ob neglectum vituperantur & culpantur. Breuiter hanc
dere

de re S. Augustinus; *Temporibus*, inquit, *Prophetarum*, omnes Reges, qui in populo Dei non prohibuerunt, nec quæterunt, quæ contra præcepta Dei fuerunt instituta, culpantur. Et qui prohibuerunt & euerterunt, super aliorum merita laudantur.

August. epist.
10. ad Bonif.

Idem docet Scriptura noui Testamenti, Evangeliumque Christi & Apostolorum, qui quidem, cum necdum Ecclesia haberet Reges, & Principes Christianos, non potuerunt ita disertim illos & particulatim de Christianæ politicæ rationibus & institutis informare; nec mirum adeo, Ecclesiam tunc à Principibus secularibus non fuisse defensam, quando nulli in Ecclesia erant Principes: ea tamen illi generatim præscripserunt, ex quibus necessario efficitur, sectas & hæreses, proinde & credendi quilibet libertatem, quoad fieri potest, in Ecclesia tolerandas minimè esse. Certè Christus Dominus vniuersum pronuntiat; *Si quis Ecclesiam non audierit, habendum sicut Ethnicum & Publicanum*; adeoque in Ecclesia retinendum non esse, nec communibus Ecclesiæ iuribus dignandum: quandoquidem per se constat, Ethnicis & Publicanis ad sacra propria Ecclesiæ & Sacramenta (maximè etiā olim Iudæorum ritu) ius nullum esse.

Matth. 18. 17.

S. Paulus de hæreticis & seductoribus loquens: *Rogo*, inquit, *vos fratres, ut obseruetis eos, qui dissensiones & offendicula præter doctrinam, quam vos didicistis, faciunt; & declinate ab illis. Huiusmodi enim Christo Domino nostro non seruiunt; sed suo ventri; & per dulces sermones, & benedictiones seducunt corda innocentium. Et rursum alibi: Modicum, inquit, fermentum totam massam*

Rom. 16. 17.

Galat. 5. 9. 8.
& 31.

1. Tim. 2. 9. 10.

2. Tim. 2. 9. 10.

Ad Titum 3. 9. 10.

Galat. 1. 9. 8.

1. Ioann. 9. 10.

2. Ioann. 9. 10.

1. Ioann. 9. 10.

Apocal. 2. 9. 10.

1. Ioann. 9. 10.

sam corrumpit, &c. qui autem contrariat vos, portabit iudicium, quicumque est ille, &c. Primam & abscondantur, qui vos conturbant. Et alibi ad Timotheum scribens: Profana, inquit, & vaniloquia (hæreticorum) deuota; multum enim proficiunt ad impietatem, & sermo eorum ut cancer serpit. Et rursum: Hæreticum hominem post unam & secundam correptionem deuota; sciens quia subuersus est, qui eiusmodi est, & delinquit, cum sit proprio iudicio condemnatus. Et alibi grauissime: Licet nos, aut Angelus de celo, euangelizet vobis, præterquam quod euangelizauimus vobis, anathema sit, &c. Iterum dico: Si quis vobis euangelizauerit, præter id, quod accepistis, anathema sit. Qui ergo hæreticos abscondendos, & vitandos, atque anathemate feriendos monet, hæresinque cancro componit, certè hæreses non esse promiscuè permittendas docet.

Idem docet S. Ioannes: Si quis, inquit, venit ad vos, & hanc doctrinam non affert, nolite recipere eum in domum, nec Aue ei dixeritis. Qui enim dicit illi Aue, communicat operibus eius malignis.

Idem in sua Apocalypsi graui interminatione reprehendit eos Ecclesiarum Præsules, qui aduersarias doctrinas tolerabant: Habeo, inquit Deus, aduersus te pauca; quia habes illic tenentes doctrinam Balaam, qui docebat Balaac mittere scandalum coram filiis Israel, edere & fornicari: ita habes & tu tenentes doctrinam Nicolaitarum. Similiter poenitentiam age; si quo minus, veniam tibi cito, & pugnabo cum illis in gladio oris mei. Et infra: Habeo aduersus te pauca: quia permittis mulierem Iezabel, quæ se dicit Propheten docere, & seducere seruos meos, fornicari & manducare de idolothytis, &c. Ecce mitto eam in lectum, & qui mæchantur cum ea in tribulatione

maxima erunt, &c. Accedit exemplum eiusdem S. Ioannis, quem refert Irenæus, cū esset in balneo, & intelligeret, ibi esse Cherintum hæreticum, exiisse de balneo nō lotum; timuisse namq; ne cōcideret balneum. Quod si ergo ex Christi & Apostolorum institutione, hæretici homines in Ecclesia non sunt ferendi, nec cum eis communi vitæ consuetudine vtendum, sequitur profecto ex eorundem voluntate, hæreses non esse pro libitu tolerandas, ac proinde nec libertatem credendi concedendam, aut promiscue permittendam.

Irena, l. 3. c. 4.

Idem, l. 3. c. 4.

Idem, l. 3. c. 4.

Idem, l. 3. c. 4.

Idem, l. 3. c. 4.

Observarunt hoc olim & factis verbisq; confirmarunt etiam sancti Patres diligenter. Refert idem S. Irenæus S. Polycarpum, cum Marcionem hæreticum aliquando obuium habuisset, isque diceret: *Cognosce nos*, respondisse, *cognosco te primogenitū Satane*; & addit Irenæus: *Tantum Apostoli Domini, & eorum discipuli habuerunt timorem, ne verbo tenus communicarent alicui eorum, qui adulterauerant veritatem*. S. Antonius apud Athanasium: *Hæreticorum, inquit, & Schismaticorum venena vitæ, mecumq; circa eos odium sectamini*. Scitis ipsi, quod nullus mihi nec pacificus quidem sermo cum eis vnquam fuit.

Iren, loc. cit.

Athanasius in Epistola ad Antonium.

Idem, l. 3. c. 4.

Idem, l. 3. c. 4.

Cum Constantius Imperator Constantini Imperatoris filius, in hæresin Arianam lapsus, Catholicis Episcopis pacem suaderet, & consensionē cum Arianis Episcopis, his verbis: *Facite pacem cum Episcopis meis, & esote in unum*. Catholici non solum eam pacem constanter recusarunt, sed edictis etiam libris impugnarunt. Etenim S. Hilarius mox ad ipsum Constantium Imperatorem librum conscripsit

Lucifer Calaritanus infra.

Vide Baron.
Anno 356.

plsit, in quo ex instituto probat, eiusmodi cōsensio-
nem admitti nulla ratione posse. Vbi etiam inter
cetera: *Cum secundum unum Deum, & unum Dominum,*
& unum baptismum, etiam fides una sit, excludimus ab ea fide,
que sola est, & dum plures fiunt, ad id ceperunt esse, ut nul-
la sit. Simili argumento eodem tempore librum
aduersus Constantium Imperatorem scripsit Luci-
fer Episcopus Calaritanus, hoc titulo inscriptum,
de non communicando cum hæreticis: rursusque alium,
de regibus Apostolicis. Et cum Imperator ea libertate
commotus, in authorem earum lucubrationū in-
quiri iussisset, non solum Lucifer se auctorem pro-
fessus est, sed & aliam in eundem inuectiuam edi-
dit, *de non parcendo in Deum delinquentibus; ac deniq;*
cum sibi necem ab eo intentatum iri existimaret,
aliud addidit commentarium hoc titulo. Morien-
dum pro filio Dei. Ita olim Sancti, ita magni viri de
Religionum diuersitate senserunt.

Aug. Epist. 50.

Præclare autem in primis hac de re, & quod in
ea sit Principis orthodoxi officium, scripsit S. An-
gustinus, pluribus in locis. Etenim ad Bonifacium
Comitem ita scribit: *Aliter seruit Rex Deo, quia homo*
est, aliter quia Rex est. Quia homo est, ei seruit viuendo fi-
deliter; quia verò etiam Rex est, seruit, leges iusta praci-
pientes, & contraria prohibentes, conuenienti rigore san-
ciendo; sicut seruauit Ezechias lucos & templa Idolorum de-
struendo; sicut seruauit Rex Iosias, talia & ipse faciendo; si-
cut seruauit Rex Niniuitarum, vniuersam ciuitatem ad pla-
candum Dominum compellendo: sicut seruauit Darius, ido-
lum frangendum in potestatem Danieli tradendo; sicut ser-
uauit Nabuchodonosor omnes in Regno suo positos à blasphemando

mando Deo lege terribili prohibendo, &c. Quis mente sa-
brus Regibus dicat; Nolite curare in regno vestro, in quo te-
neatur, vel oppugnetur Ecclesia Domini vestri? Non ad vos
pertineat in regno vestro, quis velit esse siue religiosus, siue
sacrilegus; quibus non potest dici, Non ad vos pertineat in
regno vestro, quis velit esse pudicus, quis impudicus. Ita
Augustinus.

Qui alibi etiam familiarem antiquis & nouis
quibusdam hæreticis obiectionem, fidem liberam
esse debere, prolixè dissoluit: Respondeo, inquit, se-
cundum istas vestras fallacissimas vanissimasq; rationes,
habentis laxatis atq; dimissis humane licentie, impunita
peccata omnia relinquuntur; nullis oppositis repagulis le-
gum, nocendi audacia, & lasciuiendi libido hæcetur; non
Rex suum Regnū, non dux militem, non prouincialem Iudex,
non Dominus seruum, non maritus uxorem, nec Pater filium
à libertate & prauitate peccandi minus ullis penisue com-
pescat. Auferte, quod sacra doctrina, profanitate orbiter-
rarum, sapienter per Apostolum dicit, & ut confirmetis in
arbitrio tanto peiore, quanto liberiore, filios perditionis, de-
lete; quod ait vas electionis, omnis anima potestatibus sub-
limioribus subdita sit. Non est enim potestas nisi à Deo, &c.
Dei enim minister est, vindex in iram ei, qui male agit. De-
lete ista, si potestis; aut ista, sicut facitis, si non potestis delere,
contemnite. Habete de his omnibus pessimum arbitrium,
ne perdat is liberum arbitrium. Aut certè quia sicut homi-
nes hominibus erubescitis, clamate si audetis, puniantur ho-
miciidia, puniantur adulteria; puniantur cetera quanta-
libet sceleris siue libidinis facinora seu flagitia: sola sacrilegia
volumus à regnantium legibus impunita. Et post multa
deniq; concludit Augustinus: Datum est ergo homini,

August. lib. 2.
con. Gaudens.
cap. 11.

quando creatus est, liberum arbitrium; sed ut si esset male faciens, fieret patiens.

August. epist.
50. ad Bonif.

Et alibi rursum: Cur, inquit, cum datum sit homini liberum arbitrium, adulteria legibus puniantur, & sacrilegia permittantur? An lenius est, fidem non seruare animam Deo, quam sceminam viro? Aut sic ea, quæ non contemptu, sed ignorantia religionis committuntur, mitius vindicanda, nunquid ideo negligenda sunt? Melius est quidem (quis dubitauerit?) ad Deum colendum doctrina homines duci quam pœna timore, vel dolore compelli: sed non quia isti meliores sunt, ideo illi, qui tales non sunt, negligendi sunt. Multis enim profuit (quod experimentis probauimus) prius timore vel dolore cogi, ut postea possint doceri, aut quod iam verbis didicerant, sectari.

Et deniq; eodẽ loco inferius ait S. Augustinus: Vbi est, quod isti clamare consueuerunt, liberum est credere, vel non credere; cui vim Christus intulit? quem coegit? Ecce habent Paulum Apostolum (voce nimirum Christi vocantis ad terram collisum:) agnoscant in eo prius cogentem Christum, & postea docentem, &c. Cur ergo non cogeret Ecclesia perditos filios, ut redirent, si filij perditij coegerunt alios, ut perirent? An non pertinet ad diligentiam pastorem, etiam illas oues, quæ non videntur erepte, sed blandè leniterq; seductæ à grege aberrauerint, & ab alienis cœperint possideri, inuentas ad ouile dominicum, si resistere voluerint, flagellorum terroribus, vel etiam doloribus reuocare? Hactenus SS. Patres.

Ad Ius Canonicum quod attinet, habemus præter doctrinam SS. Patrum, perpetuam praxin omnium Conciliorum, in quibus non tantum doctrina hæreticorum reprobata, sed ipsi etiam hæretici anathe-

anathemate damnati, atq; extra Ecclesiam electi fuerunt; qua quidem poena in Ecclesia maior nulla est.

Idem docet Ius Ciuile Principum Christianorum; quorum egregius ad hæreses extirpandas ze-
lus in Ecclesia eluxit. Constantinus Magnus ad-
uersus hæreticos ita rescribit: *Cognoscite iam per legem hanc, qua à me sancita est, O Nouatiani, Valentiniani, Mar-
cionita, Pauliani, quique Catapbrygum pomen usurpatis, &
omnes omnino, qui per conspirationes à vobis conflatas, hæ-
reses ac sectas etiam atque etiam augere conamini; cognoscite,
inquam, quibus mendacijs vestra doctrina inaniter impli-
cat ateneatur, &c.* Quid ergo? patiemur ne eiusmodi ma-
lorum cogitationem longius serpere, præsertim cum longa
dilatio faciat, ut sani ac valentes, eâ tanquã pestifero morbo
infectantur? Cur igitur non cum maxima celeritate eiusmodi
prauitatis (ut ita dicã) radices animaduersione ac poena
publica amputemus? Et inferius mandat Imperator,
ut omnia hæreticorum templa sine reuocatione aut
controuersia diruantur, & diruta absq; mora Catbo-
lica tradantur Ecclesia.

Ensch. in Sim
Constantini
lib. 3 cap. 6.
¶ 62.

Sed & Imperatores Theodosius, Gratianus, ac
Valentinianus, Religionis formam in Imperio, nõ
aliter, quam ad Romani Pontificis normam insti-
tui lege lata præceperunt: *Cunctos populos, quos cle-
mentia nostra regit Imperium, in tali volumus religione ver-
sari, quam diuinum Petrum Apostolum tradidisse Romanis,
Religio usq; adhuc ab ipso in sinu at a declarat, quamq; Ponti-
ficem Romanum sequi claret.*

Leg. cunctos. C.
de Summa
Trim.

Adhuc Imperatores, Gratianus, Valentinianus,
& Theodosius, Augusti, omnibus hæreticis perpe-
tuum

tuum

Leg. 1. C. de
hæreticis.

tuum hac lege lata silentium indicunt: Omnes vetita
legibus diuinis, & Imperialibus constitutionibus hæreses, per-
petuò quiescant. Nemo ulterius conetur, quæ repererit, pro-
fana præcepta vel docere, vel discere: nec antistites eorum-
dem audeant fidem insinuare, quam non habent, & ministros
circare, qui non sunt; nec per conniuentiam indicantium,
omniumq; quibus per constitutiones paternas, super hoc cu-
ra mandata est, eiusmodi audacia negligatur & crescat.
Hæreticorum autem vocabulo continentur, & litis aduersus
eos sanctionibus succumbere debent, qui vel leui argumento
à iudicio Catholice Religionis & tramite detecti fuerint de-
nuare. Hic videmus, hæreticis omne verbi mini-
sterium ademptum: simul etiam discimus, qui-
nam iam olim ante annos plus mille ducentos hæ-
reticorum nomine fuerint censi, nimirum omnes,
qui vel leui argumento à iudicio Catholice Religionis, & tra-
mite detecti fuerint deniare.

Leg. 1. C. de
hæreticis.

Iisdem vestigijs insistentes Imperatores Arca-
dus & Honorius, conuentus omnes hæreticis in-
terdixerunt, poena etiam in Iudices non vindican-
tes decreta his verbis. Cuncti hæretici, procul dubio no-
uerint, omnia sibi loca adimenda esse, siue sub Ecclesiarum
nomine teneantur, siue diaconica appellentur, vel etiam de-
canica; siue in priuatis adibus, vel locis, huiusmodi cætibz
copiam præbere videantur; his adibus, vel locis priuatis, Ec-
clesie Catholice vindicandis. Ad hoc interdicitur his om-
nibus, ad litanias faciendas nocte, vel die profanis coire con-
uentibus: statuta videlicet condemnatione centum librarum
auri, contra officium sublimitatis tuæ, vel præsidale quin-
quaginta, si quid huiusmodi fieri, vel in publico, vel priuatis
adibus concedatur.

Ex

Ex quibus manifestum est, hoc Imperatorum
verè Christianorum iam olim fuisse commune lu-
diciū, ut hæreses, illamq; autonomiam & cre-
dendi libertatem, in Imperio minimè tolerandas
esse existimarent.

Et verò eiusmodi seueritatem legum, atq; po-
litici Magistratus, profuisse ad salutem ipsis etiam
hæretico errore seductis, & iam antea notatum vi-
dimus à S. Augustino, & alibi ab ipso etiam alijsq;
SS. Patribus fusius docetur. *Quam multi*, inquit
Augustinus, *ex ipsis nunc nobiscum gaudentes, pristinum*
pondus pernitiosi sui operis accusant; & fatentur, nos sibi
molestos esse debuisse, ne tanquam mortifero somno, ita mor-
bo veterno se consuetudinis interirent.

*Aug. epist. 48.
ad Vincetium.*

Et S. Leo Pontifex ait, profuisse istam disciplinam
(legum ciuiliū) Ecclesiastica lenitati, quæ olim sacer-
dotali contenta iudicio cruentas refugit ultiones, seueris ta-
men Principum Christianorum Constitutionibus adiuua-
tur, dum ad spirituale nonnunquam recurrunt remedium,
qui timent corporale supplicium.

*Leo epist. 91. ad
Taribium.*

Eius verò rei præter alias, etiam hanc rationē
rectè assignat S. Augustinus, quod cum ex acatho-
licis multi aliàs non male affecti essent, erga fidem
Catholicam, eam tamen humano timore vel pu-
dore impediti, non auderent profiteri, donec per
publicas leges timoris causā sublatā, libere facere
possent, quod optabant: *Quid de illis*, inquit, *dica-*
mus, qui nobis quotidie confitentur, quodam olim volebant
esse Catholici; sed inter eos habitabant, inter quos id, quod
volebant esse, non poterant, per infirmitatem timoris: ubi se
animum verbum pro Catholica dicerent, & ipsi, & domus eo-

*Aug. epist. 50.
ad Romific.*

rum funditus euerterentur. Certè Donatistæ, & in his deterrimi Circumcelliones eius temporis hæretici, qui huic seueritati legum vel maximè aduersabantur; Manichæi quoq; & Albigenſes nonniſi eiusmodi Politici Magistratus ſeueritate & viribus extincti fuerunt.

Eadem etiam credendi libertas, & conuiuendi facilitas, ipſi etiam rationi & Legi naturali, ſacræ Scripturæ principijs nixæ, euidenter repugnat. Nani permiſſio & tolerantia grauiffimorum ſcelerum, quæ directè Diuinam Maieſtatem lædunt; atque ad vindictam publicam accendunt: alios ſuâ contagione damnabiliter inficiunt, & corrumpunt; pacem & concordiam publicam, adeoq; ipſam etiam Politiam perturbant, non poteſt à Magiſtratu ſeu Eccleſiaſtico, ſeu Politico, impunè ac promiſcuè indulgeri, vel permitti; niſi forte in raro aliquo caſu neceſſitatis, vbi ea permiſſio neceſſaria eſt, ad maius malum euitandum, vel maius bonum conſequendum: atqui religionis libertas, de quâ agimus, cū ſit licentia credendi quiduis, & quosuis errores ac hæreſes ampeſcendi; ac proinde nihil aliud ſit, quàm permiſſio ac tolerantia hæreſum ac errorum, quantumuis veræ & orthodoxæ Fidei repugnantium, eſt permiſſio ac tolerantia grauiffimorum ſcelerum, quæ directè Diuinam Maieſtatem lædunt, atq; in vindictam publicam accendunt; alios ſua contagione damnabiliter inficiunt, & corrumpunt; pacem & concordiam publicam, adeoque ipſam etiam Politiam perturbant; Ergo Religionis libertas non poteſt à Chriſtiano Magiſtratu,
ſeu

seu Ecclesiastico, seu Politico impunè ac promiscuè indulgeri; nisi fortè in raro aliquo casu necessitatis, ubi ea permissio necessaria est, ad maius malum cuitandum, maiusve bonum consequendum.

Prima propositio patet apertè, tum ex officio pij Magistratus, cuius est Diuinæ Maiestatis grauiiores offensas, præsertim quæ secum vindictam publicam, etiam in hac vitâ impendètem trahunt, amoliri; noxiam mali pestilentis contagionem auertere, publicam Reip. pacem ac tranquillitatem rueri; tum ex Scriptura sacra, quæ ipsa etiâ Magistratus politici officium ita describit. *Rex qui sedet in folio iudicij, dissipat omne malū intuitu suo.* Item; *Dissipat impios Rex Sapiens, & incuruat super eos fornicem.* Et alibi Reges ac Principes, ob officium neglectæ iustitiæ, custodiæ Legum, ac iustæ administrationis grauissimè reprehenduntur. *Audite Reges, inquit Sapiens, & intelligite; discite Iudices finium terræ. Præbete aures vos, qui continetis multitudines, & placetis vobis in turbis Nationum: quoniam data est à Domino potestas vobis, & Virtus ab altissimo, qui interrogabit (& examinabit) opera vestra (etiam publicæ administrationis;) & cogitationes scrutabitur: quoniam cum essetis ministri regni illius (cuius proinde honorè inprimis rueri, ac violatam maiestatem vindicare oportebat;) non rectè iudicastis; nec custodistis Legem iustitiæ, neq. secundum voluntatem Dei ambulastis. Horrendè & cito apparebit vobis, quoniam iudicium durissimum his, qui præsumunt, fiet. Exiguo enim conceditur misericordia; potentes autem potenter tormentata patientur.* Et Apostolus diserte etiam de civili Magistratu loquens: *Omnis, inquit, anima potestatibus sublimioribus subdita sit: non est enim potestas nisi à Deo;*

Proverb. 10.
9. 15. 16.

Sapient. 6. 9. 2.

Rom. 13.

quæ autem sunt à Deo ordinata sunt. Itaq; qui resistit potestati, Dei ordinationi resistit. Qui autem resistunt, ipsi sibi damnationem acquirunt: nam Principes non sunt timori boni operis, sed mali. Vis autem non timere potestatem? bonum fac, & habebis laudem ex illa: Dei enim minister est tibi in bonum. Si autem malum feceris time; non enim sine causa gladium portat. Dei enim minister est, vindex in iram ei, qui malum agit. Ex quibus omnibus patet, publica scelera non posse à Principe politico pro libitu impune permitti.

Hæreses vero quascunq; esse scelera grauissima, quæ directè Diuinam Maiestatem lædant, atq; ad vindictam publicam accendant, alios sua contagione damnabiliter inficiant, pacem & tranquillitatem publicam perturbent; manifestissimum est cuius, qui norit, quid sit hæresis. Nam hæresis Deo fidem derogat, eumq; mendacij quodammodo arguit; Fidem diuinam sine quâ nulla est salus; quæque omnis Christianæ pietatis fundamentum est, conuellit; est violatio Fidei Deo datæ, adeoq; vera erga Deum perfidia; est Apostasia, & deterrima, infidelitatis species, quam scriptura teste Deus in Israelitis, gladio, fame, peste, bellis, capriuitate, ac demum extremâ vastitate est persecutus, vt ex parte etiam superius dictum. Quod malum teste Apostolo velut cancer serpit; aliosq; sui contagione adeo miserè inficit, vt non quiescat; donec vniuersum humanæ societatis depascatur corpus; quæcum ex superbia & insigni animi elatione, atq; arrogantia oriatur, & in rebus grauissimis, quæ æternam animæ salutem concernunt, dissensionem à probatissimis maiorum institutis, à praxi & sensu rō-

tius

Vide libros Iudicum, Regum, Paralipomen, Prophetas Isaia, Ieremia, Ezechielis, &c. & infra cap. 7.

eius orthodoxæ Ecclesiæ inuoluat, non potest quicquā suis studijs aduersum patienter ferre; sed eos, qui pro officij ratione, etiam verbo solum, monendo, hortando, arguendo, reuincendo, eidem huic malo aduersantur, veramq; & auitam maiorum Fidē tuentur & colunt, extremè persequitur: vnde necessario discordiæ, lites, seditiones, bella oriuntur, vt omnium temporum historiæ, & nostra hæc inprimis infelicia tempora, in Luthero, Caluino, Zvvinglio, eorumq; assèctis, præsentī & quoridianō experimento nimis prò doloꝝ abundè & luculenter testantur. Certè si Lutheri nouatio, & quæ ex eâ deinceps natæ sunt hæreses, ex inferno non emerisissent, nunquam tot tantisq; bellis Imperium Romanum, totaq; Ecclesia Christi, his centum annis fuisset diuexata; imo si hodie ad auram Maiorum Religionem Catholicam, Deo singulari suæ gratiæ fauore aspirante, Principes A catholici redirent, è vestigio Imperium ac Germaniam totam haberemus pacatissimam; & quod inde consequēs est, id ipsum etiam, contra Turcas, omnesq; Imperij hostes, inexpugnabile propugnaculum.

Ex quibus omnibus patet, quod probandum instituimus, libertatem Religionis non esse Principibus Christianis promiscuè permittendam, sed quantum fieri potest prohibendam; si Dei honori, si Conscientiæ suæ, si saluti subditorum, si paci ac bono communi consultum esse velint,

Sed frustra in re liquida comprobandā opera perditur, quæ apud ipsos etiam aduersarios ita in confesso est, vt voce ac facto nobiscum hoc loco

examūssim consentiant; quod ita demūm fiet clari-
 rius, si generalem doctrinā, adhibitis debitis limitationibus, ad Imperij præsentem statum ac vsum
 particulatim accommodauerimus. Neq; enim ea
 mens est Catholicorum, vt idcirco iura ac conuen-
 ta Imperij violentur, vel vt temerè Princeps quis-
 quam in alteri⁹ Principisdiciones ac Prouincias po-
 testatē sibi vendicet, easq; ad suæ Religionis normā
 reformare, vel modum in ijs, formamq; regiminis
 præscribere ausit; sed vt supposita & saluā Pacifica-
 tione in Imperio inītā, integrū sit Principib⁹ Catho-
 licis, in suis duntaxat prouincijs & ditionibus cultū
 veteris & auitæ Religionis Catholicæ tueri; si quid
 errorū ac sectarum irrepsit ita expurgare, vt exer-
 citium acatholicæ religionis prohibeatur; Ministri
 seductores eiiciantur; subditi ad verā & orthodo-
 xam Fidem Catholicam tuendam, acceptandamq;
 diligēter informētur, admoneanturq;: Si qui vero
 obstinatē monicionib⁹ resistūt, pacatē ex Prouincia
 excedere iubeantur: ac si quid forte iam antea cer-
 ce alicui Prouinciæ, certis conuentis, aut promissis,
 secus indultum, ea sanè promissā & conuenta ne
 extra limites permisos extendantur, cauere: sicut
 enim ab initio promiscuè libertas Religionis per-
 mittenda non est; ita etiam promissā semel ne ex-
 tendatur, in maius Catholicæ Religionis præiudi-
 cium, ac salutis animarum detrimentum, pari stu-
 dio cauendum est. Et hæc quis Acatholicus Impe-
 rij Princeps in suis ditionibus non diligentissimè
 seruat; quis Catholicis Concionatoribus in Impe-
 rio aditum ad eas aperit, eisq; vsum officij sui per-
 mittit?

mittit? quis libertatem Fidei catholicæ, eiusq; liberum vsum ac exercitium suis subditis concedit? Et hoc scilicet Principi cuiuslibet Imperij, quantumvis non summo, in sua ditione liceat, Catholicis vero Principibus etiam summis, in suis etiam hæreditarijs, etiam Imperio subinde non subiectis ditionibus, non liceat?

Rectè quod olim Donatistis S. Augustinus, nos etiam aduersæ parti dicimus: *Noli dicere, absit, absit à conscientia nostra, ut ad nostram Fidem aliquem compellamus: facitis enim ubi potestis; ubi autem non facitis, non potestis; siue Legum, siue inuidiæ timore, siue resistentium multitudine.* Valde profecto ridiculum est, quod non ita pridem hac de re Ministri quidam in Imperio scripserunt: *A' Principibus Lutheranis Catholicos non fuisse tyrannicè eiectos & expulsos; sed permissam ijs fuisse libertatem credendi, & acceptandi lutheranam Religionem: id si non facerent, decretum, in alia loca se conferre ut possent, & quid nî deberent?* Ita nimirum in suis libertatem vocant, quam in nostris mirabili Synonymia Tyrannidem. Caluinistæ verò multò hic etiam durius, ne dicam crudelius docent, ut cap. 6. dicemus. Certè is ipse noui syncretismi suator, & fucari Irenici fictor, alibi his verbis scribit: *Magistratus Christianus non debet confusionem in Religione permittere; sed solam veram Religionem (Caluinisticam) tueri atq;*

Augustin. lib. 1. cont. Petul. c. 83.

Ministri Coburgenses in Consuetudine sua. Vide Dioptram Fidei Adams. Pann. leg. 103.

Param in cap. 1. epist. ad Rom.

Quanto potiori iure possent Catholici de nonnullis ciuitatibus Imperij conqueri; in quibus cum ab A catholicis Magistratu, non vnus, sed plurium religionum discrepantium liberum exercitium per-

mitta-

mittatur; Catholica tamen & Orthodoxe Religio-
nis vsus ac professio, contra Imperij statuta, inter-
dicitur. Sed hæc particularim premere non est
huius instituti. Satis est hic ostēdisse, incusari Prin-
cipes Catholicos minime posse, si pro ratione offi-
cij, & quo ad publica pacta & conuenta permittrā,
inuigilent, vt in suis Prouincijs, exterminatis se-
ctis dissidiorum & malorū omnium causis, Catholi-
ca Religio inuiolatè conseruetur. Id enim eos iure
ac ex debito facere ex dictis est manifestum, adeo
vt nec in eorum quidem sit potestate, in hac causa,
perinde vt in rebus ciuilibus & temporalibus, iuri
suo cedere; non enim de priuato ipsorum hic iure
agitur; sed de honore ac iure Dei ac Ecclesiæ, de æ-
terna salute animarum, deq; publica pace ac tran-
quillitate, in quib⁹ rebus condonare ipsi nihil pos-
sunt, nihil concedere. Quo magis etiam ex ijs, qui
Catholicum nomen profitentur, suspecti habendi
sunt illi, qui pseudopolitico spiritu, non vero Dei
& Religionis zelo imbuti, nihil nisi autonomiam
libertatemq; vti vocant conscientiæ, pacisq; poli-
ticæ simulacrum potius, quam veram Pacem spi-
rantes, existimant, studio Pacis conuiuendum in
omnibus hæresibus esse. Qualis olim etiam in A-
pelle damnatus ab Ecclesia error fuit, qui dicebar,
non esse discutiendam rationem Fidei, sed sat esse
credere in Christum crucifixum.

Auseb. l. 5. hist.

c. 13.

Enagium l. 3.

c. 14. & 30.

Non nego, à Catholico Principe tolerari ali-
quando aduersariam Religionem posse, nonnun-
quam etiam debere, velut minus malum, maioris
mali euitandi causa; vel etiam ob maius bonū con-
sequen-

dum : id quod à S. Thoma & omnibus Theologis *S. Thom. 2. 2. q. 10. art. 11.* vnanimi consensu traditur; ab ipso Christo acceptum, prohibenti ita euelli zizania, vt simul eradicetur triticum : Sed non video tamen, qua ratione quisquam existimet, hanc esse viam ad firmam solidamquè pacem constituendam. Idquod vnà mecum facile sentiet, quisquis Imperii acta à prima Lutheri defectione sincerè expendere uoluerit. Quanta enim hætenus ad pacem politicam, inter tam varias credendi formulas, fanciendam pertentata non sunt? etiam nouis semper cessionibus & condonationibus ex parte Catholicorum, non absq; ingenti Ecclesiæ Catholicæ damno, interuenientib⁹; & tamē adeo nihil eā condonatione & lenitate perfectum est, vt semper in deterius non solum Catholicæ Religionis status in Imperio rueret, sed insuper etiam ea re nouis dissidijs & litibus, quasi via sterneretur. In propatulo exstant Imperij acta; quæ ad institutum recolere, nemini vt opinor, est interdictum.

Damnatus jam initio ab optimis Imperatoribus fuerat Lutherus; à Maximiliano I. Augustæ, literis ad Leonem X. Pontificem datis; Anno MDXVIII. item à Carolo V. in conuentu Wormatiensi, ex communi statuum Imperialium consensu, Anno MDXXI. ipsa quoque Augustana Confessio, vix nata, mox damnata fuit in comitijs Augustanis, ab eodem Carolo V. ac ceteris statibus, qui *obedientes Imperij status* vocantur, in peculiari edicto Anno MDXXX. simulq; expresse cautum ne ante Concilium in receptis ab Ecclesia dogma-

L

ribus

Habetur tom. 1. Luth. lat. VVii. fol. 203. Habetur tom. 2. Luth. lat. VVii. fol. 445

ribus quicquam innovaretur: eratq; hæc via optima, ad pacem solidam in Imperio stabilendam, si ei constanter insistere licuisset, aut libuisset. Sed quid factum? Turcæ Austriam inuadentis metu infecto, Anno MDXXXII. in conuentu Norinbergensi toleratur primùm à Carolo V. Augustana Confessio, hac tamen expressâ moderatione addita, vt Acatholici præter scriptum illud exhibitum Augustæ, circa Religionem nihil innouent, nihil doceant, nihil euulgent; & intra hos Fines permaneant, ad usq; Concilij tempus; eaq; toleratione pax publica Imperij sancitur. Sed Aduersarij huic decreto, & cautioni minimè steterunt, nouis semper chartis librisq;, & contumelijs ingentibus de Romano Anticristo &c. aduersus Romanum Pontificem, Imperatorem, ac Principes Catholicos totamq; Ecclesiam orthoxam temerè sparsis ac indies magis magisq; propagatis.

Sleidan. l. 8.
Anno 1532.

Ofend. in
Chron. fol. 210.
211.

In Comitij item Ratisponensibus Anno MDXLI. ab eodem Imp. Carolo denuo pax firmatur in hunc modum, vt Acatholicorum Historici norant: *Cæsar quod ad Religionem pertinet, & lites omnes, de quibus ambigitur, an sint Religionis, necne, sed & proscriptiones, publicæ quietis causa, donec aliquo vel Concilio vel Conuentu.* (ad quem scilicet Pontificis auctoritas per Legatum accederet) *res cognoscatur, suspendit.* Sed aduersarij non diu hac pacis transactione contenti, Anno MDXLVI. ingentibus copijs Imperatorem, quasi pro mercede factæ condonationis, inuadunt, ea mente, vt eum, si possent, penitus etiam ex imperio eliminarent.

Sed cum res Deo benè fauente aliter cecidif-

sente

sent; ipsiq; uicti in potestate Imperatoris venissent, mox Anno subsequenti in Comitijs Augustanis Anni MDXLVII. & MDXLVIII. Carolus Imp. Octobris die 18. inquit Sleidanus, *ut omnes Concilio se submittant petit, & cum Palatino, & Mauritio priuatim agit ut assentiantur, & illi demum Octobris die 23. assentiuntur.* sancita interim fuit formula quedam Religionis, quae interim dicebatur, in quam ipsi protestantes (tamen si in singulis articulis propemodum eorum Religio particulatim ibidem reiecta & damnata fuerit,) consenserunt: adeo ut aduersariorum quoque scriptor eam Religionis formulam appellet, *Caroli V. Imperatoris Augusti declarationem Religionis, quae constituit exercitium Religionis, quale interim esse debeat in Imperio Romano usq; ad definitionem Concilij generalis, publicatam & promulgatam, & a statibus imperij acceptatam in Comitijs Augusta 15. May. Anno MDXLVIII.* Certe Imperator ipse Carolus in eo edicto de seipso testatur, *se cum communibus Imperij statibus atq; ordinibus consultando & deliberando egisse, ut vestigijs SS. Patrum & maiorum suorum insistentes; qui semper in Religionis causa ad sacra Concilia confugere, & ab ijs doceri ac informari erant soliti, instituto huic Concilio adhaerere, eiq; sese submittere, decretaq; ejus expectare & mandata seruare, vno consensu promiserint.*

Sed ne sic quidem aliquid effectum; neq; enim aut promissis aut legibus & decretis Imperij steterunt aduersarii: sed mox Anno MDLII. nouo bello aduersus Imperatorem & status Catholicos suscepto, constitutos pacificationis terminos perfregerunt; ac eo usq; demum Regem Ferdinandum adegerunt, ut in transactione Passauiensi ea

Sleidan. l. 19.
& Osiand. fol.
422. & 423.

Melch. Goldast.
Constit. Imper.
Francofurt.
Ann. 1607.
Formula inter-
rim habetur
etiam tom. 3.
Concil. edit. Co-
lon. per Surinm
pag. 848.
Vid. Anatom.
Confessi. Aug.
demonst. 10 §.
11. num. 256.

omnia quæ Catholicis ipsi ad id usq; tempus iniquè ademerant, Episcopatus, Abbantias, præposituras, aliaq; bona quam plurima, cum ingenti Ecclesiæ Catholicæ damno & præiudicio, cedere vellet: ita tamen, vt posthac ab iniurijs abstinerent. Sed neq; sic pax consecuta.

Alcidan. l. 35.

Nihilominus enim Albertus Brandenburgicus palam reprehensâ eâ concordia, passim per Germaniam armis grassari perrexit, quem idcirco Anno MDLIII. eiusdem alioquin Religionis consors Mauritius Saxo, missis literis, de communi Principū & Ordinum Concilio reprehendit, eidemq; publicum bellum necessariæ defensionis causa indicit. In ijs ita inter cetera scripsit: *Cum nuper intra fines Imperij natum esset bellum, Rex Ferdinandus adiuvantibus alijs, id operam dedit, & elaboravit, vt discederetur ab armis, in eodq; consentientes tandem habuit Imperij Principes, belli duces, ac demum permissu Caesaris pacem constituit: quâ tantum est inter alia, non solum ut nihil contra fiat, sed vt ijs etiam, qui periclitantur, auxilia subministrarentur. Eam vero tu non modo recusasti; verum etiam ad præcipui nominis Principes aliquot ausus es aperte scribere ad Germaniæ summum dedecus ac detrimentū illam pertinere, ac proditionem potius appellandam esse.*

Vid. Recefs. comit. germ.

Hinc vt pax Germaniæ firmitus stabiliretur, Augustæ in comitijs Anno MDLV. non solum Concordia Passaviensis confirmata, sed insuper etiam hæc ampla & absoluta pacis formula constituta & sancita fuit, his verbis: *Quod sit talis Concordia his vijs, generalis Concilij, nationalis Synodi, Colloquij, aut Imperialis conuentus, non consequeretur, nihilominus prædicta*

dicta pacificatio usq; ad perfectam, & absolutam de Religione & Fide concordiam, suas vires habeat, atq; conseruet. sicq; adeo iuxta dicta & vniuersim, constans, firma, absoluta, & perpetua Pax decreta & constituta esto.

Addita tamen ibidem hæc restrictio fuit: *Omnnes alie Religiones, quæ cum alterutra prædicta (Catholica, & Confessionis Augustanæ) non conspirant, in hac pacificatione non contineantur, sed omnino excludantur.* De qua re ipsis etiam Lutheranis Martinus Kemnitius in Epistola ad Illustrissimum Joannem Georgium Electorem Brandenburgicum ita scribit: *A pace publica Sacramentarij, quam diu in sua impia damnatâq; opinione permanent, omni tempore excluduntur:* & Lucas Osiander in suæ Historiæ Glossâ marginali hæc annotat: *Caluinistæ hic excluduntur à pace Religionis.*

*Kemnit. epist.
data 24. Jan.
Ann. 1524.*

*Osiand. Ann.
1555. fol. 622.*

Sed anne demum hac saltem ratione, tamq; profusa Catholicorum condonatione, pax obtenta? minime. Nam & à nonnullis noua insuper Monasteria, Præposituræ, aliaq; bona Ecclesiastica Catholicis per vim adempta; eaq; non obstante etiam sententia, in Camera Spirensi aduersus iniustos detentores & occupatores lata, pertinaci vi etiamnum retinentur; sed & Calvinistæ in pacis constitutæ formulam, quantumuis ab ea, non solum ex verbis citatis, sed etiam communi Lutheranorum æque, ac Catholicorū iudicio exclusi, intrudere se per uim conituntur; apertè simul professi, in his cedere, aut ullam transactionem admittere se non posse &c. Ecce quo his pacificationibus, conuiuentijs, condonationibus deuentum; vt &

vetus scilicet illa, ac solida, vnius Fidei consensio-
ne nixa pax adempta sit Germaniæ: Nec aliâ etiam
vllâ quantumvis sæpius reformatâ ac renouatâ
pacis formula frui Catholicis alijsue pacificis Im-
perij statibus liceat; quin semper ultra concessos
limites pars aduersa, quæ turbulenti Caluini
spiritu agitur, progressa, nouis molitionibus, no-
uisq; iniurijs in Catholicos aliosq; pacificos Impe-
rij status grassari pergat; nunquam pedem fixura,
manus uè cohibitura, donec sensim, iisdem pacifi-
cis Imperij statibus oppressis, & prouincijs bonisq;
Catholicorum accisis uel occupatis, uires eorum-
dem penitus obterat & eneruet, ad certissimum
Imperij, ac totius Catholicæ Religionis in Germa-
nia, immò etiam in adiacentibus alijs provincijs
excidium: ut vel hinc hæresis indolem uerè ab A-
postolo descipiam fuisse agnoscas quando dixit,
eam instar fœdi ac pestilentis *Cancris* & carcinoma-
tis perpetuo *serpere*, atq; sensim ceteras etiam sanas
corporis partes depascere.

a. Tim. 1. 6. 17.

Vid. Rel. fran-
coforti editam
Anno 1678.
pag. 19.

Qui vero præsentis tragœdiæ Boemicæ ori-
ginem accuratius voluerit disquirere, plane de-
prehendet, eam ex literis Majestatis à Cæsare Ru-
dolphi concessis fuisse profectam; quas cum ad-
uersarij ultra terminos concessos & expressos ex-
tenderent; nec tamen in ea re assentientes habe-
rent Regios præfectos, ipsumq; Cæsarem; mox in-
eos correptis armis, vi vindicandam eam sibi li-
centiam sumpserunt, quam in literis Majestatis
concessam falso præiudicauerant. Majestatis li-
teræ si concessæ fuissent nunquam, nulla etiam, de
inter-

interpretatione ac sensu exstitisset quæstio; nulla de violata fide quærela: nulla seditio. Sed quia vti dici solet, digitum semel tenebant, totam facile manum ad se pertrahi posse existimauerunt. Ita vel hoc etiam exemplo discimus, nunquam aduersarios, qui semel Caluini spiritum hauserint, intra concessos terminos sistere, sed semper vlteriùs si vires suppetant, in vetitum niti & ad illicita contendere; immo ipsis etiam Catholicorum condonationibus ad nouas iniurias inferendas abuti.

Ex quibus satis iam manifestum est, quod diximus, facilem illam, & inconsultam indulgentiam Principum, in condonandis Catholicæ Religionis damnis, eiusq; iuribus alienandis, nec Deo supremo iudici ac Domino probari; nec viam esse ad solidam firmamq; pacem in politia constituendam. Quia ratione tamen interim, dum Deus piorum votis obsecundans, solidiorem in vnus veræ fidei consensione fundatam pacem benignus indulgeat; hac quali quali, quæ publicis Imperij pactis conuentisq; stabilita est, pacis formula, contentos esse oporteat, pluribus cap. 9. dicetur.

§(O)§



Nec Iesuitas, nec ceteros Ecclesiasticos, dum velex officio, vel pro ratione instituti sui, Religionem Catholicam contra aduersarios voce & calamo propugnant, seditionum ac bellorum culpam sustinere, nec ideo suum officium vocationemq; deferere posse,



Vidquid culpæ veluti per partes ac secundario Regibus ac Principibus Catholicis impingunt aduersarij Boëmi, eorumq; coniurati, vt in eos seditionū, tumultuum, ac suæmet rebellionis culpam deriuent, id totum primariò in Iesuitas & quosdam alios Ecclesiastici ordinis viros primarios, & Boëmiæ Præsules transfundunt; quæ eorum doctrinâ, consilij, ac iniquis Machinationibus Principes ipsi, alijq; Catholici Magnates eò fuerint adducti, vt illi in suæ religionis vtraiusque exercitio, aduersus concessa priuilegia, uarijs modis iniquè turbarentur & grauarentur: qua de causa necessarium fuerit etiam aperta uolentia armisq; correptis vim amoliri, seq; ac suam Religionem in libertatem vindicare. Quamobrem post susceptum in honoratissimos ac præcipuos Regis Vicarios & Præfectos nefarium ac immane præcipitij illati facinus, mox primi Boëmi, eodem illo Anno MDCXVIII. deinde Anno sequenti eorum etiam confœderati

Morauj

*Apolog. 1. Rec.
fol. 4. & seqq.*

Moravi & Silesij, necnon Hungaricorum statuum A catholicorum, nonnulli, in apertam conspirationem ac rebellionis Boëmicæ Societatem pertrasti, edito in Jesuitas acerbo proscriptionis decreto, hanc inter alias potissimam proscriptionis causam obtenderunt; quòd *Jesuita perturbatores essent pacis publicæ, interq; Principes & eorum subditos, ut & inter singulas eas partes mutuo bella, tumultus seditionesq; concitarent.* Idem repetunt Boëmi in utraq; sua Apologia sæpius.

Accesserunt etiam ex Imperio A catholicorum quorundam Ministri & scriptorculi, Anonymi tamen omnes, qui quasi ad inimicum castrum iam non leui motu concussum, communi operacum impulsu penitus subruendum, omnem conatum industriamq; contulerunt. Alij nimirum, Iesuitis & Ecclesiæ Catholicæ, quasi ob acceptam, incurabilem plagam, & deploratam ualitudinem, nullo iam amplius malagmate aut remedio sanabilem illudere: Alij regerere illatas à Boëmis criminationes & exprobrare concitatas turbas: Alij etiam augere calumnias, & scurrilibus ac famosis scriptis iam olim editis ac refutatis, denuo in linguam uernaculam translatis recensisq;, ac in unum quasi fasciculum compactis, in Societatem nostram impudentissimè grassari; ea aperta uoti propositiq; sui contestatione; ut iam cœptum ac illatum in Boëmia, Morauia, atq; Hungaria, in Jesuitas exilij supplicium, toto Imperio, & si fieri possit toto orbe Christiano, continetur. Alius deniq; è roseæ crucis fraternitate male feriatu

Die Bápsti
sche Aderlass.

Occupatio Re-
gni Hungaria.

Postpart der
Jesuiten.

Propheticum sibi spiritum quasi diuinitus immis-
sum temere arrogans palam vaticinatur, post tri-
ennium Iesuitas omnes à Germania peltendos.
Quare etiam pro eximia, qua in Iesuitas quosdam
speciatim fertur beneuolentia, ijs persuasum vult
vt manuale aliquod artificii, uitæ tolerandæ con-
discant: alijs, quorum emendationem in desperatis
habent, vt iugulo sibi interciso orco se deuoueant.

Sed non terrent Iesuitas hæc bruta fulmina
& velut in pelui fulgura. Altiori Diuinæ prou-
dentia ac prorektionis robore nititur causa So-
cietatis nostræ; quæ non desinet Domino Deo
supplex se commendare, & meliori ac sanctiori
Propheta sociata dicere: *Si consistant aduersum me
castra, non timebit cor meum: Si exurgat aduersum me
prælium, in hoc ego sperabo: Susceptor meus es tu, & refu-
gium meum, Deus meus, sperabo in eum:* Haud dubie
cum gaudio etiam aliquando et si ringentibus ad-
uersarijs, epinicion illud decantatura; *Quoniam
ipse liberauit me de laqueo venantium, & à verbo aspero. Et;
Qui tribulant me inimici mei ipsi infirmati sunt, & cecide-
runt; laqueus contritus est, & nos liberati sumus.* Inter-
rim iuuat sapius mente repetere illud Beati Jobi
*Si bona suscepimus de manu Dei, mala quare non sustinea-
mus?* Pergant sane, quando ita volunt, insultare
nobis Aduersarij, nostramq; vti putant, infelicitate-
m exprobrare; nil repugnamus: Fecit id iam,
quidem abundè etiam Boëmorum ille Fabulator,
qui dum retulisset, Iesuitas aliquot (ob constantem
scilicet fidei Catholicæ confessionem) Cassouæ ab
Acatholicis Hungaris Anno superiori fuisse crudeli-

Psal. 26. & 29.

*Psal. 26. &
123.*

Job. 2. 9. 10.

*Occupatio re-
gni Hungaria
Praga Anno.
1619. apud
Laurentium
Zimmerich.*

centrucidatos & in frustra concisos, atq; in latrinas demer-
sas, plenus exultatione exclamat, O sancta Talionis
pœna: quasi vero iusta sit homini Christiano exul-
tandi causa, quando viri innocentes, q̄b fidei Ca-
tholicæ professionem, adeo crudeliter bestiarum,
more mactantur, mactati etiam omni honesta se-
pultura priuantur. Existimes, hos turbines iam o-
lim à S. Athanasio notatos, sub Arianorum hære-
ticorum nomine, his verbis: *quinimo ne corpora qui-
dem occisorum suis ad sepulturam concessere; sed locis occul-
tis abdididerunt, ut laterent scilicet ipsorum homicidia; ue-
runt ea minimè latuerunt, uniuerſa enim ciuitas hanc cru-
delitatem uidit, omnesq; eos, ut carnifices, ut maleficos, ut
latrones auersati sunt; quippe qui & monasteria euerterint,
& ignes iniecerint ad Monachos comburendos, domosq;
diripuerint. &c. Istiusmodi sunt scelera Arianorum.* Sed
pergant modo homines isti, quando ita placet in-
ſanire, & cum impio Semei subſannare innocentes
illis ipsis verbis in Iesuitas repetitis: *Egredimini, E-
gredimini, uiri sanguinum, & uiri Belial; Nobis fixum
est, calumnias non reponere; sed potius cum S.
Dauid spe in Deo posita, solatium eius expectare
in tempore: Si forte respiciat Dominus afflictionem, no-
ſtram, & reddat nobis Dominus bonum pro maledictione
hac hodierna.*

*Athanas. ad
Vitam solis. a-
gent.*

2. Reg. 16. 9. 7.

2. Reg. 6. 9. 15.

Interim tamen ne silentio agnoscere ac fate-
ri videremur criminationes nobis impactas, non
tam nostro, quam proximorum malo, quorum
saluti inuigilare debet, ex ui instituti, noster pub-
licus etiam labor; necessarium fuit eiusmodi ca-
lumnias depellere: quod iam ante factum, edita

tam latinè, quàm germanicè, Viennæ primum; postea etiam Ingolstadij cum auctario recusa Apologia societatis; contra iniquam hostium nostrorum sententiam: In qua quidquid non solum, à Boëmis, Morauisq; , & Silesijs; in decreto proscriptionis, sed etiam in vtraq; Boëmorum Apologia, contra societatem nostram sparsum fuerat; ac speciatim criminatio illa turbatæ pacis, sigillatim, & ex instituto refutata fuerunt; nec opus hoc loco, particulatim quicquam addere, quando Apologia illa, nullo hætenus verbo ab Aduersarijs impugnata suo stat robore immota. Solum quasi per Anacephalæosin, in breuem summam redigere iuuat omnia, de quibus aduersarij nos accusant; vt intelligat lector, quam iniquè turbatæ pacis rei ab Aduersarijs agamur.

Duo nimirum sunt, è quibus eam in nos accusationem texere solent aduersarij. Doctrina nostra; & publicus pro Ecclesia Catholica labor. in priuatis enim moribus, nec est momentum ullum, quod ad præsentem accusationem faciat; & in ijs aduersarij vix culpant quicquam, nisi ipsam nimiam, ut existimant, speciem sanctitatis; quam vno verbo *hypocrisim*, & ab ea Iesuitas vernacula lingua *die Scheln Hellsigen*, hoc est, *apparentes sanctos* solent indigitare. Nimirum tantum abest, vt Aduersarij prudentiores societatem nostram (inquatamen quia homines sumus, singuli infirmitatem quisque suam, vt ipse est, satis agnoscimus) ob priuatam vitæ consuetudinem accusent, vt uel ob hoc ipsum nos oderint, quia moribus ipsorum

ipforum non conformamur, transfertur nimirum hic vetus illa impiorum querela, à Christo, etiam ad cultores Christi: *Grauis est nobis etiam ad videndum, quoniam dissimilis est alijs vita illius, & immutata sunt* Sap. 1. 9. 15.
vicijs. Tanquam nugaces aestimati sumus ab illo, & ab-
sinet se à vijs nostris, tanquam ab immundicijs, & presert
nouissima iustorum. Indubitarum equidem est, Ad-
 uersarios minori nos odio persecuturos, si à reli-
 giosæ vitæ instituto deuij per abrupta uitiorum
 aut decliua voluptatum eos præuios subsequere-
 mur; quia similis simili gaudet, & similitudo mo-
 rum facile conciliat amorem & conspirationem
 animorum.

Sed non propterea officium deserimus; in-
 citamur magis, vt vocationi, nostræ respondeamus; memores admonitionis paternæ Christi ad
 discipulos: *Si mundus vos odit, scitote quia me priorem* Ioan. 15. 9. 18.
vobis odio habuit. Si de mundo fuissetis, mundus quod
suum erat diligeret; quia vero de mundo non estis, sed ego
elegi vos de mundo, propterea odit vos mundus. Mementote
sermonis mei, quem ego vobis dixi. Exemplo nobis est
 Apostolus qui fauorem eiusmodi humanum, ex
 malefactis parandum, susq; deq; habebat: *An quare* Galat. 1. 9. 10.
inquit, hominibus placere? Si adhuc hominibus placerem,
Christi seruus non essem. Avaricia autem, vitæ deli-
 cias, carnis fordes, in hac ipsa Boëmorum aduer-
 sus societatem infestatione, qui nobis obiecere, a-
 deo probabile nihil ad suæ criminationis proba-
 tionem attulerunt, vt seipsos potius sordi dissi-
 mos & apertissimos calumniatores probarint, lu-
 dibrio publico, non noua refutatione dignos.

*Vid. Apolog.
 Secret. contra
 Boem. proscri-
 ptionem cap. 6.
 & 10.*

Omissis ergo priuatis moribus, qui etiam si pessimi essent, nihil per se ad publicæ pacis turbationem, de qua agimus, facerent; ad doctrinam societatis quod attinet; & alibi sæpius, & iam antea capitibus præcedentibus, manifestum fecimus quæ sit doctrina societatis nostræ, tum de fidei Christianæ capitibus; tum in primis de humani conuietus societate; speciatim de pactis & conuentis, deq; belli pacisq; studijs; ea nimirum alia non est, quàm aliorum Catholicorum doctorum, ipsiusq; Ecclesiæ; nec de rebus politicis alia, quam quæ, in dissimili quidem vitæ fideiq; professione, ipsorummet est aduersariorum, qui iuxta religionis suæ rationem vel rectissime sentiunt. Nimirum in occulto loquimur & docemus nihil. In publicis cathedris, in Scholis, in Templis, in Libris resonat & palam auditur doctrina nostra. *Si male loquimur, testimonium perbibeant de malo, illi ipsi qui improbant: Si autem bene, si idem quod cæteri Doctores, si idem quod ipsa, Ecclesia Catholica; imo idem, quod in diuerso religionis genere ipsimet, aduersarij, quid nos contumelijs cædunt, & doctrinæ præcipuè politicæ, seu ethicæ, causâ, adeo acerbe insecrantur?*

Sed tribus nimirum artibus, seu potius fraudibus, hoc efficere student aduersarij; vt iure nostram potissimum doctrinam suggillare uideantur. Primò falsam nobis doctrinam affingunt. Nam in hac ipsa Tragœdia Boëmica dicunt aduersarij, nos docere, *fidem hæreticis non esse seruandam*; Hæreticos omnes, speciatim eos, qui Lutheri, aut Caluini dogmata

*Vid. Apol. Soc.
cont. Boem. cap.
3. 4. 5.*

dogmata sectantur, ferro & igne exterminandos, non obstantibus pactis & conuentis, seu Regiæ Maiestatis literis & promissis, fas esse cuilibet priuato Reges & Principes A catholicos interimere. Quæ tamen omnia & singula non sunt nostra Jesuitarum dogmata, sed apertissima & fœdissima aduersariorum in Iesuitas figmenta & criminationes; quas in ipsorum aduersariorum capita sub calumniæ nota ac nomine retorquebimus eo usq; donec legitimo documento probent, à Iesuitis hæc, aut horum aliquid fuisse traditum, quod certo scimus nunquam facturos. Interim nulla iudiciorum æquitas, nulla æquitatis ratio patitur, vt accusatus damnetur, nec confessus, nec conuictus. Quod si satis ad damnationem sit crimen accusare, siq; accusatio, & quidem hostium accusatio, nocentem faciat & reum, quis obsecro innocens erit? Iam tot ab aduersarijs ipsis editi sunt, sub hac epigraphæ libri, *Doctrina Iesuitarum capita; catechismus Iesuiticus; seu Examen doctrinæ Iesuiticæ; Aphorismi doctrinæ Iesuitarum*; an fuit quisquam qui eiusmodi dogmata esse Iesuitarum comprobaret? Certè potestremus, qui vel maximè in hac re vnica adlabore visus est, ita iam à duobus è societate nostra Theologis de fæitate, imposturis, & mendacijs conuictus est, vt calumniæ societatem contrahat, quisquis hac in re eius fidem prudens sequitur.

Secunda fraus aduersariorum est, qua nostram ipsi doctrinam, piè & orthodoxè ac ex mente omnium Catholicorum traditam, malè ac in sinistram sensum, calumniæ struendæ, & inuidiæ nobis

Martinus Recanus refutat, Aphorismorum.

Sebasti. Heiss ad eundem Aphorismos declaratio Apologética.

nobis concitandæ causâ interpretantur. Ita dum
 profitemur pontifici Romano ipsos etiam Reges
 & Principes Christianos subiectos esse debere;
 quod omnes Catholici ex ipsius Christi ore docent,
 ut superius dictum est, id eo ipsi referunt, quasi om-
 nia regna mundi cupiamus politico ac seculari
 dominio Romani pontificis, cum eorundem Do-
 minorum secularium præiudicio subiugare: quod
 quam sit à nobis alienum, alibi demonstratum est.
 Simile est, quod aiunt, à nobis hæreticos vocari
 eos, qui Romanæ Ecclesiæ non obtemperant, aut
 certè ab eius fide sunt alieni: quod ipsi eò spectare
 dicunt, ut omnes eos, quotquot Lutheri vel Calui-
 ni dogmata, etiam bona quantumvis fide aut igno-
 rantia ducti sequantur, verè ac propriè hæreticos
 esse pronunciemus; quæ tamen non est Iesuita-
 rum; nec Catholicorum, nec omninò vera doctri-
 na. Canones ipsi & bullæ pontificum Romanorum
hæreticos & credentes Hæreticis inter se distinguunt.
 Sancti Patres & ex ijs Sanctus Thomas, & Catholi-
 ci omnes, præter errorem fidei, ad hæresim requi-
 runt *pertinaciam*. Nos ipsi, si pro hæreticis habere-
 mus omnes in fide errantes, aut Romanæ Ecclesiæ
 non obtemperantes, nec tam amanter, nec tam se-
 dulo, oportunè importunèq; prædicando, obse-
 crando, increpando, *in omni patientia & doctrina* eos
 Catholicæ veritatis viam edocere, atq; ad eam in-
 trepidè amplectendam adhortari pergeremus;
 quando Apostolus hæreticum hominem, *post*
primam secundamq; correptionem deuitandū esse præ-
 cepit.

*Apolog. Societ.
 cont. Roem. c. 4.*

*August. Epist.
 362.
 Thom. 2. 2. q.
 31. 4. 3.
 Vid. Apol. pro
 Societ. contra
 Roem. c. 4.*

2. Tim. 4. 5. 2.

Tit. 2. 5. 26.

Agno-

Agnoscamus sanè & dolemus ex imo pectore, tam multos esse utriusq; sexus homines, uiros saepe cordatos, sinceros, à veritatis affectu & studio minimè alienos; fæminas itè inrita quadam naturæ melioris indole, ad modestiam, pudicitiam & pietatem propensas; qui non malitia, ne dum, pertinacia ducti, sed ignorantia falsisq; informationibus & persuasionibus Ministrorum seducti, longe aliam de Catholicæ Ecclesiæ doctrina & institutis opinionem habent, quam Ecclesia ipsa reuera profiteatur. Inuenias, qui pontificem Romanum, non hominem aliquem, nec ad humanitatem ullam, ac ciuilem vitæ societatem compositum, sed monstrum aliquod horrendum & ingens aut ipsum incarnatum Diabolum; Iesuitas verò non inter homines natos, nec ab hominibus, multa etiam saepe sanguinis gloria, opumq; potentia, nobilissimis; multo minùs in ipsius Imperij seu Germaniæ, communis Patriæ nostræ, eiusdemuè cum illis Regni Prouinciæq; medietullio natos; Sed inter Barbaros aut feras, à Satyris & Faunis progenitos, & educatos, semiuiros & semiferos, cornutas bestias locustasue, aut ranas ex inferno emerfas, serio opinentur; qui cum Iesuitas vel in conspectum semel admiserint, tum mox dementiam, ipsi suam, facilemq; credulitatem damnare non erubescunt: hos quomodo hæreticos vocemus, qui non nisi inuici deceptiq; stultissimis eiusmodi delirijs verius, quam erroribus decinentur.

Nèq; mirum, à Prædicatibus hæc aliquando etiam persuaderi, ijs præsertim, quin procul à com-

muni Catholicorum consuetudine sejuncti, aliud de fide nihil audiunt, quam quod illorum mendacia Ministrorum ora crepant; quando Philippus, in ipsius Imperij totius conspectu, in ipsa sua Confessionis Augustanæ Apologia, tam foedè de Catholicæ Ecclesiæ fide & doctrina mentiri non erubuit, V. G. Catholicos non *vti Christo Mediatore*, sed *prorsus sepulto Christo*, alia confingere, Catholicos non *docere de Mediatore Christo*, quod propter Christum, *habeamus Deum propitium*, Catholicos fingere, *Christum tantum primam gratiam nobis promeritum esse*, Catholicos *sine propitiatore Christo accessum habere velle ad Deum*, Catholicos docere, *opera nostra placere sine propitiatore Christo*, nec *indigere propitiatore Christo*: Item *excluso Christo*, *docere mereri Iustificationem per opera legis &c.* & similia quam plurima: quæ qui legit, nulla meliori informatione de falsitate edoctus, fieri non potest quin ea vera esse credat; quisquis autem hæc de Catholicis credit, impossibile est, vt Ecclesiæ Catholicæ fidem non condemnet & diris quodammodo deuoueat. Tolle nimirum Prædicantium calumnias, & nihil erit, quod in Ecclesiæ Catholicæ doctrina Christi amator reprehendat. De qua re tamè fortasse propri⁹ aliquando erit dicendi locus.

Hæc in præsentiarum satis dicta sunt, ad cum finem, vt omnes intelligant, nec à Iesuitis, nec à cæteris Catholicis, omnes in fide errantes, etiamsi Lutheri aut Caluini dogmata sequantur, hæreticos censeri aut appellitari; sed qui errori in fide pertinaciam adiungunt, sine qua nulla vera est hæresis, & de qua cum in occulto sæpe pectoris & cor-

& cordis lateat, non est Iesuitarum particularim,
iudicare, sed ex parte quidem iudicū fidei; vniuer-
sim verò ac potissimum eius qui scrutatur corda &
renes Deus. Quod si Catholici scriptores aut præ-
dicatores, in suis concionibus, aut libris, Luth-
eranos aut Calvinistas indefinitè quandoq; hæreti-
cos vocant, id iuxta subiectæ materiæ conditio-
nem, in suppositione, vt Dialectici vocant, accommoda,
ad eos referendum est, qui pertinaciter errores
Lutheri vel Caluini sequuntur: quales potissimum
sunt ipsi earum sectarum Ministri & Doctores; qui
cum variusq; partis fundamenta ex officio perspe-
cta habere debeant, meritò præsumuntur, non
veniali aliqua mentis ignorantia, sed potius, de-
prauatæ voluntatis malitia & pertinacia, his erro-
ribus adhærere. Optimè hac de re S. Augustinus:
Qui in Ecclesia Christi morbidum aliquid prauumq; sapiunt,
si correpti, vt sanum rectumq; sapiant, resistunt contuma-
citer, suaq; pestifera & mortifera dogmata emendare no-
lunt, sed defensare persistunt, hæretici sunt. Omitto cæ-
tera verborum & dictorum nostrorum falsa, & ex
nocendi studio prolata interpretamenta: vt quan-
do Boemi Rebelles in sua Apologia secunda no-
strum de literis Maiestatis sibi à Rege concessis iu-
diciū, seu verius suspensionem iudicii, ita inter-
pretati sunt, vt dicerent nos *expresse scripsisse*, litteras
illas Maiestatis pro libertate Religioni vtraquisti-
cæ concessas, nullas & irritas esse; item quando in-
scriptionem quandam latinam clauis nostri Collè-
gij Pragensis appensam, in eum sensum calumnio-
sè interpretati sunt, quasi esset *clavis Armamentarij,*

*Augustin. libo
18. de ciuit.
cap. 31*

*Apolog. Societ.
contra Doct.
cap. 10.*

*Vid. Apol. Soc.
in Gallia ad
Hauricum IV.
cap. 14. & ex
posultationem
Apologicam
Ludovici Ri-
cheoni ad eun-
dem num. 192.
Vide Iacob,
Gress. Relega-
tionem Prædi-
canticam edi-
tam Anno 1619
in præfat.*

cum tamen *clavis armarij* dicta esset: &c. Tercia fraus Aduersariopum, quod ad calumniam societati struendam nonnunquam alienos foetus & libros ejdem imponunt. Ita olim in Tragoedia Gallica Ioannis Schadelij Apologia, aliudq; etiam eiusdem farinae scriptum, ab ipsis aduersarijs suppositum, maligni hostes Iesuicis falso adscripserunt. Ita in Comitijs nuperis Ratisponensibus Anni M DCVIII. cum nonnulli A catholicorum principum legati serio commonefaciendos putarent ceteros Imperij status, de cauendis Iesuitarum noxijs machinationibus & peruersis artibus, utpote quæ in ipsis etiam eorum libris satis se proderent, libros ipsos ac authorum nomina sigillatim exprimere iussi, sex nominarunt, nimirum D. Georgium Ederum, D. Jodocum Lorichium, D. Ioanem Pistorium, D. Andream Fabricium, D. Ioannem Ficklerum, D. Petrum Muechitsch; quibus tamen palam est omnibus, Iesuitarum nullum fuisse.

**Iesultæ Post
mort.**

Ita nuperimè hoc ipso fortassis An. MDCXX. occasione præsentis Tragoediæ Boemicæ, inter alias famosas chartas edidit Aduersarius, totus ira & furore aduersus Iesuitas frendens & ardens, libellum germanicum, quem *blasphemia doctrina Iesuitarum capita, ex concionibus super beatificatione Ignatii Loiola primi Iesuitarum fundatoris in Hispania habitis desumpta, & à Sorbona Parisiensi damnata* inscripsit: qui tamen liber in eadem ipsa fronte & epigraphe pendendum stigma turpissimæ & apertissimæ calumniæ præferret, quando ex ipso libello constat,

crca

tres illas conciones in beatificatione B. Patris N. Ignatii habitas, è quibus illi, qui obijciuntur, errores fuere excerpti, nullius Iesuitæ fuisse, sed aliorum quorundam è diuersis Religionibus uirorum Religiosorum: in quibus ipsis tamen quam sincera mens, quam pura & incorrupta fides fuerit, quamq; animus eorum ab omni hæretico errore nedum blasphemia alienus, edita etiam super hac re propria in Gallijs Apologia contra hæreticorum criminationes & falsationes apertè demonstrauit. Nimirum pensè nihil habent Aduersarij, quidquid aduersus Iesuitas dicant, scribant, faciant, modo damnum illis noxamq; pariant. Sed hæc de doctrina satis.

Quod verò ad alterum caput pertinet, nempe publicos nostros pro Ecclesia labores, nihil attinet multa dicere, ne commendare nos ipsi videamur potius, quam excusare & defendere. Habent illi Regulas instituti nostri, habemus nós inspectores & testes, imo fautores, patronos, promotores, & laudatores laborum nostrorum summos Reges, Principes, Respublicas, Academias, aliosq; viros religiosos, seculares, undiquaq; spectatissimos & grauissimos. Profitemur nos ipsi palam, quis sit scopus noster, quæ vocatio & ratio instituti nostri: nimirum, vt iuxta Regulæ præscriptum, non solum salutis & perfectioni propriarum animarum cum diuina gratia vacemus; sed cum eadem impensè in salutem & perfectionem proximorum incumbamus. Ad hunc finem tendunt labores ac munia nostra, quæ erga proximos, non in angulis plerumq; sed palam & publi-

Exam. cap. 1.

§ 1.

Summary

const. Reg. 2.

eē inspectante vniuerso mundo exercemus; qualia sunt, prædicatio verbi diuini, fidei Christianæ & Catholicæ etiam apud Barbaros Indorum populos disseminatio, auditio sacrarum confessionum; Catechismus puerorum & rudium; Scholæ & instructio puerorum in bonis moribus & artibus, prælectiones Academicæ, etiam studiorū grauiorum, Philosophiæ & Theologiæ, librorum in omni disciplinarum genere à viro religioso non abhorrentium elucubrationes; potissimum eorum, qui vel ad tuendam aduersus fidei hostes Catholicam fidem, aut ad veram pietatem Orthodoxorum animis inferendam pertinent; disputationes & colloquia subinde etiam comminus cum aduersariis habita; ægrotorum & captiuorum adeoq; Nosophochiorum & carcerum visitationes & frequentationes; consilia salubria ad salutem spectantia, cuiuslibet hominum generi impertienda; deniq; vt summam dicam, quidquid exemplo vitæ religiosæ, orationibus & sacrificijs quotidianis Missæ, verbo doctrinæ, calamo erudito & religioso, monitis & consilijs, non iniquis, sed pijs publicè priuatimq; domi seu foris, ad nostram, aliorumq; salutem procurandam, consequi possumus, id cum diuinæ gratiæ auxilio, effectum dare conamur; etiam in hoc ipso tamen minus subinde quam par esset, seduli ac studiosi; quia & nos homines sumus; & *in multis offendimus omnes*. Quanquam non desunt inter Nostros etiam athletæ forissimi, qui usq; ad sanguinem pro veritate & virtute pugnantes resisterent; quando breui hoc tempore, quo stetit

societas,

societas, plures quam centum Martyres, Religio-
nis causa variè ab infidelibus trucidatos numerat.

Neq; vel ipsi Aduersarij nesciunt, aut dissimulāt
non solū cum esse laborum nostrorū scopum, sed
nec dolor finire eos dissimulare fructū, qui sequitur,
quem ipsi quidem imprimis oderunt; nos autem,
Deo omnium bonorum auctori, non nobis ipsis
tribuere par est. Ita delirus ille Calumniator in

sua declamatione germanica, ex impuro Argen-
toratensis Magistelli calamo translata ait: *Hic, in-
quit, serias nugas tracto, pura id est & sincera veritas, quod
iam dicturus sum: dum scopum & finem excitati et inchoati
Iesuitici ordinis, planè & disertè exponam. Est autem sco-
pus iste ut confractum Romani AntiChristi regnum, (ita
Antichristi mancipium de Romano pontifice &
Ecclesia Catholica loquitur) in uniuerso mundo denuo
restaurent, resciant, & erigant, adeo ut nunquam antea
tanta gloria & flore viguerit & viruerit: ex aduerso au-
tem, ut Christi Euangelium & Ecclesiam (Lutheri, Cal-
uini, Zvvinglij pseudo Euangelium intelligit) quæ jam ex tenebroso Papatu non nihil in lucē emerferat, &
toto orbe diffundi, ac in omnibus locis ad Cælum usq; se ex-
tollere cœperat, ita opprimant, dissipet, & extirpent, ut nun-
quam de illa amplius quidquam audiatur, sed plane in ni-
hilum redigatur. Paucis hic multa comprehendo. Magna
illi & planè terribilia minantur: ad quæ suam etiam ipsi
operam quouis modo & ratione, die noctuq; terra mariq;
veluti fidelissimi executores & administri, sine omni ter-
giversatione, minimè renuunt impendere: sine ulla mora vel
cunctatione, peculiari iuramento patri suo Papæ obstricti, &
obedire parati, veluti perpetui eius serui & mancipia.* Ita

Postpart des
Jesuiten.

hic

hic Nouator; qui nec sine fundamento, Romani Pontificis hic meminit, cui nos peculiari quidem voto obstricti sumus, sed non nisi ad salutem animarum ubiuis locorum medijs licitis & honestis procurandam; maximè inter infideles.

M. Iohannes
Faber &
Iohannes Gerar-
dus Ministri
Saxonici Co-
burgenses in re-
sutatione Dis-
cursus Austriae.
part. 2. cap. 7.
540. fol. 94.

Ad eundem modum scripserunt paucis ante annis alij quidam Ministri pseudo Euangelici, his ipsis verbis germanicis: *Es were mlt dieser (Catholischen) Kirchen vast gar auff die todte neige kommen/ vnd were wol gar zu boden gefallen/wonli pernit IESVITAE die hellosen Jesuiten / ihr wider ein wenig mit ihren geschwinden Præclaffen hetten auff die baine geholffen.* Hoc est: *Actum iam fuisset propemodum cum hac Ecclesia (Catholica) eaq. planè tota corruisset; nisi eam pernit IESVITAE, inutiles inquam, Iesuita, promptis suis consiliis & machinationibus nonnihil rursus crexissent.* In eundem sensum hoc ipso Anno nuper scripsit quidam pseudonymus Boëmorum Agyrta: inter cæteras causas conseruatae sedis & Ecclesiae Romanae vnanimè esse Societatem Iesu. Ita ergo de Jesuitis scribunt nostri aduersarij.

Vt tamen videant, nos eorum testimonijs æ præconijs minimè indigere; quando eadem, quæ de nobis ipsi quamuis inuiti contestantur, augustissimi & potentissimi Reges & Imperatores multo grauiori præconio palam deprædicant; unius tantum Ferdinandi I. Pientissimæ quondam ac felicissimæ memoriæ Imperatoris literas subiiciam: quæ eò magis ad institutum præsens facient, quòd pro nostra imprimis societate in prouincia Austria constituta, quæ vti nunc præsentibus calamitatibus

ratibus vel maximè iactatur; ita aduersariorum calumnijs præcipuè impetitur conscriptæ sunt. Sic ergo habent literæ foundationis Collegij Viennensis Anno MDL XIII. 1. Octob. Viennæ expeditæ: *Ferdinandus diuina fauente clementia, Electus Romanorum Imperator, semper Augustus, ac Rex Germania, Hungaria, Boemia &c. Recognoscimus pro nobis, Heredibus & Successoribus, Regibus &c. Quòd cum à multo tēpore afflictissimorum Regnorum nostrorum, Germania, Boemia, Hungaria, & Prouincie inprimis Austria statum, maximè quoad Religionem nostram Catholicam, usq; quaque fere retroactis annis expulsam & profligatam, diligentius perpendissemus; eumq; eiusmodi esse reperissemus, vt nisi breui de oportuno aliquo remedio illi dispexissemus, actum profecto de miseris illis Reliquijs prælibatæ nostræ Religionis Catholice (presertim inualeſcentibus tot tantisq; de die in diem, nouis hæresibus) intra breuissimum tempus, cuiq; vel mediocri iudicio prædito videri potuerit; sanè ea cura & cogitatione nihil prius, aut posterius habuimus, quam vt huic malo efficacissimum remedium inueniremus.*

Quandoquidem itaq; de alma societatis Iesu insigni pietate alijsq; innumerabilibus virtutum meritis; nec non sedulo & incomparabili eorum, in instituenda iuuentute, tam moribus Christianis, quam in bonis omnis generis literis, diligentia, in habendisq; concionibus ad populum ipsum assiduitate, multorum fide dignorum relatione, atq; experimentis, exemplisq; non modo Pragensis, Oenipontani, & Tyrnauensis Collegiorum, quæ à nobis clementer sunt instituta, annis prioribus; sed multò amplius atq; uberius, Cesarei burgi Collegij nostri societatis ejusdem, quod multis ante annis hic Viennæ, easdem ob causas instituimus, edocti essemus, fa-

cile induximus animum, ut quemadmodum eos in hanc tam gloriosam & luxuriantem messem scriptis de eo, tum ad summū Pontificem Romanum, felicitis recordationis Paulum III. tum ad Generalem Prapositum, ejusdem societatis primum institutorem, M. Ignatium de Loiola, bonae memoris, quam gratissimis literis euocauimus, &c.

Quemadmodum verò illi, pro eorum in Rempub. ardore, eiusmodi nostris postulat is minime cunctantes annuerunt, hanc nostram Regiam ciuitatem Viennensem, nulla habit a ratione tam longinqui itineris, nec non eorum discriminum, quæ tum eos, bellis ubiq; passim flagrantibus, manebant, quam studiosissimè appulissent; ita quoque Nos nihil certè tam proprium officij nostri duximus, quam ut illis confestim de honesta annua sustentatione, ac certo loco ubi sese pro eorum instituto, exercere, ac gratiam illam, quæ illis diuinitus concessa est, populis nostris, ac fidelibus subditis communicare valerent, inprimis prouideremus.

Quare Nos pro Religionis Zelo, ad conseruandam veram fidem Catholicam, ratione institutionis puerorum, educationis doctorum virorum, ac præcipuè Cleri, Almæ societatis Iesu moti, sequentem fundationem ac ordinationem fecimus, instituimus. &c. Datum Vienna Austriae. ut supra.

Nos verò licet tantum arrogare nobis minime audeamus; & verò etiam absq; societate nostra, Deo non defuturum fuisset medium, suam Ecclesiam aduersus hostes tuendi propugnandiq; utpote nunquam inferorum portis subuertendam; grata tamen simul, qua par est, mente una nobiscum cæteri etiam Catholici agnoscunt, benignissima diuinæ prouidentiae dispositione ita accidisse, ut

Math. 16.
Vide Laurent.
Sur. Comment.
hist. An. 1540.
Florimundum
Ramundæor-
tu, progressu &
ruina hæresi-
corum, part. 2.

se, vt Lutheri nouatorumq; aliorum studijs noua hæc & minima societas nostra opponeretur; quæ docendo, disputando, scribendo, alijsq; modis & medijs, impios nouatorum conatus obtunderet.

Quod si verum dicere fas est, hæc ipsa planè est vera, propria, & genuina causa, ob quam Aduersarij adeo nos acerbo odio insectantur; & tum alia in nos conuicia, tum hanc ipsam calumniã ingerunt, turbatores esse nos pacis publicæ. Hispanos nimirum viribus vti putant, externis, Iesuitas verbis, suis obstare conatibus indolent; propterea ab vtrisq; cauendum, vtrosq; pacis ac libertatis stabi-
liendæ causa ex imperio procul arcendos & elimi-
nandos clamant. Ita & lupi cū quibus olim pacem depaciscebantur, si canes & pastores submotos vel-
lent. Et verò impijs hoc semper in more fuit, vt hæc potissimum accusatione & calumnia veros E-
uangelicæ doctrinæ præcones opprimere satage-
rent; & vt quos ipsimet tumultus ac seditiones fal-
sæ Religionis causa temere concitauerant, in Christum & Apostolos refunderent. De Christo dicunt, *Hunc inuenimus subuertentem gentem nostram*; Item, *Commouet populum docens per vniuersam Iudeam*; de Apostolis: *Hi homines conturbant Ciuitatem nostram*. Item, *Hi sunt, qui urbem concitant*. Quare nos etiam hæc criminationes minime terrent; satis nobis est ad solatium exemplum Christi & Apostolorum; præsertim disertæ præmonitioni adiunctum; *Non est seruus maior domino suo: si me persecuti sunt, & vos persequentur*. Doctrina nostra, mores nostri, perso-
næ nostræ facile probarentur aduersarijs, omnia;

Luc. 23. 2.
Ab. 16. 9. 10.
Eccl. 17. 9. 6.

Ioan. 15. 2.

si aduersa studijs eorundem non essent: immo quamiuis vita fidesq; nostra contraria ipsis forent, tolerabiliora viderentur, si nobis ipsis solis crederemus, solis viueremus, nec ad proximos nostros bonum utriusq; & veræ fidei, & probæ vitæ transfundere tam enixè conaremur.

Sed non possumus deserere officium & vocationem nostram; scimus, non omnium fidelium, non omnium etiam Religiosorum, hoc esse munus, ex instituto vacare salutis proximorum procurandæ; quos uti Aduersarij idcirco minus oderunt, ita à nobis amari & honorari vicissim par est; quādo pijs eorum ad Deum precibus nostris etiam munij & laboribus vim non exiguam roburq; accedere confidimus; sed uti sunt diuersa religiosorum, eademq; sacratissima instituta, quibus Ecclesia Catholica, veluti spōsa, vario ac quasi polymito amictu mirificè splendescit, ita nos nostram partem tueri vocationemq; sequi par est; à summis pontificibus approbatam, à Concilio Tridentino laudatam, à summis Regibus & Principibus Christiani orbis non tantum patrocinio defensam, sed etiam regio sumptu & liberalitate quam plurimis Collegijs ac sedibus fundatam, auctam, & propagatam, ac demum fidei populo toto propemodum Christiano orbe gratam & exoptatam.

Nouimus inter animarum procuratores, reprehendi non solum *speculatores cæcos*, qui periculum non aduertunt; sed etiam *canes mutos, non valentes latrare*: in quos etiam conuenit illa Prophetæ comminatio; *Si speculator viderit gladium venientem*

et non

Concil. Trid.
sess. 25. cap. 16
de Regul.

Isai. 56. & 10.
Ezech. 33. & 6.

Et non insonuerit buccina, et populus se non custodierit, veneritque gladius, et tulerit de eis animam, ille quidem in iniquitate sua captus est, sanguinem autem eius de manu speculatoris requiram. Gladius imminens est hæresis & impietatis periculum, de quo cauendo si animarum procuratores non admonuerint populum, rei alienæ damnationis efficiuntur, ac proinde sibi met etiam ipsis sempiternum exitium conflant. Quare Apostolus: Si Evangelizauero, inquit, non est mihi gloria, necessitas enim mihi incumbit; uac enim mihi est, si non Evangelizauero.

1. Cor. 9. 16.

Ignoscent ergo nobis Aduersarij, si instituti nostri memores, in hoc enixè incumbamus, ut fœda hæresis scabies arceatur à sano pecore; & sanetur etiam, quantum fieri potest, in infecto: resistat hoc licet aliquando, & reluctetur medentibus; quia medicamenti acrimoniam sentit; Charitatis tamen sapè est, vel importunè ingerere ægrienti, quod sanat; idque ipsum de illis, qui se nunc Aduersarios nostros profitentur, non planè desperamus; facile enim est Deo, etiam de lapidibus excitare filios Abrahæ, & Apostoli monitum est, seruum Domini non oportere litigare, sed mansuetum esse ad omnes, docibilem, patientem, cum modestia corripientem eos, qui resistunt veritati; ne quando DEVS det illis penitentiam ad cognoscendam veritatem, et respiciant à diaboli laqueis, à quo captiui tenentur ad ipsius voluntatem.

1. Tim. 3. 14.

Quod si qui etiam, Pharisaorum mores induti, ex eo Charitatis studio scandalum præferrerant, ne sic quidem veritatem doctrinæ prætermittendam didicimus. S. Gregorij monitum est, Sides

S. Greg. homil.
7. in Ezechiel:

veritate

Matth. 18.

veritate scandalum presumitur, utilius nasci permittitur scandalum, quam quod veritas relinquatur. Et Christus ipse de Phariseorum scandalum ex doctrina eius concepto à Discipulis monitus, non propterea deseruit prædicationis officium, aut doctrinæ veritatem; sed scandalum potius Hypocritarum neglexit, negligendumq; docuit. *Sinite, inquit, illos, cecisunt, & duces cecorum.* Vbi Glossa: *Dimittendum est, inquit, propter scandalum omne, quod potest prætermitti, saluat triplici veritate scilicet vita, iustitia, & doctrina.* Et si bene nihilo minus monuit S. Thomas hoc loco obseruandum, *ut veritatem non temere, sed secundum congruentiam temporis, & personarum, proponat illi, cui incumbit docendi officium.*

S. Thomas. 2. 2.

2. 2. 4. 7. ad 2.

Atq; ex his breuiter habent, non solum Aduersarij, sed & alij quicunq; veritatem amant, rationem doctrinæ, & laborum nostrorū quos Ecclesia Christi impendere studemus; ex quibus liquidum est, nullam turbatæ pacis culpam penes IESUITAS residere. Particularia vero, quæ in hoc genere obijciunt, accusationis capita in Apologia nostra satis refutata sunt, quæ nil opus est hoc loco repetere.

Qua ratione etiam necesse non est, sigillarim refutare famosa illa aduersus societatem scripta, dudum quidem conscripta, sed occasione Boëmice Tragoediæ, ab Anonymis quibusdam Caluini assæclis denuo recusa, ut dictum, & partim etiam in linguam germanicam translata; quæ iam dudum accuratè & solidè à nostris alijsq; Doctoribus refutata sunt, ut ex hoc breui Catalogo ipsorum librorum, qui iam nobis denuo obijciuntur, lector di-

scer.

fecit. Eliæ Hasenmulleri Mendaci *historie Jesuiticæ*, à Polycarpo Leysero editæ, & iam denuò recusa, opposita primum fuit Anno M. D. XCIII. *Apologia pro societate* IESV, à Reuerèdo admodum & Magnifico Domino Doctore Petro Steuartio, tunc Professore Theologo, & Parocho Ingolstadiensi, nunc Vicario Generali Leodiensi. Secuta est deinde *integra refutatio* eiusdem à Iacobo Greßero Societatis nostræ Theologo Latine edita. Anno M. D. XCIV. & postea etiam in linguam Germanicam conuersa à Reuerendo Domino Cleopha Distelmair, Presbytero Augustano. Contra Arnaldi Aduocati *Philippicam*, aliorumq; in Gallia Caluinistarū veteres Calumnias, aduersus Societatem, extat *duplex Apologia*, altera Frãscisci Montani; altera ipsius Societatis in Gallia ad Christianissimū Galliæ & Nauarræ Regem Henricum IV. quam utramq; latine reddidit, partim etiam adiecta appendice auxit, & contra recentiores quosdam calumniatores defendit, Iacobus Greßerus. Stephani Pasquieri, vti & Anticottoni Gallicanorum Caluinicolarū calumnias aduersus societatem recudit Ludouicus Richeomus, partim in *querela Apologetica* ad Regem Galliæ, partim in *Examine Categorico* contra Anticottonū edita. Eundem Anticottonum, atq; etiā Torturam torti, ad examen reuocauit Andreas Eudæmon Ioannes, partim in *Parallelo Torti ac tortoris*, partim in *Confutatione Anticottoni*. Relationem *de modo agendi Jesuitarum*, contra Anonymi cuiusdam criminationes, primum Italice editam, duobus libris refutauit Iacobus Greßerus Anno M. DC.

Noua

Nova nouorum, seu relationem *de Iesuitarum*
studijs abstrusioribus, contra Ioannem Combilhon,
 refutauit idē Gretserus, Anno M. DC. IX. ac simul
 etiam Germanicē transtulit Conradus Vetter.; à
 quibus etiam postea Anno M. DC. X. & MDCXII.
duplex accessit *Apologia* eiusdem libri, Latinè itidem
 & Germanicè edita, *contra furias Prædicantium* Augu-
 stanorum. *Aphorismi doctrina Iesuitarum* ab Anony-
 mo Caluinista editi, refutati fuere à duobus Socie-
 tatis nostræ Theologis, Martino Becano, & Seba-
 stiano Heissio, Anno MDCIX. *Relegationi* aduersus
Iesuitas, Andreæ Löhneri Argëtoratensis Lutheror-
 caluinistici Magistelli, opposita est eiusdem argu-
 menti parodicè retorta *Relegatio* Lutheranorum &
 Caluinianorum *Prædicantium*, ex Imperio, ab eo-
 dem quem supra diximus Iacobo Gretsero edita,
 Anno MDCXIII. Calumnias Poloni Calumniato-
 ris, quas ipse *Monita priuata Societatis* inscripsit, refu-
 tauit idem Iacobus Gretserus tribus libris Anno
 MDCXVIII. Angli alij, qui Religionem Catholi-
 cam, ac simul Societatem nostram oppugnarunt,
 habent Bellarminum Cardinalem, Gretserum, Be-
 canum, Eudæmon Ioannem, vindices. Huc spe-
 ctant etiam plures *Apologiae* Gretseri contra Li-
 thum Misenum, & Lermæum Caluinistas, vt & a-
 pologeticus eiusdem aduersus librum, qui *Introdu-
 ctio in artem Iesuitarum* inscribitur. Deniq; nuperam
 illam admonitionem Germanicam Caluinistici
 cuiusdam tenebrionis, de *Cauendis Hispanis & Iesuitis*,
 adeo solidè refutauit Reuerendus & clarissimus Do-
 minus Georgius Riedel, S. Theologiæ Doctor &

Deca-

Decanus Collegiatæ Ecclesiæ ad SS. Martinum & Castulum Landishutæ, in suo, vti vocat, Draconicidio, vt ea neminem fallere possit amplius, nisi qui falsum ipse & imposturas consultò amet.

Hoc postremo vniuersim contra eiusmodi libellos præsertim Anonymos, aduersus Societatem calumniosè scriptos moneo; eos, cum perperam, & absque legitima via Juris, in famam alienam grassentur, libellos famosos esse, quibus non solum vtroque Jure fides & auctoritas abrogatur; sed eorum etiam vsu & communicatione omnibus interdicitur; grauissimis simul pœnis in auctores, propagatores, & retentores decretis. In Iure Canonico extat decretum Adriani Papæ, in hunc modum:

*Causa 5. q. 1.
Can. 1.*

Qui in alterius famam publicè (seu in publico) scripturam, aut verba contumeliosa consinxerit, & repertus scripta non probauerit, flagelletur: & qui ea prior inuenerit, rumpat, se non vult auctoris facti causam incurrere.

Et S. Gregorius Papa: *Quia, inquit, quisquis veraciter loquitur, semetipsum innotescere nō debet formidare, oportet, vt publicè exeat & quacumq; in contestatione sua, loqui præsumpsit, ostendat. Quod si non exierit, neg. Publicè confessus fuerit, quisquis ille sit, qui hoc agere præsumpsit, vel consensum in tante iniquitatis consilio præbuit, ex DEI & Domini nostri IESU Christi Spiritu definitus, vt Sancti eius Corporis & sanguinis participatione priuatus sit. Si vero quia latet, & quoniam nescitur, teneri ad disciplinam non valet, si tanti mali conscius, etiam prohibitus, Corpus & Sanguinem Domini percipere præsumit, Anathematis ultione percussus sit, vt fallax ac pestifer à sancta Ecclesiæ corpore sit diuisus.*

lib. Caus. 5.

*Leg. 5. Codic.
Theo. de famos.
Libell.*

Ex Jure Ciuili extat imprimis Lex Imperatorū Constantini, Constantis, & Constantij, quæ ita habet: *Libellis, quos famosos vocant, abolendis, inclitus Pater noster prouidit, & huiusmodi libellos ne in cognitionem quidem suam, vel publicam, iussit admitti. Non igitur vita cuiusquam, non dignitas concussa his machinis vacillabit: nam omnes huiusmodi libellos concremari decernimus.*

*Leg. 5. Cod. de
famosis Libell.*

Et rursus Imperatores Valentinianus & Valens ita decernunt: *Si quis famosum libellum, domi, siue in publico, vel quocunq; loco ignarus repererit, aut corrumpat, priusquam alter inueniat, aut nulli confiteatur inuentum. Si vero non statim easdem chartas vel corruperit, vel igne consumpserit, sed vim earum manifestauerit, sciat, se quasi authorem huiusmodi capitali sententia subiungadum. Et infra: Huiusmodi autem libellus alterius opinionem non ledat.*

*Leg. 5. Lex Cor-
nelia, ff. de li-
surys.*

Deniq; Vlpianus: *Si quis librum ad infamiam alicuius pertinentem scripserit, composuerit, ediderit, dolone malo fecerit, quò quid eorum fieret; etiamsi alterius nomine ediderit, vel sine nomine; uti de ea re agere liceret: & si condemnatus sit, qui id facit, intestabilis ex lege esse iubetur. Eadem pœna ex senatus consulto tenetur etiam is, qui Epigrammata, auuduè quid sine scriptura, in notam aliquorū produxerit: item qui emendum vendendumue curauerit. Ita Jura statuunt de libris eiusmodi famosis, quos Aduersarij plena iam manu, tum in Societatem, tum in ipsam etiam Religionem Catholicam spargunt. Sed qui aliquando, nisi resipiscant DEVM ipsum vindicem experientur, quando hominum in terris iudicium vitionemq; contemnunt.*

CAPVT.

*Causam, & culpam bellorum ac tumultuū,
quibus Germania ac finitima Prouin-
cie, Religionis causa, Annis iam ferē
centum infestata fuere, sustinere inquie-
tum noui Euangelij spiritum, ad con-
citandas turbas natum.*



Quoniam Aduersarij Catholicis, ac præcipuē
Iesuitis, impingunt bellorum, ac tumultuū
causam, non ægrè feret quisquam, si nos æ-
quo retorsionis Jure, atq; etiā publici boni studio,
veram eiusmodi barbarum originem causamque
breuiter ac dilucidè ob omnium oculos proposue-
rimus: quod ita fiet commodius, si primū vniuersum
inquietum quinti Euangelij spiritum, ex ipsomet
inprimis eius auctore & primo disseminatore Lu-
thero repræsentauerimus: vt hinc eo facilius per-
uideant omnes, quod sequēti capite dicturi sumus,
eundem ipsum etiam turbulentum spiritum, pacis
& Catholicæ religionis inimicum, aduersarios ad
præsentes tumultus concitandos permouisse.

Ad Lutherum igitur quod attinet, verè is dici
talis potest, qualis iam olim à S. Cypriano Martyre
describitur Antiquus, & celebris quondam Hære-
siarcha Nouatus. *Fax & ignis ad constanda seditionis in-
cendia; turbo & tempestas, ad facienda fidei naufragia;
hostis quietis, tranquillitatis Aduersarius, pacis inimicus.*
Testantur hoc aperte Scripta, & dicta Lutheri.

*Cyprianus E-
pist. 49. ad
Cornelium.*

Primum enim quam plenum impietatis, & perfidia est hoc, quod ab eo olim non solum subditi aduersus legitimum Magistratū concitati, sed etiam omnis Christiani Magistratus Auctoritas fuit abrogata; & quis nō videt ea ratione seditiones, & tumultus necessariò enasci, omnemq; Politiam, & Ordinem in Repub. euertere? Sic enim ait: *Inter Christianos non debere, nec posse esse Magistratum, sed esse omnes inter se aequales.* Et ad ipsos summos Principes impudentissima Oratione conuersus: *Non fiet, inquit, non potest esse, non est cuiusquam voluntas, ut vestra, o Principes, Tyrannis, ac petulantia diu posthac toleretur.* Quis autem Iesuitarum, aut Catholicorum, vnquam ita aduersus Principes Acatholicos quantumuis Religionis professione Aduersarios scripsit?

Lutherus Tom. 2. lcn. Germ. fol. 201. B.

Deinde quis Catholicorum vnquam tam seditiose, & atrociter, contra vllum Acatholicorū statum ad Arma conclamauit, quam Lutherus, aduersus Romanum Pontificem, omnesque Catholicos, qui fidem, & obsequium suum in Religionis causis Romano Pontifici obligatum habent? *Mibi vero videtur, inquit Lutherus, si sic pergat furor Romanistarum, nullum reliquum esse remedium, quam ut Imperator, Reges, & Principes vi, & armis accincti aggrediantur has pestes Orbis Terrarum, remq; nō iam verbis, sed ferro decernāt, &c. Si fures furcā, si latrones gladio, si hereticos igne plectimus, cur non magis hos Magistros perditionis, hos Cardinales, hos Papas, & totam istam Romanam Sodomam colluuiem, quæ Ecclesiam Dei sine fine corrūpit, omnibus armis impetimus, & manus nostras in sanguine istorum lauamus?* An vero hic ille est Spiritus pacis, an dissensionis?

Luth. ad Syluest. Epist. Resp. fin. Tom. 1. VVitt. lat. fol. 195.

Ec

Et alibi rursum contra Catholicam Ecclesiam
 Classicum canens: *Eia, inquit, adsint, & manum ad-*
moveant, Imperator, Reges, Principes, & quisque manum
admoveere potest. Pereant hic ignave manus. Et primum
quidem adimatur Papa Roma, Romandiola, Vrbium, Bo-
nonia, &c. Mox vero monet, ut Papa, Cardinalibus, &
quicunque, inquit, Idololatrie ipsius, ac profana sanctitatis
Socij, ac familiares sunt, tanquam sacrilegis lingue retro
cervice perforata extrabantur, & clavis patibulo affigantur;
item ut omnes Isti simul vinculis constricti in mare Tyrrhe-
num precipitentur, &c. Et O, inquit Lutherus, quam
mibi sanguis, & caro bullit, & prurit; quam libenter Papa-
tum male mulctatum cerneret. Et quis Apostolorum,
aut Apostolicorum virorum, vel in ipsos Neronas,
Caligulas, Diocletianos, summos Christianorum
persecutores, & Tyrannos unquam tam acerbo, &
sanguinolento calamo usus est?

*Luth. adversus
 Papam, Tom. 3
 len. Germ. folij
 245. A.*

Sed nihil in hoc genere atrocius dici potest,
 quam quod Lutherus alibi aduersus Vniuersum
 Ordinem Ecclesiasticum quasi ex ipsis Erebi fau-
 cibus eructat: *At hic, inquit, obijcient periculum esse,*
ne excitetur tumultus, contra Episcopos illos, & Principes
Ecclesiasticos. En respondeo: scilicet ideo negligetur Verbum
Dei (recens in Lutheri cerebro natum,) & peribit to-
tus Populus? &c. Huc huc nunc attendite vos Episcopi, imo
Episcoporum umbra; Doctor Lutherus, ille à vobis toties da-
mnatus bullam, & editum vobis legat non valde teneris ve-
stris auribus placiturum: Omnes quicunque, eò rem, bonorem,
sanguinem, vitam impendunt, ut hi Episcopatus pompatici,
& aulici, tam remoti, & alieni ab omni functione Apostoli-
cà, præsertim ministerio Verbi, totumq; hoc Satanicum Regnum,

*Luth. adversus
 falso Nominat.
 ord. Ecclesiast.
 Tom. 3. Latine.
 VIIII.*

uertatur, & extinguatur; aut si re ipsa eis, extinguere non licet, contra clamant, damnant, & tanquam abominationē vitant, hi sunt filij Dei, & veri Christiani, pugnantes, & decertantes, fidemq; Euangelij adiuuantes contra portas inferni, (quibus ea fides tamē dudum oppressa iacebat.) Contra, qui Regno Episcoporum tam impio, tam Tyrannico, tam Satbanico Phalarismo fauent, & ei libenter obediunt, & subditi sunt, hi Satane Ministri sunt, contra verbum legis, & sanctiones Dei hostiliter pugnantes. Ita pestifer hic Turbo, contra Verbum legis, & sanctiones Dei, Ecclesiæ, non Sacrilego Apostatæ commissas, hostiliter debacchatur. Scilicet hoc est pacem colere, amice cum dissentientibus in fide, & quidem Antiquitatis iure potioribus, agere, bella, & seditiones non excitare, sed fugere.

Ench. Tom. 2.
lat. VVitt.

Sed & eodē Seditionis Spiritu, Lutherus, bellum quod in Catholicos maledica linguâ accēdere tentauit, in Turcam immanissimum totius Christiani nominis hostem penitus interdixit, vtrobiq; impius in Christianum nomen, & seditiosus: hic quia contra hostem iuratum non defendi, illic quia hostiliter opprimi voluit.

Ench. Tom. 3.
lat. VVitt. fol.
116. B. in as.
ser. art. 34.

Quam enim exitiales in Politiâ Christiana hæ Lutheri voces? *Preliari aduersus Turcas, est repugnare Deo visitanti iniquitates nostras per illos.* Et ibidem: *Qui habet aures audiendi, audiat, & à bello Turcico absteat, donec Papa nomen sub Cælo valet.* Ita Lutherus, qui tamen alibi (in visitatione Saxonica) ipsemet fatetur, sermonem seditiosum esse eorum, qui clamant, *Turcis non esse resistendum, &c.* scilicet immemor, eorum se ipsum antea Primipilum fuisse, & Antesignanū.

Eodem

Eodem spectat, illa seditiosa Lutheri Oratio: *In fine Christianos omnes adhortor, seu potius obtestor ut mecum coniungant preces suas pro tam miseris, & fasciatis Principibus, quos Deus citra dubium inflammatus irâ, tanquam pestes, & Alastoras immisit nobis, ne temerè consentiamus ad suscipiendam expeditionem, aut conferendas pecunias (in germanico est, ne obtemperemus bellando, aut quidquam contribuendo) aduersus Tyrannum Turcicū; cum Turca longe solertia, consilio, integritate, moderatione nostros Principes antecellat. Num sperandum est, tam inconsideratis, tam improuidis contra Turcam Ducibus omnia secunda (quidquam secundum) fore, qui extreme adeo tentare Deum, & blasphemijs afficere non verentur? Hic enim vides, quam putre, & fragile cadaver. (Cæsarem intelligit) cui nunquam fuit exploratum, se ad vesperam usq; victurum, arroganter iactitet, se verum summumq; Fidei Catholicæ defensorem. Ita Lutherus, verus ipse potius Alastor, & pestis Ecclesiæ, turbo pacis, & flabellum seditionis, contra summum, & legitimum Magistratū, impie, seditiosè, proteruè, calumniosè scripsit; zelū interim Dei, ac diuini honoris simulās, ut eo pallio suam effrentem impudentiam, & calumniandi libidinem contegat, quasi vlla in Deum sit iniuria, cum se Christianus, & Catholicus Princeps, Christianæ, & Catholicæ Ecclesiæ defensorem, officij ratione, appellat: quasi non hoc ipsum præcipuum sit Christianorum Principum munus; quasi vero etiam hoc plus sit maioremq; Deo & Ecclesiæ contumeliam inferat, quam cum se quis Nouicius Terræ filius, post mille quadringentos Annos fidei & Ecclesiæ Christianæ elapsos, nouum se fidei Christi-*

*Luth. Tom. 2.
lat. VVitt. &
Tom. 2. lat.
Germ. fol. 535.
E.*

1^a Timoth. 3.
Matth. 16.

stianæ reparatorem, Ecclesiæ totius reformatore,
& Euangelij antea sub scamno, & in pulvere plus
mille annis sepulti, instauratorem, nouum ire Pro-
phetam, Apostolū, & Euangelistam iactare audet;
vt impudentissimè fecit Lutherus, contra apertis-
sima ipsius Dei promissa, & diuinæ scripturæ ora-
cula; quibus constat *Verbum Dei* (in cordibus, non
chartâ solum descriptum) *manere in æternum*, Eccle-
siam esse *columnam, & firmamentum Veritatis*, & portas
Inferni aduersus eam non preualituras. Sed omitto hos
Lutheri in Ecclesiam Catholicam, inque supremæ
Ecclesiæ Catholicæ Capita, non tam seditiosi pe-
ctoris, quam rabiosæ belluæ feroces rugitus, ac
nocentissimos morsus, ne vel relatione sola vbe-
riore aërem inficiant, & graui quam exhalant me-
phiti honestas lectoris nares feriant.

Luth. Postilla
German. in 4.
V^o Pitt. Anno
1526. fol. 95. A.
Sabbatho post
assumpt.

Hoc potius videamus, quid Lutherus de suo,
vti vocat, Euangelio palam ipse, apertisque verbis
profiteatur, vt intelligamus, quam non recte in
Catholicæ Ecclesiæ doctrinam & gremium, sedi-
tionis tumultuumq; culpa conferatur: quæ ipsius
Lutheri confessione penes nouū ipsum, non à Deo
vtiq; sed à maligno hoste inspiratum Euangelium
residet. Sic enim planè Lutherus in Postillâ suâ
Germanicâ olim delirauit: *Darumb muß es rumor
seyn/ wo das Euangelium ist/ vnnd das Belandnuß
Christi/ dann es stoffet alles für den Kopff/ was nicht
der Art ist.* Hoc est: *Quocirca necessarium est, ut rumo-
res seu tumultus concitentur, ubi Euangelium (Lutheri) est,
& confessio Christi; quia ad caput ferit (seu hostiliter in
id omne incurrit) quidquid eius indolis non est: hoc est
quid-*

quidquid Catholicum, quidquid antiquæ fidei adherens, quidquid Orthodoxum est. Quanquam in posterioribus aliquot editionib⁹ ea Lutheri verba, ab ijs, quos tanti probri pudebat, mutata, & prætermissa fuerint.

Sed & alibi contra Emserum nō tam agnoscit, quam gloriatur Lutherus, hanc velut appendicem, & coronidem esse *firmissima* sue demonstrationis, se in Dei nomine cepisse, verumq; Dei verbum docere, quod sua doctrina discordias excitet, idq; nō faceret, dudum sibi animum, viresq; defecturas. Item opus hoc, ac tumultus eiusmodi propriam ait esse indolem diuini Verbi: iuxta illud Matth. 10. Nolite putare quia veni pacem mittere in Terram; non veni pacem mittere, sed gladium & iurgia. Vbi Lutherus ex suo cerebro Scripturæ textui affixit vocabulum, *Iurgia*, quæ tamen certe Terris immittere non venit Christus, sed separationem à propinquis ad Apostasiam trahentibus, quam gladii nomine designauit, vt superius dictum. Addit in eodem loco Lutherus: *Omnes pugnæ, & bella veteris testamēti fuisse figuras predicationis Euangelij, quod potest, & debet, pugnæ, discordias, iurgia, & tumultus excitare.* Et quid mirum, in rebus desperatis, Lutherum hinc etiam subsidium postulasse, suæ innocentiae, & operis bene in Dei nomine inchoati, qui alias de eare dubius, sibiq; parum bene conscius erat: quādo ira in *Responsione ad hircum*, vt vocat, *Lipsiensem*, ipse potius hirci petulci nomine dignus scribit: *Cor meum ita affectum est, vt putem, me in Dei nomine hoc opus aggressum esse: non tamen eius sum audacia, vt de eo iudicium feram, predicemq; publicè, pro certo aliter non esse: nollem libenter diuinum iudiciū super hac resustinere. Vt vel hinc fide*

Luth. Tom. 7.
VII. Germ.
fol. 147. A. & 16
3. 4.
Vid. Diop. Ad
Tann. 1. 3. 5. 5.

Vide cap. 10.

1. 1. 1. 1. 1. 1.
1. 1. 1. 1. 1. 1.
1. 1. 1. 1. 1. 1.

Lutherus in suis
Actu An. 1521.
contra Papam.
Tom. 9. VVitt.
Germ. fol. 109.
B. 5. 4.

digitissimum reddatur, quod Cochlaus ex Emsero
oculato teste, inter consiliarios Illustrissimi quon-
dam Saxoniae Ducis Georgij Lipsiae effudisse scri-
bit, Lutherum: *Rem istam non esse propter Deum ceptam,
nec propter Deum finiendam.* Deniq; alibi totum quo-
dammodo pectus suum effundit Lutherus, ut de-
monstret quam eiusmodi seditiones ac tumultus
a suo, suiq; Evangelij Genio non sint alieni. *Mibi
quidem profecto, inquit, summum Cordis est gaudium, &
voluptas, videre quod propter Verbum Dei dissensiones, &
discordiae nascantur; quia haec Verbi Dei (imo Lutheri)
indoles, cursus, & felicitas est.* Haecenus Lutherus.
Similia alia quam plurima, & quidem maledicen-
tissima, & spurcissima, in summos Principes conui-
cia Lutheri referri possent; sed quibus referendis
hoc loco consulto supersedemus.

Habetur tom. 1.
Luth. lat. Witt.
fol. 203.

Ex ij quae Sola necessitate coacti, ad nostram, &
Ecclesiae Catholicae innocentiam tuendam retuli-
mus, iudicet lector, male ne Augustissimus Impera-
tor Maximilianus Anno MDXVIII. de Luthero
eiusq; Symmystis ad Leonem X. Pontificem scripse-
rit, *ijs pestilentiores Christianae pietati nullos contigisse; huc
tantum spectantibus, ut quod ipsi didicerunt, id solum ha-
beatur in pretio.*

Habetur tom. 1.
Luth. lat. Witt.
fol. 445.

Falso ne item aut calumniosè contra eundem
Lutherum in conuentu Wormatiensi, ex communi
Ordinum Imperialium consensu Anno MDXXI.
rescripserit Carolus V. Magnus Imperator, *Luthe-
rum non hominem, sed Demonem potius, figuram, & specie hu-
manam, cucullog, Monastico indutum complurium haereticorum
extremè damnatas haereses (qua diu iam obsoleuerant) in v-*

nam.

nam quasi Lerneam paludem coegisse, multasq; prae-
 centes, atq; nouas excogitasse, hoc praetextu, quod fidem pra-
 dicet, quam propterea sedulo inculcat omnibus, ut veram
 sinceramq; fidem destruat, & labefaciat, ac sub nomine fucog,
 Euangelicae doctrinae omnem Euangelicam Pacem, & chari-
 tatem, bonarum rerum harmoniam, atq; constitutionem,
 ipsam deniq; pulcherrimam Ecclesiam Hierarchiam extinguat,
 evertat, dissoluat, & obruat. Item, Omnes pios, & intelli-
 gentes Lutherum tanquam furiosum, & à Demone corre-
 ptum fugere, & execrari, &c. & ideo tanquam perniciosi
 Schismatis Autorem, manifestumq; & pertinacem hereticum,
 omnibus detestandum esse.

Expendat iam Lector, an immerito pruden-
 tissimus, & Catholicissimus quondam Saxoniae Dux
 Georgius, ad ipsum Lutherum, Anno MDXXVI.
 scripserit: Per tuam tuorumq; Discipulorum doctrinam omnes
 antiquae, iamq; alias damnatae haereses renouantur, omnis
 verus Dei cultus conuellitur, quantum à temporibus Sergij
 (impij Apostatae) nunquam factum est. Quando enim
 plurimum sacrilegia Personarum Deo consecratarum accide-
 runt, quam à temporibus noui Euangelij tui? Quando plu-
 res REBELLIONES contra Magistratus legitimos ex-
 citatae, quam ex tuo Euangelio? Quando plures factae sunt
 direptiones Sacrarum aedium, quando plura furti & latro-
 cinia perpetrata? Quando plures fugitini Monachi, & Mo-
 niales VVittenbergae fuerunt, quam nunc? Quando marito
 adempta est Vxor, alteriq; tradita, priusquam in tuo Euan-
 gelio legeretur? Quando plura Adulteria perpetrata, quam
 ex quo tu scripsisti, si qua mulier à suo Marito fecundari ne-
 queat, ut ad alium accedat, ab eoq; prolem concipiat, quam
 is alere teneatur; quod vicissim etiam faciat Maritus.

Habetur hac e-
 pistola Tom. 3.
 Luth. len. Ger-
 man. fol. 189.

Atq. hac portentum tuum nobis Euangelium peperit, quod sub
 scamno latens produxisti. Et profecto admodum conuenienti
 ti Nomine illud insignisti, cum ex infernis scamni latebris
 productum afferis. Bonum prorsus est, si adhuc sub scamno
 lateret. Si enim adhuc aliquod ei simile produxeris, nullus
 remanebit nobis Rusticus. Si tale Euangelium Christo pla-
 cuisset, tunc adeo frequenter non iterasset illud, Pax Vobis
 Sanctus Petrus, & Paulus non dixissent, obediendum esse su-
 perioribus. Quamobrem hi ipsi fructus magni in nobis ex-
 citant horrorem, & abominationem tue Doctrinae, & Eu-
 angelij. Nos Euangelium Christi Deo bene iuuante, corpo-
 re, anima, operibus, ac honore nostro tuebimur. Ita nos ipse
 sua gratia adiunet. In memoriam quidem nobis mortem reuocat, de qua
 certi sumus. Sed quid fieret si tuum amplexi Euangelium
 moreremur? Nonne Deus iure nobis diceret? Unde nobis ta-
 sie, qui nouum secum Euangelium, cum tot malis fructibus
 affert? Nonne precepi tibi, ut arborem ex fructibus cogno-
 sceres? quod si responderemus, Lutherus assererat hoc esse Eu-
 angelium, quod antea sub scamno latuerat, Deus responderet;
 Tibi vero Ecclesia Catholica aliud dicebat. Cum ergo quoti-
 die profitearis, te credere Christianam Ecclesiam, quare cre-
 dis Lutero, & non Ecclesie? Age Lutheri, serua tu tibi
 tuum Euangelium, quod ex scamni latebris protulisti; Nos
 Euangelio Christi adhaerebimus, sicut illud Ecclesia Christi
 recipit, & seruat. Ita nos Deus adiunet. Ita Catholicus,
 & sapientissimus hic Princeps, non solum turbule-
 tum Lutheri, ac Lutherani Pseudo Euangelij spiri-
 tum damnauit, sed simul etiam impios Lutheri co-
 natus, euanidumq; illud Euangelium adeo solide
 cerudit, ut fortius vix à Theologo posset. Quod si
 Luthe-

Lutherus idem responsum, eandemq; de Ecclesiæ Auctoritate, atq; de malis Diaboli fructibus exceptionem Diabolo secum disputanti, cui suam de Missa doctrinam in acceptis refert, constantiori animo opposuisset, quis dubitet, eum à Diabolo victoriam itidem fuisse reportaturum, nec ita temere Missæ sacrificium, Diabolo vti proficetur Magistro, & doctore, abrogaturum?

Luth. lib. de Missa Priu. & Vind. Sacerd. Tom. 7. Latino VVitt. & Tom. 6. Germ. len. Tom. 7. Ger. VVitt.

Nec minus consideratione digna eiusdem Illustrissimi Principis epistola, scripta An. MDXXVIII. & præfationis loco præfixa noui Testamenti versioni Germanicæ Hieronymi Emseri, in quâ itidē nouum Lutheri Euangelium, eiusq; malos fructus in hunc modum depingit: *Tametsi Lutherus principio rem caperit sub specie prætense reformationis, & emendationis abusu, qui inter Ecclesiasticos pariter & seculares irreperit, postea tamen verbis, & rebus significauit, animi sui non fuisse, emendandi quidquam, sed omnino euertendi: sicut etiam sæpenumero gloriatus fuit, ac impudenter iactauit, eo se rem adducturum, nulli quidem labori interim parcendo, ut intra paucos annos nulla Ecclesia, Collegium, Cænobium, aut Monasterium, nullus Sacerdos, Monachus, aut Monialis, & neq; Princeps, aut Episcopus sub Cælo supersites maneat. Neq; hoc contentus, partim etiam per suos subsequentes errores falsos, appellatos Euangelicos Concionatores, conatus est totam Ecclesiam Christianam, sanctamq; Fidem nostram penitus extinguere, neq; solum seruos Dei sed Christum ipsum è Cælis exturbare: sicut quidem sensum unum fidei dogmata post aliud corruerat, contempserat, & sustulerat, &c.* Primum quidem Doctores Scholasticos, postea verò etiam Ecclesiasticos seu Antiquos, & sanctas Ec-

Exist etiam Tom. 4. Luth. len. Germ. fol. 54 f.

eclesie Patres, quorum Scripta, Canones, & Decreta (quae ipsae
ad Ecclesiae edificationem diuinitus inspirata fuerant) vigne
palam combusserunt, Christi crucifixi, & Sanctorum imagi-
nes (quae non vt idola, sed memoriae solum & representatio-
nis causa in vsum simplicis Populi prostabant) tam in Tem-
plis, quam in publicis vijs & compitis confringi, & concidi
curauerunt. Omnia bona opera, ac in specie Castitatem,
Virginitatem, ieiunia, Orationes (statas) festa, Ecclesia-
rum visitationes, Processiones, Supplicationes, Litaniae, Ve-
speras, Missas, Matutinas, aliarumq; horarum celebratione;
sed & vigiliis, Missas pro defunctis, Exequias, Trigesimum,
ac Anniuersarios dies, & quidquid in commodum fidelium
defunctorum, ex Ecclesiae usu celebratur, cum alijs pijs ac
laudatis antiquae Ecclesiae institutis, non solum impie calu-
mniati sunt, sed etiam omnino sustulerunt, ac intermisserunt.

Et infra: Ex qua impia doctrina, Concionibus, dispu-
tationibus, & scriptis, aliud nil, quam hiseculenti fructus,
velut impuri quidam, & venenati vermes, ex caeno à cloaca,
prodire; videlicet non solum carnalis, sed etiam bruta que-
dam & diabolica libertas, contumacia, temeritas, inobedi-
entia, & cruenta seditiones infelicium ac seductorum subdito-
rum; contemptus item, despectus, & calumniosa traductio
omnis & Ecclesiastici, & secularis Magistratus, Apostasia, &
miseranda defectio Religiosorum; adeoq; abiectio Religiosi
habitus simul, & omnis disciplina, verecundia, & pietatis;
violatio Votorum, & iuramentorum, Matrimonia illegitima,
& nuptiae Monachorum, Sacerdotum, & monialium; spolia-
tio bonorum Ecclesiasticorum; deuastatio Monasteriorum,
& Ecclesiarum; ex quibus sacer ornatus, calices, monstra-
tia, aurea, & argentea thuribula, aliaq; pretiosa vasa, &
monilia: sicut & lapides, ferrum, fenestrae, aliaq; res diuino
cultus

cultui dicata in publico foro venum exposita, ad seculares usus, & delicias applicata, & ex Dei Templis, Equorum stabula, aliag, indecentia loca constructa fuerunt: omnis erga Deum, Sanctosq, Religio, & deuotio inter homines extincta, nostraq, Sancta, & Christiana Fides in multis locis penitus euersa est, &c. Ita pius hic & Catholicus Princeps, praesenti experientia doctus, pio & erudito calamo, impios Lutheri mores seditiosumq; spiritum grata posteritati descripsit.

Quod si priuatum etiam hac de re testem, sed indifferentem, & neutri parti addictum audire libet, habemus Erasimum, qui de Lutheri spiritu, eiusq; fructibus ita scribit: Ego nonnihil arbitror referre, quomodo predicetur Verbum Dei, ut iam Verbum Dei sit, quod doces. Non agnoscis hosce seditiosos, opinor; sed illi te agnoscunt: & iam compertum est, multos, qui se iactabant Euangelij nomine, fuisse seditionis crudelissimae instigatores: quorum conatus si successisset, fortassis extitissent, qui probarent, quod nunc re male gesta detestantur. Tu quidem libello in Agricolas sauiissimo suspicionem abs te depulisti, nec tamen efficis, quo minus credant homines, per tuos libellos, praesertim germanice scriptos, in Oleatos, & rastos, in Monachos, in Episcopos, pro libertate Euangelica, contra Tyrannidem humanam, hisce tumultibus fuisse datam occasionem, &c. Moderationem autem non ego solus in tuis scriptis desideravi. Desiderant etiam ij, qui tibi sunt iunctissimi. Siquidem ipsa re comperiunt, quot hominum millia calami tui sanities, aut se manus, parum Euangelica facetia abalienarit ab Euangelio, si modo quod tu doces, Euangelium est.

Et infra: Vbi interim est mirabilis ille Euangelista, qui solo gladio Spiritus, quod est Verbum Dei, profitebatur, se vin-

*Erasmus lib. 1. in
Hyperasp.*

se vindicatorum Euangelium aduersus portas Inferni? Ad calumnias, ad minas, descendis totus, & tamen vis videri simplex, purus, nec affectibus humanis ducti, sed Spiritu Dei.

Et rursus: Exitium omnium bonarum rerum secum adfert, ista calami tui seditiosa petulantia. Concitatus est Populus aduersus Episcopos, & Principes. Magistratus egrediuntur pledeculam nouarum rerum audiam; atrocibus odijs dissident inter se ciuitates, quae prius erant coniunctissimae, vix inter homines nunc inuenias, cui tuto fidas, libertas omnis adempta.

Idem Erasmus de Luthero simul, & Zwinglio:

Erasmus in Epist. ad fratres in Christum Germaniae.

Nec tamen appello Zwinglium seditiosum: sed improbo, quod rem Euangelicam seditiose gerat. An non hac mea vox fuit ad primum gustum libellorum Lutheri, Res exibat in Seditionem. Huius rei testis esto si velit, Capito. An non seditiose rem gerit, qui tantâ petulantia debacchatur in Caesarem, Reges, ac Principes prapotentes? In Pontificem, Cardinales, & Episcopos? Mibi semper displicuit, quod initio Zwinglius tam adiosè scriberet Episcopo suo. Deinde nonne in agnum cieclio per se res est seditiosa? &c. Nonne bello probatum est, quod Zwinglium nunquam non facio seditiosum? Sed quamobrem tantopere nunc horrent seditionis vocabulum; cum Lutherus scripserit, eam esse peculiarem Euangelij naturam, mouere seditiones, celebreturq; Zwinglij dictum, Euangelium vult sanguinem. Rursus annon Seditiosum, vasa Sacra conflare in Monetam? exigere Abbates suâ ditione? mouere Magistratu, qui veterem Ecclesia disciplinam deferere noluerunt? Nec cuiquam obscurum est, quidquid Senatus facit, Euangelistarum instinctu facere.

Et in eadem Epistola generatim de noui Euangelij ministris ait Erasmus: Cupimus Monachis per omnia

anni a placere, inquit, noui Euangelistae. Cur igitur quidam
Templa spoliare ab illis extracta? sed cum precipiunt, inquit,
impia, contemnendi sunt. Verum, impium erit, quidquid ipsis
incommodum est. An non plerique apud Saxones negantur
Cesari ac Regi Ferdinando suppetias aduersus Turcarum vim,
sequi se digne Lutheri, cuius nunc ille palmodiam cecinit?
Nonne voces hasce iactarunt Euangelici, se malle pugnare
pro Turca non baptizato, quam pro Turca Baptizato, hac
uota designantes Cesarem? Omitto quae Romae gesta sunt,
quam Euangelice se gesserunt Vienna? Quis eam historiam
non detestetur, &c. Sibi tantum esse uolunt in Episcopos, Re-
ges, ac Principes, quidlibet conuictiosum effundere. Experia-
tur, qui uelit, an si simili modo debacchetur in Ecclesiasticos,
aut Magistratus istorum impium sit ablaturus. Ego priuatam
quorundam mansuetudinem abunde sum expertus.

Et rursum: Magis vereor, inquit Erasmus, ne ple-
riq. pro graui iugo hominum, portent grauius iugum Diaboli.
Excussa est obedientia Episcoporum, sed ita, ut ne profa-
nis quidem Magistratibus pareatur. Olim Christiani sub
Etbnicis Principibus quiesce uinebant, studiosè cauentes, ne
quam seditioni causam darent, exhibentes honorem, cui de-
beatur bonos; rectigal, cui rectigal; tributum, cui tributum:
hortabantur Christo initiatos, ut Idololatras etiā Magistra-
tibus obtemperarent: pro illarum incolumitate quotidie Deum
orabant. At iste Populus tam Euangelicus etiā Turcarum
Principi dicitur detestabilis, quem aut seditioni natum.
Quos subinde tumultus excitat, quoties tam leuibus de cau-
sis procurrat ad Arma? Haec tenus Erasmus.

Neq. exemplis opus est haec confirmare. Quae
enim cap. 1. & 3. dicta sunt, satis exhibent perspi-
cuum Catalogum eorum bellorum & tumultuum,

qui in Germania, à Lutheri tempore Religionis
causa excitati fuere; nec dubium, eos ex Lutheri,
& quinti Evangelij Spiritu promanasse.

Vide Calci, in
cap. 6. Daniel.
& admonitio-
nem Giesmann
ad V. Westphali
Bezem epist. 41
& 1. de Harer.
à Magistr. pu-
biendi.

Vide Jacobi
Gresfiri lib. 1.
contra Golda-
sum c. 12.

Vid. Theatrum
crudele, Calu.

His similia sunt, quæ à Caluino, Zwinglio, Beza,
alijsq; Calvinistis, & Caluini propugnatoribus in
Gallia, Anglia, Belgio, Germania scripta, dicta, ge-
staque fuere; quanquam illi quanto fere hac in re
verbis cautiores, tanto erant factis nocentiores.
Lutherus quidem ipse ita Calvinistarum Spiritum
descripsit, ut is ipse Spiritus crudelitatis palmam
omnibus possit præripere; dum eum vocat *Spiritum*
diabolicum, mendacem, rebellionis, & dissensionis Spiritum,
fugitiuum, inconstantem, & vertiginosum spiritum; & alia
complura in Calvinistas encomia confert Luthe-
rus, quæ libens prætereo. Qui exempla impietatis,
crudelitatis, perfidiæ, rebellionis Calvinistarum de-
siderat, facile inueniet apud alios descripta.

Eant nunc Aduersarij Boemorum coniurati,
& Iesuitis, alijsq; Catholicis seditionis Spiritum im-
pingant; videant ipsi pons, & intelligant, quæ so-
si Deum, si publicam pacem, si salutem animæ suæ
amant, quales primi illi noui huius Evangelij au-
tores; quale sit ipsum etiam hoc nouum eorum Eu-
angelium, quod ipsa sua indole, & ingenita prope-
sione, adeo ad discordias, iurgia, seditiones, bella
progignenda, ipsismet interim primis illis pseudo-
Evangelistis fauentibus, & plaudentibus, imò aspi-
rantibus, factum, & natum sit: quam prouum cui-
uis inde colligere, non esse hoc *Euangelium pacis,*
nec ex *Deo pacis, nec Euangelizantium pacem;* uti in

Scriptu-

Ephes. 6. v. 15.
1. Cor. 14. v. 17.
Rom. 10. v. 15.
Ioan. 8. v. 44.

Scriptura sacra Christi-Euangelium appellatur;
 sed ex Patre Diabolo, qui fuit homicida ab initio.

Quo magis extollendi sunt illi, vere germano
pectore magni Principes, qui licet hactenus, pro
conditione natalis soli, à Catholica & auita Maior-
um fide fuerint alieni, ea tamen seditiosa Lutheri
dicta & dogmata, presertim que aduersus summos
Imperij Cæsares ac Principes, ac in Turcæ iurati
hostis Christiani nominis laudem ac fauorem tem-
erè scripta sunt, non tantum non approbant, sed
palam etiam execrantur & damnant; quique hodie
etiam plus Deo & conscientie, summiq; à Deo pre-
positi Magistratus ac Cæsaris obsequio fidelitatis,
quam iniquis maleuolorum instigationibus, & su-
furris, seditiosisque molitionibus deferunt; ad æ-
quiritatem potius tuendam pacemq; iuxta Imperij
conuenta colendam, quàm turbulenta & iniqua con-
silia, sectanda propensi: ita ut ob hanc etiam cau-
sam, cum Papa & Papistis, uti vocant, seu Catholi-
cis potius, quam Calvinistis conspirandū pacemq;
colendam publice fuerint testati; cum illi non pa-
rum opis ac pecuniæ aduersus Turcam hactenus
conferre sint soliti: hi nullam. Querela hæc est
Caluinistici Scriptoris, qui in hunc modum, ex aula
seu ministerio Electoralis Saxonie à Lutheranis
Doctore, non ita pridem publice fuisse scriptum,

David Parano
in Iranico cap.
24.

R

quam cum doctrina Calvinistarum. Alteram politicam; quod Papa pro Romani Imperij defensione aduersus Antichristum Orientalem, Turcam, vires suas conferat; & pace Religionis in Imperio sit comprehensus: Lutherani item (principes & proceres) in tuendo Imperio aduersus Turcam, Imperatori Romano fidelem operam nauent: contra Caluini pacem Religionis perforare studio habeant: Romano Imperatori aduersus Turcicum Tyrannum opem ferre recusent: consilijs suis corpus Imperij non sanare, sed lacerare attemptent: quidam eorum magis Turca, quam Romano Imperatori sese associant: vniuersis deniq; Antichristus Orientalis Turca in corde sedeat; seu vt alibi idem Calvinista refert, quod Papa pro tuendo Imperio Romano vires conferat; Principes verò Caluiniani cum Turca aduersus Imperium non dissimulanter colludant. Consonat his, quod in Responzione Protestantium ad Legationem Seguriana legitur: Et vidistis ne, inquiunt, vnquam ex Calvinistis vnum, qui enssem strinxerit pro Christiana Repub. vel in nauali illa classe, quam Romanus Pontifex, Hispanus, & Veneti compararunt aduersus Turcam; vel cū Melita à Draconte oppugnabatur? Quin verò contra potius peruolarunt ad Mauros excitandos, vt in Hispaniam traicerent: atq; ad Turcas impellendos, ne Christiana Respub. conquiesceret; ac deniq; ad Reges varijs artibus obtruncandos. Et paulo post: Vnde autem aduersus Turcam, presidia comparabimus, si Pontificij nobis desint, qui semper hac in re nobis affuere? Sed de inquieto & infido Caluini spiritu plura Cap. sequenti.

*Parum prafat.
in Controvers.
Luther.*

*Vide Adami
Conzen de pa-
ce Germ. lib. 1.
cap. 10.*

CAPUT VI.

*Culpam bellorum, ac turbata pacis, ex
Caluini enatam schola, in solidum re-
sidere penes inventores & Antesigna-
nos Bœmica rebellionis, eorumque
coniuratos.*

Negari quidem non potest Lutherum, cum
adhuc in viuis esset, ad bella ac seditiones
in Germania concitandas, classicum gran-
di voce cecinisse; id quod capite præcedenti mani-
festum fecimus. Sed uti & cetera quædam eius
doctrinæ capita, non omnia ab omnibus eiusdem
discipulis & successoribus fuere acceptata; quæ-
dam verò etiam, ut est stoicum illud ac prædurum
de *seruo arbitrio*, seu potius nullo hominis arbitrio
axioma, apud eos solos remansere, qui ab Augu-
stanæ Confessionis doctrinâ deuij, ab ipsius Luth-
eri discipulis, ipsoq; etiam olim Luthero, semper
hactenus pro erronibus ac Hæreticis sunt habiti;
ita etiam seditiosus ille Lutheri spiritus, ab annis
ferè iam quinquaginta, apud eosdem, aut solum,
aut certè potissimum conquieuit: quorum Præco-
nibus ac Ministris hoc inprimis euræ fuit, ut tam
doctrina ac verbis, quam factis & opere, tum ad-
uersus Lutheranos, tum etiâ aduersus Catholicos,
omnesq; Status ac Principes à sua Religione dissen-
tientes, subditorum seditiones, exterorum bella,
populariumq; tumultus excitarent, aut fouerent;

atq; calumnijs, fraudibus, vi & armis, omnes à Caluini secta alienos opprimerent.

Hinc illa Caluini in totam Ecclesiam Catholicam, ac præcipue aduersus Ecclesiasticum ordinem, calumniolissima oratio; quæ quid suadeat, et non inserre profiteatur, satis tamen prudenti cunibee vult innouescere. *Apud integros sane, inquit, & incorruptos Iudices (Calumnitas) non ita difficile fuerit, palam facere, totam illam Romanensis opulentia congeriem, ab ipsa suprema sede, ad minimam usq; Capellaniam, ut vacant, ex imposturis, furtis, rapinis, sacrilegijs, pessimisq; artibus constare esse; & cuius nullam parvicillam attingere possis, (nisi per vim scilicet rapiendo); quin multorum conscientia te scelerum obstringas.*

Nec dissimilis illa alterius Caluinicola accusatio: sub operosis illis laruis (Catholicorum) nihil aliud, quam crudeles homicidas, sceleratos veneficos, impuros scortatores, furesq; & latrones tegi & occultari. Talis oratio quid sibi velit, nemo non videt; nec ipse tacet.

Sed apertius multo, aduersus Catholicam Ecclesiam, sæuum & cruentum bellum non ita pridem palam promulgauit, è Caluini schola literatulus eques; qui ipsum Regem Britannia his verbis ad arma vocat: *Ut Rex Italiam petat, ultore gladio Pontificem transfigat, venationem orbis exhibeat, cum in ponte Niluo calet, pessundet, exturbet, auerno instar molæ demergat. Et rursum: Ego, inquit, inter principia prælia misceam, inter triumphos, præcinete Angelo, CECIDIT illud congeminem, sanctæ huic lætitiæ totus immergar, æternæ contiguus immortalis raptus. O magnam Caluinistarum pietatem, & ex imis Erebi visceribus hauritam.*

ipritus.

Caluin. epist. 2.
de Chris. i. hum.
offio.

Grassus in
plaga Regia.

Plissam My-
stero iniquis.
grasat. Vide
Iacobi Græf.
Myssam Sal.
murien sem.

pinauit, propinate ei duplum: Ergo regnum Pape destruere debent. Tertia: Quia praedicatur futurum, ut Reges, & Principes Christiani odio prosequantur meretricem, & solam reddant eam, & nudam, & carnes eius comedant, & ipsam igni exurant; at praedictio habet vim praecepti. Ita sacrilegus Praeco, sacris scripturae verbis, aduersus Antichristum Ecclesiae Catholicae oppugnatorem, & vastatorem prolatis, abutitur contra ipsam Ecclesiam Catholicam; à qua ipsi & Christum didicerunt, & scripturam ac Baptismum acceperunt, & sine qua proinde ne Christiani quidem essent.

Vbi etiam duo haec notabit Lector. Primum, à Paræo non tantum indici bellum, seu persecutionem, aduersus Catholicos subditos alicui Caluinistarum Principum; sed etiam aduersus Principes, & status Catholicos, qui Caluinistis alioquin nullo Jure subijciuntur. Alterum, indici arma non tantum defensiuæ, sed etiam offensiuæ ac vindicativæ, qualia à Principe erga Latrones, Raptores, aliosq; malefactores expediri solent; de quibus disertè in sua secunda ratione loquitur. Et ita scilicet Imperij pacta & conuenta, ut status quilibet alterum, in suæ Religionis (tolerata) exercitio non perturbet, rata & firma seruantur.

Nec solum aduersus Catholicos, sed etiam Lutheranos Principes ac Dominos, sauit furiosus Praedicantis Caluinistici calamus, quando subditos, aduersus quoslibet supremos etiam Magistratus, à Caluini secta alienos, hoc pronunciato concitat: Subditi, non priuati, sed in Magistratu inferiori constituti, (v.g. Calvinianus Judex, Quaestor, Fiscalis, Senatus, quid-

*Paræo in cit.
Epist. Rom. 13.
prop. 7.*

quidnā etiam Consistorium Prædicantiū?) *aduersus superiorem Magistratum* (suū etiam summum) esto sit Imperator, aut Rex Boemiæ, Daniæ, aut Elector quicunq; Imperij) *se, & Rempub. & Ecclesiam, seu veram Religionem* (Calvinisticam) armis defendere iure possunt : His positis conditionibus. I. Cum superior Magistratus degenerat in Tyrannū (seu persecutorem Calvinismi.) II. Aut ad manifestam idololatriā, atq; blasphemias (uti Calvinisticū est, nō solum Cultus & Inuocatio Sanctorum, sed etiam adoratio Christi in Sacramento Eucharistiæ corporaliter presentis) ipsos, vel subditos alios vult cogere. III. Cum ipsis atrox infertur iniuria (de qua nimirum, uti Boēmī hodie rebelles, subditi ipsi iudicabunt.) IV. Si aliter incolumes fortunis, vita, & conscientiā (quantumvis Calvinī stigmatē caute hiatā) esse non possint. (Itaque etiam contra proscriptionis decretum, Calvinianæ Religionis causa indictum à Principe, Calvinistæ subditi iure arma capebant.) V. Ne pretextu religionis, aut iustitiæ, sua querant; (aliena enim ut querant, hoc est, bona, Jura, & præbendas Catholicorum, ipsamq; vitam ac fortunas suimet Principis, Calvinismo resistentis, non est subditis Calvinistis ab hoc Prædicante interdictum.) VI. Seruata semper iuxta (à ministerio Calvinistico edocendā) & moderamine inculpatæ tutela, iuxta leges.

Probāt hæc omnia inter alia etiam hæc ratio : Quia quorum est, inquit, constituere Magistratus, eorum etiā est enormiter grassantes (eosdem Magistratus) cedere, aut tollere, nisi desistant grassari contra Deum & contra Rempub. Constituantur autem vel per populi consensum.

vel per Senatum, vel per Electores, vel per alios Magistratus.
Ergo hi rectè faciunt, cum coercere aut tollunt grassationes:
 hoc est, Principes suos, summumq; etiam suū Ma-
 gistratum, quando Religione Catholica, aut Lu-
 therana imbutus, alteram solam earū in Imperio,
 suouē regnō, aut ditione, proscrip̃to Caluinismo,
 vti re ipsa hactenus Imperialibus sanctionibus pro-
 scriptus fuit, vult esse defensam.
 Et quid manifestius ad seditiones vndiq; exci-
 tandas scribi possit, quid fieri truculentius, vbi se-
 mel vel ad ima subsellia Caluinistarum alicui ad-
 itus fuerit patefactus? Nimirum hac ratione adi-
 mitur planè Principi, qui Caluini spiritu imbutus
 non est, seu Catholicus sit, seu Lutheranus, facultas
 omnis, vt in sua ditione (vti publica pacta & conue-
 ra Imperij permittunt) diuinum cultum ad suę Re-
 ligionis normam instigat atq; reformet, subdiros-
 que ad eam vllō præcepto impellat, ni velit à sub-
 ditis Magistratibus, si quos fortè Caluini spiritus
 etiam occultè afflauerit, in ordinē redigi, eorumq;
 etiam cū suę vitæ periculo arma experiri. Et quid
 aliud hodie aduersus suos Reges ac Imperatores fe-
 cerunt Boëmi rebelles? quēuē alium suę causę
 defensorem & patronum asciscant, quā Caluini-
 sticum hunc Prædicantem, qui sitit tam Catholicos,
 quā Lutherani sanguinis totus ardet & aestuat?
 Et quid dicam de ipsius Irenico, quod cū Pa-
 cis, Vnionis, & syncretismi nomen præferat, re ipsa nil al-
 iud spirat, quā minas & cadem in Catholicos. Vult
 & optat, omnibusq; modis suadet, vt Lutherani cū
 Caluinisti syncretismum inquant, & vñionem, sed
 quo hinc? Nimirum vt violata Religionis pacifica-
 tione

tionem in Imperio constituta; Catholici in actum in-
ferre ipse loquitur, ut pro Syncretismo aduersus communem
nem hostem Antichristum, studia consiliaq; coniungantur,
feu vident infra, quosnam Antichristi etiam no-
mine & complexu comprehensos velit, vberius ex-
plicat; *Ut Tyrannidi, inquit, Antichristi Romani, cuius*
potentia hactenus, nulla re magis, quam nostra discordia
creuit, indiesq; crescit in Imperio Romano; ubi videmus moda-
bant, modo illa elutit, divisione, provinciarum, dolores armis, &c.
(notent hoc Principes quos hic Predicans mox de-
signat) sub iugum eius iterum cogi; Cuius rei, inquit, Fran-
cia Orientalis, Austria, Stiria, Carinthia, Hungaria, Trop-
pandia, Danaverda, &c. documento omnibus esse possunt;
coniunctis votis, consilijs actibusq; tanto fortius atq; tempo-
ritus obulari queat. Et quis tam obsecratis, ut hic
non intelligat, Imperatorem, domum Austriacam,
Batariam, Franciamque Orientalis Ducem designari?
qui, dolo & armis, inquit, hoc est vi & fraude, Austri-
am, Stiriam, Carinthiam, Hungariam, Troppaniam, Franco-
nam, Danaverdam, inducto aut propagato Catholi-
ce Religionis exercitio, Imperialium constitutio-
num iure vsi, sub iugum Antichristi (ut mendacissi-
mus calumniator ait) iterum coegerunt.
Et quibus ergo artibus, mi homo, Protestantes
Principes, Augustanam Confessionem professi, sy-
nodi Torgensis decretum secuti, Calumniatores velut
Sacramentarii furore percitos, & eos qui Christiana Eccle-
sias omnes, Academijs, scholas, integra deniq; regna turbaver-
int, vastauerint, incenderint, deniq; omni letali malo affe-
cerint; senectis legibus, paenissq; exilijs, & proscriptionibus, a suis
finibus propulsaerint & expulerunt? Quibus item artibus
scilicet, & quibus modis, & quibus modis, & quibus modis

Patrem Irenico.
cap. 12. & 29.
motina. 13.

ipsumque Calviniani Ministri in Hollandia, Seelandia, Frisia, Heluetia, Rhetia, Ascania, Hassia, Bipontinatu, Palatinatu, arque olim etiam sub Orellio in Saxonia propemodum, vti & hodie ferè etiam in Marchia Brandenburgensi, Lutheranos oppresserunt. An non verius ipsi dolo & armis hic vsi, quam in causa iusta Principes illi Catholici à maledico Prædicante notati?

Aduersus quos alibi etiam simili modo ac pene iisdem verbis vnionem ac syncretismum, hoc est, arma conclamat. *Et quid, inquit, Austria, Stiria, Carinthia, Alsatia, Donawerda, nuperq; Praga Boemia, non tandem sapere nos docebunt? Sed quid docebunt mihi Calvinista? Graci, nimirum inquit, olim Xerxis communis hostis aduentu cognito, metu instantis belli, simul à tibiis positis, mutua auxilia iunxerunt, isq; syncretismus in victos imò victores præstitit.* Itaq; hoc sapere docet hic Calvinista, vt Imperator ac Boemiæ Rex; Domus Austriaca; vtriusq; Bauariæ; atq; Franciæ Orientalis Duces; coniunctis armis, velut à Gracis olim Xerxes, imò velut Antichristi satellites, hoc est, Catholicæ Religionis fortissimi propugnatores & Firmamenta, bello impetantur & deleantur.

Scilicet & Catholici Lutheranis, & Lutherani Catholicis, in aliorum quiq; Prouincijs, vt Imperij leges iubet; atq; vt Calvinistæ insuper volūt, vtriq; Calvinistis, omnimodam, fidei causa, impunitatē securitatemq; præstent: soli autem Calvinistæ, omnibus eiusmodi legib; soluti, Paræo Iudice, vtroque & Catholicos & Lutheranos (etiam Dominos suos subditi) si suis in Prouincijs Calvinismo resistent,

PATAM Irenic.
cap. 14.

stant, vi & armis inuadant, opprimant, deleant, extinguant. Et hoc Jure inculpatæ defensionis: quia iniuria est huic Prædicanti, omnis Catholicorum Principum, pro Catholicæ religionis defensione zelus, quo suis in prouincijs uitam maiorû fidem sacram rectamque velint, etiamsi Imperij legibus hoc iustum sit; imò supremis ipsius Dei legibus necessarium.

Et quis ergo dubitabit adhuc, ex quânam radice Boëmi rebelles hodie suæ istius fædæ rebellionis succū traxerint, in qua schola impia præcepta perfidæ coniurationis didicerint? Quid enim aliud fecerunt, quàm quod à truculento hoc, non Verbi diuini, sed cruenti belli & seditionum Doctore & Præcone facere docti sunt? In nostra, inquit, religione grauissimas à Rege eiusq; ministris afflictiones passi fuimus: Iure ergo ministros Regios etiam inaudita causa præcipitauimus: Regi obsequium negauimus: arma corripuimus: Regiminis formam immutauimus: Regem deniq; ipsum deposuimus; nostri quidem Regni non minus, quàm communi aliarum Prouinciarû damno. Dicat ergo & liberè iudicet, quisquis malignissimo affectu præcipitatum ac deprauatum nō habet iudicium; quisnam author ac incentor omnium istarum turbatum, bellorumq; ac malorum extiterit? Catholicinè an Calvinista? Iesuitæne an Calvinistarum ministri? Qui discipulos suos tam cruentis ac seditionis consilijs ac præceptionib⁹ aduersus suos legitimos ac supremos Magistratus, speciatim aduersus Imperatorem, Regē Boëmiæ, Domū Austriacam, Bauariæ

Bavaria & Fræconia Duces armarunt & instigarunt: quo proinde consilio ducti utique rebelles Boëmi, eorumq; coniurati, ipsa sua hac rebellionē, & con-
 iuratione, varijsq; & novis confederationib; etia-
 num aliud nil spectant, quam ut & Religionē Ca-
 tholicam, & domū Austriacam, ac Bavaricam, ce-
 terosq; Catholicos Principes, qui his veluti columis
 nituntur, funditus deleant & extinguant: quibus si
 vi ex aduerso opposita resistant Principes pacis pu-
 bliciq; boni amantes, quis iure improbabit?

Verissimum est nimirum, non eos esse culpandos, qui iusta bella suscipiunt, & gerunt, sed qui il-
 latis iniurijs causam necessitatemq; bellandi adfe-
 runt. *Quidem, inquit S. Augustinus, culpatur in bello? an quia moriuntur aliquando morituri, ut dominentur in pace victuri? Hoc reprehendere timidum est; non Religiosorum. Nocendi cupiditas, ulciscendi crudelitas, impacatus atq; impacabilis animus, feritas rebellandi, libido domi-
 nandi, & si qua similia, hæc sunt, quæ in bellis iure culpantur; quæ plerumq; ita culpantur, ut etiam iure puniantur.*

Ut autem adhuc evidentius fiat, culpas hæc & causas bellorum, à S. Augustino commemoratas, ex Caluini, ut dictū, schola profectas, penes Duces ipsos & Antesignanos Boëmicæ Rebellionis, eoru-
 que Præceptores, & coniuratos hæere, operæ pre-
 tium est, totam rei gestæ seriem, breui ac solida
 narratione, eorumque commemoratione, quæ illi
 aduersus suos legitimos Reges, & Regios admini-
 istros, aduersus Catholicos, & fidem Catholicam,
 contra omnia Jura, contra publica Imperij conue-
 ta & statuta, contraq; iuramentum fidelitatis suis

Regi-

Augustin. l. 2.
 contra Faust.
 Manichæ. 74.

Regibus praestitum, temere & insolenter, propria & priuata auctoritate, sine omni ordine & forma Iuris admiserunt, ob oculos ponere. Quae cum aliunde nec explicatius, nec ceterius representari possint, quae ex ipso recenti Casarea ac Regia Maiestatis Ferdinandi II. velut legitime electi, coronati & acceptati Regis Boemiae Rescripto, quod hoc ipso Anno M. D. C. XX. die 29. Ianuarij ad annullandam praeposteram Electione noui regis Boemiae, editum Viennae ac promulgatum fuit: id ipsum huic loco ex Germanico in Latinum optima fide conuersum, ad verbum inserere placuit. Ita ergo habet:

Nos Ferdinandus II. Dei gratia, electus Romanorum Imperator, semper Augustus, Germania, Hungaria, Boemia, Dalmatie, Croatiae, & Sclauoniae Rex; Archidux Austriae, Dux Burgundiae, Styriae, Carinthiae, Carniola, & Wirtembergae, &c. Comes Tyrolis, &c. Denunciamus omnibus & singulis, Electoribus, Principibus, Regularibus & secularibus Praelatis, Comitibus, Liberis Baronibus, Dominis, Equitibus, Nobilibus, Prouincialibus, Marefcallis, Belli Ducibus, Gubernatoribus, Capitaneis, Vicedominis, Praefectis, Praesidibus, Administratores, Officialibus, Consulibus, Praetoribus, Iudicibus, Senatoribus, Ciuibus, Communitatibus, omnibusq. alijs nostris & Imperij, Regnorumq. nostrorum, & hereditariorum Principatuum ac ditionum subditis & fidelibus; cuiuscumque sint dignitatis, status & conditionis, ad quos haec nostra peruenierint patentes litterae, nostram amicitiam, gratiam, & omne bonum.

Reuerendissimi, Reuerendi, atque Illustrissimi, dilectissimi amici, Matruncles, Auunculi, Cognati, Affines, Electores,

& Principes; itemq; Generosi, Nobiles, honorati, dilecti, de-
 noti & fideles. Tamen minimè dubitamus, iam nunc, tam
 in Imperio, quam extra Imperium, satis esse perspectam; in
 quam calamitosum statum, nostrum Boëmia regnum, &
 principale membrum, ac Electoratus Sacri Romani Imperij,
 una cum incorporatis, alijsq; vicinis ditionibus nostris heredi-
 tarijs incidit, & quantæ calamitates, miseria, & oppres-
 siones aduersus miseros nostros & innocentes subditos; per
 excitatum luctuosum bellum, præter communem prouincia-
 rum vastationem, illata fuerint; tamen ut rei totius status,
 sincera & solida representatione, ad omnium veram & aper-
 tam notitiam perueniat, & persuasiones ex aduerso conceptæ
 tollantur; Scire conuenit, calamitates has, & miserabilem
 statum, inde præcipuè fluxisse, quod adhuc viuente nostro
 quondam Dilecto Domino Cognato, & Patre, Imperatore
 MATTHIA, &c. ac sub regimine ipsius, velut simul et iã
 actu regentis Boëmia Regis, Augusta memoris, aliqui ex Boë-
 mia statibus, contra quosdam, ex parte, sue Maiestatis &
 Charitatis Vicarios, & Regni officiales, sub specie aliquorũ,
 aduersus suam (Vtraquisticam) religionem, privilegia,
 ac Maiestatis litteras illatorum grauaminum, excessum seu
 culpam antea fere inauditam, propria manu & ausu admi-
 serint, ac quosdam ex dictis Vicarijs, Regijs, & Officialibus
 Regni, principales personas, aliosq; administratos ex alto præ-
 cipitarint; deinde vero arma primi corripuerint, & ad ma-
 nus sumperint, supradictos Vicarios, & Officiales in absen-
 tia, & sine ullo respectu sui legitimi, actusq; regentis Regis &
 Domini, suis officijs priuarint, Regalia Regni sua potestati
 vindicarint, nouamq; plane formam Regiminis, in quo illi
 ipsi à seipsis creati & nominati Directores, clauum tenerent,
 proprio motu constituerint; atq; ita metas & terminos præ-
 tensæ

tenſa deſenſionis ſue Religionis, ſi quidem ea illis deſenſio omnino etiam vi litterarum Maiestatis conceſſa fuiſſet, (cum tamen eam religionis habendam eſſe cauſam, nunquam probatum ſit, nec probari unquam poſſit) omnium iudicio, qui hac de re ſine affectu & partialitate iudicare poſſint & velint, plus nimio, ac tantopere exceſſerint, ut prædictum illud propria manu & auſu, ſubditorum contra legitimum ſuum Magiſtratũ, ſuſceptum facinus, nihil aliud, quàm aperta & hoſtilis repugnantia & rebellio exiſtimari debeat.

Hoc ergo primum caput eſt iniquæ Boëmorum rebellium cauſæ, qua culpam bellorum ac calamitatum præſentium ſuſtinent; quod tamen non vnam, ſed multiplicem iniquitatẽ continet. I. Virorum auctoritate, genere, & opibus præſtantiſſimorum, ac ſimul regionum Vicariõrũ, præcipuorumq; Regni Officialium, in ipſa Regia arce, violentam, & ſine omni præuio proceſſu, ac ordine Iuris, propria priuataq; auctoritate, propriiſq; manibus, factam præcipitationem, ſpectantem non ſolum ad præſens, ſubitum, & violentum corporis, & corporalis vitæ exitum, omniumq; membrorum conſractionem; ſed etiã ad ingentẽ contumeliam, tum ipſorũ, qui hoc crudele præcipitium paſſi ſunt, tum ipſius imprimis Regiæ Maiestatis, cuius ipſi eo loco perſonam ſuſtinebant & repræſentabant. Et an nõ hoc eſt culpam & exceſſum antea fere inauditum committere? ut in litteris Cæſaræ & Regiæ Maiestatis, quas repræſentamus, appellatur. II. Quod iſti ipſi Turbines Boëmicæ, ad inauditũ propè hoc facinus violenta manu tuendum, arma primi corripuerint; nec Rege, nec ijs, quibus vis & iniuria erat

atq; calumnijs, fraudibus, vi & armis, omnes à Caluini secta alienos opprimerent.

Hinc illa Caluini in totam Ecclesiam Catholicam, ac præcipue aduersus Ecclesiasticum ordinem, calumniolissima oratio; quæ quid suadeat, et si non miserte profiteatur, satis tamen prudenti cui libet vult innotescere: *Apud integros sane, inquit, & incorruptos Iudices (Calumnitas) non uia difficile fuerit, palam facere, totam illam Romanensium opulentiam congeriem, ab ipsa suprema sede, ad minimam usq; Capellaniam, ut uacant, ex imposturis, furtis, rapinis, sacrilegijs, pessimisq; artibus constatam esse; & cuius nullam partem attingere possis, (nisi per vim scilicet rapiendo), quin multorum conscientia rescelorum obstringas.*

Nec dissimilis illa alterius Caluinicola accusatio: sub operosis illis larvis (Catholicorum) nihil aliud, quam crudeles homicidas, sceleratos, veneficos, impuros, scortatores, furesq; & latrones tegi & occultari. Talis oratio quid sibi velit, nemo non videt; nec ipse taceat.

Sed apertius multo, aduersus Catholicam Ecclesiam, sæuum & cruentum bellum non ita pridem palam promulgauit, & Caluini schola literatulus eques; qui ipsum Regem Britannia his verbis ad arma vocat: *Ut Rex Italiam petat, ultore gladio Pontificem transfigat, venationem orbis exhibeat, cum in ponte Miluius calcet, pessundet, exturbet, auerno instar mole demergat. Et rursum: Ego, inquit, inter principia prælia misceam, inter triumphos, præcincte Angelo, CECIDIT illud congeminem, sancta tunc latuita totus immergar, æternæ contiguus immoriar raptus. O magnam Caluinistarum pietatem, & ex imis Erebi visceribus haustam.*

ipratus

Caluini. epist. 2.
de Chris. 7. h. m.
offia.

Grassus in
glaga Regia.

Pissam My-
stero in ignis.
presat. Pide
Iacobi Gref.
Myssam Sal.
marionem.

spiritus suauitatem, non nisi Catholicorum sanguine satiandam.

Idem belli classicum concinit alius Caluinista his verbis: *Preparemus nos ad bellum, non tam Turcicum; Hungaria nunquam potietur Sultanus; quia enim, ex Prouincijs Romanis, nunquam fuit ditioris Constantinopolitane, aut Babylonice, aut Arabice, quam ad instans bellum Romanum, & expeditionem omnium acerrimam.* Præclara sanè ratio, cur à Turca timere non debeamus, velut Hungariam occupaturo; nec bellum ideo contra eum adornare: quasi multū is pensi habeat, an prouincia aliqua ad se iure pertineat; cū absq; iniuria, ne illas quidem, quas nunc habet, occuparit. Ne verò Caluinista hic de bello solum defensiuo contra Catholicos loqui videatur, ex instituto insuper docere nititur, mandatum diuinum de Pontifice, euerrendo, omnes Reges Christianos habere. Tale, inquit, *quale priuatim Ebed habuit, nos publicum habemus.*

Sed omnium sceleratissime & crudelissime, in ipso imperij medituilio, scripsit Heidelbergensis Præco, cuius inter alias hæc est Magistralis præceptio: *Christiani Reges & Principes debent resistere Tyrannidi Pontificis, etiam gladio, & vi impediendo, frangendo, idola tollendo, & Ecclesiam suæ libertati restituyendo.* Subiungit huic assertioni tres rationes. Prima est: *Principes debent esse terrori operibus malis, virores ad iram ipsi, qui male agunt: at opera pessima. Antichristi: coercenda igitur gladio eius malitia.* Secunda: *Quia hoc illis mandatur: (Apocal. 18. 6.) Reddite ei sicut & ipsa reddidit vobis; & duplicare ei duplum secundum opera eius: in poculo quo propinauit,*

Fridoric. Braun
bonam Flar. in
flaminorum
prolegom. &
lib. 16. c. 50

David Par
in Rom. 13. dub.
4. propositio 7.

pinavit, propinate ei duplum: Ergo regnum Papa destruere debent. Tertia: Quia praedicitur futurum, ut Reges, & Principes Christiani odio prosequantur meretricem, & solam reddant eam, & nudam, & carnes eius comedant, & ipsam igni exurant; at praedictio habet vim praecepti. Ita sacrilegus Praeco, sacris scripturae verbis, aduersus Antichristum Ecclesiae Catholicae oppugnatorem, & vastatorem prolatis, abutitur contra ipsam Ecclesiam Catholicam; à qua ipsi & Christum didicerunt, & scripturam ac Baptismum acceperunt, & sine qua proinde ne Christiani quidem essent.

Vbi etiam duo haec notabit Lector. Primum, à Praeco non tantum indici bellum, seu persecutionem, aduersus Catholicos subditos alicui Caluinistarum Principum; sed etiam aduersus Principes, & status Catholicos, qui Caluinistis alioquin nullo Jure subijciuntur. Alterum, indici arma non tantum defensiva, sed etiam offensiva ac vindicativa, qualia à Principe erga Latrones, Raptores, aliosq; malefactores expediri solent; de quibus disertè in sua secunda ratione loquitur. Et ita scilicet Imperij pacta & conuenta, ut status quilibet alterum, in sua Religione (tolerata) exercitio non perturbet, rata & firma seruantur.

Nec solum aduersus Catholicos, sed etiam Lutheranos Principes ac Dominos, sauit furiosus Praedicantis Caluinistici calamus, quando subditos, aduersus quoslibet supremos etiam Magistratus, à Caluini secta alienos, hoc pronunciato concitat: Subditi, non priuati, sed in Magistratu inferiori constituti, (v.g. Calvinianus Judex, Quaestor, Fiscalis, Senatus, quid-

Parens in cit.
Epist. Rom. 13.
prop. 7.

quidni etiam Consistorium Prædicatorum) aduersus superiorem Magistratum (suum etiam summum), esto sit Imperator, aut Rex Boemiar, Dania, aut Elector quicumq; Imperij) se, & Rempub. & Ecclesiam, seu veram Religionem (Caluinisticam) armis defendere iure possunt. His positis conditionibus. I. Cum superior Magistratus degenerat in Tyrannum (seu persecutorem Caluinismi.) II. Aut ad manifestam idololatriam, atq; blasphemias (vti Caluinistis est, nō solum Cultus & Inuocatio Sanctorum, sed etiam adoratio Christi in Sacramento Eucharistiæ corporaliter præsentis) ipsos, vel subditos alios vult cogere. III. Cum ipsis atrox infertur iniuria (de qua nimirum, vti Boemi hodie rebelles, subditi ipsi iudicabunt.) IV. Si aliter incolumes fortunis, vita, & conscientia (quantumuis Caluini stigma te cautehata) esse non possint. (Itaque etiam contra proscriptionis decretum, Caluinianæ Religionis causam indictum à Principe, Caluinistæ subditi iure arma capebant.) V. Ne prætextu religionis, aut iustitiæ, sua quarant; (aliena enim vt quærant, hoc est, bona, Jura, & præbendas Catholicorum, ipsamq; vitam ac fortunas suimet Principis, Caluinismo resistentis, non est subditis Caluinistis ab hoc Prædicante interdictum.) VI. Seruata semper emendatā (à ministro Caluinistico edocenda) & moderamine inculpatæ tutela, iuxta leges.

Probat hæc omnia inter alia etiam hac ratione: Quia quorum est, inquit, constituere Magistratus, eorum etiam est enormiter grassantes (eodem Magistratus) coercere, aut tollere, nisi desistant grassari, contra Deum & contra Rempub. Constituntur autem vel per populi consensum

tionem in Imperio constituta; Catholici inaccessibiliter
 se recipere loquuntur; ut pro Syncretismo aduersus communem
 nem hostem Antichristum, studia consiliisq; coniungantur;
 seu vident infra, quosnam Antichristi etiam no-
 mine & complexu comprehensos velint, ubi etiam ex-
 plicat; *Vi* Tyrannidi, inquit, Antichristi Romani, cuius
 potentia hactenus, nulla re magis, quam nostra discordia
 creuit, indiesq; crescit in Imperio Romano; ubi videmus moda-
 bant, modo illa etuata, disione, prouinciis, doloq; armis, &c.
 (notent hoc Principes quos hic Predicans mox de-
 signat) sub iugum eius iterum cogi; Cuius rei, inquit, Fran-
 cia Orientalis, Austria, Stiria, Carinthia, Hungaria, Trop-
 piana, Danawerda, &c. documento omnibus esse possunt;
 coniunctis votis, consilijs actibusq; tanto fortius atq; tempo-
 ritus obulari queat. Et quis tam obtusa haris, ut hic
 non intelligat, Imperatorem, domum Austriacam,
 Batiaria, Praneiaque Orientalis Duces designari?
 qui, dolo & armis, inquit, hoc est vi & fraude, Austri-
 am, Stiriam, Carinthiam, Hungariam, Troppianam, Franco-
 niam, Danawerdam, inducto aut propagato Catholi-
 cae Religionis exercitio, Imperialium constitutio-
 num iure vsu, sub iugum Antichristi (ut mendacissi-
 mus calumniator ait) item coegerunt. *Item* quibus ergo artibus, mi homo, Protestantés
 Principes, Augustanam Confessionem professi, sy-
 nodi Torgensis decretum secuti, Calvinianos velut
 sacramentarios furore percitos, & eos qui Christianam Eccle-
 sias omnes, Academias, scholas, integrâ deniq; regnatura pe-
 rint, vastauerint, incendierint, deniq; omni letali male affe-
 cerint; seueris legibus perdidit, exilij, & proscriptionis, & suis
 finibus propulsauerint & expulerunt. Quibus item artibus
 sed et q; aliorumq; Bullarum: S. Mariani & Iohannis

Pareus Irenico,
 cap. 12. & ap-
 molinas.

ipsumet Calviniani Ministri in Hollandia, Seelandia, Frisia, Heluetia, Rhetia, Ascania, Hassia, Bippinatu, Palatinatu, atque olim etiam sub Cressio in Saxonia propemodum, vti & hodie ferè etiam in Marchia Brandeburgensi, Lutheranos oppresserunt. An non verius ipsi *dolo & armis* hic vsi, quam in causa iustâ Principes illi Catholici à maledico Prædicante notati?

PARAM Irenic.
cap. 14.

Aduersus quos alibi etiam simili modo ac pene iisdem verbis vnionem ac syncretismum, hoc est, arma conclamat: *Et quid*, inquit, *Austria, Stiria, Carinthia, Alsatia, Donaverta, nuperq; Praga Boemia, non etiam sapere nos docebunt?* Sed quid docebunt mihi Calvinista? *Græci*, nimirum inquit, *olim Xerxis communis hostis aduentu cognito, metu instantis belli, simultatibus positis, mutua auxilia iunxerunt, isq; syncretismus in auctos imò victores præstitit.* Itaq; hoc sapere docet hic Calvinista, vt Imperator ac Boemiæ Rex; Domus Austriaca; vtriusq; Bauariæ; atq; Franciæ Orientalis Duces; coniunctis armis, velut à Græcis olim Xerxes, imò velut Antichristi satellites, hoc est, Catholicæ Religionis fortissimi propugnatores & Firmamenta, bello impetantur & delectantur.

Scilicet & Catholici Lutheranis, & Lutherani Catholicis, in aliorum quiq; Prouincijs, vti Imperij leges iubet; atq; vt Calvinista insuper voluit, vtriusq; Calvinistis, omnimodam, fidei causa, impunitatē securitatemq; præstent: soli autem Calvinista, omnibus eiusmodi legib; soluti, Pareo Iudice, vtriusque & Catholicos & Lutheranos (etiam Dominos suos subditi) si suis in Prouincijs Calvinismo resistent,

stant, vi & armis inuadant, opprimant, delectant, extinguant. Et hoc Jure inculpatæ defensionis: quia iniuria est huic Prædicanti, omnis Catholicorum Principum, pro Catholica religionis defensione zelus, quo suis in prouincijs auram maiorū fidem sacram tectamque velint, etiam si Imperij legibus hoc iustum sit, imò supremis ipsius Dei legibus necessarium.

Et quis ergo dubitabit adhuc, ex quānam radice Boëmi rebelles hodie suæ istius fædæ rebellionis succū traxerint, in qua schola impia præcepta perfidæ coniurationis didicerint? Quid enim aliud fecerunt, quàm quod à truculento hoc, non Verbi diuini, sed cruenti belli & seditionum Doctore & Præconē facere docti sunt? In nostra, inquiunt, religione grauissimas à Rege eiusq; administris afflictiones passi fuimus: Iure ergo ministros Regios etiam inaudita causa præcipitauimus: Regi obsequium negauimus: arma corripuimus: Regiminis formam immutauimus: Regem deniq; ipsum deposuimus; nostri quidem Regni non minus, quam communi aliarum Prouinciārum damno. Dicat ergo & liberè iudicet, quisquis malignissimo affectu præcipitatum ac deprauatum nō habet iudicium; quisnam author ac incentor omnium istarum turbatum, bellorumq; ac malorum extiterit? Catholicinē an Calvinistā? Iesuitā an Calvinistarum ministri? Qui discipulos suos tam cruentis ac seditionis consilijs ac præceptionib⁹ aduersus suos legitimos ac supremos Magistratus, speciatim aduersus Imperatorem, Regē Boëmiae, Domū Austriacam,

Bavaria & Fræconia Duces armarunt & instigant: quo proinde consilio duci utique rebelles Boemi, eorumq; coniurati, ipsa sua hac rebellionē, & coniurationē, varijsq; & novis confederationib; etiam aliud nil spectant, quam ut & Religionē Catholicam, & domū Austriacam, ac Bavariam, ceterosq; Catholicos Principes, qui his veluti columinis nituntur, funditus deleant & extinguant: quibus si vi ex aduerso opposita resistent Principes pacis publiciq; boni amantes, quis iure improbabit?

Verissimum est nimirum, non eos esse culpandos, qui iusta bella suscipiunt, & gerunt, sed qui illatis iniurijs causam necessitatemq; bellandi adferunt. *Quid enim, inquit S. Augustinus, culpatur in bello? an quia moriuntur aliquando morituri, ut dominentur in pace victuri? Hoc reprehendere timidum est, non Religiosorum. Nocendi cupiditas, ulciscendi crudelitas, impacatus atq; impacabilis animus, feritas rebellandi, libido domandi, & si qua similia, hæc sunt, quæ in bellis iure culpantur; quæ plerumq; ita culpantur, ut etiam iure puniantur.*

Ut autem adhuc evidentius fiat, culpas hæc & causas bellorum, à S. Augustino commemoratas, ex Caluini, ut dictū, schola profectas, penes Duces ipsos & Antesignanos Boemicæ Rebellionis, eorumque Præceptores, & coniuratos hæcere, operæ pretium est, totam rei gestæ seriem, breui ac solidâ narratione, eorumque commemoratione, quæ illi aduersus suos legitimos Reges, & Regios administras, aduersus Catholicos, & fidem Catholicam, contra omnia Jura, contra publica Imperij conuēta & statuta, contraq; iuramentum fidelitatis suis

Regi-

Augustin. l. 21.
contra Faust.
Manichæ. 74.

Regibus præstitum, remere & insolentes, propria & priuata auctoritate, sine omni ordine & forma Iuris ad miserunt, ob oculos ponere. Quæ cum aliunde nec explicatius, nec ceterius representari possint, quæ ex ipso recenti Casareæ ac Regiæ Maiestatis Ferdinandi II. velut legitime electi, coronari & acceptari Regis Boemiæ Rescripto, quod hoc ipso Anno M. D. C. XX. die 29. Ianuarij ad annullandam præposteram Electione noui regis Boemiæ, editum Viennæ ac promulgatū fuit; id ipsum huic loco ex Germanico in Latinum optima fide conuensum, ad verbum inferere placuit. Ita ergo habet:

Nos Ferdinandus II. Dei gratia, electus Romanorum Imperator, semper Augustus, Germania, Hungaria, Boëmia, Dalmatie, Croatia, & Sclauonia Rex; Archidux Austrie, Dux Burgundie, Styrie, Carinthie, Carniole, & Wirtemberga, &c. Comes Tyrolis, &c. Denunciamus omnibus & singulis, Electoribus, Principibus, Regularibus & secularibus Prelatis, Comitibus, Liberis Baronibus, Dominis, Equitibus, Nobilibus, Provincialibus, Marscallis, Belli Ducibus, Gubernatoribus, Capitaneis, Vicedominis, Praefectis, Praesidibus, Administratoribus, Officialibus, Consulibus, Prætoribus, Iudicibus, Senatoribus, Ciuibus, Communitatibus, omnibusq; alijs nostris & Imperij, Regnorumq; nostrorum, & hereditariorum Principatuum ac ditionum subditis & fidelibus; cuiuscunq; sint dignitatis, status & conditionis, ad quos hæc nostra peruenierint patentes litteræ, nostram amicitiam, gratiam, & omne bonum.

Reuerendissimi, Reuerendi, atque Illustrissimi, dilectissimi, Amici, Matrunculi, Auunculi, Cognati, Affines, Electores,

& Principes; itemq; Generosi, Nobiles, honorati, dilecti, de-
 noti & fideles. Tametsi minime dabit amicus, iam nunc, tam
 in Imperio, quam extra Imperium, satis esse perspectam, in
 quam calamitosum statum, nostrum Boëmia regnum, &
 principale membrum, ac Electoratus Sacri Romani Imperij,
 una cum incorporatis, alijsq; vicinis ditionibus nostris here-
 ditarijs incidit, & quanta calamitates, miseria, & oppres-
 siones aduersus miseros nostros & innocentes subditos, per
 excitatum luctuosum bellum, prater communem provinciarum
 vastationem, illata fuerint; tamen ut rei totius status,
 sincera & solida representatione, ad omnium veram & aper-
 tam notitiam perueniat, & persuasiones ex aduerso conceptæ
 tollantur; Scire conuenit, calamitates has, & miserabilem
 statum, inde præcipuè fluxisse, quod adhuc viuente nostro
 quondam Dilecto Domino Cognato, & Patre, Imperatore
 MATTHIA, &c. ac sub regimine ipsius, velut simul etiã
 actu regentis Boëmia Regis, Augustæ memoris, aliqui ex Boë-
 miæ statibus, contra quosdam, ex parte, sue Maiestatis &
 Charitatis Vicarios, & Regni officiales, sub specie aliquorū,
 aduersus suam (Vtraquisticam) religionem, priuilegia,
 ac Maiestatis litteras illatorum grauaminum, excessum seu
 culpam antea fere inauditam, propria manu & ausu admi-
 serint, ac quosdam ex dictis Vicarijs, Regijs, & Officialibus
 Regni, principales personas, aliosq; administratos ex alto præ-
 cipitarint; deinde vero arma primi corripuerint, & ad ma-
 nus sumptuerint, supradictos Vicarios, & Officiales in absen-
 tia, & sine ullo respectu sui legitimi, actusq; regentis Regis &
 Domini, suis officijs priuarint, Regalia Regni sue potestati
 vindicarint, nouamq; plane formam Regiminis, in quo illi
 ipsi à seipsis creati & nominati Directores, clauum tenerent,
 proprio motu constituerint; atq; ita metas & terminos præ-
 tensæ

tenſa deſenſionis ſua Religionis, ſi quidem ea illis deſenſio omnino etiam vi litterarum Maieſtatis conceſſa fuiſſet, (cum tamen eam religionis habendam eſſe cauſam, nunquam probatum ſit, nec probari unquam poſſit) omnium iudicio, qui hac de re ſine affectu & partialitate iudicare poſſint & velint, plus nimio, ac tantopere exceſſerint, ut prædictum illud propria manu & auſu, ſubditorum contra legitimum ſuum Magiſtratum, ſuſceptum facinus, nihil aliud, quàm aperta & hoſtilis repugnantia & rebellio exiſtimari debeat.

Hoc ergo primum caput eſt iniquæ Boëmorum rebellium cauſæ, qua culpam bellorum ac calamitatum præſentium ſuſtinent; quod tamen non vnam, ſed multiplicem iniquitatē continet. I. Virorum auctoritate, genere, & opibus præſantiſſimorum, ac ſimul regionum Vicariorum, præcipuorumq; Regni Officialium, in ipſa Regia arce, violentam, & ſine omni præuio proceſſu, ac ordine Juris, propria priuataq; auctoritate, proprijsq; manibus, factam præcipitationem, ſpectantem non ſolum ad præſens, ſubitum, & violentum corporis, & corporalis vitæ exitium, omniumq; membrorum confractionem; ſed etiã ad ingentē contumeliã, tum ipſorum, qui hoc crudele præcipitium paſſi ſunt, tum ipſius imprimis Regiæ Maieſtatis, cuius ipſi eo loco perſonam ſuſtinebant & repræſentabant. Et an nō hoc eſt culpam & exceſſum antea ſere inauditum committere? ut in litteris Cæſareæ & Regiæ Maieſtatis, quas repræſentamus, appellatur. II. Quod iſti ipſi Turbines Boëmici, ad inauditū propè hoc facinus violenta manu tuendum, arma primi corripuerint; nec Rege, nec ijs, quibus vis & iniuria

T

erat

erat illata, nec ullis alijs ad arma spectantibus. Et annon hoc erat necessitatem iniungere Regi, ut sibi vicissim de armis prouideret, ad inauditam banc insolentiam & rebellionem subditorum comprimendam? III. Quod supradictos Vicarios Regiæ, & regni officiales propria ipsi ac priuata auctoritate, absq; omni scitu & respectu legitimi Regis sui, officijs deiecerint: non corpora solum, sed simule etiam dignitatem eorum contere ausi. IV. Quod *Regalia Regni*, nimirū Coronam, & Tabulas Regni, Residentiam Regiam, Archium & Cancellariam Regiam, &c. suæ potestati vindicarint. V. Quod nouam formam regiminis, seq; ipsos nouos Regni Directores propria ac priuata auctoritate constituere, ac nominare sunt ausi. Et annon ergo hæc iam merito aperta erga legitimū Regem rebellio; Regijs hisce litteris, omniumque sane sententiarum iudicio censeatur?

Et annon, inquam, in has faces bellorū omnes illæ culpæ, quas S. Augustinū commemorasse velut iusti belli causas, ut superius diximus, ex amissim conueniunt? *Nocendi cupiditas, vlciscendi crudelitas, impacatus, atq; implacabilis animus, feritas rebellandi, libido dominandi?* Quæ enim maior potest esse *nocendi cupiditas*, quam simul vitam, honorem, dignitatem, proprio & priuato motu & ausu auferre non subditis, nec plane æqualibus, sed Magistratibus, summis, ac Regijs quoddammodo personis? Quæ maior *vlciscendi crudelitas*, quam sub prætextu defensionis, nulla vi repugnantes, honoratissimos Regis ad ministros, absq; omni specie & ordine Juris, nil mi-

nus,

nus, quam de mortis periculo sollicitos, subito furore, propria auctoritate, proprijs manibus inuadere, & ex alto præcipitare? Quis implacator animus, quam post fædissimum facinus, & insolentissimam temeritatem, mox contra legitimū Regem, regiamq; cognitionē arma publice corripere, atq; ad publicam rebellionem ciues totumq; Regnum concitare? Quæ maior libido dominandi, quam veterem Regni, ipsius Regis, ac totius Regni constitutionibus ac moribus probatam & sancitam Regiminis formam propria auctoritate conuellere, nouam constituere, seq; ipsos propria auctoritate nouos regni Directores creare? Quæ deniq; maior rebel-landi feritas, quam hæc omnia semel quasi & simul aduersus auctoritatem Maiestatemq; Regiam, Regno antea profus pacato & tranquillo, audere & aggredi?

Sed pergunt Regiæ Maiestatis litteræ: Equidem nos pro nostra parte hoc loco questionem non mouemus, quomodo se res habeat, cum illis grauaminibus, quæ in Apologijs Boëmicis, editis sub nomine vnius partis statum Regni Boëmiæ, nimirum sub vtraq; (qui tamen ad immutandam Regiam gubernationem, tam parum ipse potestatis habebant, quam parum ipsi ijs, qui sub vna sunt (Catholicis) eam essent concessuræ, obijciuntur; & quantū, ac quousq; vnius aut alterius administri, priuata, etiamsi testata delicta, Magistratui præiudicare possint; quando præsertim instituti nostri non est, eorum, quæ ante ceptam gubernationē nostram sine nostra culpa, accidere potuerunt, nobisq; proinde imputanda, ac in nostrum præiudiciū vertenda minime sunt, rationem reddere, aut defensionem patrociniumq; suscipere.

Sed speramus tamen, & de omnibus ad iustitiam & equitatem propensis, pacisq; amantibus animis, & vere germanis pectoribus plane confidimus, eos, ex processu hactenus deducto, & informationibus iam antea typo publicatis, facile colligere & intelligere potuisse, ad tollenda prætensa gravamina (utcumq; demum ea sese habeant) iuxta præscriptum ordinem Verbi divini, & communium iurium, facile inveniri potuisse alia media, quam ut ea de causa, tota patria, in extrema pericula & clades, non nisi magna innoxij sanguinis effusione conjici, & legitimis naturalisq; Magistratus, ad violentiam, licitam tamen, rerum suarum defensionem quasi necessitate compelli debuerit. Sicut etiã minime dubitandũ, etiamsi medium illud in litteris Maiestatis explicatum, ad subortas inde controuersias, communi & indifferenti, per utriusq; Religionis status compositione terminandas non suffecisset, atq; ipsis etiã omnis audientia (vix passim persuadere saragunt) denegata fuisset, non de futura tamẽ, eo nec dum probato casu, sinceros & optimæ mentis Electores & Principes, qui Boëmorum causam, pro iuris equitate, suâ intercessione promouendam suscepissent, nec permisissent vquam, ut ad hæc tam periculosa extrema veniretur.

Postquam vero his omnibus sepositis, à putatisq; istis Directoribus, eorumq; socijs rebellibus, post sanguinolentam conspirationem initam, per præcipitium Regionum Vicariorum; ut tam temerario ausu hinc quidem fidelibus statibus terrorem inijcerent, quò ipsi liberiùs malo suo proposito insistere possent; inde verò alios, quos in suam ipsi partem pertraxerant, consensione facinoris tanti magis obstrictos haberent, &c. omnia in armis & apertâ violentiâ posita fuere; non eo tantum sine, ut se ab omni pœna patrati facinoris securos redderent, sed etiã fideles suos conciuēs & collegas,

tã

tam sub vtrâq., quam sub unâ opprimerent, ac postea nomine statuum, prauas suas intentiones iam dudum antea conceptas vi periruperent; idcirco deniq. supradicta sua Maiestas & Charitas, cum post paternas planè & sinceras admonitiones, resipiscencia, emendationis, & agnitionis nullum indicium animaduertere posset, sed potius in dies aduerteret, hoc insuper agitari, vt excitatum incendium interim etiam ad incorporatas & alias hereditarias Prouincias propagari posset, talitâq. periculoso lateq. prospectante rerum statu, sine praesidio & armis ex aduerso oppositis conquiscescere consultû ac tutum non iudicauit.

Habet in secunda parte Lector, tum refutationem earum causarum, quas Factioni Boemi suæ rebellionis prætexunt; nimirum I. grauamina iniusta, nondum probata. II. aliam fuisse rationem incundam grauaminum amoliendorû, etiam si quædam ex parte Ministrorum Regionum culpa interuenisset. III. Cæsarem obtulisse paratum animum ad causam cognoscendam & probata grauamina amolienda; tum causam vrgentissimam, ob quam Imperator Matthias, Augusta memoriæ, aduersus Boëmos Perduelles post patratum ab eis nefarium illud præcipitij facinus, arma capienda necessario duxit. I. Quia Rebelles ipsi primò arma sumpserunt, & in armis, exclusâ viâ Juris, omnem spem ac fiduciam collocarunt. II. Quia paternè sæpius moniti ad pœnitentiam flecti non poterant, atque ita pertinaces & obstinati in peruerso proposito persistebant. III. Quia excitatum insuper incendium ad finitimas Prouincias propagare audebant.

Fecit nimirum hic Imperator, quod boni Prin-

Dente 20. 6. 10.

Augustin epist.
207. ad Boni-
facium.

Rom. 13. 6. 4.

August. lib. 22.
contra Faustū,
cap. 74.August. 9. 10.
in libello suo.

cipis officium est, ut prius pacem offerat oppugnā-
dis, quam bellum suscipiat: si modo pars aduersa
satisfactionem debitam præstare parata sit, iuxta
illud Deuteronomij: Si quando accesseris ad oppugnā-
dam civitatem, offeras ei primum pacem: si receperit & ape-
rnerit tibi portas, cunctus populus, qui in ea est, saluabitur,
& seruiet tibi sub tributo. Sin autem sedes inire noluerit, &
caperit contra te bellum, oppugnabis eam. Et rectè S. Au-
gustinus: Pacem habere debet voluntas, bellum necessitas.
At iusta pace refutata, non tenetur Princeps, ali-
quando non potest, illatas iniurias dissimulare.
Non enim sine causa gladium portat, Dei enim Minister est
vindex in iram ei, qui malum agit. Et S. Augustinus:
Aduersus violentiam, inquit, resistentium gerenda ipsa bel-
la suscipiuntur a bonis, siue Deo, siue aliquo imperio legitimo
iubente. Et alibi: Iusta bella definiri solent, quæ ulciscun-
tur iniurias, si qua Gens vel civitas, quæ bello petenda est, non
vindicare neglexerit, quod à suis improbè factum est, vel red-
dere, quod per iniurias ablatum est. Et quale quæso po-
steritati documentum transmissum, quam grande
omnibus Principibus præiudicium ac periculum
fuisset creatum, si tam aperta subditorum rebellio
sola lenitate & conuiuētia summi Principis fuisset
sustentata & quasi adiuta ac promota? Sed pergū
Regiæ literæ.

Ad demonstrationem verò sufficientem sue paternæ
Voluntatis, & quia miseris ac innocentibus hominibus ac
subditis parsum esse in primis cupiebat, (supradictus Au-
gustæ memoriæ Imperator Matthias) ad restituē-
dam pacem & tranquillitatem, supradictam causam pri-
marijs quibusdam Sacri Imperij planè indifferentibus Ele-
ctoribus.

Et oribus & Principibus, velut Interpositoribus commisit, nec ei fuisset quidquam gratius, quam ut ea. (Interpositio) depositis armis, sine mora, (que tamen varijs omnis generis impedimentis interuenientibus impedita fuit) effectui dari potuisset. Quam propensos vero ad eiusmodi Interpositionem Boëni subditi se præsiterint, & quales condiciones ab illis fuerint posita, id edixi super eâ re articuli & informationes, satis docuerunt.

Hic vides, lector, nouum medium pacis restituenda ab Imperatore Matthia propositum, plenû lenitatis & Clementiæ, quo se obrulit ad æquissimâ Compositionem, & quasi arbitrarium Principum omni exceptione maiorum, iudicium, vnâ cû suis subditis subeundum; sed partim a Boënis iniquis conditionibus positis, partim ipsa deinde morte Imperatoris Matthiæ impeditum: vt mox subiungitur.

Cum porro interim supra sæpius nominata Cesarea & Regia Maiestas, &c. mortem obisset, atq; sic vigore nostræ Regiæ coronationis, & homagij à statibus Regni, Incorporationis, Prouinciarum præstiti, Regnum Boëmiæ vnâ cum suis pertinentijs, ad nos perfecte deuolutum esset, non prætermisimus, quin ad anteuertendas omnes posteriores calamitates, sine omni mora, omnem curam & prouidentiam tali Nouatione necessariam adhiberemus; nimirum ac in specie, vigore nostri Chirographi Regij, intra quatuor hebdomades confirmationem omnium priuilegiorû Regni supremo Burg-
grauio tradendam obtulimus; ac præterea curaturos recepimus, vt Regnum Boëmiæ vnâ cum eius incolis, rursus in pacificum & tràquillum statum restituatur, & in eo conseruetur: Ans & iustitia promoueat, omnibusq; administretur, etiam,

tiam, postquam à supradictis subditis nostris, ad eiusmodi literas nostras nullum nobis responsum obtigit, Nos hoc non obtento, ad exequendum nostrum illud Regium Chirographum, significatam in eo confirmationem priuilegiorum in omnibus verbis, membris, & clausulis, uti à proximè defuncta Casareâ Maiestate, scripta & expedita fuerat, & quidem maioris securitatis causâ, duplicato exemplari, Pragâ, ad manus predicti Burggrauij, prout in supradicto Chirographo fuerat prescriptum, unâ cum alijs literis admonitorijs seu notificatorijs clausis, ad eos qui ex Baronû, Equitû & Ciuium statibus Pragâ congregati fuerant, incolas, per proprium Internuntium transmisiimus; quæ omnia etiam presentibus ex tribus statibus, ritè fuerant tradita; ut proinde vicissim iure merito consideremus, post prestitum à nobis officium, aliud nihil, quam similem redhibitionem officij, prout subditos erga suum Regem legitimè acceptatum decebat, ecuturam.

Veruntamen contrarium adeò fuimus experti, ut non solum Regia nostra Confirmatio non fuerit acceptata, postulatâ, & nostra exercitui prius demandata, suspensio armorum refutata; ad nostras paternas ac benignas literas, quibus postulabatur, ut certas aliquas personas ex suo ordine sub nostro Regio salutis fidei conductu, ad interloquendum, quomodo subortæ calamitosa perturbationi quàm optimè & citissime finis imponi posset, ad nos dirigerentur, nihil responsum: sed insuper conductio ad arma in toto Regno validè continuata; maior indies miles lustratus; Morauici status ad similem defectionem permoti; exercitus tam pedestris, quàm equestris ad defensionem predicti Marchionatus conductus, ad proprias eorum partes pertractus; Ciuitas Brunensis ex improviso oppressa; Capitaneus prouincie, alijsq; officiales, malè tractati & Arresto conclusi; Metropolis Olomutium,

proprio

proprio ausu & vi occupata; Senatus Ciuicus ibidē depositus; in præcipuā Ecclesia ibidē Religionis exercitiū immutauit; Religioſe perſonæ proſcriptæ: bona Eccleſiaſtica ablata: Perſonæ Religioſe utriuſq; ſexus Virgines & mares, ad vota ſua violāda inuitatæ; ſublimis perſonæ, quibus fideſ & fidelitas cordie rat, quiq; ſe ab eiufmodi ſcandalofiſ machinationib⁹ ſepara uerant, tanquā Patria Proditores proſcripti & proclamati ſunt: & poſtquā ignis in Morauia benè ſuccenſus, idem etiam in Auſtria excitatus; Ciuitas Læa in ſinibus ſua, hoſtiliter obſeſſa; breui poſtea ad Metropolim Viennenſem, ſub noſtrum Conſpectum temerè admoto exercitu; in noſtram Cæſaream & Archiducalem arcem ſine ullā ſpe proſectus, ſolum ex petulantia tormenta exploſa: quorſum verò & ad quem ſcopum hæc omnia fuerint tentata & ſuſcepta, omnium iudicio conſiderandum & expendendum relinquimus.

Sed & ad hæc inſuper accedit, quod ſuprà ſapius memorati Boëmi, duranteſ Comitib⁹ Electoralib⁹ Francofurti, ad quæ Nos ratione Regni noſtri, vi aurea bullæ, legitime vocati fuimus, noſtram Electoralẽ ſeſſionem, ſuffragium, & Electionem per ſuos delegatos ſummis viribus impedire conati ſunt: ſine noſtro conſenſu & permiſſu, noſtros hæreditarios ſubditos, ſibi confederatione iunxerunt; ſine ullā legitima cauſſa, perfide ad aliam prorsus inanem, & tam priuilegijs prædicti Regni noſtri, quā ſacri Romani Iuribus aduerſam electionē eo ipſo tempore proceſſerūt, quo ab Electoralib⁹ ſacri Imperij ad apicem Romani Imperij euecti ſumus.

Vt taceamus ea, quæ ipſi poſt noſtram Cæſaream electionem & Coronationem apud aliquam Hungarorum partem machinati ſunt: eos à noſtra fidelitate auertendo; abiurati hoſtis protectioni ſubiectum Principem Tranſyluanum Bethſtem Gabor, ad occupandam munitionem Caſſonium, to-

tamq̃; superiorem Hungariam, consilio & auxilio adiuvando; una cum eius exercitu iterum transmissio Danubio, ad metropolin nostram Viennam altera iam vice sub nostrum quasi conspectum propinquando; non alio viq̃; sine proposito, quam ut id exsequerentur & effectum darent, quod antea iam tentauerant; nisi oppositu nostri militis fuissent impediti; cum id autem non successisset, nostram hereditariam Provinciam rursus rapinis & igne hostiliter depopulando; eaq̃; ratione propugnaculum sacri Romani Imperij, cuius defensio tam copioso sanguine & sudore Christiano & Germanico miserorum subditorum constitit, in extremum periculum, conijciendo, in summa, contra Nos, quamvis agnitum & acceptatum legitimum eorum Magistratum, a quo nec minimum quidem lesi fuerunt, adeo turpiter se gerendo ac procedendo, ut vix hostilius potuissent.

Quos inexcusabiles, & omnibus Divinis ac humanis Iuribus repugnantes excessus, supradicti Defensores, ipsiq̃; Adherentes absq̃; nova iniuria & lesione nostra Caesaris & Regis Maiestatis & Dignitatis tueri non potuerunt: eaq̃; de causa adversus nostram Regiam Electionem, Publicationem, & Coronationem, omnis generis calumnias publice sparserunt, speciatim quod nostro Regio Chirographo & promisso non satisfecerimus; e contrario vero Regno nostro decreta graviter praiudicantia sanxerimus; & quae sunt plures huius generis falsa, nec ullo fundamento nixa calumniae & accusationes; quas hoc loco refutare nimis prolixum foret: sub qua tamen falsa traductione ipsi deniq̃; ad eiusmodi extremitates deueniunt, ut fundamentales sanctiones Regni & Patriae suae, nimirum Caroli IV. Caesaris auream bullam, Regis Vladislai ordinationem, Caesaris Ferdinandi postremas Reversales, Generales Constitutiones comitiū Regni Annis

MDXLVII. & constitutos ibidem articulos, in quos si status ipsi compromiserunt & iuraverunt, totamq. Patriam consuetudinem, & octingentorum annorum usum; cum a tempore Primislai primi illorum Ducis, ad nos usq., nunquam quisquam in hoc Regno, nisi ex paterno, aut materno stemmate ad hoc natus, aut per nuptias Regiarum filiarum cōcuctus, (Rege Rudolpho, qui per hereditaria pacta cōperuenit, & Rege Georgio exceptis) successerit vel admissus fuerit, omnia pariter unā vice euertere, nouamq. planē formam Regni proprio motu & arbitratu erigere ausi fuerint: sicut etiam Caroli Caesaris Bullam, eiq. incorporatam declarationem privilegij Imperatoris Friderici II. iam primum post ducentos septuaginta duos annos in controuersiam vocare: tamque laudato Caesari & Regi Boëmiæ, qui inter omnes Reges hoc regnum precipue exaltauit, & ad tantam dignitatem euexit, ut idcirco Pater & Fundator eiusdem semper habitus fuerit, attribuire non sunt veriti; typisq. publicis spargere, quasi ille loco declarationis privilegia ipsorum inique ad utilitatem suorum successorum & heredum falsarit, plusq. in ijs progressus fuerit, quam ipsi fas esset, & in aurea Bulla Imperiali concessum fuerit; cum tamē supradictum privilegium cum scitu & consensu sacri Imperij electorum & communium ac congregatorum statuum Boëmiæ concessum, & a Boëmicis statibus acceptatum, Bullam auream Norimbergæ erectam non solum antecesserit, sed in eā etiam expresse reseruatum & confirmatum fuerit; ut merito plane admiranda sit temeritas, in quam hi nostri inobedientes & repugnantes subditi deniq. inciderunt.

Quibus verbis à Cæsare figillatim exprimuntur ingentes lapsus & culpæ, quos Boëmi rebelles, post obitum Imperatoris Matthiæ, partim erga fi-

nitimas prouincias & totam Christianitatem, partim erga ipsam personam viuam Regis & Imperatoris Ferdinandi, aliosq; antiquos Reges & Imperatores optimos & de Regno Boëmiæ optime meritos, partim ad prouehenda sua consilia, partim ad excusandas & tuendas machinationes admiserunt. Simul etiam patet, quam modernus Augustissimus Cæsar & Rex Boëmiæ, iam ab initio Regiæ suæ administrationis alienus fuerit à belli consilijs; quãq; ad omnem æquitatem, pacem & tranquillitatem propensus, omnia afferendo & præstando erga suos subditos, quæ vel ab optimo & amantissimo Patre postulari aut expectari poterant. Quibus tamen omnibus impudenter spretis, Boëmi summa temeritate in sua obstinatione perstiterunt, & adhuc tamen nouos asseclas & fautores suorum consiliorum reppererunt, ut mox sequentibus verbis declaratur.

Tametsi verò nobis persuadere minime poteramus, scandalosam hanc Boëmorum causam & rebellem machinationem ulli æquitis amanti probari posse, præsertim verò alicui Imperij Principi, qui & ipse etiam subditos sibi à præpotente Dea & sacro Imperio commissos regendos habeat, utpote à quibus utiq; talem ausum nemo libenter experiri vellet; multò minus autem sperabamus, ullum causa incognita, & nostris nostraq; domus Iuribus non perspectis, permotum ad præiudiciū aliquod in hoc nostro regno nobis inferendū, irritaq; illi electioni consentiendum; tamen in hoc ipso etiam votis nostrorum sæpius memoratorū Rebelligum subditorum, contra spem ferè omnium, imo etiam præter & contra beneuolas admonitiones diuersorum sacri Imperij fidelium, Iuris &

Patris

Pacis amantium, Electorum & principum; nihil de fuit: ut facile inde conijci possit (quod quidem à multis iam dudum existimabatur, nec plane obscuris signis indicabatur) de tali nouatione & perturbatione in Regna inuehenda, ab antesignanis illis iam dudum ab initio cogitatum fuisse.

Qua ratione porro (omissa inhabilitate eligentiū vnius partis statuum, & nullitate totius electionis) sine ulla dedicatione iurii, absq; saluatione, absolutione & remissione ab ipsis statibus prestiti nobis Iuramenti & fidei (quæ omnia nostros rebelles subditos cōcernūt) subsequuta ex altera parte acceptatio nostri hereditarij Regni, susceptio subditorum nostrorum sub alienam fidem, & ipsa demum actualis desitutio omnibus Iuribus & constitutionibus Imperij, præsertim verò grauiter confirmata & iurata pacificationis formula contraria, Exemplo plane scandalofo, omnibusq; Potentatibus & Regentibus supra modum præiudiciali; quod nec ipse quidem Turca & Tartari probarint, apud DEVM summū Iudicem omnium regum & magnatum, atq; etiam coram hoc mundo, & subsequutura posteritate, præsertim verò coram ipso sacro Romano Imperio defendi possit, à quo Electoratus ille & Archiepiscopus munus in feudum conferri solet; cuius Electores principes & status, in quibus etiam ipse Elector Palatinus, Nos pro legitimo, acceptato, & coronato Rege Boëmiæ agnouerunt & receperunt, quin etiam intuitu eius Regiæ dignitatis, ad electionem Romanorum Regis admiserunt, cum ille sese etiam mox post exitatū tumultū ad benignā interpositionis tractationē non solum obtulerit, sed eam etiam post successionē ad nos rite & legitime deuolutam, continuarit, imo etiam ad eundem finem eodem electionis & coronationis tempore, litteras denunciatorias ad instituumdum benignum interpositionis negotium à congregato Electorum collegio approbatas & transactas.

actas simul expediri & subscribi curauerit; præsertim quando nec minimum conscij nobis sumus, vel leuissima cuiusquæ offensa ullam à nobis causam esse datam, sed potius in eam rem omnem operam à nobis collatam, ut amicitia, confidentia, & beneuolentia conseruari & augeri posset, id nos ijs explicandum permistimus, qui ad hæc omnia mutum & consilium præstiterunt, vel etiam absq; necessaria informatione accepta & exploratione iurium eo sese permoueri passi sunt; qui etiam diuinam vindictam quam erga se tali iniustitia pronocarunt non euadent.

Iusta sanè hæc querela est aduersus eos, qui iniquissimis consilijs seducti, irritæ Boëmorum Noui Regis electioni consenserunt, eamue acceptarunt aduersus quos Cæsar ita deniq; perorat:

Ne verò silentium nostrum & taciturnitas, ad irritam illam & temere præsumptam Electionis tractationem, & ea que ei sunt adiuncta, in nostrum veluti legitime coronati Boëmie Regis præiudicium à quoquam trahatur, ac ut omnibus de nostro proposito & intentione consket, ideo ijs omnibus qua contra nos & domum nostrum de facto ac proprio priuatoq; motu attentata fuere, & nunc hodie porro continuantur, imprimis verò attentata contra nos inani Electioni & Coronationi, atq; inde profecta præsumpta defensionis & occupationis Regni nostri, & incorporatarum prouinciæ, non solum hisce litteris in optima Iuris forma contradicimus; sed ea etiam Cæsareâ & Regiâ Auctoritate cassamus & annullamus; prout etiam per se alias iniusta, nulla & irrita sunt. Nobis etiam nostræq; inclite Domui omnia iure concessa media & remedia, etiam iustis armis non exclusis; nec non & pœnas omnes, ac multas, quæ talibus delictis in communibus etiam Feudalibus iuribus, & Imperialibus, ac Regni

Boëmiæ

Normae Constitutionibus decreta sunt, hisce expresse refer-
nantes.

Protestamur simul coram DEO, & uniuerso mundo,
Nos, sicuti hactenus nihil magis cura nobis fuit, quam ut pa-
cem & tranquillitatem nostris Regnis & Provincijs reddere-
mus nostrosq; miseros subditos ab extremo interitu ac perni-
tie vindicaremus, simul tamen etiam qua nobis tumultu ac
rebellione ablata fuere, recuperaremus, nostram Imperatoriā
ac Regiam sublimitatem ac honorem tueremur; ita nos etiā
in posterum eodem animo affectos esse. Et quoniam non sine
magno animi dolore ex aduerso cogitamus, quantā hactenus,
culpa paucorum pertinacium, qui sub pallio Religionis exe-
crabilem suam rebellionem contegant, miseris subditis nostris
calamitates & elades corporum & bonorum, ab una, vel al-
tera parte Exercitus illatae fuerint, Protestamur hic pariter,
Nos ab omni culpa effusi innoxij sanguinis, paupertatis, &
interitus illati, qua infestum hoc bellum, nemini magis, quā
nobis ipsis noxiam, quando de nostris Provincijs & subditis
agitur, adfert, & posthac adferre posset, immunes ac plane
innoxios esse velle: quandoquidem nobis coram DEO, ita
testante conscientia nostra, plane conscijs sumus, quod ad e-
iusmodi perturbationes & elades causam nullam prabucri-
mus, sed omnia, ad quae nos regium nostrum Chirographum
& codicillus obsirinxerunt, plane satisfecerimus; parati e-
tiānum, si ullum hac in parte defectum agnosceremus, ea
omnia bona & integra fide exequi, absq; eo, ut statim ullum
in religione alijsq; prophanis rebus aduersus obtenta Prinile-
gia & Maiestatis litteras grauare velimus, vel ut ab alijs
grauentur promittere.

Testamur etiam hisce pariter, si quando ab exercitu no-
stro contra belli iura, ordinationes & articulorum litteras
depra-

depredationibus, incendijs, necesse innocentum personarum, faminarum, & infantium; violatione honestarum matronarum & Virginum; alijsue delictis quidpiam admissum fuerit, Nos hac omnia veluti contra nostram mentem & intentionem, imo contra mandatum gesta, animo graviter persentiscere; ac si ad nos super his legitima querela fuisset delata, aut post hac deferretur, Nos hac aduersus eos, aut eorum duces & praefectos, si quando ea potuissent cauere & auertere, non inuita relicturos, sed legitima poena castigaturos.

E contrario verò obligatos Nos esse sentimus, & abstrictos, nec id à quoquam vitio nobis verti potest, ut Regum & prouincias nostras, & quae his iure sunt annexae, aduersus quoslibet aduersarios tueamur, excitatam in ijs rebellionem summis viribus comprimamus, nostros oppressos subditos, qui nobis subditi sunt, & vi armata, ne fidelitatem, obedientiam, & subiectionem suam profiteri possint, detinentur, & cohibentur, in pristinam libertatem restituamus; id etiam, quod nobis violenter ademptum, medijs legitimis recuperemus; in summa, sacri Romani Imperij, nostra, nosseque, damus iura, Præiulia, & Immunitates, & quae ad extremam sanguinis guttam propugnemus & defendimus. In quantam instat causa, præter auxilium & praesidium diuinum, de omnibus etiam Potentatibus, Principibus, & Magistratibus; quandoquidem ipsis etiam, propter scandalosum exemplum, periculosum foret, si ad eiusmodi subditorum perditionem conuinceretur; præcipue verò de S. Romani Imperij Electoribus & Statibus, utpote quibus præterea etiam altera illa inanis Electio non parum praeiudicauit, plane confidimus, eos omni fauore, ope, & auxilio nobis adfuturos; idq. ab eis etiam hisce amice & gratiose requisitum volumus. Offeri-

mus vicissim omnibus & singularis illis, unum nostram Casaream protectionem, speciatim constitutæ pacificationis, tam Religionem, quam profana concernentis: siquidem in hoc nostro Casareo munere secuti exemplum laudabile nostri Domini Aui, qui similiter perturbatis temporibus in sacro Imperio pericula auertit, & securitatem reddidit; cuius etiam nomen gerimus, in id præcipue incurabimus, ut omni diffidentia sublata, constans Pax & concordia, qua sacrum Romanum Imperium viribus & gloria supra alias nationes se extulit, omnibus locis restitua & conservari possit: ne nos compellente necessitate, his Patentibus palam intimanda, omnibus duximus: Charitati interim & Reuerentiæ Vestræ, ac Vobis, amicitia, cognationis, & affinitatis benevolentia, Casarea gratia, omnisq; boni affectu expressis addicti & propensi. Data in ciuitate nostra Viennæ vigesimo nono Mensis Ianuarij, Anno millesimo sexcentesimo vigesimo, Regnorum nostrorum, Romani primo, Hungarici secunda, & Bœmici tertio.

Ex his iam denuo etiam atq; etiam consideret Lector, veritatis & germanæ sinceritatis amans; quænam pars bello & subsecutis calamitatibus causam præstiterit; quis malorum omnium culpam sustineat; Catholicinè, & in ijs potissimum Iesuitæ (quos hoc negotium vel minima ex parte attingit) an A catholici Iesuitarum hostes; Hispaninè, eorumque amici, quos incusare etiam alias solent Aduersarij, an Boëmi, excitatæ seditionis Duces; Regesne & Principes Catholicæ religionis Defensores, an subditi Rebelles, eorumq; contrarij Catholicæ Religionis hostes, & Caluini spiritu perfusi.

Consideret simul etiam quod Iesuitis aliqui ca-

lumniosè affingere solent Calvinistæ; quinam sint illi, qui turbas & seditiones excitant; qui subditos à fidelitate debita auerunt; & contra legitimū magistratum ad arma accendunt; qui fidem & iuramenta violant; violandaq; docent ac suadent; qui summos Principes & Reges suos legitimos contemnere, opprimere, exauctorare summis viribus nituntur.

Ad hæc Boëmi ipsi considerent, qui ad hanc rebellionē se induci sub spe libertatis permiserunt; an ea ratione spei compotes facti sint; an non potius & patria, & Religio ipsorum magna ex parte miserè oppressa; annon paulatim Caluini Spiritu ac violentia Religiones illorum antiquiori possessionis iure potiores, Catholica dico omnium antiquissima; Hussitica, & Lutherana, sensim subiugū mittantur; imaginibus iam & sacris Reliquiis (quæ inter varias quidem religiones, apud ipsos tamen semper hætenus inuiolata permanserant) sacrilego Caluini furore & inexplabili scelere, e summa ac primaria Catholicorum Ecclesia contractis, deiectis, exturbatis, combustis, &c.

Deniq; si verum est, quod S. Augustinus verbis superius citatis docuit, quod docti, quod orthodoxi omnes, quod omnes omnium in Imperio religionum assecla, quod Jura omnia, diuina & humana loquuntur, bellum ipsum, suscipi *aduersus violentiam resistentium, & ad ulciscendas iniurias, si quæ gens vel ciuitas, quæ bello petenda est, vel vindicare neglexerit, quod à suis improbe factum est, vel reddere, quod per iniuriam ablatum est; cogitet quisquis hæc legis, an cul-*

pari

pari Princeps ille possit, qui ad vindicandas gravissimas sibi suisque illatas iniurias, ad recuperanda Regna sua, & Prouincias, ad tuendam communem Imperij ac Principum auctoritatem, bellum contra rebelles ac seditiosos subditos, eorumque coniuratos suscipit: quod proinde etiam, licet alioqui minime optabile, a quo animo non secus, atque alia pœna, quas ob hominum peccata Deus impunitis, tolerandum est, donec Deus benignitate optata.

Pax restituatur.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

ut non sit periculum, ut non sit periculum, ut non sit periculum.

lumniosè affingere solent Calvinistæ; quinam sint illi, qui turbas & seditiones excitant; qui subditos à fidelitate debita auerunt; & contra legitimū magistratum ad arma accendunt; qui fidem & iuramenta violant; violandaq; docent ac suadent; qui summos Principes & Reges suos legitimos contemnere, opprimere, exauctorare summis viribus nituntur.

Ad hæc Boëmi ipsi considerent, qui ad hanc rebellionē se induci sub spe libertatis permiserunt; an ea ratione spei compotes facti sint; an non potius & patria, & Religio ipsorum magna ex parte misere oppressa; annon paulatim Caluini spiritu ac violentia Religiones illorum antiquiori possessionis Iure potiores, Catholica dico omnium antiquissima; Hussitica, & Lutherana, sensim subiugū mittantur; imaginibus iam & sacris Reliquiis (quæ inter varias quidem religiones, apud ipsos tamen semper hætenus inuiolatæ permanserant) sacrilego Caluini furore & inexpiabili scelere, & summa ac primaria Catholicorum Ecclesia confractis, deiectis, exurbatis, combustis, &c.

Deniq; si verum est, quod S. Augustinus verbis superius citatis docuit, quod docti, quod orthodoxi omnes, quod omnes omnium in Imperio religionum asseclæ; quod Jura omnia, diuina & humana loquuntur, bellum iustum, suscipi *aduersus violentiam resistentium, & ad ulciscendas iniurias, si qua gens vel ciuitas, quæ bello petenda est, vel vindicare neglexerit, quod à suis improbè factum est, vel reddere, quod per iniuriam ablatum est; cogitet quisquis hæc legis, an cul-*

pari

pari Princeps ille possit, quæ ad vindicandas grauissimas sibi suisque illatas iniurias, ad recuperanda Regna sua, & Prouinciâs, ad tuendam communem Imperij ac Principum auctoritatem, bellum contra rebelles ac seditiosos subditos, eorumque coniuratos suscipit: quod proinde etiam, licet alioqui minime optabile, atquo animo non secus, atque alia pœnæ, quas ob hominum peccata Deus impunitè tolerandum est, donec Dei benignitate optata Pax restituantur.

C. A. P. V. T. I. VII.

Causam generalem bellorum esse peccata, quæ promde omni studio emendanda.

¶ Si rerum naturalium duplices à Philosophis causæ assignantur, yniuersales quædam, alia particulares; ita etiam duplex bellorum, aliorumque malorum ac pœnarum, quæ diuinitus infliguntur, ex parte hominum, causa potest assignari; propinqua nimirum, & remota: seu communis & generalis; & propria ac specialis. Causa specialis est iniuria aduersæ partis, seu bello repellenda, seu compensanda, seu etiam vindicanda; quam in præsentè hac belli machinatione, ex Caluini quidem schola haustam, immediatè verò penes Boëmos rebelles eorumque coniuratos residere, satis ex capite præcedenti liquet.

Cæterum quia bella, quandiu durant, utriusque parti, adeoque quam plurimis, ab illata iniuria

communione immunibus, solent esse noxia; nec
tamen sine peculiari Dei providentia quicquam
geritur; neq; vllum etiam poenae malum est, quod
non a Deo iusto iudice, aut directe infligatur, aut
certe permittatur; iuxta illud Prophetae: *Si erit
malum in ciuitate, quod Dominus non fecerit.* Et alibi de
se Deus ipse, *Ego Dominus, inquit, & non est alter; for-
mans lucem, & creans tenebras, faciens pacem, & creans
malum; ego Dominus faciens omnia haec.* non est in ea
causa Christiano homini conuiescendum. Sed
ulterius inquirendum, quidnam Deum permoueat,
ut & bella, ac bellorum causas, & tanta, quae cum
bellis vtrinq; coniuncta solent esse mala, permir-
tat. Eius vero rei causam aliam non esse, quam v-
triusq; partis peccata, quae Deus tum alijs poenis,
tum etiam bellis vindicare soleat, ex scriptura sa-
cra est manifestissimum.

Ita enim loquitur Dens ad Israellem; *Quod si
necesse volueritis recipere disciplinam, sed ambulaueritis ex
aduerso mihi, ego quoq; contra vos aduersus incedam, & per-
cutiam vos sepies, propter peccata vestra inducamq; super
vos gladium, ultorem fœderis mei: cumq; confugeritis in ur-
bes, mittam pestilentiam in medio vestri, & trademini in
manus hostium.* Quare etiam Moyses inter alias poe-
nas transgressoribus legis diuinæ iusto Dei iudicio
infligendas, bella quoq; ac hostiles vastationes de-
populationesq; commemorat: *Quod si audire nolue-
ris vocem Domini Dei tui, ut custodias & facias omnia man-
data eius & caeremonias quas ego praecepit tibi hodie; veniente
super te omnes maledictiones istae, & apprehendent te, &c.
tradet te Dominus corruentem ante hostes tuos: per viam*

diam

nam egredieris contra eos, & per septem fugies, & disper-
geris per omnia regna terre, & c. obsideberis intra portas tuas,
in omni terra tua, quam dabit tibi Dominus Deus tuus. Et
rursus: Foris vastabit eos gladius & intus pavor, iuuenem
simul ac virginem, lactentem cum homine sene.

Deut. 32. 6. 29.

Isa. 47. 1.

Isa. 49. 6. 124

Idem speciatim ob apostasiam à religione mi-
natus Deus per Iosue: Quod si volueritis gentium barba-
ra, qua inter vos habitant, erroribus adherere, & cum eis mi-
scere connubia atq; amicitias copulare, iam nunc scitote,
quod Dominus Deus vester non eas delectat ante faciem vestram;
sed sint vobis in foveam, ac laqueum, & offendiculum ex la-
tere vestro, & sudes in oculis vestris, donec vos auferat, atq;
disperdat de terra hac optima, quam tradidit vobis.

Nec minus opere præstitit Deus, quam verbis
minatus fuerat. Quia enim Iudei dimiserant Domi-
num Deum, seruientes Baal & Astaroth, iratus Dominus
(inquit scriptura) contra Israel, tradidit eos in manus
diripientium, qui cepérunt eos, & vendiderunt hostibus, qui
habitabant per gyrum, nec potuerunt resistere aduersarijs
suis. Quod in libris Iudicum & Regum sæpenumero
videre est; cum Israelitæ ob sua peccata, modo
à Chananæis; iam à Madianitis; modo à Philistæis;
nunc ab Idumæis & Moabiticis; denique ab Assyrijs,
Chaldaeis, alijsque gentibus, grauissimis bellis affli-
gerentur, & tandem protus contererentur.

Iudic. 2. 9. 17.

Et Prophetæ quid crebrius agunt, quam quod
peccata populi reprehendunt, eisq; diuinæ vindi-
ctæ poenas, præsertim verò bellorum, ac grassatio-
num hostilium vastationes, denunciant. Isaias: Ve-
ni inquit, genti peccatrici, populo graui iniquitate semini ne-
quam, filijs sederati: dederuntque Dominum blasphemare

Isa. 1. 9. 4. 6

7.

uerunt

uerunt sanctorum Israel, ab alienati sunt retrorsum, &c. Terra vestra deserta, civitates vestrae succensae igni, regionem vestram coram vobis alieni devorant; & desolabitur sicut in vastitate hostili.

Jerem. 3. & 14.

Et Ieremias: Nunquid servus est Israel, aut vernaculus? quare ergo factus est in pradam? super eam rugierunt leones, & dederunt vocem suam, posuerunt terram eius in solitudinem: civitates eius exusta sunt, & non est qui habitet in eis, &c. Nunquid non istud factum est tibi, quia dereliquisti Dominum Deum tuum, &c. scito & vide, quia malum & amarum est, reliquiste Dominum Deum tuum, & non esse timorem mei apud te, dicit Dominus Deus exercituum.

Jerem. Thren.

3. & 5. & 17.

Et in lamentationibus ob captivitatem populi, & desolationem Hierosolymitanæ civitatis: Facti sunt, inquit, hostes eius in capite; inimici eius locupletati sunt, quia Dominus locutus est super eum, propter multitudinem iniquitatum, &c. Mandavit Dominus adversum Jacob in circuitu eius hostes eius.

Baruch. 3. & 10.

His accinit Propheta Baruch: Quid est Israel, quod in terra inimicorum es? &c. Dereliquisti fontem sapientie; nam si in via Dei ambulasses, habitasses utique in pace sempiterna. Disce ubi sit prudentia; ubi sit virtus; ubi sit intellectus: ut scias simul, ubi sit longiturnitas vite, & virtus; ubi sit lumen oculorum, & pax. Nimirum non celestia tantum, sed etiam caduca bona, vitæ diuturnitas, victus abundantia, pax, veris Dei cultoribus promittantur. Omitto innumera alia scripturæ testimonia; quibus generatim ob peccata etiam fidelis populi, belli pœna à Deo iusto Iudice decernitur.

August. lib. 10.

de civi. c. 43.

Idem etiam de populo Israelitico notavit S. Augustinus: Temporibus iudicium, inquit, sicuti se habebant

debant & peccata populi, & misericordia Dei, alternauerunt prospera & aduersa bellorum. Et de temporibus Regum tam Israelis quam Iuda, *Vtraq; pars, inquit, sicut iubebat diuina prouidentia, vel sinebat, varijs & erigebatur prosperitatibus, & aduersitatibus premebatur; & sic affligebatur non solum externis, verum etiam inter se ciuilibus bellis; ut certis existentibus causis, misericordia Dei, vel ira patefceret, donec eius indignatione crescente, vniuersa gens illa à Chaldaeis debellantibus, non solù subuerteretur in sedibus suis, sed etiam ex maxima sui parte transferretur in terram Assyriorum prius illa pars, quæ vocabatur Israel, in tribubus decem.* *August. ibid. lib. 17. c. 13.*

Quod si quis eorum peccatorum, quæ Deo vindicte bellis ac vastitatibus hostilibus castigata fuere, exempla particularia requirat, facile inueniet in ipsa scriptura sacra quam plurima; & quidem hac varietate distincta, quod bella quædam ob peccata communia magistratus & populi diuinitus inflicta sunt. Talia in primis sunt bella, quibus Israelitæ ac Iudæi deniq; tum in Assyriorum, tum Babyloniorum captiuitatem abducti, totaq; eorum terra ab Alienigenis & barbaris gentibus vastata, & seruituti subiecta fuit. *Propter peccata, inquit Propheta Baruch, quæ peccastis ante Deum, abducemini in Babyloniam captiui à Nabuchodonosor Rege Babyloniorum.* *Baruch, cap. 6. vers. 1.* Tale fuit etiam bellum Romanorum, quo ob Christi damnati & occisi sacrilegum scelus, Iudæa capta, Hierosolyma à Romanis vastata, totaq; gens Iudeorum miserrima clade, partim internecioni data, partim in captiuitatem abducta, totoq; terrarum orbem misere dispersa fuit. Nimirum iuxta sapien-
tis

Eccles. 10. 6. 2.

tis admonitionem, Regnum à gente in gentem transfer-
tur, propter iniquitates, & iniurias, & contumelias, & diuer-
sos dolos.

Nonnunquā verò bella, ob peccata Principis,
totum etiam populum, omnesq; eius subditos af-
fligunt. Illustre huius exemplum præbet David.
Is magnus quidem & sanctus Princeps erat, vir etiā
secundum cor Dei; attamen cum humana fragilitate
lapsus, adulterium simul, & homicidium perpe-
trasset, mox ei Dominus, inter cæteras pœnas, per
Prophetam Nathan hanc sententiam denuntiavit:
*Vriam Hethaum percussisti gladio, & uxorem illius accepisti
in uxorem tibi, & interfecisti eum gladio filiorum Ammon.
Quam obrem non recedet gladius de terra tua, usq; in sem-
piternum.* Vbi vides, nonnunquam ob peccata Ma-
iorum, bello castigari etiam posteros?

2. Reg. 11. 9. 9.
10.

Id quod exëplo Manassæ Regis Iuda fit clarius.
Quantumvis enim Iosias nepos eius à zelo religio-
nis commendetur, vt dictum etiam capite 3. non ta-
men, vt scriptura loquitur, *est auersus Dominus ab ira,*
furore suo magni, quo iratus est furor eius contra Iudam,
propter irritationes, quibus (iam olim) prouocauerat eum
*Manasses: quoniam & Iudam auferendum, & in captiui-
tatem abducendum decerneret.*

4. Reg. 23. 9.
26.

Rursum cum elationis spiritu delusus David,
numerandum curasset populum (& quantulū hoc
in oculis hominum peccatum, & annon in simili à-
liquo genere pene quotidianum?) mox ei inter tria
pœnarum genera, è quibus etiam hostile bellum,
necessaria oprio, Deo iubente indicta fuit: *Hec di-
xit Dominus, ait Propheta Gad: Trium tibi datur oprio*

2. Reg. 24. 9. 12.

elige

edigeamur, quod volueris ex his, ut faciam tibi. Cumque venisset Gad ad David nuntiavit ei dicens, aut septem annis veniet tibi fames in terra tua aut tribus mensibus fugies adversarios tuos, & illi te persequentur; aut certe tribus diebus erit pestilentia in terra tua. Et quamvis David postremum supplicium ceteris prætulerit, ex eo tamen ipso conici potest, gravitas etiam ceterorum; quando illo ipso pestis diuinitus illata flagello, ob id peccatum Davidis, septuaginta millia virorum, ex populo Israel ceciderunt. Grauis quidem & terribilis vindicta diuinæ Principis in suis subditis, perpetua memoria; sed non iniusta; quando Deus vitæ omnium Dominus est, qui iure suo, peccata Principis subditorum morte expiat: præsertim quando suis etiam ipsi priuatis delictis Dei vindictam promerentur. Et vehementer quidem David obtestabatur Deum, ut poenam hanc ab innocenti populo amoliretur, ac in se qui peccauerat, solū conuerteret; Ego, inquit, qui peccaui; ego qui malum feci; iste grex quid commertuit? Domine Deus meus, vertatur obsecro manus tua in me, & in domum Patris mei, populus autem tuus non percutiatur: sed nihil hoc obstitit Deo, quò minus designatam poenam exequeretur, in ea ipsa re puniendo Davidem, cuius elatione peccauerat.

1. Paralip. 21.

Sed & propter peccatum priuatum vnus militis, totus aliquando exercitus, etiam ceteroqui fidelis etiam in iusta belli causa, a Deo plectitur. Terribile huius rei exemplū exstat in Iosue libro. Cum enim in expugnatione vrbs Hiericho Achan, miles Israelitici exercitus, contra Dei mandatum, ex spolijs eius ciuitatis sibi quippiam reseruando,

Iosue 7.

facrilego furto se contaminasset, mox iratus Deus; in subsecuta oppugnatione urbis Hai, exercitum Israelis turpiter fugatum hostium potestati subiicit; cum ingenti totius populi trepidatione & consternatione; ita ut summus vereq; pius belli Dux Iosue exclamaret: *Mi Domine Deus; quid dicam, videns Israel hostibus suis terga vertentem?* Audient Chananeæ, & omnes habitatores terra; & pariter conglobati circumdabunt nos, atq; delebunt nomen nostrum de terra. Et quid facies magno nomini tuo? Neq; verò prius ira Dei conquieuit, quam divino indicio proditus Achan, a toto Israele lapidibus obrutus, & cuncta quæ illius erant, igne consumpta essent: *Anathema*, inquit Deus, *in medio tui est, Israel: non poteris stare coram hostibus tuis, donec deleatur ex te, qui hoc contaminatus es scelere.*

Ita profecto est: seuero quidem, sed iusto Dei iudicio accidit, ut eum morte quidem æterna nemini puniatur, ob peccatum alterius; anima enim, quæ peccauerit ipsa morietur: temporali tamē poena huius vitæ sæpe innocentes cum nocentibus inuoluantur; Deo puniente peccata parentum in filiis, & magistratum in subditis, & subditorum in ipso etiam Principe; præsertim quando culpabili eius conniuentia peccandi licentia creuit.

Et verò quamuis Deus etiam infidelium peccata sæpe in hac vitæ castiget bello, alijsq; poenis, tamē peculiariter hoc cernere est in populo fidei; ut magis quodammodo animaduersio Dei ac puniatio, si quando peccauerint, in eum incumbat, quam in gentiles aut ceteros infideles. Indicat hoc Deus ipse apud Prophetam Amos, cum ad Israeliticum popu-

Exod. 13. 9. 10

Exod. 20. 9. 5.

Amos 3. 9. 1.

populum, quem ex omnibus gentibus sibi peculia-
riter in populum delegerat, ita loquitur: *Tantum-
modo vos cognovi, ex omnibus cognationibus terre: idcirco
visitabo super vos* (peculiariter scilicet, etiam in hac
vita) *omnes iniquitates vestras*.

Nec deest iusta huius rei ratio. Primum, quia
quò quisque maioribus à Deo beneficijs affectus est,
eò maius est in offensa Dei ingratitude vitium:
quod proinde iure merito gravius à Deo castiga-
tur. In hunc sensum S. Augustinus: *Illis, inquit, qui
contra Christianam fidem, querelas impias iactare non quie-
scunt, dicentes, quod antequam ista doctrina per mundum
predicaretur, tanta mala non patiebatur genus humanum;
facile est ex Evangelio respondere: Dominus enim dicit, ser-
uus nesciens Domini voluntatem, & faciens digna plagis,
vapulabit paucis; servus autem sciens voluntatem Domini
sui, & faciens digna plagis, vapulabit multis. Quid ergo
mirum, si Christianis temporibus, iste mundus, tanquàm ser-
vus iam sciens voluntatem Domini sui, & faciens digna pla-
gis, vapulet multis.*

Aug. epist.
122.

Aug. 1. 1. 1. 1.

Aug. 1. 1. 1. 1.

Hebr. 12.

Aug. 1. 1. 1. 1.

Deinde, quia hæc ipsa animadversio Dei, affe-
ctus paterni signū est, in hac vita castigantis filios,
ut ipsis in æternum parcat, aut eos etiam ad piera-
tis ac virtutis normam diligentius excolat. In quē
sensum Apostolus etiā Christianos ad patientiam
hortatur: *Fili mi, noli negligere disciplinam Domini: ne-
fatigeris dum ab eo argueris: Quem enim diligit Dominus,
castigat; flagellat autem omnem filium, quem recipit. In di-
sciplina perserverate. Tanquàm filijs vobis offert se Deus: quis
enim filius, quem non corripit pater? Quod si extra discipli-
nam estis, cuius participes facti sunt omnes, ergo adulteri, &*

non filij esis, &c. Omnis autem disciplina, in presenti quidem videtur non esse gaudij, sed mœroris: postea autem fructum pacatissimum exercitatis per eam, reddet iustitia. Nimirum eadem ratione etiam herus quisq; in suis mancipijs multa saepe dissimulat, quæ in filijs castigat.

Deniq; infidelibus cū in eo statu æterna bona contingere non possint, Deus eorum recte facta, quandoq; in hac vita temporalibus comodis libentius remunerat, quam suorum electorum, quibus æterna potius præmia destinauit. Ita de Nabuchodonosore ex diuino nutu, nec sine labore, Tyrū vastante loquitur Deus, apud Ezechielem: *Fili hominis, Nabuchodonosor Rex Babylonis seruire fecit exercitum suum seruitute magna aduersus Tyrū; omne caput decaluit, & omnis humerus depilatus est: & merces non est redita ei; neq; exercitui eius de Tyro, pro seruitute qua seruauit mihi aduersus eam.* Propterea hæc dicit Dominus Deus; *Ecce ego dabo Nabuchodonosor Regem Babylonis in terra Aegypti; & accipiet multitudinem eius, & depradabitur manus eius, & diripiet spolia eius, & erit merces exercitui eius, & operi, quo seruauit aduersus eam: dedi ei terram Aegypti, pro eo, quod laborauerit mihi, ait Dominus Deus.* E contrario ad omnes infideles pertinet illud ad Tyrum dictum: *Porro cum dederō (electis) gloriam in terra uiuentium, in nihilum redigam te.* Quod nimirum fiet in extremo iudicio, in quo præter fideles impios, omnes Ethnici & infideles æternis inferorum cruciatibus addicentur.

Quibus de causis, & quia, uti hætenus demonstratum, bellum ac hostilis vastitas eorum etiam pecca-

Ezech. 29. 9. 18.

Ezech. 26.
Vers. 20.

peccatorum poena est, quæ à populo fidei perpetrantur; Achior Ammonitarum Dux; ex Israelitis quidem non natus, sed in historia Israelitarum versatissimus, eorumque fautor, non dubitauit etiam cum periculo capitis sui, coram superbo Holoferne, hanc erga Israelitas diuinæ beneuolentiæ & protectionis gratiam profiteri, ut is plane sibi persuasum esse uellet, Israelitas ab eo uinci non posse; si DEVM illi suum non offendissent: *Vbi cunq;*, inquit, *Iudith, cap. 5.* *ingressi sunt, sine arcu & sagitta, & absq; scuto & gladio, DEVS eorum pugnavit pro eis, & vicit. Et non fuit, qui insultaret populo huic; nisi quando recessit à cultu Domini DEI sui. Quotiescunq;*, autem præter ipsum DEVM suum, alterum coluerunt, dati sunt in prædam, & in gladium, & in opprobrium. Quotiescunq;, autem penituerunt, se recessisse à cultu DEI sui, dedit eis DEVS cœli virtutem resistendi. Deniq; Chananeum Regem, & Iebusum, & Pheræum, & Hebeum, & Heueum, & Amorriæum, & omnes Potentes in Hesebon prostraverunt; & terras eorum, & ciuitates eorum ipsi possederunt; & usq; dum non peccarent in conspectu DEI sui, erant cum illis bonæ: DEVS enim illorum odit iniquitatem. Nam & ante hos annos, cū recessissent à via, quam dederat illis DEVS, ut ambularent in ea, exterminati sunt prælijs à multis nationibus, & plurimi eorum captiui abducti sunt in terram non suam. Nuper autem reuersi ad Dominum DEVM suum, ex dispersione, qua dispersi fuerant, adunati sunt, & ascenderunt montana hæc omnia, & iterum possident Ierusalem, ubi sunt sancta eorum. Nunc ergo, mi Domine, perquire; si est aliqua iniquitas eorum, in conspectu DEI eorum; ascendamus ad illos, quoniam tradens tradet illos DEVS eorum tibi, & subiugati erunt subiugo potentia

Itaque: Si vero non est offensio populi huius, coram DEO suo non poterimus resistere illis: quoniam DEVS eorū defendet illos; & erimus in opprobrium vniuersæ terræ. Ira Achior, optimus disputator, & quasi promotor communis causæ DEI & Israelitarum, pie & erudite ad superbum Assyriorum ducem perorauit; hac velut vniuersali lege DEI promulgata: Fidelem populum ab infidelibus vinci non posse, nisi peccatis illius id exigentibus.

Quæ quisquis hoc rerum statu considerat, mirari plane desinet, cur DEVS tum alijs calamitatibus Principum etiam Catholicorū prouincias in Germania, tum bellis ac bellorum cladibus quandoque castiget. Quis enim non videt, quanta peccatorū ac scelerum grauissimorū colluies, per miseram vñdique Germaniam (vt de alijs interim Christiani orbis prouincijs taceam) inundent: quantæ iniquitates, quam detestabiles diuinæ Maiestatis offensæ passim domi forisq; publice ac priuatim grassentur; hæreses, inquam, inter innumeros innumera; apostasiæ, sacrilegia, & abominations infinitæ; præcipue strigum & sagarum: blasphemia, maledicta, ac periuria plurimorum penè continua; superstitiones, cultus diuini neglectus, violatio Iurij Ecclesiæ & irreligiositas quotidiana; ipsorū etiam diuinorum sacramentorum, quæ velut singularia aduersus peccata remedia & antidota diuinè sunt instituta, sædus & sacrilegus abusus, ac impia profanatio: quæ omnia & singula ferè scelera aduersus DEVM & diuinam Maiestatem, directe pugnant.

Quid

Quid iam commemorem peccata aduersus
proximos, odia, calumnias, contumelias, detra-
ctiones, rixas, vsuras, fraudes, oppressionem in-
nocentum, viduarum, pupillorum, pauperum,
fastum & arrogantiam diuicium. Quid peccata
carnis? quæ iam à multis quasi pro ludo, & ioco
publico habentur; impudicitiam, inquam, mol-
liciem, gestus, ludos, tactus obscenos, choreas
lasciuas, taceo quæ in occulto geruntur, adulteria,
incæstus, nefandas libidines, & quod nec in matri-
monio thoros immaculatus: & tamen pro dolor,
inter Christianos aliquando nec ista desunt. Nec
verò adeo occulta sunt, quin heu nimis crebro,
nimisq; apertis iudicijs se prodant.

Verè nunc etiam dici potest, quod ad Israe-
lem olim DEVS per Oseam Prophetam locutus est:
*Audite verbum Domini, filij Israel; quia iudicium Domino
cum habitatoribus terre: non est enim veritas, & non est mi-
sericordia, & non est scientia DEI in terra. Maledictum est
mendacium, & homicidium, & furtum, & adulterium in-
undaucrunt, & sanguis sanguinem tetigit: propter hoc lu-
gebit terra, & infirmabitur omnis, qui habitat in ea.*

Osa 4. 1.

Et quod S. Paulus olim quidem ad Galatas cor-
rigendos protulit, nunc etiam ad præsentis huius
seculi mores castigandos verè & accommodatè di-
ci potest: *Manifesta* (& omnium propemodum oculis
exposita, etiam in terris Christianorum) *sunt opera*
*carnis: quæ sunt fornicatio, immunditia, impudicitia, luxu-
ria, idolorum seruitus, veneficia, inimicitie, contentiones, a-
mulationes, ira, rixa, dissensiones, sectæ, inuidiæ, homicidia,
ebrietales, comestationes, & his similia; quæ prædico vobis,*

Gal. 5. 19.

sicut

sicut

sicut predixi; quoniam qui talia agunt, regnum Dei non consequentur.

Et adhuc miretur aliquis? terris Christianorū subinde famem, bella, aliasq; pœnas à Deo iusto iudice immitti: cum tamen olim Deus toties repetitis verbis in populum suum, si quando grauius deliquisset, hæc coniunctim supplicia decreuerit:

*Jerem. 29. & 18.
& 17. & cap.
14 & 12. & cap.
21. & 9. & cap.
24. & 10. & c.*

Persequar eos in gladio, & infame, & in pestilentia; & dabo eos in vexationem uniuersis regnis terra, &c. eo quod non audierint verba mea, dicit Dominus.

Inuenias, qui pacem usque adeo exoptent, ut iusticiam omnem, religionemq; ei posthabendam censeant; quique calamitatum eiusmodi tempore impatientes diuinæ visitationis, Deo, hominibusque maledicant: quod si causam inquiras, reperiēs, pacem ab eis non alio fine tantōpere exoptari, quā ut ventri, & illicitis voluptatib⁹ liberius indulgeāt: bellum vero eos non aliam ob causam exhorrescere, nisi quia vel inuitos à consueta vitæ licentia arceat, atq; ad aliquam modestiam, & moderationem, voluptatumq; abstinentiam cogit; quos ita merito S. Augustinus reprehendit: *Cur enim afflicti rebus aduersis, de temporibus querimini Christianis? nisi quia vestram luxuriam cupitis habere securam, & perditissimis moribus, remotam omni molestiarum asperitate, disfluere? Neg, enim propterea cupitis habere pacem, & omni genere copiarum abundare, ut his bonis honeste utamini, hoc est, modeste, sobrie, temperanter, pie; sed ut infinita varietas voluptatum, insanis effusionibus exquiratur; secundisq; rebus ea mala oriantur in moribus, quæ saeuientibus peiora sint hostibus.* Hi similes sunt ægris, qui cupiunt morbi curationem,

*S. August. 1.
crist. c. 39.*

tionem, & negligūt remedium; optant bonam va-
letudinem, vt nouo intemperatoris vitæ vfu mor-
bos concilient: ita isti pacem exoptant, & pacis
media non quærunt; sed potius suis prauis studijs
bella iusto DEI iudicio accersunt.

Studeamus igitur prius bonis moribus, pœni-
tētia seria corrigamus & emendemus peccata no-
stra; vitam ad diuina mandata conformemus: in-
uigilent magistratus ad prauos subditorum mores
corrigendos. Hēri & Patres familias filios & famu-
los vtriusq. sexus, exterminatis blasphemijs, male-
dictis, periurijs, ac turpis lasciuia ludis, iocis, late-
bris, conuenticulis, & contubernijs; ad Christianæ
pietatis ac modestiæ normam instituant & assues-
ciant; disciplinam domesticam, quæ hæctenus apud
plurimos planè prostrata iacuit, ad legem & præ-
cepta diuina exigant. Reuocetur timor & reli-
gio DEI, iusticia colatur, modestia resplendeat, &
tunc veram etiam in terris pacem à DEO exspecte-
mus. Stat enim hoc firmum DEI propositum: vt
primum DEO deferatur gloria; deinde pax hominibus
bonæ voluntatis; & bene etiam Achiordiuiinæ proui-
dentia consilium prodit; vt quotiescunq. DEI populus
pœnituerit, se recessisse à cultura DEI sui, det eis DEVS cœli
virtutem resistendi. Deniq. Deus ipse per Prophetam:
Lauamini, inquit, mundi estote; auferte malum cogitatio-
num vestrarum ab oculis meis: quiescite agere peruersæ, disci-
te bene facere: querite iudiciam, subuenite oppresso, iudicate
pupillo, defendite viduam. Et venite, & arguite me, dicit
Dominus: si fuerint peccata vestra vt coccinū, quasi nix de-
albabuntur; & si fuerint rubra, quasi vermiculus, velut lana
Z alba

Iudith. 5. & 19.

Isai. 1. & 16.

alba erant. Si volueritis, & audieritis me, bona terra comedetis. Quod si nolueritis, & me ad iracundiam prouocaueritis, gladius deuorabit vos, quia os Domini locutum est.

Ab sint pseudopolitici illi, qui pacem in peccandi licentia & impunitate constituunt, in quos suis his coloribus depictos ita inuehitur S. Augustinus: *Tantum stet, inquit, Respublica, tantum floreat cōpijs referta, victorijs gloriosa, vel quod est felicius, pace securasit. Et quid ad nos? Imo ad nos magis pertinet, si diuitias quisq; semper angeat; quæ quotidianis effusionibus suppetant; per quas sibi etiam infirmiores subdat quisq; potentior. Obsequantur diuitibus pauperes, causa saturitatis; atq; ut corū patrocinijs quæta inertia perfruantur, diuites pauperibus ad clientelas, & ad ministerium sui fastus abulantur. Populi plaudant non consultoribus utilitatum suarum, sed largitoribus voluptatum. Non iubeantur diuæ, non prohibeantur impuræ; Reges non curent, quam bonis, sed quam subditis regnent. prouinciæ Regibus non tanquam rectoribus morum, sed tanquam rerum dominatoribus, & deliciarum suarum prouisoribus seruiant; eosq; non synceriter honorent, sed nequiter ac seruiliter timeant. Quid alienæ vitæ potius, quam quid suæ vitæ quisq; noceat, legibus aduertatur. Nullus ducatur ad iudices, nisi qui aliena rei, domui, salutis, vel cuiquam inuito fuerit importunus, aut noxius. Ceterum de suis, vel cum suis, vel cum quibuscunq; volentibus faciat quisq; quod libet. Abundent publica scortæ, vel propter omnes, quibus frui placuerit, vel propter eos maxime, qui habere priuata non possunt. Exstruantur amplissima atq; ornatissima domus, ubi opipara conuiuia frequententur, ubi cuiq; libuerit & potuerit, diu nocturno ludatur, bibatur, vomatur, diffluatur: salutationes undiq; concrepent, theatra*

S. Augustin. 1.
ciuit. cap. 20.

theatra inhonestæ latitiæ vocibus, atq; omni genere siue crudelissima, siue turpissima voluptatis exsultent. Et ille, sit publicus inimicus, cui hæc felicitas displicet. Quisquis eam mutare, vel auferre tentauerit, eumlibera multitudo auertat ab auribus, euertat à sedibus, auferat à viuentibus, &c.

Videas hic plane graphice à S. Augustino depictam pseudopoliticorum hac ætate mentem & consilia; quibus cordi non est vlla vitæ innocentia, diuiniq; honoris defensio; sed sola præsentis vitæ voluptas, & inter voluptates quies & tranquillitas. Hanc illi pacem vocant, huic omnia posthabenda censent, honestatem, Religionem, animam, Deum.

Sed quis hanc Rempublicam sanus, inquit ibidem S. Augustinus, non dicam Romano (& Christiano) Imperio, sed domui Sardanapali comparauerit? qui quondam Rex ita fuit voluptatibus deditus, ut in sepulchro suo scribi fecerit, ea sola se habere mortuum, quæ libido eius, etiam cum viueret, hauriendo consumpserat. S. August. loc. cit.

Neq; tamé infideles, quando permittente Deo, iniquum bellum inferunt, ad castigationem populi fidelis, immunes esse solent à punitione diuina, etiam in hac vita inferenda; non solum quia cum bella ipsi inferunt, bellorumuè causas præbent; his ipsi bellis pariter, DEO iustam causam tuente, atteruntur: sed quia sæpe DEVS etiam seorsim eos ad vindictam & interuersionem deposcit: vt videre est apud Ezechielem in Ammonitis, Moabitis, Idumæis, Palæstinis, Assyrijs, Tyro, Sydone, Ægypto: quæ gentes cum partim antea bellis varie afflixissent Israelitas; partim ob extremam eorū captiuitatem & oppressionem per Babylonios factam,

Ezech. cap. 25.
26. 27. 28. 29.
30. 31. 32.

acerbe eis insultassent, grauissime tamen postea ipsæ etiam à Deo puniæ, ac propemodū ad inter-
necionem vsq; deletæ sunt. Sed & Nabuchodonosor Rex Babylonis, qui antea seruus quodammodo
& minister diuinæ Iustitiæ aduersus Iudæam, Ty-
rum, aliosq; populos adhibebatur; tandem tamen
ipse etiā (in se ipso, an in aliquo ex posteris ipsius?)
ob arrogatiam & elationem animi à Deo ita mul-
tatus fuit, vt ab hominibus eiectus, miserabili exi-
lio, & communi cum bestiis victu conuictusq; dam-
naretur, donec agnosceret quod dominaretur Excelsus super
regnum hominum, & cuiuscunq; voluerit, det illud.

Dan. 4. 32.

Deniq; hæc est consueta diuinæ providentiæ
regula, & velut transumpta à paterna Oeconomia,
gubernationis formula, vt cum filios ipse suos satis
castigauerit, virgam deniq;, seu castigationis in-
strumentum, conterat igni cremandam. Ita Israeli
olim etiam per Nahum Prophetam promisit Deus:

Nahum. 1. 9. 13.

*Conteram virgam eius de dorso tuo, & vincula tua disrum-
pam.* Hoc est: Cum te populum meum ob perpe-
trata scelera, pro meritis, & Iustitiæ meæ ac volun-
tatis placito, illatis bellis & pœnis satis castigauero,
tunc eam ipsam Virgam ac instrumētum punitionis
conteram; te in libertatem restituto. Et in eun-
dem sensum Zacharias Propheta, de gentibus, qui-
bus quasi cornibus olim, Deo permittente, Iudai-
cus populus ventilabatur, ait: *Hæc sunt Cornua, quæ
ventilauerunt Iudam per singulos viros, & nemo eorum le-
uauit caput suum: & venerunt isti (Angeli) detertere ea,
vt deiiciant cornua (seu robur illarum) gentium, quæ le-
uauerunt cornu super terram Iudæ, vt dispergerent eam.*

Zachar. 1. 9. 21.

Et

Et rursum: *Post gloriam misit me ad gentes, quæ spoliaverunt vos: qui enim tetigerit vos, tangit pupillam oculi mei: quia ecce ego levo manū meam super eos; & erunt præda his, qui serviēbant sibi; & cognoscetis, quia Dominus exercituum misit me.*

Zachar. 2. 9. 9.

CAPUT VIII.

Bella bonis non nocere: & quodnam belli tempore sit Christiani hominis, atque etiam militis officium.

QUIMPOTENS DEVS, qui cum summe bonus sit, inquit S. Augustinus, nullo modo sineret mali aliquid esse in suis operibus, nisi vsq; adeo esset omnipotens & bonus, ut bene faceret etiam de malo; non ob eam solam causam bellorum calamitates permittit, ut peccata impiorum hoc quasi flagello puniat; sed etiam ut ex eo bona maiora hominibus procuret; malis quidem pœnitentiā & vitæ emendationē; bonis autem vel purgationem delictorum, vel meritum ac præmij cumulum.

S. Augustin. in Enchirid. c. 11.

De priori fructu loquitur Deus apud Prophetā Baruch: *Populus est dura cervice, & conuertetur ad cor suum in terra captivitatis suæ: & scient, quia ego sum Dominus Deus eorum: & dabo eis cor, & intelligent; aures & audient: & laudabunt me in terra captivitatis suæ, & memores erunt nominis mei. Et auertent se à dorso suo duro, & à malignitatibus suis. Ita equidem sæpe dura peccatorum corda, quæ nullis monitis, nullis precibus ad obsequium Dei flecti, vel ad pœnitentiā miterescere*

Baruch. 1. 9. 30.

2^a sal. 15. G. 4.

solent, calamitatibus fracta emolliuntur; iuxta illud prophetae pronunciatum: *Multiplicatae sunt infirmitates eorum, postea accelerauerunt.*

S. Ephrem. sermon. Ne decipiamur gentium erroribus.

Pie & vere hac de re S. Ephrem: *Sine bellum, inquit, siue fames, siue pestilentia, siue aliquid aliud triste & acerbum ingruat; cuncta haec ad emendationem correptionemq; nostram; tum ut mens hominum ad pietatem impellatur, mortalibus inferri credendum est. Indigent namq; singulae aetates disciplina visitationis Domini. Nam si timoris etiam tempore, nonnulli ad pietatem sunt insensibiles, quomodo non magis, si nulla Domini visitatio fiat, penitus etiam ad impietatem perditionemq; suam ipsi mentem conuertent?*

S. August. Epist. 22.

Ad bonos vero quod attinet, eleganter S. Augustinus, & erudite differit, atq; ostendit, bonis bella non obesse, sed potius prodesse; tum ad purificationem quamvis leuium delictorum, tum ad praemij incrementum. *Serui autem Dei, inquit, humiles & sancti, qui dupliciter mala temporalia patiuntur; quia & ab ipsis impijs, & cum ipsis patiuntur, habent consolationes suas, & spem futuri seculi. Unde dicit Apostolus. Non sunt condigna passiones huius temporis, ad futuram gloriam, quae reuelabitur in nobis.*

Adfert deinde exempla trium puerorum; speciatim Azariae, atq; etiam Danielis, itemq; Machabaeorum; qui inter tormenta, sua pariter & populi peccata, ad expiationem, confitebatur. *Quantumlibet enim iustitiam seruemus, inquit, quantumlibet Domino obedientiam exhibeamus, nunquid meliores esse possumus illis tribus viris, qui in caminum ignis ardentis pro conseruanda lege Dei proiecti sunt? Et tamen lege, quid illic dicat Azarias vnus ex tribus, qui aperiens os suum in medio ignis dixit:*

Dixit: Benedictus es Domine Deus Patrum nostrorum: & laudabile & gloriosum nomen tuum in secula: quoniam iustus es in omnibus, que fecisti nobis, & omnia opera tua vera, & recte viae tue, & omnia iudicia tua veritas, & iudicia veritatis fecisti, per omnia, que intulisti nobis, & civitati sanctae patrum nostrorum Hierusalem: quoniam in veritate & iudicio intulisti nobis omnia haec propter peccata nostra; quoniam peccauimus, & legi tuae non paruimus, & mandatis tuis non obaudinimus, &c.

Quid igitur, inquit alibi idē S. Augustinus, in illa rerū vastitate (bellica) Christiani (etiā boni) passi sunt, quod eis non magis, fideliter ista considerantibus, ad profectū valeret? Primò quòd ipsa peccata, quibus Deus indignatus, impleuit tantis calamitatibus mundum, humiliter cogitantes, quamuis longe absint à facinorosis, flagitiosis, atq; impijs; tamen non vsq; ad eos à delictis deputant alienos, ut nec temporalia pro eis mala perpeti se iudicent indignos. Excepto enim, quod vnusquisq; quamlibet laudabiliter viuens, cedit in quibusdam carnali concupiscentia, etsi nō ad facinorum inhumanitatem, & gurgitem flagitiorum, atq; impietatis abominationem, ad aliqua tamen peccata vel rara, vel tanto crebriora, quanto minora. Atq; hoc primum delictorū genus est, ad quæ expianda S. Augustino Iudice, non iniuriaboni à Deo pœnis temporalibus, etiam bellorum, in hac vita quandoq; castigantur.

Hinc mox adiungit alterum, ex contubernio & conuictu impiorū non planè innocuo: Hoc ergo, inquit, excepto, quis tandem facile reperitur, qui eosdem ipsos, propter quorum horrendam superbiam, luxuriam, & auaritiam, atq; execrabiles iniquitates & impietates, Deus, sicut iureiurando prädixit, conterit terras, sic habeat, ut habendi

S. August. lib. 1.
c. 10. cap. 9.

bendi sunt; sic cum eis viuat, ut cum talibus vincendum est? Plerumque enim ab eis docendis, admonendis, aliquando etiam obiurgandis, & corripiendis male dissimulatur; vel cum laboris piget; vel cum os eorum verecundamur offendere; vel cum eorum inimicitias deuitemus; ne impediunt & noceant in istis temporalibus rebus; siue quas adipisci adhuc appetit nostra cupiditas; siue quas amittere formidat infirmitas: ita ut quamuis bonis vita malorum displiceat, & ideo cum eis non incidunt in illam damnationem, que post hanc vitam talibus preparatur; tamen quia propterea peccatis eorum damnabilibus parcunt, dum eos in suis leuibus & venialibus metuunt, iure cum eis temporaliter flagellantur, quamuis in eternum minime puniantur, &c. Non mihi ita videtur hac parua esse causa, quare cum malis flagellantur & boni, quando Deo placet perditos mores etiam temporalium poenarum afflictione punire. Flagellantur enim simul, non quia simul agunt malam vitam, sed quia simul amant temporalem vitam; non quidem aequaliter, sed tamen simul; quam boni contemnere deberent, ut ab illis correpti atque correcti consequerentur eternam. In quo genere quanto maiori se culpa obstringant populorum Præpositi & animarum curatores, ipse ibidem fusius persequitur.

S. August. lib. 1
Ciuil. cap. 11.

Sed multi etiam boni, dicit aliquis, in bello interficiuntur; multi multarum mortium sæda varietate consumuntur. Respondet S. Augustinus: Hoc, si agere ferendum est, omnibus, qui in hanc vitam procreati sunt, utique commune est. Hoc tamen scio, neminem fuisse mortuum, qui non fuerat aliquando moriturus. Finis autem vite, tam longam, quam breuem vitam hoc idem facit. Neque enim aliud melius, & aliud deterius, aut aliud maius, & aliud breuius est; quod iam pariter non est. Quid autem interest, quo

quo mortis genere vita ista finiatur, quando ille cui finitur, iterum mori non cogitur, &c. Mala mors putanda non est, quam bona vita precesserit. Neq; enim facit malam mortem, nisi quod sequitur mortem. Non itaq; multum curandum est eis, qui necessario morituri sunt, quid accadat ut moriantur; sed moriendo quo ire cogantur. Cum igitur Christiani nouerint, longe meliorem fuisse religiosi pauperis mortem inter lingentium canum linguas, quam impij diuitis in purpura & bysso, horrenda illa genera mortium, quid mortuis obfuerunt, (vel obesse possunt) qui bene vixerunt?

Neq; vero, quod boni maliq; pariter affliguntur, ideo inter se ipsi distincti non sunt; quia distinctum non est, quod utriq; perpetiuntur: Manet enim, inquit alibi S. Augustinus, dissimilitudo passorū (seu patientium) etiam in similitudine passionum; & licet sub eodem tormento, non est idem virtus & vitium. Nam sicut sub uno igne aurum rutilat, palea fumat, & sub eadem tribula stipula comminuuntur, frumenta purgantur; nec ideo cum oleo amurca confunditur, quia eodem prali pondere exprimitur; ita una eademq; vis irruens bonos probat, purificat, eliquat; malos damnat, vastat, exterminat. Unde in eadem afflictione mali Deum detestantur, atq; blasphemant, boni autem precantur & laudant. Tantum interest, non qualia, sed qualis quisq; patiatur. Nam pari motu exagitat, & exhalat horribiliter canum, & suauiter fragrat vnguentum.

S. Aug. 1. Ci.
uit. cap. 8.

Habet itaq; inquit postremo S. Augustinus, omnis familia summi & veri DEI consolationem suam, non fallacem; nec in spe rerum nutantium, vel labantium constitutam; vitamq; etiam ipsam temporalem minime poenitendam, in qua eruditur ad aeternam; bonisq; terrenis tanquam peregrina

S. Aug. 1. Ci.
uit. cap. 29.

grina vitur, nec capitur: malis autem aut probatur, aut emendatur. Illis vero, qui probitati eius insultant, eiq. dicunt, cum forte in aliqua temporalia mala deuenierit, Vbi est DEVS tuus? &c. ista respondeat: DEVS meus ubiq. præsens est, ubiq. totus, nusquam inclusus: qui possit adesse secretus, abesse non motus. Ille cum me aduersis rebus exagitat, aut merita examinat, aut peccata castigat, mercedemq. mihi eternam pro toleratis pie malis temporalibus seruat.

Sed quia boni viri officium est, non solum mala patienter ferre; sed etiam bene agere, ac communi malo pro viribus remedium adferre; quæret aliquis, quid faciendum hoc tempore belli, ut præsentis calamitates, DEO miserante, aut æquâ & sancta consociatione animorum; aut si hostis in armis iniquæ causæ fiduciam colloget, iustâ Catholicæ religionis & eorum qui æquitatē tuentur victoria finiantur. Optima & salubris quæstio; cui paucis ita respondeo, ut simul etiam Christianus miles edoceatur, quomodo si forte Turcarum aliorumq. pacis & Religionis hostium iniquitas & violentia cogat, *bella Domini*, hoc est, in causa Domini, ex voluntate Domini, ad honorem Domini, non quidē iuxta normam artis bellicæ, cuius professionem olim in Philosopho reprehensam scio; sed ex præscripto legis diuinæ, ac iuxta præcepta & documenta ipsius scripturæ sacræ, pie feliciterque gerat.

Et primò quidem vitia & peccata, præsertim publica & scandalosa, vera poenitentia in omni hominum genere emendanda: de qua re satis capite præcedenti dictum. Breuiter & neruose S. Hiero-

nymus:

nymus: Olim, inquit, offensum sensimus; nec placamus Deum. Nostros peccatis barbari fortes sunt; nostris viris Romanus superatur exercitus: & quasi non hæc sufficerent cladibus, plus pene bella ciuilia, quam hostilis micro consumpsit. Miseri Israelita, ad quorum comparationem, Nabuchodonosor seruus Dei dicitur. Infelices nos, qui tantum displicemus Deo, ut per rabiem barbarorum, illius in nos ira descendat. Ezechias agit pœnitentiam; & centum octoginta quinque millia Assyriorum ab uno Angelo una nocte deleta sunt. Josaphat laudes Domini concinebat, & Dominus pro laudante superabat. Moyses contra Amalech non gladio, sed oratione pugnavit. Si erigi volumus, posternamur. Ita S. Hieronymus.

Hieron. epist. 3.
cap. 10.

2. Paralip. 17.

Exod. 17.

Secundo bona & legitima pacis conciliandæ seu obtinendæ intentio concipiatur; non studio & amore temporalium commodatû, & voluptuosæ vitæ licentiæ; non cum iactura honoris diuini, veræq; Religionis; quod itidem capite præcedenti reprehēdimus; sed studio & affectu gloriæ diuinæ, ac sinceræ pietatis tuendæ propagandæq; ut nimirum hic exclusis belli scandalis, & noxijs perturbationibus, modestam, quietam, & tranquillam vitam in sanctitate & iusticia agamus, Deumq; in vera fide constanter & ex animo colamus. Et quid facies magno nomini tuo? inquiebat sanctus & fortis Israelitarum Dux Iosue, cum populum Israeliticum fufum ab hostibus cerneret. Quasi diceret: Non doleo probrum populi fugientis; non cladem occisi; non damnum amissæ ciuitatis; sed probrum magni nominis tui, & contumeliam, quæ ex profligato populo in te supremum eius Ducem & pro-

Iosue 7.

pugnatorem redundat. Et in eundem sensum Pro-
pheta Ieremias: Si iniquitates nostrae responderint nobis
Domine, fac propter nomen tuum, quoniam multae sunt a-
uersiones nostra, tibi peccauimus. Ita etiam monet Apo-
stolus, ut fiant orationes pro Regibus, & omnibus, qui in
sublimitate sunt, ut quietam, & tranquillam vitam agamus,
in omni pietate & castitate: hoc enim bonum est, & acceptum
coram Salvatore nostro Deo, qui omnes homines vult saluos
feri.

Tertio eodem animi affectu, ardentibus & cre-
 bris precibus à DEO pax & victoria postulentur.
 Ad bellum Christianum feliciter gerendum Iosue
 requiritur & Moyses: ille quidem potissimum, ut
 fortiter pugnet; iste, ut pie DEVM ore. Pugnanti-
 bus Israelitis contra Amalecitas, pugnavit Iosue,
 orauit Moyses: nec minus oratio huius ad belli fe-
 licitatem contulit, quam illius robur & fortitudo.
Exod. 17. 9. 10. Fecit Iosue, inquit scriptura, ut locutuserat Moyses, & pu-
gnauit contra Amalech: Moyses autem, & Aaron, & Hur,
ascenderunt super verticem collis: cumq; leuaret Moyses ma-
nus, vincebat Israel; sin autem paululum remisisset, supera-
bat Amalec. Manus autē Moyſi erant graues; ſumentes igitur
lapidem, poſuerunt ſubter eum (Moyſen) in quo ſedit.
Aaron autē & Hur ſuſtentabant manus eius, ex utraq; parte.
Et factum eſt, ut manus illius nō laſſarentur, uſq; ad occaſum
ſolis. Fugauitq; Iosue Amalech, & populū eius in ore gladij.
 Moyses (præter extraordinariam summi sacerdo-
 tij auctoritatē) principem repræsentauit in populo
 Israel: qui idcirco etiā belli pacisq; mandata dedit:
 Huic in primis præter supremam administrationis
 curam, & debitam vigilantiam, incumbit orandi
 studi-

studium: sed quia solus ipse non sufficit, aduocandus in subsidium Aaron & Hur, status nimirum & Ecclesiasticus, & politicus; ut paribus & coniunctis votis DEVM ad misericordiam flectant.

Ita vociferante populo, & clangentibus tubis, sicut præceperat Iosue, *muri Jericho corruerunt, & capta est ciuitas.*

Iosue 6.

Orante Ezechia contra blasphemum Rabfacem Assyriorum ducem, eiusq; exercitum, *venit Angelus Domini, & percussit in castris Assyriorum centum octogintaquing. millia.*

4. Reg. 19.

Iudith sanctæ & heroicę fæminæ Holofernem decollaturæ postulatū erga contribules & conciuēs suos Iudæos, aliud nō erat, quam hoc: *Nihil aliud fiat, nisi oratio pro me ad Dominum Deum nostrum.*

Iudith. 8. 9. 33.

Heliodori sacrilegi graſſatoris expilationem aliud non auertit & compressit, quam totius populi, omniumq; ordinum publica & ardens ad Deum supplicatio, non sine magnis poenitentię argumentis; cum *accinctæ ipsæ etiam mulieres cilicijs pectus, ac protensis in cælum manibus Deum deprecarentur.*

Huc proinde spectant ieiunia, cilicia, alięq; corporis afflictationes, quarum olim in communib⁹ populi necessitatibus frequens vsus; eaq; fere hoc tempore orationis comites esse solebant, ut in Israelitis à Beniamitis cęsis, in Saule, Ezechia, Iudith, Esther, Niniuitis videre est.

Iudith. 10. 9. 16.

1. Reg. 6. 16.

4. Reg. 19. 9. 1.

Iudith 8.

Esther 4. 9. 16.

Ion. 3. 9. 5. 7.

Sed & ante prælium, & in ipso prælio etiam, Dei auxiliū inuocare, pijs & fidelib⁹ Ducibus olim consuetum fuit. Vtrunq; egregie cum suis præstitit Iudas Machabæus, qui suos ante congressum cohortatus. *Et nunc, inquit, clamemus in cælum, & miseretur nostri Dominus; & memor erit testamenti Patrum*

1. Mach. 4. 9.

10.

2. Mach. 15.
6. 21. 26.

nostrorum, & conteret exercitum istum ante faciem nostram
hodie, & scient omnes gentes, quia est, qui redimat & libe-
ret Israel. Et rursum cōtra Nicanorem pugnaturus,
considerans Machabeus aduentum multitudinis, & appa-
ratum varium armorū, & ferocitatem bestiarum, extendens
manum in cælum, prodigia facientem Dominum inuocauit,
qui non secundum armorum potentiam sed prout ipsi placet,
dat dignis victoriam. Et infra: Nicanor autē, & qui cum
ipso erant, cum tubis & canticis admonebant. Judas vero, &
qui cum eo erant, inuocato Deo per orationes, congressi sunt;
manu quidem pugnantes; sed Dominum cordibus orantes,
prostrauerunt non minus triginta quinq. millia. presentia
Dei magnifice delectati. Et dignum obseruatione est,
quod à nonnullis notatum, Iudam Machabæum
nunquam non victoriam reportasse, quotiescunq;
pugnaturus orauit, ac diuinum auxiliū inuocauit.
in duobus autem prælijs contra Antiochum Eupa-
torem, & contra Bacchidem & Alcimum, dum o-
rasse non legitur, victus fuisse legitur.

2. Mach. 6. &
9.

August. lib. 5.
de Ciuit. 5. 26.

Sed & ex Christianis Imperatoribus, summisq;
belli Ducibus, summopere à S. Augustino commē-
datur Theodosius, de quo ita ille inter alia: Theodo-
sius Tyranni Maximi extinctor, &c. alium Tyrannum Euge-
nium, qui in illius Imperatoris locum non legitime fuerat
subrogatus, accepto rursus prophetico responso, fide certus op-
pressit; contra cuius robustissimum exercitum magis orando,
quam feriendo pugnauit: Deo nimirū interim è cælo
pro eo depugnante, vt ibidem fusius refert S. Au-
gustinus.

Formam autem orationis optimam exhibet
Daniel cum socijs, dum Babylonici tyranni dura
serui-

seruitute premeretur, è quib⁹ Azarias: *Benedictus es,* inquit, *Domine Deus patrum nostrum, & laudabile & gloriosum nomen tuum in seculum: quia iustus es in omnibus, que fecisti nobis, & vniversa opera tua vera, & via tue recta, & omnia iudicia tua vera. Iudicia enim vera fecisti, iuxta omnia, que induxisti super nos, & super ciuitatem sanctam patrum nostrorum Ierusalem: quia in veritate & iudicio induxisti omnia hæc propter peccata nostra: peccauimus enim, & inique egimus, recedentes à te, & deliquimus in omnibus, & præcepta tua non audiuiimus, nec obseruauimus, nec fecimus, sicut præceperas nobis, ut bene nobis esset. Omnia ergo que induxisti super nos, & vniversa, que fecisti nobis, in vero iudicio fecisti; & tradidisti nos in manibus inimicorum nostrorum iniquorum, & pessimorum prauaricatorum, & Regi iniusto, & pessimo ultra omnem terram. Et nunc non possumus aperire os: Confusio & opprobrium facti sumus seruis tuis, & his qui colunt te. Ne, quæsumus, tradas nos in perpetuum propter nomen tuum, & ne dissipes testamentum tuum, neq; auferas misericordiam tuam à nobis, &c. sed in animo contrito, & spiritu humilitatis suscipiamur, sicut in holocausto arietum & taurorum, & sicut in millibus agnorum pinguium; sic fiat sacrificium nostrum in conspectu tuo hodie, ut placeat tibi: quoniam non est confusio confidentibus in te. Et nunc sequimur te in toto corde, & timemus te, & quarimus faciem tuam. Ne confundas nos; sed fac nobiscum iuxta mansuetudinem tuam, & secundum multitudinem misericordie tue: & erue nos in mirabilibus tuis; & da gloriam nomini tuo Domine; & confundatur omnes, qui ostendunt seruis tuis mala: confundantur in omni potentia tua, & robur eorum conteratur, & sciant quia tu es Dominus Deus solus, & gloriosus super orbem terrarum.*

8. August. epist.
122.

De qua oratione ita S. Augustinus. *Quantumlibet Iustitiam seruemus, quantumlibet Domino obedientiam exhibeamus, nunquid meliores esse possumus illis tribus viris, qui in caminum ignis ardentis pro conservanda Dei lege proiecti sunt, &c. Vides certe frater, quales viri, quam sancti, quam fortes in medio tribulationis: ubi tamen eis parcebatur, & eos vrere ipsa flamma verebatur, peccata sua confitebantur, pro quibus se digne & iuste humiliari nouerant, nec tacebāt. Nunquid etiam meliores esse possumus ipso Daniele, de quo per Ezechielem Prophetam dicit Deus ad Principem Tyri: Nunquid tu sapientior, quam Daniel? Et qui ponitur unus in tribus istis, quos dicit Deus solos se esse liberaturum, ostendens utiq; in illis tres quasdam formas iustorum, quos ita se liberaturum dicit, ut nec filios suos secum liberent, sed ipse soli liberentur, Noe, Daniel, & Job? Lege tamen etiam precem Danielis, & vide, quemadmodum in captivitate positus, peccata non tantum populi sui, verum etiam sua confiteatur, & pro his dicat: Per iustitiam Dei se ad illam captivitatis penam & opprobria peruenisse. Certe quia oratio humiliantis se nubes penetrat, & donec propinquet, non consolabitur, & non discedet, donec altissimus aspiciat: fieri non potest, ut Deus orationem totius populi sui, cum vera contritione, se humiliantis, eiusq; misericordiam inuocantis non aspiciat.*

27. Ezech. 28.

27. Ezech. 14.

Ezech. 35.

4. Reg. 18. v. 3.
6. 99.

Quartum est, spes in Deo, & de propriis viribus diffidentia. Præclarum huius rei documentum præstat Ezechias Rex Iuda; quem cum scriptura eximie laudasset, fecisse, quod erat bonum coram Domino, iuxta omnia quæ fecit David pater eius; dissipasse excelsa, contrivisse statuas, succidisse lucos, confregisse serpentem ancum, cui peruersa superstitione Iudæi adolebant

incen-

incensum; addit ad complementum laudis hæc verba: *In Domino Deo Israel speravit, itaq; post eum non fuit similis ei de cunctis Regibus Juda; sed neq; in his qui ante eum fuerunt; & adhsit Domino, & non recessit à vestigijs eius; fecitq; mandata eius, quæ præceperat Dominus Moysi.* Nimirum à spe laudatur, quæ bonis religiosæ vitæ fructibus sociatur; non à præsumptione, qua sibi nec male quidem agenti, Dei timeret vindictam.

Quis autem religiosæ huius spei fructus, quæ utilitas fuerit, mox scriptura subiectis verbis ostendit: *Vnde & erat Dominus cum eo, & in cunctis, ad quæ procedebat, sapienter se agebat: Rebellaui (seu bellum intulit) quoq; contra Regem Assyriorum, & non seruiuit ei. Ipse percussit Philistæos vsq; ad Gazam, & omnes terminos eorum, à turre custodum, vsq; ad ciuitatem munitam.* Eadem spe subnixus orauit Dominum, & in eius rei gratiam, propugnatore Angelo cælitus misso, debellauit ingentem Assyriorum exercitum, vt antea dictum.

Dauid quoq; contra Goliath pugnaturus, hoc diuinæ spei scutum vnice præ se tulit. *Tu venis, inquit, ad me cum gladio, & basta, & clypeo: ego autem venio ad te in nomine Domini exercituum, Dei agminū Israel, quibus exprobraſti hodie; & dabit te Dominus in manu mea, & percutiam te, & auferam caput tuū à te; & dabo cadauera caſtrorū Philistiim hodie volatilibus cæli, & bestijs terre, vt ſciat omnis terra, quia eſt Deus in Israel: & nouerit vniuerſa Eccleſia hæc, quia non in gladio, nec in baſta ſaluat Dominus: ipſius enim eſt bellum, & tradet vos in manus noſtras.* 1. Reg. 17. 5. 45.

Verba doctrinæ plenissima: spem in Deo collocat Dauid, non in armis: magna & grandia minatur hosti; sed præmittit; *dabit te Dominus in manu*

Bb

mea.

mea: victoriam sibi pollicetur; sed Dei gloriam, non suam affectat: *ut sciat omnis terra, quia est Deus in Israhel.* Bellum seu duellum viriliter aggreditur; sed in manu Dei bellum stare proficetur. Salutis nuntium toti populo denunciat; sed in Deo Salvatore. Ita etiam Iosue maxima bella felicissime gefit; sed scriptura Deo tribuit victoriam: *Dominus enim Israhel, inquit, pugnavit pro eo.*

E contrario verò confidentia & præsumptio de proprijs ac humanis viribus in bello, à fidei populo, pro Dei honore gerendo, admodum inuisa est Deo. *Quia non in fortitudine equi voluntatem habebit: nec in tibijs viri beneplacitum erit ei. Beneplacitum est Domino super timentes eum, & in eis, qui sperant super misericordia eius.* Israhelitarum contra voluntatem, contraq; mandatum Dei, deserta arca Dei, Moysisq; ductu, suo nutu castra mouentes, suisq; viribus præfidentes, Amalecitas & Chananeos hostes inuasérant: *sed Amalecites & Chananeus, qui habitabat in monte, descendit, & percutiens eos, atq; concidens, persecutus est eos usq; Horma.*

Gens vniuersa Israhelitarum, bello aduersus Beniamitas, ad nefarium flagitium vindicandum, ipsius etiam Dei nutu suscepto, cum dimicarent, bis grauissima cade ab hostibus Beniamitis in prælio, magna cum suorum strage, fulti & fugati sunt; primo prælio amissis *viginti duobus millibus virorum*; altero rursus caesis *decem & octo millibus armatorum*: nec alia huius rei causa in Scriptura redditur, nisi quod *filijs Israhel & fortitudine & numero confidentes, certamen susceperint: donec tandem suo malo sapere docti,*

docti, & ad Deum conuersi, eiusq; ope implorata, responsum ab eo acceperunt: *Ascendite, et ascenim tradam eos in manus vestras*; vt intelligerent scilicet, non prius à se, quantumuis viribus, & numero militum præpollerēt, debellari hostes posse, quam à Deo in manus cædendi traderetur. Observant viri docti Machabæis, cū antea diuina virtute confisi felicissimè pugnassent, rem infeliciter cessisse, postquā fiducia ad homines Ethnicos translata, factus cū Romanis, auxilij ab eis consequēdi causa, ex ambierū

Ibid. 9. 28.

Ibid. Machab. 8. 9. 12. 14.

Christianus igitur Dux & miles, non humana & politica, sed Christiana & diuina fortitudine fretus, cum Propheta exclamabit: *Non saluatur Rex per multam virtutem; & Gigas non saluabitur in multitudine virtutis sue. Fallax equus ad salutem; in abundantia virtutis sue nō saluabitur. Ecce oculi Domini super metuentes eum, & in eis qui sperant super misericordia eius. Igitur hi in curribus, & hi in equis (vel etiam Achilleis elypeis & armis, à Vulcano quopiam in oreo, nescio quo, Satanæ spiritu afflatis, & exantatis): nos autem in nomine Domini Dei nostri inuocabimus, inuocantesque pugnabimus. Equus enim quidem paratur ad diem belli, Dominus autem salutem tribuit. Qui etiam, vt alibi scriptura loquitur, non secundum armorum potentiam, sed prout ipsi placet, dat dignis victoriam.*

Ipsal. 32. 9. 16.

Ipsal. 19. 9. 8.

Proverb. 21. 31.

2. Machab. 15. 9. 21.

Quintum est Zelus veræ & Catholicæ Religionis, & Iustitiæ, excitandus etiā in gregario milite; sed necessarius in Ducibus, & supremis belli Principibus: ne ambitione, vanaq; gloria ducti, aut auaritia seducti, peruersos sibi bellandi fines constituent; quibus horribiles sæpè clades in vniuersum exercitum ac Rempub. Christianam inuehuntur:

dum, quia aut bello pecuniam, & opes, non victoriam & pacem quærunt; bellum fouere potius, quam finire satagunt: aut quia æmulatione mutua, communem belli causam, iunctis studijs, non promouent; sæpè etiã alter in alterius odium perdit. Cum Machabæi in terra Galaad & Galilæa rem strenuè agerent, erant Duces quidam in Iudæa à Iuda Machabæo quasi pro præsidio relictis, hæc tamen conditione, ne absente Iuda aduersus hostem prælium committerent. Hi verò auditis Machabæorum faustis prælijs, æmulatione intempestiua, & vanæ gloriæ aucupandæ studio ducti, consilio inter se habito dicebant, *Faciamus & ipsi nobis nomen, & eamus pugnare aduersus gentes, quæ in circuitu nostro sunt.* Sed cæso & fugato exercitu, Duces illi pro gloria ignominiam reportarunt: quia non audierunt, inquit scriptura, *Judam, & fratres eius; existimantes fortiter se facturos. Ipsi autem non erant de semine virorum illorum, per quos salus facta est in Israël.* Quid dicam de execrabili, vtinam nunquam audito scelere eorum, qui per avaritiam communes belli sumptus, ex pauperum sudore ac sanguine extractos, interuertunt, ac in proprios vsus vertunt: quò fit, vt aut milites ad bellum necessarij nõ conducantur; aut conductis stipendia debita non soluantur: Quid de illis belli Ducibus dicam, qui simili avaritia, præscriptum numerũ militum non complent; aut dimissis exercitatis, priuari commodi causâ, imperitos precio minori substituunt; qui prorsus tenentur, & ad compensanda ea bona, quæ per eam fraudem impediuntur; & ad damna, quæ

*1. Machab. 5.
6. 18. 37.*

quæ consequuntur, refarcienda: ut, quod belli sumptus & conatus in irritum cadunt; quod victoria non reportatur; quod Principis & Reipubi. honos læditur; quod integri exercitus funduntur; quod rapinis milicum omnia complentur; quod ab hostibus Ciuitates, castra, munitiones occupantur; quod innocentes innumeri; fides ipsa & religio, deniq; omnia tam corporis, quam animæ bona sæpè pariter intereunt.

Non ita olim Duces Machabæi à Mathathia optimo parente instituti fuerunt, cū diceret: *Nunc ergo, fili, imitatores estote legis, & date animas vestras pro testamento fratrum vestrorum, & mementote operum patrum, quæ fecerunt in generationibus suis; & accipietis gloriam magnam & nomen æternum.* De Iuda Machabæo, eiusq; exercitu legimus, statuisse eos dimicare & confligere fortiter, ut virtus de negotijs iudicaret; eo quod ciuitas sancta & templum periclitarentur. Erat enim pro uxoribus & filiis, itemq; pro fratribus & cognatis minor sollicitudo: maximus verò & primus pro sanctitate timor erat templi. Cessat planè auariciæ studium, cessat vanæ gloriæ cupiditas, vbi Zelus Religionis dominatur: & tamē etiam propria gloria, dum hac ratione non quæritur, vel maximè acquiritur: quia fugientes sequitur, & fugit sequentes.

Sextum est, intrepidus animus, etiam inter pericula, quæ nunquam absunt in bello. Aliquando robur hostium terret; aliàs multitudo obruit; aliquando astus decipit; nonnunquam casus & inopinatus euentus opprimit. In his omnibus casibus valet imperterrita animi fortitudo & masculum

1. Machab. 2.
9. 50.

2. Machab. 15.
9. 18.

lum robur; non ab humanis viribus, sed à Diuino praesidio accitum. Exploratores olim terræ promissionis, cum officio defuncti, conditionem & statum populi ac terræ illius populo repræsentarent, præsentii illo intuitu hostium, eorumq; conspecto robore, adeo conterriti fuerunt, vt totum populum à proposito eius terræ capiendæ auersum, ad seditionem etiam, & rebellionem aduersus Deum,

Num. 13. v. 38.

& Moysen, concitarent: *Nequaquam, inquit, ad hunc populum valemus ascendere, quia fortior nobis est, &c. Ibi vidimus monstra, quedam filiorum Enac de genere giganteo, quibus comparati quasi locustæ videbamur.* Sed in contrarium stabant, ad imperium Dei parati, viri magnanimi, Iosue & Caleb, explorationis quidem socii, sed maioris animi heroes, qui ita populo suade-

Num. 14. v. 19.

bant: *Nolite rebelles esse contra Dominum, neq; timeatis populum terræ huius; quia sicut panem ita eos possumus deuorare: recessit ab eis omne praesidium. Dominus nobiscum est, nolite metueret.*

Cum Sennacherib Assyriorum Rex ingenti exercitu terram Iuda ingressus, etiam Hierosolymis obsidionem vastitatemq; barbaro fastu minitaretur, Rex Ezechias hac populum pia oratione animauit: *Viriliter agite, & confortamini; nolite timere: nec paucatis Regem Assyriorum, & uniuersam multitudinem, quæ est cum eo; multo enim plures nobiscum sunt, quam cum illo. Cum illo enim est brachium carneum; nobiscum Dominus Deus noster, qui auxiliator est noster, pugnatq; pro nobis. Confortatus est populus huiusmodi verbis Ezechia Regis Iudæ.*

2. Paralip. 32. v. 7.

Etiam in subitis periculis adest sæpè occulta manus Dei auxiliatrix. Elisæum Prophetam existimabat

mabat olim Syriæ Rex esse suorum consiliorum proditorem, itaq; ad eum conquirendum & occidendum (vnum hominem inermem) misit Rex equos, & currus, & robur exercitus; qui cum venissent nocte, circumdederunt ciuitatem. Confurgens autem diluculo minister (Elisæi) viri Dei, egressus vidit exercitum in circuitu ciuitatis, & equos, & currus, nuntiavitq; ei dicens, Heu, heu Domine mi, quid faciemus? At ille respondit, noli timere: plures enim nobiscum sunt, quam cum illis. Cumq; orasset Eliseus, ait, Domine aperi oculos huius, vt videat. Et aperuit Dominus oculos pueri, & vidit: Et ecce mons plenus equorum, & currum igneorum in circuitu Elisæi. Causa Elisæi, Dei causa est; quam Deus ipse, quam omnes sancti tuentur: non diffidendum de victoria, vbi Deo propugnatore sanctiq; fauentibus pugnatur. Optimū inter pericula verbum est Ionathæ optimi Principis ac militis: *Quia non est Domino difficile, saluare vel in multis, vel in paucis.* Et in eundē sensum Iudas Machabæus: *Facile est, inquit, concludi multos in manus paucorum; & non est differentia in conspectu Dei cæli, liberare in multis, & in paucis: quoniam non in multitudine exercitus victoria belli, sed de celo fortitudo est.* Amat Deus aliquando paucitate militum potius quam multitudine vincere; sic enim & victoria clarior est, & Dei triumphatoris gloria manifestior; ac minus periculi, ne ea hominis arrogantia Deo subducatur.

Nec timendum est militi Christiano, exigente necessitate, etiam mori pro iusticia, pro patria, pro Religione. Hæc militis professio est, vt vitam potius suam deferat, quam causam & officium. Iudæ Machabæo hic animus fuit, qui inter suorum crepidatio-

4. Reg. 6. v. 17.

1. Reg. 14. v. 6.

1. Machab. 3. v. 13.

1. Machab. 9.
c. 10.

dationem & euidens periculū, perurgentis hostis, Absit, inquit, istam rem facere, ut fugiamus ab eis: & si appropriauit tempus nostrum, moriamur in virtute propter fratres nostros, & non inferamus crimen gloriæ nostræ. Atque utinam, quod alias facere solebat, fufis prius ad Deum supplicibus precibus, plus in eo etiam fiducia collocasset. Nimirum quoties pugnaturus Deum orauit Iudas, vicit; tunc orasse non legitur, nec magno animo in Dei præsidio fiduciam collocasse; itaq; victus cecidit.

2. Paralip. 32.
c. 1.

Septimum est prouida cura & vigilantia Ducis. Non tentandus Deus præsumptione temeraria, sed adhibenda media etiam humana & necessaria ad victoriam parandam; ut miles in tempore paratus adsit; ut commeatus, arma, & pecuniæ non desint; ut officia militaria ritè distribuantur & administrentur; ut præsidia confirmentur & restaurètur; ut fines & aditus præoccupentur; ut subsidia hosti eripiantur. Laudatur ab hac etiam cura Ezechias Rex, qui præcipuè quidē auxilio Dei confusus bellum contra Assyrios suscepit, attamen nec præsidia humana prætermisit. Cum enim vidisset Ezechias, inquit Scriptura, venisse Senacherib (Assyriorum Regē) & totum belli impetum verti contra Jerusalem: inito cum Principibus consilio virisq; fortissimis, ut obturarent capita fontium, qui erant extra urbem: & hoc omnium decernente sententia, congregauit plurimam multitudinem, & obturauerunt cunctos fontes, & riuum, qui fluebat in medio terræ, dicentes, Ne veniant Reges Assyriorum, & inueniant aquarum abundantiam. Edificauit quoq; agens industriè omnem murum, qui fuerat dissipatus, & extruxit turretes desuper.

per, & forinsecus alterum murum; instaurauitq; Mello in ciuitate Dauid, & fecit vniuersi generis armaturam, & clypeos, constituitq; principes bellatorum in exercitu, &c. Simplicitatis illaudatæ foret, eorum induere mentem & animum, qui Machabæorū tempore, bono quidem zelo, sed non secundum scientiam, ducti, cum Sabbatho oppugnarentur, seipsos hosti impunè cædendos præbebant; nec lapide quidem aduersus eum iacto, nec locorum angustijs occlusis; cum dicerent: *Moriamur omnes in simplicitate nostra, & testes erunt super nos cælum & terra, quod iniuste perditis nos.*

1. Machab. 2.
9. 17.

Postremum deniq; est disciplina militaris: cuius neglectus & politicè nocet; dum exercitus robur enervatur; & nonnunquam ex amico & præsidario milite, si furtis & latrocinijs assuescat, hostilis, aut hostili deterior efficitur: & Theologicè damnabilis est, Diuinamq; iram vehementer accendit. Documento sit Achan; qui priuato vniocoq; furto, contra Dei mandatum perpetrato, in totum exercitum grauissimam Dei vindictam accersiuir, vt superius dictum. Nec dissimile, quod in historia Machabæorum legitur. Cum pugnam Machabæi Iudæ milites cū Gorgia eiusq; exercitu committerent, ceciderunt ex Iudæis non pauci. Nec alia postmodum eius infelicitatis causa deprehensa fuit, quam quod iidem Iudæ milites mandatum Dei, vetantis, ne ex Idolis quicquam sibi vendicarent Iudæi, fuerant transgressi. Ita enim refert scriptura: *Inuenerunt autem sub tunicis interfectorum, de donarijs idolorum, que apud Iamniam fuerunt, à quibus lex prohibet Iudæos, omnibus ergo manifestum factum est,*

Deut. 7. 9. 15.

1. Machab. 12.
9. 40.

Cc

ob hanc

ob hanc causam eos corruisse. Omnes itaq; benedixerunt
 instum iudicium Domini, qui occulta fecerat manifesta.
 Quod si in hostilium etiam spoliatorum, sed quæ di-
 uina lege Iudæis fuerant interdicta, vsurpatores,
 Deus tam grauitè animaduertendum censuit; an
 existimabimus parociturum ijs, qui amicos innocen-
 tesq; contra publicam communemq; Iustitiam spo-
 liant alijsue modis temere lædunt?

Cōcil. Aqueuse
 lib. 2. cap. 1.

Concilium Aqueuse siue Aquisgranense sub
 Pipino peculiariter admonet, ne bona Deo conse-
 crata, siue Ecclesiastica quouis titulo inuadantur
 & diripiantur. *Vitandum tibi est, inquit, ne contingen-*
do ea, quæ Domino consecrata sunt, sis prauaricationis reus,
et alij propter te sub peccato sint, atq; turbentur: et sagaci-
ter intendes, qualiter thesauri Domini, eo iubente, incremen-
tentur. Sed et hoc diligenter observa, ne tuo assu vel cupidi-
tate, ea quæ in thesauris Domini consecrata sunt, auferan-
tur. Et infra: Veruntamen valde pauenda sunt hæc, et om-
nibus fide Christi insignitis cauenda, ne propter aliorum il-
licitum, imò sacrilegum factum, nec secum (quod absit) Do-
minum habeant, nec coram inimicis suis stare praualeant.
Patratores autem tam immanis, imò sacrilegi facti, magno-
pere cauere oportet, ne propter suam cupiditatem, quam erga
res Deo sacratas aut exercent, aut exercere cupiunt, sibi ad
instar Achæ, mortem æternam, alijsq; Dei offensam, et eo-
ram hostibus suis acquirant miserabilem ruinam.

1. Reg. 25.

Disciplina militaris egregium documentum
 præbet Dauid, cum suo milite; quando contra Sau-
 lem olim in castris diuersatus, non minas spirauit
 ac diremptionem erga amicos: sed pacem erga vi-
 cinos & accolæ coluit, animumq; ac manus inno-

cuas

etnas perpetuo seruauit. Sit fratribus meis, & tibi pax, inquit ad Nabelem in Carmelo, & domui tuæ pax, & omnibus quæcunq; habes, sit pax, &c. Nunquam pastoribus tuis molesti fuimus, nec aliquando defuit quicquam eis de grege, omni tempore, quo fuerunt nobiscum in Carmelo. Interroga pueros tuos & indicabunt tibi.

¶ *¶* Vnam verò hodie milites nostri, hac laude ex vero gloriari possent; ac nō potius in quam plurimos conueniret illa Petri Blesensis, viri quondā pijsissimi ac doctissimi, querela & iusta inuectiua: *Militaris*, inquit, *hodie disciplina* quā *Vegetius Renatus*, ac pleriq; alij docuerunt; prorsus euauit, & se in quandam delinquendi libertatem & scurrilitatis speciem deformauit. Olim se iuramenti vinculo milites obligabant, quod starent pro Reipub. statu, quod in acie non fugerent, & quod vita propriæ utilitatem publicam præhaberent. Sed & hodie tyrones enses suos recipiunt de altari, ut profiteantur se filios Ecclesiæ, atq; ad honorem sacerdotij, ad tuitionem pauperum, ad vindictam malefactorum, & patriæ liberationem gladium accepisse. Porro res in contrarium versa est: nam ex quo hodie militari cingulo decorantur, statim insurgunt in Christos Domini, & defauiunt in patrimonium crucifixi. Spoliant & prædantur subiectos Christi pauperes, & miserabiliter atq; immisericorditer affligunt miseros, ut in dolorib; alienis illicitos appetitus, & extraordinarias impleant voluptates. Et paulo superius: Ordo militum nunc est, inquit, ordinem non tenere. Nam cuius os maiore verborum spurcitia polluitur, qui detestabilius inrat, qui minus Deum timeat, qui ministros Dei vilificat, qui Ecclesiā non veretur, iste hodie in cœtu militum fortior & nominatior reputatur. Hactenus de militari disciplina Blesensis.

Petr. Blesens.
epist. 24.

pter fugiens euasit: qui etiam deniq; vnâ cum Rege pacem à Iudæis petere coactus fuit.

His igitur in bello æque contra Turcas, ac quoslibet fidei ac publicæ pacis hostes suscepto obseruatis, minimè dubiam victoriam sperare debemus. Primò, quia tale bellum iustissimum est; bello autem iusto fauet Deus. Secundo, quia bellum contra hostes Dei suscipitur; quisquis enim veræ Religionis, aut publicæ tranquillitatis hostis & oppugnator est, Dei hostis est; quem Deus non patietur inulcui. Tertiò, quia hoc modo non propria & priuata, sed communis Dei causa agitur; cuius honos & vera Religio defenditur: quomodo autem Deus causam suam deserat?

Scribit in eundem sensum Bonifacio Comiti S. Augustinus: *Grati, inquit, de pugna conquereris; dubites nolo, utile tibi iussu, dabo consilium; arripe manibus arma; oratio aures pulset Authoris: quia quando pugnatur, Deus apertis oculis spectat, & partem, quam inspicit iustam, ibi dat palmam.* Idq; planè ita euenisse mox Bonifacius Comes gratulabundus ad S. Augustinū rescripsit: *Manus superba, Deo iuuante cecidit, qua ante paululum audax gladium ereclâ portabat. Multi ex aduersis ceciderunt; de nostris autem, Christo iuuante, nullus est vulneratus. Ora igitur, Venerabilis Papa, ut talis de inimicis ultio sapè procedat.* Et Augustinus deniq; respōdens: *Gaudeo, inquit, tuæ victoriæ, ciuitatem quæ soferua Romanam. Tuos ut bonus rege Comes. Nihil de viribus proprijs presumas: de auctore gloriare virtutum; & nullum curabis penitus inimicum.* Ita nimirū Deo bene fauente, fiet, ut victoriā Dei ope impetratā, in hymnis & confessionibus

S. August. epist.
194.

August. epist.
195.

August. epist.
196.

2. Machab. 10.
v. 32.

nihus Dominum, qui magna fecit in Israel, & victoriam dedit nobis Dominus omnipotens.

CAPVT IX.

Vere & solida pacis constituenda Ratio.
ac volum.

August. lib. 19.
de ciuit. cap.
21. & 22.

Pacem omnibus optabilem esse, per se liquidum est: Nulla salus bello; Pacem te poscimus omnes, inquit Poëta. Et S. Augustinus: Tantum, inquit, est Pacis bonum, ut etiam in rebus terrenis atq; mortalibus nihil gratius soleat audiri; nihil desiderabilius concupisci; nihil postremo possit melius inueniri, &c. Quod quisquis mecum res humanas statumq; communem vtiq; intuetur, agnoscit. Sicut enim nemo est, qui gaudere nolit, ita nemo est, qui pacem habere nolit. Quandoquidem & ipsi qui bella volunt, nihil aliud, quam vincere volunt; ad gloriosam ergo pacem bellando cupiunt peruenire. Nam quid est aliud Victoria nisi subiectio repugnantium? Quod cum factum fuerit, pax erit. Pacis igitur intentione geruntur & bella, ab ijs etiam, qui virtutem bellicam student exercere imperando, atq; pugnando. Vnde pacem constat belli esse optabilem finem.

Et si verò pax omnibus optabilis sit, non tamen omnes veram pacem desiderant, & colunt. Est consensio impiorum ad mala etiam perpetranda; imò ad ipsas etiam seditiones & impia bella mouenda & gerenda. Nam & illi, inquit idem Augustinus, qui pacem in qua sunt, perturbari volunt, non pacem oderunt, sed eam pro arbitrio suo cupiunt commutari. Non ergo ut sit

Pax

pax nolunt; sed ut ea sit, quam volunt. Deniq; etsi per seditionem se ab alijs separauerint, cum ijs ipsis conspiratis vel coniuratis suis, nisi qualemcumq; pacis speciem teneant, non efficiunt, quod intendunt. Proinde latrones ipsi ut uehementius & tutius infesti sint, paci ceterorum, pacem habere volunt Sociorum. Etiam semihomo ac mysanthropus ille Cacus, in ipsâ suâ speluncâ solitariâ, cuius, ut describitur, semper recenti cede tepebat humus, nihil aliud, quam pacem volebat, in quâ nemo illi molestus esset, nec cuius quietem vis ullius terrorq; turbaret. Ego vero de hac pace non ago, sed de illâ pace, quæ ipsis etiam bonis oprabilis est; quæ inter bona temporalia huius vitæ ita publicam tranquillitatē, consensionemq; tueatur; ut bona non amittamus æterna; quæ sit virtutis comes; instrumētum pietatis; vitiōrum moderatrix, disciplina morum, Reipub. salus.

Nec valde obscurum, si generatim loquamur, pax hæc publica qualis esse debeat. Primò etenim *bonestam* esse debere nemo negarit; ne, cum pietatis esse debeat adminiculum & præsidium, sit administra scelerum. Quare nec contraria esse debet diuinis legib; nec ingrata supremo numini. Deum enim in pace habere offensum, id veram est amisisse pacem. Quid enim pacem eam dixeris, quæ cū inter homines concordiam colat, Deum habet inimicum? quem solum si amicum haberes, nulla totius etiam mundi inimicitia extimescēda esset, nec adeò veram tibi pacem posset adimere. Si Deus pro nobis, inquit Apostolus, quis contra nos? si autē absq; Dei nutu, imò contra Dei leges, pax impia sancitur, necesse est, ut Ecclesia dicat: *In pace amaritudo mea amarissima.*

Dein-

Prov. 27. 6. 6.

2. Reg. 20.

2. Machab. 5.

Luca 22. 6. 48.

Ieremia 9. 6. 8.

Deinde nemo inter bonos est, qui non optet
veram ac solidam pacem. Fucata etenim pax, est
vera, sed occulta inimicitia; quæ nocentior est a-
perto etiam bello. Sanè *meliora sunt vulnera diligentis,*
quam fraudulenta oscula odientis. Amasq; cædes; Apol-
lonij simulatio; Iudæ proditio: ideo detestabiliora
erant scælera, quod pacis specie odia contegerent;
nec locum facile inuenisset meditatum scelus, nisi
amicitiæ sibi fucum induxisset. *Sagitta vulnerans,*
inquit Propheta, lingua corû, dolum locuta est: in ore suo
pacem cum amico suo loquitur, & occultè ponit ei insidias.
Nunquid super his non visitabo, dicit Dominus? aut in gente
huiusmodi non ulciscetur anima mea?

Sed & firmam & constantem pacem oprant om-
nes: constans erit, si & odium, belli, aut novæ litis
fomitentem, nullum in corde reliquum faciat; & vera
virtute nitatur. Pectus enim vitiosum, quia iusticiæ,
virtutisq; fræno non regitur, & cohibetur, firmæ
pacis sedes esse non potest: sed quo impetus animi
furorq; trahit, etiam in tumultum, in seditionem,
in bellum icto fæderi contrarium, sequitur. Tam-
diu pacatum est, quamdiu libitum est, & priuatis
affectibus, studijsq; commodum. Si priuatû com-
modum bellum suadeat, mox bellum paci antepo-
nit. Et quid hac pace tam infirma, tam labâte pro-
ficitur; nisi ut, positis armis, ex ipsa pace timor ac
periculum augeatur; & qui se tutum in pace existi-
mabat, ex improvviso inermis opprimat. Inuenias
nonnunquam, qui vetus, uti putant, magni Regis
exemplum imitati dicant, *sit modo pax in diebus nostris;*
sicq; pacem quamlibet, quibuslibet conditionibus
comple-

complectuntur, nihil de conscientia, nihil de Deo, & Iustitia, nihil de posteritate solliciti. Sed hi & mutilant scripturæ sententiam; omissione veritatis, siue Iustitiæ, paci adiungendæ. Dixerat enim Ezechias: *Erat tantum pax, & veritas, (seu iustitia) in diebus* Isai. 32. 8. *meis; nec aduertunt, eam quamuis aliqui magni Regis vocem, non tam fuisse virtutis, quam necessitatis, diuino iudicio culpam consecutæ.*

Pax igitur honesta, solida, firma, in votis est omnium bonorum; & mentiar, si non ipse etiâ toris præcordijs ac intimis visceribus talem pacem exoptem. Sed quâ ratione talem pacem cōsequemur? Vtiq; quia ex pacis olim statione, in seua bella itum est, retro remetiendo ac relegendo vestigia, quibus in hac deuia litium discessum est. Stabat fanè olim Germania foelix honestâ, solida, firma pace; & ex pace, opibus, gloria, virtute nobilis, priusquâ nouis illis noui Euangelij buccinatoribus, litium seminatoribus, seditionumq; præconib⁹ aures patulas præberet. Simul verò ac ab ortu funesti Euangelij Lutheri seditionis clamorib⁹ pulpita in sonuere, Caluiniq; & Zvvinglij nouis Sectis, rebellis conspiratio contra Ecclesiam Christi antiquâ, Catholicam, toto orbe, omniq; æuo diffusam, aucta est, pulsa pace; Bellona terras occupauit; nec vnquam hætenus, centum propemodum nunc annis, firma pace restituta, castris exui potuit; quamdiu deserta semel Catholicæ religionis vnitas exulauit. Hanc reuocæ; & comitem simul pulsam, Pacem sanctam, solidam firmamq; continuo Germaniæ reddideris.

Dd.

Abfq;

Abſq; hac fidei Catholicæ vnitate pax qualis qualis & facta eſt ſæpius, & fieri adhuc frequenter poteſt; eo ſæpius, quò facilius rumpitur & violatur. Sed eiufmodi pax in primis fieri facile poteſt, vt honeſta non ſit; quia diuinis legibus, veræq; Religionis ſanctitati contraria: ſi honeſta ſit, certè vt ſyncera & ſolida ſit, vix obtinebis. Vbi enim internum animos diſſidium, fidei & religionis diuerſitate, occupauit, quia abeſt animorū conſenſio, vix poteſt ſolida eſſe, veraq; concordia. Certatur inuicem totis quaſi caſtris; templa, ſacra, ritus; etiam matrimonij ac ſepulture iura antiquiſſimis Eccleſiæ ſanctiſſimiſq; ſtatutis communia eſſe non poſſunt: quos vna pars religionis & virtutis cauſa in ſua ditione colit, altera damnat, eiſcit: nititur interim vna quæq; pars pro viribus ſeiſſam, ſuæq; religionis fines, viribus & verbis ornare, extendere, propagare; nonnunquā etiam cum iactura & iniuria partis aduerſæ; quando antiqua maiorū monumenta & opulentæ foundationes, ad fidei Catholicæ præſidiū, ad fidelium eiufdem Eccleſiæ ſolacium, ad animarum etiam depoſitarum ſubſidiū inſtitutæ, non rarò interuertuntur, rapiuntur: quomodo inter hæc pax vera & ſolida ſubſiſtet?

At eſto ſit vera etiam, & nō fucata pax; at cū in altera partium, aut pluribus etiā partib⁹, vera fides, & cum fide neceſſariò etiā Chriſtiana charitas, virtusq; abſit; quomodo ſine vera virtute erit pax firma & conſtās, quæ reſpreſſis indomitis animi morib⁹, priuatisq; cōmodis poſthabitis, à recto tramite,
à pactis

à pactis & conuentis, à fide data non patiatur se ab-
 duci? Aut si constans esse pax & consensio potest
 sine religionis consensione, cur hæcenus toties fra-
 ctam, toties redintegrari; toties in alias & alias for-
 mas, vix vnquam sine nouo Ecclesiæ Catholicæ
 damno fingi refingi; necessum fuit? An tempora
 posteriora speramus, commodiora fore prioribus?
 An non potius experientia docet mundum quoti-
 die in deteriores degenerare mores? Sapiētis qui-
 dē monitum est: *Ne dicas, quid putas causa est, quod prio-
 ra tempora meliora fuisse, quam nunc sunt? Stulta enim est
 huiusmodi interrogatio.* Sed vti nouitas temporis per
 se accusanda non est, ita tanta sectarum & schisma-
 tum indies crescentium nouitate, absq; temeritate
 dici potest, & vtrinq; ferè in confessio est, mundum
 non certè meliorem, sed deteriore reddi.

Eccles. 9. 6. 11.

Quid ergo restat, nisi vt ad pristinam pacis sta-
 tionem Catholicęq; Religionis & Ecclesiæ vnitatē
 redeatur? S. Augustini dictū est: *Non amant pacem,
 qui diuidunt (Ecclesiæ) vnitatem, &c. Oderunt pacem,
 qui volunt conscindere vnitatem.* Is etiam Donatistas,
 qui olim fœdo schismate sciderant Ecclesiæ vnita-
 tem, ita alloquitur: *Expergiscimini aliquando; non vos
 tartareus obliget somnus; non in profundum sacrilegi erroris
 adhuc impia consuetudo demergat; iam consonate paci; co-
 hærete vnitati: acquiescite charitati, cedite veritati.* Eccle-
 siam Catholicam incipientē ab Hierusalem, cognoscite vsque-
 quaq; diffundi, &c. Ecce Dominus dicit, *Per omnes gentes,
 incipientibus ab Hierusalem. diuinam veritatem in vna Ec-
 clesia teneamus, & humanas lites aliquando finiamus.*

Aug. enarrat.
in 1^a 1. 24.Aug. lib. 1. 1. 1.
collat. c. 18.

Luc. 24.

Dd 2

Et

Cyprian. de G-
nient. Eccles. in
princip.

Matth. 16.

Ioan. 21.

Ioan. 20.

Cant. 2.

Et S. Cyprianus errorum simul ac litium origi-
nem detegens: Hoc fit, inquit, dum ad veritatis origi-
nem non reditur; nec caput queritur; nec Magistri celestis
doctrina seruetur. Quæ si quis consideret, & examinet, tra-
ctatu longo, atq; argumētis opus nō est. Probatio est ad fidem
facilis, compendio veritatis. Loquitur Dominus ad Petrum.
Ego dico tibi, inquit, quia tu es Petrus, & super istam Petrā
adificabo Ecclesiam meam; & portæ inferi non vincent eam.
Tibi dabo claves Regni cælorum; & quæ ligaueris super ter-
ram, erunt ligatæ & in cælis, & quæcūq; solueris super ter-
ram, erunt solutæ & in cælis. Et eidem post Resurrectionem
suam dicit, Pasce oves meas: super illum unum adificat Ec-
clesiam suam, & illi pascendas mandat oves suas. Et quam-
vis Apostolis omnibus post Resurrectionem suam, parem po-
testatem tribuat, & dicat: Sicut misit me Pater, & ego mit-
to vos, Accipite spiritum sanctum; si cui remiseritis peccata,
remittentur illi; si cui tenueritis, tenebuntur: tamen ut uni-
tatem manifestaret, unam Cathedram constituit, & uni-
tatis eiusdem originem, ab uno incipientem suā Authoritate
disposuit. Hoc erant utiq; & ceteri Apostoli, quod fuit & Pe-
trus, pari consortio præditi, & honoris, & potestatis; sed ex-
ordium ab unitate proficiscitur, & Primatus Petro datur;
ut una Christi Ecclesia, & Cathedra una monstretur; & Pa-
stores sunt omnes, & grex unus ostenditur, qui & Apostolis
unanimes consensione pascatur, ut Ecclesia Christi una mon-
stretur: quam unam Ecclesiam etiam in Cantico canticorū
Spiritus sanctus ex persona Domini designat, & dicit, Una
est columba mea, perfecta mea, una est mater mea, electa ge-
netricis sue. Hanc Ecclesia unitatem qui non tenet, tenere se
fidem credit? qui Ecclesie renititur, & resistit, in Ecclesia se

esse confidit? &c. Quisquis ab Ecclesia segregatus adultera iungitur, à promissis Ecclesie separatur. Nec perueniet ad Christi premia, qui relinquit Ecclesiam Christi; Alienus est, profanus est, hostis est. Habere iam non potest Deum patrem, qui Ecclesiam non habet matrem.

Et vero licet hæc in veræ fidei, veterisq; Ecclesie Catholicæ vnitæ consensio, apud homines videri possit impossibilis; non tamen impossibile est apud Deum omne verbum; qui cum sit Author & largitor pacis, facile reuocare potest amissam pacem. In ipsius potestate posita sunt tempora omnia & momenta, ipse mortificat, & vivificat; ipse deducit ad inferos, & reducit: ipse hæreses & schismata; quædo vult, permittit, quando vult extinguit; ipse distribuit tempora belli & pacis, ipse etiâ corda Regum in manu sua habet; quæ facile in quamcunq; voluerit partem impellet. Pro hac pace à Deo impetranda quamplures Sancti, partim in terris viuentes, partim etiâ in cælo regnantes; multi etiam proprii sanguinis effusione, ob fidei Catholicæ professionem nobilitati, non desinunt ardentissimas ad Deum preces fundere; & nos etiam, quicumq; Christi nomē profitemur, in societatem huius tam sanctæ deprecationis venire necesse est. Quis scit; si miseratus tandem Deus sanctorum suorum labores, dolores, preces, benignam aurem rogantibus præster. Iam nostra etiam ætate, Regum, Principumq; corda Deus idem sapius fœlici mutatione ad Ecclesie Catholicæ veritatē agnoscendam perduxit: orandum tantò ardentius, ut quod bonum opus cœpit, ipse perficiat, consolidetq;.

Ecclef. 3. 9. 8.

Proverb. 21. 1. 2.

Interim verò dum hæc omnium piorū vora differuntur, quid facto opus? An leges pacis ab Imperio dictas, pacta, & conuenta publica, fidemq; datā contra Jura violādam suadebimus; vt quæ pax vortis, pacisq; studijs reuocari non potest, vi armisq; restituitur? Minimè. Fœdera rumpere, pacta & conuenta violare, non est pacem verā procurantium, nec optantium, aut suadentium. Quid ergo? Promouenda quidem certè pacis desideratæ vora, quibus possumus legitimis ac licitis medijs ac studijs. Inprimis verbo & calamo Catholicę religionis veritas à viris doctis ac pijs magis ac magis semper publicè priuatimq; suadeatur, ac propugnetur. Etiam inter aduersę partis aduersa studia, quasi per antiperistasin pacifici huius, incruenti, ac papyracei belli ardor incaleseat. Non periclitatur, sed emicat magis & enitescit oppugnata ab Aduersarijs diuina veritas; & *hereticorum comparatione* (seu etiam impugnatione) *intundior est inuentio veritatis*, inquit S. Augustinus. Arceantur tamen calumniæ, mendacia, contumeliæ; quæ non nisi desperatæ veritatis indicia sunt. Ad hæc vigilet oculus Principis, & in omnes euentus intentum habeat animum, paratas vires. Ita etiam in pace arma belliq; studia ponat, vt armatū hostem non timeat. Iustitia deindè vtrinq; illæsa seruetur, cuius studium & amor etiā inter Ethnicos quandoq; inuiolatam diu pacis tranquillitatem seruauit. *Due sunt amice*, inquit S. Augustinus, *Iustitia & Pax; tu fortè vnā vis, & alterā non vis. Nemo enim est, qui non velit pacem; sed non omnes volunt*

S. Augustin. in
Psal. 9.

In Psal. 84.

volunt operari iustitiam. Interroga omnes homines, vis pacem? uno ore respondebit tibi genus humanum, opto, cupio, amo, volo. Ama iustitiam, quia due amice sunt, Iustitia & pax; ipsæ se osculantur: si amicam porro non amaueris, non te amabit ipsa pax; nec veniet ad te.

Si quis hostis, violatis publicis pactis & conuentis, bello armisq; Jura probatę Religionis, & Ecclesię inuadat; si quis forte Adonisedec socios orthodoxorum populos, terrasq; hostilib⁹ armis iniquę aggrediatur; adsit Iosue, propugnator & Aduocatus Ecclesię Princeps. Non leuiter cedat; sed in Deo fiducia posita, iniustis armis, arma iusta opponat, vimq; vi strenuę repellat. Non temere cedendo, sed resistendo pacis optatę votis propinquamus. Iam superius demonstrauius, Ecclesiā Catholicam vinci non posse, nec pacem eius oppressione sperandam. Mille quingentis iam antę annis; nuper etiam centum proximis annis ab Ethnicis, ab hæreticis fuit impugnata; expugnata nunquam; enituit ipsa hæc proxima annorum centuria, doctrinā, sanctitatem, & constantiā, eō magis, quo minus ab hostibus tuta, otio vacare, & ignauia dissolui minus potuit. Lutherus in sexcentas propę sectas dissectus & distractus, iam propemodum etiam in fumum & ludibrium abiit. Ecclesię Catholicę Principes, suo erga Ecclesiam Patrocinio deesse non possunt; Doctores & Pastores Ecclesię publicam religionis causam nunquā deferent; nil aliud restat, quam vt icta semel pacis fœdera inuiolata seruentur. Interim patientia & longanimitas,

Iosue n.

Matth. 5. 6. 9.

Luca 11. 6. 19.

Matth. 11. 6. 19.

Matth. 5. 6. 44.

dum vera pax expectatur, utrisque necessaria: ne fortè quos Deus ipse ad *pœnitentiam expectat* patiens, nos nostra impatientia, subuertamus. Nunquã in hac vita pax esse solet sine patientia. *Beati quidem pacifici, quoniam filij Dei vocabuntur*; sed nunquam pacifici nisi etiam *persecutionem æquo animo patientur propter iustitiam*. In patientia vestra, inquit Dominus, possidebitis animas vestras. Et: *Discite à me, quia mitis sum, & humilis corde*. Item, *Benefacite his, qui oderunt vos; & orate pro persequentibus & calumniantibus vos*.

August. lib. 19.

de ciuit. c. 10.

His seruatis, aut pace etiam publica lætābimur in terris; aut si homines pacis nuntium acceptare noluerint, excussis humi pedum pulueribus, ipsi nihilominus pacem nobiscū adferemus ad cœlos; ubi pax vera & gaudium sempiternum; ubi nullus belli horror; nec ylla tranquillitatis perturbatio; ubi consensio plena animorū, in amore & fruitione Dei, nullo vnquam fine terminanda. Ibi enim, inquit S. Augustinus, *erunt nature munerā, hoc est, quæ nature nostre ab omnium naturarum creatore donantur, non solum bona, verum etiam sempiterna; non solum in animo, qui sanabitur per sapientiam; verum etiam in corpore, quod resurrectione renouabitur. Ibi virtutes non contra vlla vitia, vel mala quæcunq; certantes, sed habentes victorie præmium, eternam pacem, quam nullus Aduersarius inquietet. Ipsa est enim beatitudo finalis, ipsa perfectionis finis, qui consumentem non habet finem. Hic autem dicimur quidem beati, quando pacem habemus, quantulacunq; hic haberi potest, in vita bona: sed hac beatitudo illi, quam finalem dicimus, comparata, prorsus miseria reperitur. Hanc ergo pacem, qualis hic potest esse, mortales homines in rebus*

MOTIZ-

mortalibus quando habemus, si recte vivimus, bonis eius recte utitur virtus: quando vero eam non habemus, etiam malis, quæ homo patitur, recte utitur virtus. Sed tunc est vera virtus, quando & omnia bona, quibus bene utitur, & quidquid in bono usu bonorum & malorum facit, & seipsum ad eum finem refert; ubi nobis talis & tanta pax erit, qua melior & maior esse non possit.

De qua pace etiam alibi S. Augustinus: *Futura* *Augustinus in Psal. 48.*
promisit, inquit, qui resurrexit; pacem (omni bello carentem & immutabilem) in hac terra, & requiem non promisit. Omnis homo requiem querit; sed non in regione sua illam querit. Non est pax in hac vita, in celo nobis promissum est, quod in terra querimus. In futuro semel promissum est, quod in isto seculo querimus; nimirum pacem ab hoste, non solum publico & externo, sed etiam privato & interno; quando carne ad pristinam iusticie formam reformata, deicta morte, relicto mundo, triumphato diabolo, cum sanctis omnibus æterna pace beati regnabimus.

F I N I S.

Laus Deo, ac Deiparæ Virgini,
 omnibusq; Sanctis.



Errata



Errata corrigenda.

Pag. 1 versu 7. *etiam*, lege, & *iam*. Pag. 10. v. 10 *super quam*, leg. *super quem*. Pag. 16. v. ult. leg. *maluisset*. Pag. 27. leg. *disfidenter*. Pag. 37. v. 20. leg. *idololatria*. Pag. 24 v. 23. leg. *Taffaresi* *decatia*. v. 27. *Enthusa* v. penult. *Jaccophori*. Pag. 36 v. 19. *instituant*. Pag. 37. v. 23. leg. *applicatum*. Pag. 46. v. 11. *harum*, leg. *suarum*. Pag. 50. v. 23. *nullo*, leg. *ullo*. Pag. 52. v. 20 *quondam*, leg. *quandoq;*. Pag. 57. v. 2 leg. *euerterunt*. Pag. 59. v. 2 leg. *Irenau*. Pag. 73 v. 3 leg. *prohibente*. Pag. 74. v. 17 leg. *orthodoxam*. Pag. 76. v. penult. leg. *generalu*. Pag. 77. v. 9. leg. *ex ipso*. Pag. 78. v. 17. leg. *descriptam*. Pag. 82 v. 11 leg. *protectionis*. Pag. 92. v. 2. *fraus*. add. *est*. Pag. 97 v. 9. leg. *quam*. Pag. 103. v. antepenult. leg. *contra*. Pag. 112. v. 20. *gremium*, leg. *genium*. Pag. 113. v. 16. *affixit*, leg. *affixis*. Pag. 114. v. 17. leg. *Exijt*. Pag. 117. v. 13. *iam*, leg. *etiam*. Pag. 131 v. 23. *sternu*, leg. *sternum*. Pag. 134 v. 18. leg. *implacabilem*. Pag. 135. v. 11. *in latissimum*, add. *idioma*. Pag. 138. v. 21. dele. *et*. Pag. 145. v. 7. leg. *patria*. Pag. 148 v. 11. leg. *offerendo*. Pag. 149 leg. *in Regnum nostrum*. Pag. 154. v. ult. leg. *legit*. Pag. 165 v. 4. leg. *versatum*. Pag. 194 v. penult. leg. *disprezio nem*. Pag. 198. v. 1. *Dominum*, add. *benedicamus*. Pag. 207. v. 20. *hac*, leg. *hac*. Cetera menda leuiores candidus lector absq; monitore facile emendabit.

